

চতুর্থ বর্ষ ; ৫ম খণ্ড ।

শ্রীদীনেন্দ্রকমার রায়-সম্পাদিত

‘ব্রহ্মস্য-লহরী’

উপন্যাসমালার সপ্তদশ উপন্যাস

মোতাতে প্রমাদ

( প্রথম সংস্করণ )

কলিকাতা,

১৪এ, রামতল্লু বসুর লেন,

“মানসী” প্রেসে

শ্রীশীতলচন্দ্র ভট্টাচার্য্য কর্তৃক মুদ্রিত ;

৩

নদীয়া, মেহেরপুর হইতে

সম্পাদক কর্তৃক প্রকাশিত

ভাদ্র, ১৩২৩ সাল ।

এই খণ্ডেরমু ল্য এক টাকা চারি আনা ।



# উৎসর্গ

রহস্য-লহরীর উৎসাহদাতা পৃষ্ঠপোষক,

স্বজাতীয় সমাজের অলঙ্কার,

দিনাজপুর-বাহিনের বিদ্যোৎসাহী জমিদার,

শ্রীযুক্ত হরেন্দ্রনারায়ণ রায় চৌধুরী

মতোদহের শ্রীকলকমলে

আন্তরিক শ্রদ্ধার সহিত অর্পিত হইল ।



## নিবেদন

‘রহস্য-লহরী’ উপন্যাসমালার চতুর্থ বর্ষের পঞ্চম উপন্যাস ‘মৌতাতে প্রমাদ’ প্রকাশিত হইল। ইহা আর কিছুদিন পূর্বে প্রকাশিত হইলে ‘রহস্য-লহরী’র সারদীয় খণ্ড’ মহাপূজার অব্যবহিত পূর্বেই প্রকাশ করিবার সুবিধা হইত ; কিন্তু নানা অপরিহার্য্য বিষয় বশতঃ এ আশা পূর্ণ হইল না।

‘মৌতাতে প্রমাদ’ রহস্য-লহরীর পূর্ব পূর্ব খণ্ড অপেক্ষা আকারে বৃহত্তর করা হইয়াছে। সুতরাং কাগজের মূল্যাধিক্য বশতঃ ইহার খরচা অপেক্ষাকৃত অধিক হইলেও, যাঁহারা দয়া করিয়া এতদিন রহস্য-লহরীর প্রাণরক্ষা করিয়া আসিতেছেন, তাঁহাদেরই অনুগ্রহে এ বিষয়ে কৃতকার্য্য হইয়াছি। আশা করি ‘রহস্য-লহরী’র উৎসাহদাতা পৃষ্ঠপোষক রাজশ্রবন্দ এবং হিতৈষী গ্রাহক ও অনুগ্রাহক পাঠকমণ্ডলী ‘মৌতাতে প্রমাদ’ পাঠে সম্ভাষণ লাভ করিবেন।

রহস্য-লহরীর অনেক গ্রাহক আমাদের কাছে জিজ্ঞাসা করিয়াছেন, রহস্য-লহরীর উপন্যাসগুলি চিত্র-ভূষিত করিয়া প্রকাশ করা কি অসম্ভব ? বিভিন্ন ঘটনাগুলি চিত্রের সাহায্যে অধিকতর পরিস্ফুট ও হৃদয়গ্রাহী হয় ; পাঠক সমাজের চিত্র ইহার প্রতি অধিক পরিমাণে আকৃষ্ট হয়,—ইহা কে অস্বীকার করিবে ? ইহার উত্তরে আমরা এই মাত্র বলিতে পারি—রহস্য-লহরীর যে সকল গ্রাহক গ্রাহিকার অনুগ্রহে অতিকষ্টে ইহার প্রকাশবার নির্বাহ হইতেছে, তাঁহাদের সংখ্যা নিতান্ত পরিমিত ; আবার সকলেই উপন্যাসের সকল খণ্ড গ্রহণ করেন না, অথচ গ্রাহকগণের মনোরঞ্জনের আশায় সকলকেই তাহা পাঠাইতে হয় ; এই ভাবে অনেক পুস্তক ফেরত আসায় প্রতিমাসে আমাদের কাছে যে ডাকমাণ্ডল দণ্ড দিতে হয়, তাহা আমাদের পক্ষে দুর্ভাগ্য। ভবিষ্যতে এই ক্রতি নিবারিত হইলে, এবং গ্রাহক সংখ্যা বর্দ্ধিত হইলে আমরা রহস্যলহরী চিত্রশোভিত করিবার ব্যবস্থা করিতে পারি ; কিন্তু কাগজের মূল্য হ্রাস না হইলে রহস্য-লহরী চিত্রশোভিত করা দূরের কথা, ইহার অস্তিত্ব রক্ষাই কঠিন হইবে। বর্তমান দুঃসময়ে

সাহিত্যরসজ্ঞ সহৃদয় গ্রাহক মহোদয়গণের অনুগ্রহে কোনপ্রকারে ইহার অস্তিত্ব বর্তমান আছে, ইহাই আমাদের সৌভাগ্য। রহস্য-লহরীর অগ্রতম পৃষ্ঠপোষক উৎকলের সামন্ত নরপতিকুলভূষণ, সাহিত্যরসজ্ঞ, সুকবি ও বিদ্যোৎসাহী শ্রীযুক্ত তাল্চেরাধিপতি মহোদয় কৃপাপরবশ ইহা ইহার যেরূপ কল্যাণ ও উন্নতি-কামনা করিতেছেন, ও সহৃদয়ে আশাদিগকে উৎসাহিত করিতেছেন, তাহা তাঁহার ঞ্জ মহামনা নৃপতিশ্রেষ্ঠেরই উপযুক্ত ; এজন্য আমরা তাঁহার নিকট আন্তরিক কৃতজ্ঞ।

রহস্য-লহরীর কোন কোন গ্রাহক আমাদের জানাইয়াছেন, মিঃ ব্লেক, স্মিথ ও টাইগারকে কিছুদিন বিশ্রাম দান করিয়া অগ্র নামক আমদানী করিলেই ভাল হয়।—এসম্বন্ধে আমাদের বক্তব্য এই যে, মিঃ ব্লেকের কার্যাবলীই এই পর্যায়ের আলোচ্য বিষয়। যে সকল উপন্যাসাবলম্বনে রহস্য-লহরীর বিভিন্ন খণ্ড রচিত হইতেছে, তাহা এই শ্রেণীর অগ্রতম উপন্যাস অপেক্ষা সর্বাংশে শ্রেষ্ঠ ; এবং পৃথিবীর চারিখণ্ডের ইংরাজী ভাষাভিঃ লক্ষ লক্ষ পাঠকের নিকট সমাদৃত। মিঃ ব্লেক বিভিন্ন উপন্যাসের মেরুদণ্ডস্বরূপ এবং স্মিথ ও টাইগার তাঁহার অপরিহার্য সহচর হইলেও তাহাদিগকে অবলম্বন করিয়াই সম্পূর্ণ বিভিন্ন ঘটনাপুঞ্জ ভিন্ন ভিন্ন উপন্যাসের নূতনত্ব ও বৈচিত্র্য প্রকাশ করিতেছে। বঙ্গীয় পুলিশের ভূতপূর্ব ইন্স্পেক্টর প্রিয়নাথ বাবু 'দারোগার দপ্তর' সম্পাদন করিবার সময় এইরূপ একজন নামকের কর্তৃত্বাধীনেই কি বিভিন্ন ঘটনাপূর্ণ ভিন্ন ভিন্ন উপন্যাস প্রকাশ করিতেন না ?—সেই নামক রাম, শ্যাম, কানাই বা ক্ষুদীরাম যে কেহ হইতে পারে, তাহাতে আপত্তির কি কারণ আছে ? হুইথানি উপন্যাসের ঘটনাপুঞ্জ ও আলোচ্য বিষয়ে পুনরুক্তি দোষ না ঘটে, সে বিষয়ে আমাদের লক্ষ্য আছে। 'রহস্য-লহরী'র বিভিন্ন উপন্যাসে অগ্র সকল চরিত্রই নূতন ; কার্যক্ষেত্র, ঘটনার বিষয়, রহস্যের প্রকৃতি সমস্তই স্বতন্ত্র। তথাপি 'নামে অরুচি' হইলে, তাহা দূর করা আপাততঃ আমাদের সাধাতীত।

'রহস্য-লহরীর চতুর্থ বর্ষের ষষ্ঠ উপন্যাস 'সারদীয়াখণ্ড' "সাংঘাতিক উইল" মুদ্রিত হইতেছে ; কিন্তু আমরা উহার সমস্ত কাগজ এককালে সংগ্রহ

করিতে অসমর্থ হওয়ার পুস্তকখানি পূজার পূর্বে প্রকাশ করিতে পারিলাম না। মহাপূজার পর ছাপাখানা খুলিলেই, কোজাগর লক্ষ্মীপূজার অব্যবহিত পরে তাহা প্রকাশিত হইবে।

পূজার উপন্যাস বলিয়া 'সাংঘাতিক উইল'খানি আমরা গতবর্ষের পূজার উপন্যাস অপেক্ষা সুখপাঠ্য, কোতূহলোদ্দীপক, গভীতর রহস্যপূর্ণ ও বহু বিচিত্র বিষয়কর ঘটনার সমাবেশে অধিকতর চিত্তাকর্ষক করিবার জ্ঞ চেষ্টা যত্ন ও পরিশ্রমের ক্রটি করি নাই। আশা করি তাহা সঙ্গদয় গ্রাহক-গণের মনোরঞ্জে সমর্থ হইবে; এবং সকলেই তাহা দয়া করিয়া গ্রহণ করিবেন। এই উপন্যাসের নায়িকা সুন্দরী 'লীনা' পৃথিবীর যে কোন দেশের উপন্যাসের সর্বশ্রেষ্ঠ নায়িকাবৃন্দের সমকক্ষ হইবার বোগ্যা।

পূজাবকাশে যাহারা কিছু বেশী দিনের জ্ঞ স্থানান্তরে যাইবেন, তাঁহারা দয়া করিয়া স্থানীয় ডাকঘরে ঠিকানা রাখিয়া না যাইলে পুস্তকখানি তাঁহাদের হস্তগত হইতে অযথা বিলম্ব হইতে পারে; ইতি।





# মোতাতে প্রমাদ

পূর্বকথা

(১)



লর্ড ওয়ারিং ইংলণ্ডের একজন মহা-সম্ভ্রান্ত ব্যক্তি ; বংশ-সৌরবে ও বৈভবে তিনি ইংলণ্ডের অভিজাত সমাজে বিশেষ সম্মানভাজন ছিলেন। আমরা যে সময়ের কথা বলিতেছি, তখন তিনি বার্কক্য-সীমার পদার্পণ করিয়া এসেক্স জেলার ললহাম নামক ক্ষুদ্র গ্রামের পল্লীভবনে বাস করিতেছিলেন।

এই সময় একদিন রাত্রিকালে তিনি তাঁহার শয়নকক্ষে একখানি চেয়ারে বসিয়াছিলেন ; তাঁহার অদূরে একখানি ক্ষুদ্র পর্যাঙ্কে একটি বালিকা রোগশয্যায় শায়িত স্থল। শিশুটির অবস্থা অত্যন্ত শোচনীয় ;—তাঁহার জীবনের আশা ছিল না বলিলেও অত্যাক্তি হয় না। একটি ধাত্রী সেই গভীর রাত্রেও রোগাতুর শিশুর পরিচর্যায় নিযুক্ত ছিল। লর্ড ওয়ারিং চেয়ারে উপবেশন পূর্বক অত্যন্ত কাতরভাবে মৃতকল্পা বালিকার মুখের দিকে চাহিয়া ছিলেন ; তাঁহার নিদ্রাহীন নেত্রে গভীর অন্তর্বেদনা ও নিরাশা পরিস্ফুট হইতেছিল।

লর্ড ওয়ারিং বিপত্নীক। প্রায় ছয়মাস পূর্বে কোনও অরণ্যে শিকার করিতে গিয়া লেডি ওয়ারিং আহত হইয়াছিলেন। তাঁহার প্রাণরক্ষার জন্ত চেষ্টার ক্রটি হয় নাই ; কিন্তু লণ্ডনের সর্বশ্রেষ্ঠ চিকিৎসকগণের চেষ্টা বর ও চিকিৎসাকৌশল ব্যর্থ করিয়া লেডি ওয়ারিং ইহলোক পরিত্যাগ করেন। মৃত্যুকালে তাঁহার বয়স তেমন অধিক হয় নাই ; তাঁহার স্বামীর বয়সের তুলনায় তাঁহার বয়স অনেক অল্প ছিল। উভয়কে দেখিলে মনে হইত, তিনি লর্ড ওয়ারিংএর তৃতীয়পক্ষের পত্নী ; কিন্তু প্রকৃত পক্ষে তাহা নহে, লর্ড ওয়ারিং

## মোতাতে প্রমাদ

অনেক অধিক বয়সে এই সুন্দরী যুবতীকে বিবাহ করিয়াছিলেন ; তাঁহারা দীর্ঘকাল দাম্পত্যসুখ ভোগ করিতে পারেন নাই । লর্ড ওয়ারিং তেষ্টি বৎসর বয়সে প্রেমময়ী সুন্দরী পত্নীকে হারাইয়া জগৎ অন্ধকার দেখিলেন । এই দম্পতি-যুগল পরস্পরকে যেরূপ ভালবাসিতেন, বয়সের অসামঞ্জস্য সত্ত্বেও সেরূপ প্রগাঢ় প্রণয় সর্বদা দেখিতে পাওয়া যায় না ।

লর্ড ওয়ারিং মৃত্যুকালে এই শিশু কন্যাটিকে স্বামীর হস্তে সমর্পণ করিয়া যান ; কিন্তু তাঁহার মৃত্যুর পর ছয়মাস অতীত না হইতেই এই বিপদ ! কন্যাটি লর্ড ওয়ারিংএর নয়নপুত্রলি ছিল, এবং তাহাকেই তিনি সংসারের একমাত্র বন্ধন মনে করিতেন ; সুতরাং তাহার আসন্ন মৃত্যুর সম্ভাবনায় তিনি যে অত্যন্ত ব্যাকুল ও বিহ্বল হইয়া পড়িবেন, ইহা বিচিত্র নহে । প্রাণাধিকা কন্যার জীবনের আশা নাই বুঝিয়া লর্ড ওয়ারিং এতই উদ্ভ্রান্ত হইয়াছিলেন যে, তাঁহার পারিবারিক চিকিৎসক ডাক্তার বোকাল আশঙ্কা করিয়াছিলেন, কন্যাটির মৃত্যু হইলে তিনি হয় ত পাগল হইবেন ; এইজন্য ডাক্তার বোকাল সিষ্টার শ্লেটার নাম্নী ধাত্রীকে রুগ্না বালিকার পরিচর্যায় নিযুক্ত করিয়া লর্ড ওয়ারিংএর প্রতিও দৃষ্টি রাখিতে অনুরোধ করিয়াছিলেন । লর্ড ওয়ারিং সময়ে সময়ে একরূপ অসংলগ্ন কথা বলিতেন যে, কন্যাটি জীবিতা থাকিতেই তাঁহার বুদ্ধিব্রংশ হইয়াছে বলিয়া সন্দেহ হইত । ডাক্তার তাঁহাকে সাস্থনা দানের জন্ত যথাসাধা চেষ্টা করিতেন, কিন্তু লর্ড ওয়ারিং তাঁহার প্রবোধবাক্যে কর্ণপাত করিতেন না । তাহার পর একদিন লর্ড ওয়ারিং হঠাৎ মুচ্ছিত হন ; মুচ্ছাভঙ্গে তাঁহার মস্তিষ্ক বিকৃত হয় । তাহার পর কিছুদিন তিনি ভাল ছিলেন, কিন্তু তাঁহার প্রাণাধিকা কন্যা বালিকা ডোরোথিকে কঠিন পীড়ায় আক্রান্ত দেখিয়া মধ্যো মধ্যো তাঁহার বুদ্ধি-বিপর্যায় ঘটিল । বালিকা নিউমোনিয়ার আক্রান্ত হইয়াছিল ; ইংলণ্ডের ঞ্চায় শীতপ্রধান দেশে নিউমোনিয়া হুঃসাধ্যঃ ব্যাধি ।

আমরা যে দিনের কথা বলিতেছি, সে দিন অনেক রাত্রি পর্য্যন্ত ডাক্তার বোকাল রোগিণীর শয্যাপ্রান্তে বসিয়াছিলেন ; কিন্তু স্থানান্তরে আর একটি রোগীকে দেখিবার জন্ত ডাক পড়ায় তাঁহাকে অগত্যা সেই রোগীর গৃহে গমন

করিতে হয়। সেদিন মধ্যাহ্নের পর হইতেই তিনি লর্ড ওয়ারিংএর গৃহে উপস্থিত ছিলেন; কারণ সেদিন বালিকার অবস্থা অত্যন্ত সঙ্কটাপন্ন হইয়া উঠিয়াছিল। এই জনাই ধাত্রী গভীর রাত্রেও রুগ্না বালিকার শয্যা প্রান্তে বসিয়াছিল। কখন কি হয়, কে বলিতে পারে?

লর্ড ওয়ারিং স্থিরভাবে চেয়ারে বসিয়া থাকিতে থাকিতে হঠাৎ লাফাইয়া উঠিলেন, এবং বালিকার শয্যা প্রান্তে উপস্থিত হইয়া তাহার মস্তকে হাত দুলাইতে লাগিলেন। কণ্ঠ্য অবস্থা দেখিয়া তাঁহার নয়নে নিরাশার অন্ধকার বনাইয়া আসিল। তিনি দীর্ঘনিশ্বাস ত্যাগ করিয়া ধাত্রীকে বলিলেন, “ধাত্রী, মেয়েটা বড়ই যন্ত্রণা পাইতেছে; ইহার যন্ত্রণা আর দেখিতে পারিতেছি না। আমার বোধ হয়—আমি পাগল হইয়া যাইব। উঃ কি কষ্ট! ধাত্রী, ডাক্তার বোকাল এখনও ফিরিলেন না কেন?”

ধাত্রী টেবিলস্থিত ঘড়ির দিকে চাহিয়া যুত্ম্বরে বলিল, “আপনি এত ব্যস্ত হইবেন না; ডাক্তার শীঘ্রই আসিবেন, তাঁহার ফিরিবার সময় হইয়াছে।”

লর্ড ওয়ারিং উভয় হস্তে চক্ষু মার্জনা করিলেন; উপর্যুপরি দুইরাত্রি জাগিয়া তাঁহার চক্ষু জ্বালা করিতেছিল। অসুস্থ দেহে নিদারুণ মানসিক উৎকণ্ঠায় তিনি অবসন্ন হইয়া ছিলেন। লর্ড ওয়ারিং ধাত্রীর কথা শুনিয়া অধীরভাবে সেই কক্ষে পাদচারণ করিতে লাগিলেন, কিন্তু অত্যন্ত নিঃশব্দে; পাছে নিদ্রিতা বালিকার নিদ্রাভঙ্গ হয়। তিনি মানসিক উৎকণ্ঠায় অধীর হইয়া একএকবার উভয় হস্ত নিপীড়ন করিতে লাগিলেন।

লর্ড ওয়ারিংএর অধীরতা লক্ষ্য করিয়া ধাত্রী তাঁহাকে বলিল, “আপনি কি আমার অনুরোধ রক্ষা করিবেন না?”

লর্ড ওয়ারিং তীব্র দৃষ্টিতে ধাত্রীর মুখের দিকে চাহিয়া বলিলেন, “তোমার কি অনুরোধ?”

ধাত্রী বলিল, “আপনাকে বৈকালে যে কথা বলিয়াছিলাম।—আপনি গতকল্য অপরাহ্ন হইতে কিছুই আহার করেন নাই। আমার আশঙ্কা হইতেছে,

দীর্ঘকাল অনাহারে ও অনিদ্রায় থাকিলে আপনিও' অসুস্থ হইবেন। আপনার কিছু পুষ্টিকর খাদ্য আহার করা উচিত।”

লর্ড ওয়ারিং সবিধাদে বলিলেন, “ধাত্রী! আমার কিছুমাত্র ক্ষুধা নাই, কিছুই খাইতে পারিব না; খাইবার চেষ্টা করিলে খাণ্ড গলায় বাধিয়া যাইবে।”

ধাত্রী বলিল, “একবার চেষ্টা করিয়া দেখুন, অন্ততঃ একটু মাংস ও এক গ্যাস সুরা—”

লর্ড ওয়ারিং বাধা দিয়া বলিলেন, “না ধাত্রী, এ সকল দ্রব্য আমার রুচি নাই, তুমি আমাকে আর আহারের জন্ত অনুরোধ করিও না; আমি যে কি অন্তর্যাতনা ভোগ করিতেছি তাহা তোমার বুঝিবার শক্তি নাই। আমার প্রাণাধিকা কণা মৃত্যুশয্যায় শায়িতা, এখন কি আমার ক্ষুধা তৃষ্ণা আছে? না, আমার মাথার ঠিক নাই। হে পরমেশ্বর, গুনিয়াছি তুমি চিরকরণাময়; তবে তুমি কেন এই নিষ্পাপ কুসুম কলিকাটিকে এত কষ্ট দিতেছ? প্রভু! এই কি তোমার দয়ার পরিচয়? তুমি আমার প্রিয়তমা পত্নীকে অকালে আমার হৃদয় হইতে কাড়িয়া লইয়াছ; আবার আমার সংসারের বন্ধন, আমার জীবনের একমাত্র অবলম্বন কন্যাটিকেও কাড়িয়া লইতে উদ্যত হইয়াছ! ইহার অভাবে আমি কিরূপে জীবনধারণ করিব?”

লর্ড ওয়ারিং হতাশভাবে চেয়ারে বসিয়া পড়িলেন, তাহার পর উভয় হস্তে মুখ ঢাকিয়া নিঃশব্দে রোদন করিতে লাগিলেন। তাহার অবস্থা দেখিয়া ধাত্রীর মুখ হইতে আর একটিও সান্থনার কথা বাহির হইল না; কিন্তু তাহার নারী-হৃদয় এই নিঃসঙ্গ, বিপত্নীক বৃদ্ধের প্রতি সহানুভূতিতে পূর্ণ হইল। লর্ড ওয়ারিং কয়েক মিনিট পরে মুখ তুলিয়া নিদ্রিতা কণ্ঠার মুখের দিকে চাহিয়া আবেগভরে বলিলেন, “ডোরোথি! ডোরোথি! তুই:কি সত্যই আমার ছাড়িয়া যাইবি? তাহার পূর্বে আমার মৃত্যু হইলেই বাঁচিতাম।”

ঠিক সেই সময়ে বহির্দ্বারে কে করাঘাত করিল। ভৃত্য আসিয়া সংবাদ দিল, ডাক্তার বোকাল' রোগী দেখিয়া ফিরিয়া আসিয়াছেন। ভৃত্যের কথা শেব

হইতে না হইতে ডাক্তার সেই কক্ষে প্রবেশ করিলেন, এবং ব্যাকুল দৃষ্টিতে রোগাতুরা বালিকার মুখের দিকে চাহিলেন।

ডাক্তার রেজিনাল্ড বোকাল সুপুরুষ। তাঁহার বয়স অধিক নহে; কিন্তু তাঁহার মুখে প্রায়ই কেহ হাসি দেখিতে পাইত না। গত পাঁচ বৎসর হইতে তিনি লর্ড ওয়ারিংএর পারিবারিক চিকিৎসকরূপে কাজ করিতেছিলেন। এসেক্স জেলার লন্হাম পল্লীতেই তিনি চিকিৎসা ব্যবসায় আরম্ভ করেন। তৎকালে এই পল্লীতে সুচিকিৎসকের একান্ত অভাব ছিল; একজন মাত্র বৃদ্ধ ডাক্তার ছিলেন, তাঁহার মৃত্যুর পর ডাক্তার বোকাল অল্পদিনেই পসার করিয়া ধনবান ও প্রতিপত্তিশালী হইয়া উঠিয়াছিলেন।

কিন্তু রোগীরা ডাক্তার বোকালকে তেমন শ্রদ্ধাভক্তি করিত না। পসার প্রতিপত্তি হইবার পর দরিদ্ররোগীদিগকে তিনি যথাযোগ্য যত্ন করিয়া দেখিতেন না; তাহাদের সহিত তাঁহার ব্যবহারও বড় রুঢ় ছিল। যথাযোগ্য পারিশ্রমিক লইয়া কাজ না করায় জনসাধারণ তাঁহার প্রতি অত্যন্ত বিরক্ত হইয়া উঠিয়াছিল; তথাপি প্রাণের দায়ে তাহারা তাঁহাকে ডাকিতে বাধ্য হইত। সকালে সংবাদ পাঠাইলে তিনি সন্ধ্যাকালে রোগী দেখিতে যাইতেন, অথচ কিজন্য এরূপ বিলম্ব হইত, তাহার কারণ নির্দেশ করিতেন না। অনেক রোগী তাঁহার উপেক্ষায় মৃত্যুমুখে পতিত হইত; ইহাতে তাঁহার আক্ষেপ ছিল না।

কিন্তু গ্রামস্থ কোনও ধনাঢ্য ব্যক্তি পীড়িত হইলে ডাক্তার বোকাল তাঁহার চিকিৎসায় চেষ্টা যত্ন ও পরিশ্রমের ক্রটি করিতেন না। লর্ড ওয়ারিং প্রচুর সম্পত্তির অধিকারী ছিলেন বলিয়াই ডাক্তার প্রাণপণে তাঁহার মনোরঞ্জনের চেষ্টা করিতেন। এই জন্ত লর্ড ওয়ারিংএর ধারণা ছিল, ডাক্তার বোকাল অত্যন্ত ভদ্রলোক; যেরূপ সুচিকিৎসক, সেইরূপ সদাশয়! কিন্তু প্রকৃতপক্ষে, লোকটি প্রকাণ্ড ভণ্ড, কুটিল প্রকৃতি ও কপট। তিনি বাহ্যিক সৌজন্তে লর্ড ওয়ারিংকে এরূপ মুগ্ধ করিয়াছিলেন যে, লর্ড ওয়ারিং তাঁহাকে অন্তরঙ্গ বন্ধু ও ব্যথার ব্যথী মনে করিয়া সকল বিষয়েই তাঁহার পরামর্শ লইতেন; এমন কি, লর্ড ওয়ারিং যে উইল করিয়াছিলেন, সেই উইলে ব্যবস্থা করিয়াছিলেন, তাঁহার মৃত্যুর পর ডাক্তার

বোকাল তাঁহার পরিত্যক্ত সম্পত্তি হইতে পঁচাত্তর হাজার টাকা প্রাপ্ত হইবেন।

লর্ড ওয়ারিং ডাক্তার বোকালকে একদিন কথা-প্রসঙ্গে এই দানের কথা জানাইলে, ডাক্তার হাসিয়া বলিয়াছিলেন, “আপনার সদাশয়তার আমি মুগ্ধ, কিন্তু পরমেশ্বরের নিকট প্রার্থনা করি—আপনি দীর্ঘজীবী হউন; আপনার প্রতিশ্রুত অর্থলাভের জন্ত আমি কিছুমাত্র বাস্তব নহি।—এই অর্থ অপেক্ষা আপনার জীবন আমার নিকট অধিক মূল্যবান।”

কিন্তু ভণ্ড ডাক্তারের এই উক্তি যে অন্তরের কথা নহে, ইহা বলাই বাহুল্য; উইলের কথা শুনিয়া ডাক্তার বোকাল এতই প্রলুব্ধ হইয়াছিলেন যে, তিনি দিবারাত্রি লর্ড ওয়ারিংএর মৃত্যুকামনা করিতেন।—কিন্তু মানুষের সকল ইচ্ছা পূর্ণ হয় না; নানা রোগে ও পত্নীশোকে লর্ড ওয়ারিং মৃতকল্প হইলেও ডাক্তার বোকালের স্বার্থসিদ্ধির জন্ত তিনি মরিবার সুযোগ পাইলেন না; ইতিমধ্যে সেই গ্রামে ডাক্তার বোকালের এক প্রতিদ্বন্দ্বীর আবির্ভাব হইল! এই ডাক্তারটি রমণী; তাঁহার নাম—ডাক্তার মিস্ ইসোবেল মার্সার। তাঁহার বয়স্ক অল্প ও তিনি অসামান্য রূপবতী; তাঁহার হৃদয় বড়ই কোমল, স্নেহময়তায় পূর্ণ, তিনি প্রাণপণ যত্নে রোগীদের চিকিৎসা করিতেন, এবং আদৌ অর্থগ্রন্থ ছিলেন না।

ডাক্তার ইসোবেল মার্সার গ্রামপ্রান্তে একখানি নবনির্মিত সুন্দর অট্টালিকায় বাসা লইয়াছিলেন। তিনি চিকিৎসা ব্যবসায় আরম্ভ করিয়া, অতি অল্পদিনেই ললুহামে ও তাহার চতুঃপ্রান্তবর্তী গ্রামসমূহে বেশ পসার জমাইয়া লইলেন; ইহাতে পরশ্রীকাতর ডাক্তার বোকাল হিংসায় জ্বলিয়া মরিতে লাগিলেন।

ডাক্তার বোকাল যেখানে রোগী দেখিতে যাইতেন, সেইখানেই বলিতেন, “ডাক্তারী করাটা মেয়ে মানুষের অনধিকার চর্চা; পাশই করুক, আর ‘মেডাল’ই পাউক, স্ত্রীলোকেরা ডাক্তারী বিদ্যায় কোনও কালে পুরুষের সমকক্ষ হইতে পারে না। যমকে ত রূপ দেখাইয়া ভুলাইতে পারে যায় না!”—কিন্তু কয়েক মাসেই

গ্রামবাসীরা বুঝিল, ডাক্তারের এই দৈববাণী তাঁহার গাত্রদাহের ফল মাত্র।  
—দরিদ্র গ্রামবাসীরা ক্রমে ডাক্তার ইসোবেল মার্চারেরই পক্ষপাতী হইয়া উঠিল।  
তাঁহার বুঝিতে পারিল, ডাক্তার ইসোবেল মার্চারের সহিত আত্মপ্তরী, স্বার্থপর,  
অর্থগ্ৰন্থ ডাক্তার বোকালের তুলনা হয় না; ডাক্তার ইসোবেল অতি যত্নের  
সহিত চিকিৎসা করেন, সংবাদ পাইলেই রোগীর গৃহে উপস্থিত হন, টাকার জগু  
পীড়াপীড়ি করেন না, বরং দুঃস্থ রোগিগণকে সময়ে সময়ে অর্গসাহায্যও করেন।  
—সাধারণের মধ্যে ডাক্তার বোকালের পসার-প্রতিপত্তি দিন দিন হ্রাস পাইতে  
লাগিল, সঙ্গে সঙ্গে তাঁহার আয়ও কমিয়া গেল; কারণ প্রায় সর্বত্রই দেখা যায়,  
বড়লোক অপেক্ষা গরীবের চিকিৎসা করিয়াই ডাক্তারেরা অধিক অর্থ উপার্জন  
করেন; পাঁচজন বড়লোকে যাহা দিতে পারেন, পাঁচশত গরীবে তাহা অপেক্ষা  
অনেক অধিক অর্থ প্রদান করিয়া থাকে। তিল কুড়াইয়াই তাল।

যাহা হউক, আমরা প্রসঙ্গক্রমে মূল ঘটনা হইতে অনেক দূরে আসিয়া  
পড়িয়াছি; এখন পূর্ব প্রসঙ্গের অবতারণা করা যাউক।

ডাক্তার বোকাল রোগী দেখিয়া লর্ড ওয়ারিংএর গৃহে প্রত্যাগমন করিলে  
লর্ড ওয়ারিং ডাক্তারকে বলিলেন, “তুমি এতক্ষণ ছিলে না, আমি বড়ই ব্যস্ত  
হইয়া পড়িয়াছিলাম। তোমার আসিতে অধিক বিলম্ব হইলে হয় ত তোমার  
সন্ধান লোক পাঠাইতে হইত; যাহা হউক, মেয়েটা এখন কেমন আছে  
একবার দেখ।”

ডাক্তার বোকাল কোন কথা না বলিয়া পীড়িতা বালিকাকে পরীক্ষা  
করিতে লাগিলেন; লর্ড ওয়ারিং ও দাত্রী উৎকণ্ঠিতভাবে অদূরে দণ্ডায়মান  
রহিলেন।

বাহিরে তখন প্রবলবেগে বায়ু বহিতেছিল, উদ্দাম নৈশবায়ু-প্রবাহে সেই  
প্রাচীন অট্টালিকার দ্বার ও বাতায়নশ্রেণী কম্পিত হইতে লাগিল। ক্রমে  
ঝটিকার বেগ বর্ধিত হইল। একে শীতকালের রাত্রি, তাহার উপর তুষার-  
শীতল বায়ুর প্রবাহ; বোধ হইল, শীঘ্রই তুষারপাত আরম্ভ হইবে। লর্ড  
ওয়ারিংএর এই অট্টালিকাটি অতি প্রাচীন; প্রায় এক শতাব্দী পূর্বে একটি ক্ষুদ্র

## মোতাতে প্রমাদ

পাহাড়ের সানুদেশে এই অট্টালিকাটি নির্মিত হইয়াছিল। কিছু দিন পূর্বে এই জীর্ণ অট্টালিকার কিয়দংশ ভাঙ্গিয়া পড়িয়াছিল। অট্টালিকাটির সম্মুখে একটি 'আইভি'কুঞ্জ ছিল, তাহার নিবিড় লতাপত্রে অট্টালিকা প্রাচীরের একাংশ সমাচ্ছন্ন হইয়াছিল; ঝটিকাবেগে লতাগুলি খসিয়া পড়িবার উপক্রম হইল।

ডাক্তার বোকাল সাবধানে বালিকার দেহ পরীক্ষার পর তাহার বক্ষঃস্থিত আবরণ পুনঃস্থাপিত করিলেন। লর্ড ওয়ারিং ডাক্তারের গম্ভীর মুখের দিকে চাহিয়া দীর্ঘনিশ্বাস ত্যাগ করিলেন; তাহার পর অক্ষুটস্বরে জিজ্ঞাসা করিলেন, "কিরূপ বুঝিতেছ, ডাক্তার! অবস্থা কি পূর্বাপেক্ষা মন্দ বোধ হইতেছে?"

ডাক্তার মাথা নাড়িয়া বলিলেন, "না, না, অবস্থা পূর্বাপেক্ষা মন্দ কে বলিল? তবে অবস্থা যে পূর্বাপেক্ষা ভাল একথাও অবশ্য বলিতে পারি না; ঠিক এক ভাবেই আছে।"

লর্ড ওয়ারিং বলিলেন, "শীঘ্র কি পরিবর্তনের কোন সম্ভাবনা আছে?"

ডাক্তার বলিলেন, "হাঁ পরিবর্তন অবশ্যস্বাবী, তবে এখনও তাহার বিলম্ব আছে; এ অবস্থায় সমস্ত রাত্রি আমার এখানে থাকিবার দরকার দেখি না।"

লর্ড ওয়ারিং বলিলেন, "কিন্তু উহার প্রাণরক্ষার জন্ত যতটুকু সাবধানতা অবলম্বনের আবশ্যিক, তাহা করিয়াছ কি? বল, আর কি করিতে হইবে।"

ডাক্তার বলিলেন, "যাহা যাহা করা আবশ্যিক, ঔষধ, পথা, গুশ্রুষা কোনও বিষয়েরই বিন্দুমাত্র ত্রুটি হয় নাই; এ অবস্থায় আপনি অনর্থক ব্যস্ত হইতেছেন।—এখন কেবল একটি কাজ করিতে বাকি আছে, কিন্তু এখনও তাহার সময় হয় নাই; চরমকালেই তাহা করিবার আবশ্যিক হইতে পারে।—আমি অল্পজ্ঞান প্রয়োগের কথা বলিতেছি।"

ধাত্রী সিষ্টার স্লেটার এতক্ষণ পরে কথা কহিল, বলিল, "ডাক্তার, আপনি কি তাহার প্রয়োগ অপরিহার্য্য মনে করিতেছেন?"

ডাক্তার বলিলেন, "হাঁ, আবশ্যিক হইতে পারে। কেটলিতে বাষ্প হইতে থাকুক, তুমি মেয়েটির অবস্থার প্রতি বিশেষ লক্ষ্য রাখিবে। আমার বাড়ী এখান হইতে কয়েক মিনিটের পথ বৈ ত নয়; তুমি উহার অবস্থার কোনও



পরিবর্তন লক্ষ্য করিলেই তৎক্ষণাৎ আমাকে টেলিফোন করিবে।—আমি অবিলম্বে চলিয়া আসিব।”

অনন্তর ডাক্তার লর্ড ওয়ারিংএর করমর্দন করিয়া গমনোন্মুখ হইলেন, যাইবার সময় লর্ড ওয়ারিংকে বলিলেন, “আপনি হতাশ হইবেন না, ‘যতক্ষণ শ্বাস, ততক্ষণ আশ’ ইহা জানেন ত ? স্বীকার করি রোগ কঠিন, কিন্তু একরূপ কঠিন রোগেও রোগী বাঁচিয়া যায়। চেষ্টা যত্নের ত ক্রটি হইতেছে না ; আমার বিশ্বাস, আপনার কণ্ঠা শীঘ্র না হঠক বিলম্বে আরোগ্য লাভ করিবে। বিশেষতঃ, আপনার কণ্ঠা খুব জানশক্ত।—আপনি যে প্রকার ব্যাকুল হইয়াছেন তাহা দেখিয়া আমার আশঙ্কা হইতেছে, মেয়েটির চিকিৎসা করিতে করিতে হয় ত আপনারও চিকিৎসা করিবার আবশ্যক হইবে। আপনি এত উতলা হইয়াছেন কেন ? রোগ কাহার না হয় ? আপনি আমার পরামর্শ শুনুন, আপনি দুশ্চিন্তায় কাতর হইবেন না ; মন স্থির করুন, রাত্রে একটু ঘুমাইবার চেষ্টা করুন। এই নিদারুণ দুশ্চিন্তা, তাহার উপর অনিদ্রা, শরীর টিকিবে কেন ?”

লর্ড ওয়ারিং বলিলেন, “দেখ বোকাল, আমি কোন মতেই মনস্থির করিতে পারিতেছি না ; আমার মনের ভাব তুমি বুঝিতে পারিবে না। আমার কণ্ঠার আর জীবনের আশঙ্কা নাই, ইহা যতক্ষণ বুঝিতে না পারিতেছি—ততক্ষণ আমার এই দারুণ উৎকণ্ঠার নিরন্তর হইবে না।”

লর্ড ওয়ারিং হতাশভাবে চেয়ারে বসিয়া পড়িলেন। ডাক্তার বোকাল ধাত্রীর মুখের দিকে চাহিয়া বিদায় সূচক অভিবাদনের ভঙ্গিতে মাথা নাড়িয়া সেই কক্ষ হইতে নিষ্ক্রান্ত হইলেন।

ডাক্তার দ্বিতলের সিঁড়িদিয়া নামিতে নামিতে মনে মনে বলিলেন, “যে রূপ অবস্থা দেখিতেছি মেয়েটা এযাত্রা কোন মতেই রক্ষা পাইবে না। তা মন্দ কি ? পৃথিবীতে এই খেয়ে ভিন্ন বুড়া যথটার আর কেহই নাই। মেয়েটা মারা পড়িলে বুড়োর উইলে আমার বৃত্তির পরিমাণ বাড়িতে পারে। টাকাগুলি পরের ভোগেই লাগিবে, একথা ভাবিয়া হয় ত আমার সম্বন্ধে বিশেষ বিবেচনা করিতেও পারে ; আমি বন্ধুলোক কি না, হা, হা !”

ডাক্তার নিম্নতলস্থ হলে উপস্থিত হইলে দ্বারবান তাঁহার বহির্গমনের জন্ত দ্বার খুলিয়া দিল। বাহিরে তখন প্রবলবেগে ঝড় বহিতেছিল, ঝটিকার প্রকোপে ডাক্তার অত্যন্ত বিব্রত হইয়া উঠিলেন; তিনি অন্ধকারপূর্ণ পথে আসিয়া বলিলেন, “কি ভয়ানক ঝড়, এমন রাত্রে কোথায় ঘরে পুরু বিছানায় শুইয়া নাক ডাকাইয়া ঘুমাইব, না এই কক্ষ ভোগ!—নাঃ, মেয়েটাকে লইয়া বড়ই বিপদে পড়িয়াছি; বাঁচবে না তা জানি, কিন্তু শীঘ্র যে নরিতেছেও না!—ওয়ারিং উইলে আমাকে পঁচাত্তর হাজার টাকা দান করিয়াছে, টাকাগুলি হস্তগত হইলে আমি ডাক্তারী ছাড়িয়া একটা কিছু বাবসা আরম্ভ করিয়া দিব, নাড়ি টিপিয়া টাকা উপার্জন অপেক্ষা সে অনেক ভাল; তাহাতে এমন করিয়া রোগীর পাশে বসিয়া রাত্রি কাটাইতে হয় না। মিথ্যা আশা দিয়া রোগীর আত্মীয় স্বজনকে প্রলুব্ধ করিবারও আবশ্যক হয় না।”

ডাক্তার কিছুকাল অগ্ৰমনস্ক ভাবে চলিয়া পুনর্বার অক্ষুটস্বরে বলিলেন, “পঁচাত্তর হাজার টাকা কম টাকা নয়; বুড়ো অনায়াসেই লাখটাকা দিয়া বাইতে পারিত, কিন্তু বেটা বড় কৃপণ! দেখা যাউক কতদূর কি হয়, এখন আর আস্মানে কেলা তৈয়েরী করিয়া ফল কি? কে জানে টাকাগুলো কত দিনে আমার ভোগে লাগিবে।”

ডাক্তার বোকাল কয়েক মিনিট পরে গৃহে উপস্থিত হইলেন। এই ক্ষুদ্র অট্টালিকাটি পাহাড়ের এক প্রান্তে অবস্থিত; বাড়ীটির অবস্থা দেখিয়াই ডাক্তারের বর্তমান আর্থিক অসচ্ছলতার পরিচয় পাওয়া যায়।

ডাক্তার বোকাল অত্যন্ত বিলাসী ও অমিতব্যয়ী ছিলেন, কিন্তু তিনি যাহা উপার্জন করিতেন, তাহা তাঁহার বিলাস-লালসা পরিতৃপ্তির পক্ষে পর্যাপ্ত নহে। এজন্য তাঁহার মেজাজ সর্বদাই খিটখিটে দেখা যাইত। তাঁহার চরিত্রের আর একটি বিশেষত্ব ছিল, তিনি যাহার নিকট যাহা পাইতেন—তাহা তাহার গলায় আঙ্গুল দিয়া বাহির করিয়া লইতেন; কিন্তু পাওনাদারেরা তাঁহার নিকট তাহাদের প্রাপ্য আদায় করিতে গলদ্বন্দ্ব হইত।

ডাক্তার বোকাল যখন তাঁহার গৃহদ্বারে উপস্থিত হইলেন, তখন বহির্দ্বার ক্লক

ছিল ; তিনি রুদ্ধ দ্বারের সম্মুখে আসিয়া ঘণ্টাধ্বনি করিবামাত্র তাঁহার ভৃত্য আসিয়া দ্বার খুলিয়া দিল ।—এই ভৃত্যটি চীনাযান । ডাক্তার বোকাল একবার চীনের মূলুকে বেড়াইতে গিয়াছিলেন, সেই সময় এই ভৃত্যরত্নটিকে সংগ্রহ করিয়া আনেন ।

ভৃত্য দ্বার খুলিয়া দিয়া ডাক্তারকে অভিবাদন করিল, কিন্তু ডাক্তার তাহাকে কোন কথা না বলিয়া একবার কটমট্ করিয়া তাহার মুখের দিকে চাহিলেন ; তাহার পর একটা ধাকা দিয়া তাহাকে এক পাশে ঠেলিয়া গৃহমধ্যে প্রবেশ করিলেন । চীনা ভৃত্য তাহার কি অপরাধ বুঝিতে না পারিয়া দ্বারপ্রান্ত হইতে ফাল্ ফাল্ করিয়া তাঁহার দিকে চাহিতে লাগিল ।

ডাক্তার বোকাল যে কক্ষে প্রবেশ করিলেন, সেই কক্ষটি প্রাচ্যদেশ-মূলভ আসবাবপত্রে সজ্জিত । কক্ষভাস্তুরে মেঝের উপর পুরু গালিচা প্রসারিত । টেবিলের উপর একটি বুদ্ধ মূর্তি, তাহার হস্তদ্বয় উর্দ্ধে উৎক্ষিপ্ত ও মন্তকসংলগ্ন । গৃহ-প্রাচীরে প্রাচ্যদেশোৎপন্ন শিল্পসম্ভার ও নানা প্রকার অদ্ভুতদর্শন অস্ত্রশস্ত্র সন্নিবিষ্ট । কক্ষের ঠিক মধ্যস্থলে কড়িকাঠসংলগ্ন একটি প্রকাণ্ড ল্যাম্প স্থাপিত ছিল, তাহার ফাল্গুটি লোহিতাভ কাচ-বিনির্মিত । ল্যাম্প-বিনিঃসৃত লোহিত আলোক-রশ্মিতে কক্ষটি আলোকিত হইতেছিল ।

ডাক্তার এই কক্ষ অতিক্রম পূর্বক তাঁহার বিশ্রাম-কক্ষে প্রবেশ করিলেন, পথে আসিতে ঝড় বৃষ্টিতে তাঁহার কিছু কষ্ট হইয়াছিল, একটু ভিজিয়াছিলেন ; সুতরাং অগ্নিকুণ্ডের সন্নিকটে বসিয়া একটু গরম হইয়া লইবার বাসনা বলবতী হইল ।—তিনি পরিচ্ছদ পরিবর্তন পূর্বক একখানি পুরু গালিচায় দেহভার প্রসারিত করিয়া ভৃত্যকে ডাকিলেন, “হান্ !”

হান্ নিঃশব্দ পদসঞ্চারে প্রভুর নিকট উপস্থিত হইয়া নিম্নস্বরে বলিল, “পাইপ্ আনিব ?”

ডাক্তার বলিলেন, “না থাক্ ! হান্, তুই কি আমাকে পাক্ চণ্ডখোর না করিয়া ছাড়িবি না ?”

হান্ বলিল, “মনিব মহাশয় আজ রাত্রির মত নিশ্চিন্ত হইয়াছেন ত ?”

ডাক্তার বলিলেন, “না হান্, রাত্রে বোধ হয় আবার আমাকে বাহিরে যাইতে হইবে।”

হান্ প্রভুর মুখের দিকে মিট্ মিট্ করিয়া চাহিয়া বলিল, “তবে প্রভু, একটু মোতাত করিয়া লউন।—বেশী নয় দুই চারিটানেই বেজুত শরীর বিলক্ষণ জুত হইবে। মোতাত ভিন্ন এত পরিশ্রমে শরীর টিকিবে কেন?”

ডাক্তার মুহূর্তকাল চিন্তা করিয়া বলিলেন, “হাঁ, শরীরটা বড়ই ম্যাজ্‌মোজ্‌ বোধ হইতেছে, ঠাণ্ডাটাও খুব লাগিয়াছে; আচ্ছা নিয়ে আয় পাইপ্‌টা, দুই একটান দিই।”

চীনাভৃত্য মৃদু হাসিয়া কক্ষান্তরে প্রবেশ করিল, এবং চণ্ডধূমপানের সরঞ্জাম-সহ প্রভুর নিকট প্রত্যাগমন করিয়া চণ্ডুর নলটি তাঁহার হাতে তুলিয়া দিল।

ইংরাজ চণ্ডু খাইতেছে! শুনিয়া পাঠক হাসিবেন না;—প্রতীচ্য ভূখণ্ডের পাপগুলিই যে জাহাজে চড়িয়া প্রাচ্য মহাদেশে প্রবেশ করিয়াছে এরূপ নহে, প্রাচীর অনেক পাপ ও কুঅভ্যাস পাশ্চাত্য ভূখণ্ডেও শিকড় গড়িয়াছে। ইউরোপ চীনকে জলপথে চলিতে শিখাইয়াছে, প্রাচীন চীনও ইউরোপকে ব্যোমপথে আকাশকুম্ভ চয়ন করিতে শিক্ষা দিয়াছে!

ডাক্তার লম্বা হইয়া পড়িয়া চক্ষু মুদিয়া মহা আরামে মোতাত করিতে লাগিলেন।—হান্ তাঁহার অদূরে বসিয়া মোতাতের যোগাড় দিতে লাগিল।

দুই একটান দিয়া ডাক্তার জড়িতস্বরে বলিলেন, “হান্, বাবা! এখন তুমি যাইতে পার।”

হান্ তৎক্ষণাৎ উঠিয়া দ্বার বন্ধ করিয়া কক্ষান্তরে প্রস্থান করিল।

ডাক্তার অনেকক্ষণ পর্য্যন্ত ধূমপান করিলেন; কিছুকাল মধোই সেই ক্ষুদ্র কক্ষটি দুর্গন্ধময় অহিফেন ধূমে পূর্ণ হইল।

ধূমপান শেষ হইলে ডাক্তার বোকাল নলটি নামাইয়া রাখিয়া ধীরে ধীরে গাত্ৰোথান করিলেন, তাহার পর অক্ষুটস্বরে বলিলেন, “এই রাত্রে আবার লর্ড ওয়ারিংএর বাড়ী যাইতে হইবে, আর অধিক মোতাত করা হইবে না; কি জানি শেষে হয় ত চলিতে পারিব না!”

কিন্তু ডাক্তার বোকালের এই প্রতিজ্ঞা রক্ষিত হইল না, চণ্ডধূমপানের সমস্ত উপকরণই সম্মুখে প্রস্তুত। তিনি আর একবার ধূমপানে প্রবৃত্ত হইলেন; মনে মনে বলিলেন, “লর্ড ঔয়ারিং ঘণ্টাখানেকের মধ্যে টেলিফোনে সংবাদ দিবেন একরূপ বোধ হয় না। ইতিমধ্যে যদি চুলুনী আসে, তাহা হইলে হান্ আমাকে জাগাইয়া দিবে।”

ডাক্তার বোকাল অনেকক্ষণ ধরিয়া ধূমপান করিলেন। মাতালের মণ্ডের পিপাসার ঞায় চণ্ডখোরের ধূমপানের পিপাসাও অসহ; পিপাসা শান্তি না হইলে মানসিক অতৃপ্তি দূর হয় না।

চীনদেশের লোক সংস্কারের পথে পদার্পণ করিয়াছে। তাহারা টিকি কাটিয়াছে, এবং প্রতিজ্ঞা করিয়া অহিফেন ত্যাগ করিয়াছে; কিন্তু তথাপি পৃথিবীর যে সকল দেশে চীনের প্রভাব বর্তমান আছে, সে সকল দেশে চণ্ড বা গুলির আড্ডার অভাব নাই; এমন কি, চায়না টাউন, নিউইয়র্ক প্রভৃতি সভ্যতার কেন্দ্রস্থলেও অহিফেন অপ্রতিহত প্রভাবে রাজত্ব করিতেছে। মদ না খাইলেও মাতালের দুই একদিন চলে; কিন্তু নির্দিষ্ট সময়ে মোতাত না করিলে, আফিংখোরের প্রাণসংশয়ের উপক্রম হয়। এই কদর্যা অভ্যাসে কর্ম্মানুরক্ত কত উদ্যোগী পুরুষ, সাক্ষাৎ শক্তি স্বরূপিণী কত বুদ্ধিমতী রমণী চীরজীবনের মত অধঃপাতে গিয়াছেন। আমাদের যে সকল পাঠকের অহিফেনের সহিত পরিচয় আছে, তাঁহাদের আশঙ্কার কোন কারণ নাই; অহিফেনের ভয়াবহ মূর্ত্তি তাঁহাদের কল্পনা করিবারও শক্তি নাই। যাহারা সুস্থ সবল ও কর্ম্মক্ষম অহিফেন তাহাদের যত অনিষ্ট করে, যাহারা নিরুশ্মা হইয়া দিবাস্বপ্নে জীবনের সুদীর্ঘ দিবস অতিবাহিত করে, অহিফেন তাহাদের তত অনিষ্ট করিতে পারে না; সুতরাং আমরা নিশ্চিন্ত থাকিতে পারি।

ডাক্তার বোকাল সর্বপ্রথম কিরূপে এই স্বর্গীয় রসের আশ্বাদন লাভ করেন তাহার কাহিনী কোতুকাবহ)—বৎকালে তিনি চীন-রাজধানী পিকিন নগরে অবস্থিতি করিতেছিলেন, সেই সময় একদিন তিনি তাঁহার এক বন্ধুর সহিত নগর ভ্রমণ করিতে করিতে এক চণ্ডর আড্ডায় প্রবেশ করেন। রহস্যলহরীর

পাঠক পাঠিকাগণকে এই সকল আড্ডার পরিচয় দেওয়া আবশ্যিক। 'জাল মোহান্ত' নামক উপন্যাসে এই সকল আড্ডার পরিচয় দেওয়া হইয়াছে। ডাক্তার দেখিলেন, তাঁহার বন্ধুটি মোতাতে বিলক্ষণ অভ্যস্ত। তাঁহাকে অসহোচাে চণ্ডু টানিতে দেখিয়া ডাক্তারের মনে বড় ঘৃণা হইল। তিনি তাঁহার বন্ধুর নলটি আক্রমণ করিতে উদ্বৃত হইলেন। অহিফেন সেবনে স্বতঃই মনে বৈরাগ্যের সঞ্চার হয়। ডাক্তারের বন্ধুরও তখন মনের অবস্থা এইরূপ; তিনি তৎক্ষণাৎ চণ্ডুর নলটি প্রসন্ন মনে ডাক্তারকে দান করিয়া বলিলেন, "বন্ধু, নলটি ভাঙ্গিয়া ফেলিবার পূর্বে একবার উহার রসাস্বাদন করিয়া দেখ।" ডাক্তার বন্ধুর অনুরোধ অগ্রাহ্য করিতে না পারিয়া একটানে খানিকটা ধূম উদরস্থ করিয়া মেজের উপর লম্বা হইয়া শুইয়া পড়িলেন; কিন্তু ঘুমাইয়া ঘুমাইয়া যে স্বপ্ন দেখিলেন তাহা অনির্বচনীয়! পরদিন তিনি আড্ডার খাতার নাম লেখাইলেন। মধ্যে মধ্যে তাঁহার মনে হইত, অভ্যাসটা বড় কদর্যা, উহা ছাড়িয়া দিয়া মদ ধরিবেন; কিন্তু তিনি বড় আশ্রিতবৎসল, যে নীরাকার তাঁহার স্মরণ লইল, তিনি তাহাকে তাগ করিলেন না; অর্গাৎ উভয়ই চলিতে লাগিল।

বৎসরের পর বৎসর ডাক্তারের চণ্ডুপানের আসক্তি বাড়িতে লাগিল; অন্য-তাপটুকু চিরকালই ছিল, কিন্তু নেশার সময় দিক্‌বিদিক্‌ জ্ঞান থাকিত না। তিনি যতদিন পিকিনে ছিলেন, সাহেবপাড়া হইতে চীনেপাড়ায় আসিয়া চণ্ডুর আড্ডায় পড়িয়া থাকিতেন। লজ্জা বা অপমানভর তাগ করিয়াছিলেন। তাঁহার বন্ধুগণ তাঁহার অধঃপতনে দুঃখিত হইলেন, সমালোচকেরা ছি ছি করিতে লাগিল; যাহাদের সহিত তাঁহার শত্রুতা ছিল—তাহারা হি হি করিয়া হাসিতে লাগিল।

লর্ড ওয়ারিং তাঁহার এ সকল গুণের কথা জানিতেন না। ডাক্তার বোকাল তাঁহার মনোরঞ্জনের জন্ত যথাসাধ্য চেষ্টা করিতেন; কিন্তু দুর্ন্যতি বশে আজ লর্ড ওয়ারিংএর সহিত প্রতারণা করিলেন। তিনি জানিতেন, মুম্বু বালিকার অবস্থা পরিবর্তনের শেষ মুহূর্ত্ত আগতপ্রায়; মুহূর্ত্তেই জানিতে পারা যাইবে রোগের গতি কোন পথে হইবে, আরোগ্যের পথে, কি মৃত্যুর পথে।—কিন্তু

ডাক্তার বোকাল লর্ড ওয়ারিংএর নিকট ইহা প্রকাশ করিলেন না ; তাঁহার সমস্ত আগ্রহ ও উৎকর্ষা উপেক্ষা করিয়া তাঁহাকে বলিলেন, এখনও সে অবস্থা আসিতে অনেক বিলম্ব !—ডাক্তারের নোতাতে সময় হইয়াছিল, তাই তিনি সংশয়াপন্ন বালিকাটিকে পরিত্যাগ করিয়া চণ্ডু খাইতে বাড়ী আসিলেন ; রোগীর অবস্থা মন্দ শুনিলে পাছে লর্ড ওয়ারিং তাঁহার গমনে বাধা দান করেন ।

—মানুষের অধঃপতন ইহা অপেক্ষা আর কি অধিক শোচনীয় হইতে পারে ?

ডাক্তার একবার চুইবার করিয়া বহুবার চণ্ডু পান করিল ।—শেষে আর তাহার বসিবার শক্তি রহিল না ; সে গালিচায় শয়ন করিয়া মুদিত নেত্রে যে সুখস্বপ্ন দেখিতে লাগিল, তাহা তাহার জীবনকে সুধাময় করিয়া তুলিল । ডাক্তার সংসার ভুলিল, ডাক্তারী ভুলিল, রোগীর কথা বিস্মৃত হইল ; এবং তাহার কল্পনানেত্রে কুবেরের রত্নভাণ্ডার পদ্মরাগকান্তি বিকাশ করিতে লাগিল ।

অবশেষে ডাক্তার বাহুজ্ঞান শূন্য হইয়া জড়ের ঞ্চায় পড়িয়া রহিল । তখন তাহার চূড়ান্ত মৌজ !

রাত্রি গভীর । ধাত্রী তখন পর্য্যাপ্ত নতনেত্রে রোগিণীর শয্যা প্রান্তে উপবিষ্টা ; নিদ্রা নাই, চক্ষুতে পলক নাই, নির্নিমেঘ নীল নেত্রে যেন স্নেহ ও করুণা ঝরিতেছিল । যেন সে প্রসূর-ধোদিত, স্নেহস্মুরিতাধর অনিন্দ্যসুন্দর পাষণ-প্রতিমা ! অদূরে লর্ড ওয়ারিং কাষ্ঠপুত্রলিকার ঞ্চায় চেয়ারে উপবিষ্ট ।—ঘড়িতে টিক্-টিক্ করিয়া শব্দ হইতেছে, ইহা ভিন্ন অণ্ড কোন শব্দ নাই ।

ধাত্রী হঠাৎ মাথা তুলিয়া লর্ড ওয়ারিংকে বলিল, “মেয়ের শ্বাস গ্রহণে কষ্ট হইতেছে ; শীঘ্র ডাক্তারকে সংবাদ দেওয়া আবশ্যিক ।”

লর্ড ওয়ারিং বলিলেন, “এইবার বুঝি পরিবর্তনের সময় উপস্থিত—হয় এদিক না হয়—,টেলিফোনে ডাক্তারকে সংবাদ দিতে হয় । চাকরদের আদেশ করিলে তাহারা বিলম্ব করিতে পারে, আমিই ঘাইতেছি ।”

হলঘরের বামপার্শ্বস্থ একটি ক্ষুদ্র কক্ষে টেলিফোঁর কল ছিল ; লর্ড ওয়ারিং দ্রুতপদক্ষেপে সেই কক্ষে উপস্থিত হইয়া কলে হাত দিলেন। তিনি প্রথমে ডাক্তারের বাড়ীর কলের সহিত যোগ-সাধন করিয়া ব্যগ্রভাবে ডাকিলেন, “ডাক্তার বোকাল !” অল্পক্ষণ পরে কি উত্তর হইল ; তাহা শুনিয়া লর্ড ওয়ারিং বলিলেন, “ওহো, তুমি ডাক্তারের চাকর ?—আচ্ছা, তোমার মনিবকে বল, লর্ড ওয়ারিং তাঁহার বাড়ী হইতে টেলিফোঁ করিয়া তাঁহাকে ডাকিতে-ছেন ; আসিতে বিলম্ব না হয়।”

আধ মিনিট, এক মিনিট চলিয়া গেল, দুই মিনিটও যায়—লর্ড ওয়ারিং উৎকণ্ঠায় অধীর হইয়া উঠিলেন। তিনি ব্যাকুলভাবে বলিলেন, “কি হে ! ব্যাপার কি ? ওহে ও, চাকর বাবাজি ! ওখানে আছ কি ?—আমার কথার জবাব দিতেছ না কেন ?”

লর্ড ওয়ারিংএর চোখ মুখ লাল হইয়া উঠিল ; তাঁহার ললাট হইতে টম্-টম্ করিয়া ঘাম ঝরিতে লাগিল।

ইতিমধ্যে সর্দার খানসামা ব্যগ্রভাবে সেই কক্ষে প্রবেশ করিয়া বলিল, “মিসির অবস্থা আরও খারাপ !”

লর্ড ওয়ারিং উদ্ভ্রান্ত ভাবে বিকৃত স্বরে টেলিফোঁতে বলিলেন, “ডাক্তার, ডাক্তার ! আমার কথা শুনিতে পাইতেছ না ? রোগীর সঙ্কটজনক অবস্থা, আর মুহূর্ত্ত বিলম্বে মেয়েটা বাঁচবে না। এ সঙ্কটে ডাক্তার তুমি চুপ করিয়া বসিয়া আছ ? ঘুমাইয়া পড়িয়াছ না কি ? উত্তর নাই কেন ? তোমার কি মাথাও খারাপ হইয়াছে ? কি সর্বনাশ ! এখন উপায় কি ?”

লর্ড ওয়ারিং টেলিফোঁ আফিসে জিজ্ঞাসা করিলেন, “কল বিগ্‌ড়াইয়াছে না কি ?—কোন উত্তর পাইতেছি না কেন ?”

কলের কেরাণী বামাকণ্ঠে বলিল, না মহাশয়, কল ঠিকই আছে, একটু আগেও কলে কাজ হইয়াছে।”

লর্ড ওয়ারিং আর্তস্বরে বলিলেন, “৭নং মল্‌হামে ডাক্তার বোকালের বাড়ীর কলে ভাল করিয়া ঘণ্টা দেও। আমার ‘যোগ’ খুলিয়া দিও না।”



লর্ড ওয়ারিং ডাক্তারের বাড়ীর টেলিফোন হইতে কোন জবাব না পাইয়া দ্রুতবেগে বাহিরে আসিলেন ; ভৃত্য বলিল, “আপনার কোট ও টুপি আনিব ?”

লর্ড ওয়ারিং তাহার কথায় কর্ণপাত না করিয়া উন্নতের গায় গৃহ হইতে নিষ্ক্রান্ত হইলেন, এবং মুহূর্তমধ্যে পথে উপস্থিত হইলেন। তখনও ঝটিকার বেগ প্রবল, অল্প অল্প বৃষ্টি পড়িতেছিল।—সুশীতল নৈশ বায়ুপ্রবাহ তাহার উত্তপ্ত প্লাট শীতল করিতে পারিল না ; ঝটিকা ও অন্ধকার তাহার গতিরোধ করিতে পারিল না। তিনি হাঁফাইতে হাঁফাইতে ডাক্তারের গৃহদ্বারে উপস্থিত হইলেন।—দ্বারে ঘণ্টা ছিল, তিনি সবেগে ঘণ্টাধ্বনি করিলেন ; ঢং ঢং করিয়া তাহার প্রতিধ্বনি হইল ;—কিন্তু কেহ দ্বার খুলিয়া দিল না। তখন তিনি বাতায়নের শার্শি ভাঙ্গিয়া গৃহমধ্যে প্রবেশ করিলেন।

তাঁহার মন তখন নানা চিন্তায় ভারাক্রান্ত। তিনি ভাবিতেছিলেন, “ব্যাপার কি !—ডাক্তার সাড়া দিল না কেন ?—সে কি তবে অগ্র কোথাও রোগী দেখিতে গিয়াছে ?—না, তাহা সম্ভব নহে ; আর ডাক্তার বাড়ী না থাকিলে চাকরটাও ত সে কথা বলিতে পারিত ; সে পর্য্যন্ত সাড়া দিল না কেন ? হায়, ডাক্তারের অবহেলাতেই আমি আমার প্রাণের ডোরোথিকে হারাইলাম !”

তিনি কয়েকপদ অগ্রসর হইতেই একটা চীনাওয়ানকে সম্মুখে দেখিতে পাইলেন।—সে হানু, ডাক্তার বোকালের ভৃত্য।

লর্ড ওয়ারিং তাহার পাশ দিয়া দৌড়াইয়া যাইতে যাইতে জিজ্ঞাসা করিলেন, “তোমার মনিব কোথায় রে !”

লর্ড ওয়ারিং ডাক্তারের উপবেশন-কক্ষে প্রবেশ করিয়া দেখিলেন, ডাক্তার সেখানে নাই !—তখন তিনি ভিতরের কক্ষাভিমুখে ধাবিত হইলেন ; হানু মিটমিট করিয়া তাঁহার দিকে চাহিয়া চীনাবাজারের ইংরাজীতে বলিল, “( ‘নট্ ই ইন্ দেয়াল !’ ) তিনি ওদিকে নাই।”—চক্ষুর নিমিষে সে লর্ড ওয়ারিংএর পথরোধ করিয়া দাঁড়াইল ; এবং তাঁহার স্বক্বে হস্ত স্থাপন করিয়া বলিল, “ওদিকে ঘাইবেন না।”

লর্ড ওয়ারিং ক্রিপুবৎ হইয়া ঘুসি তুলিলেন। ঘুসিটা তাহার নাকের উপর

নিষ্কিণ্ড হইলে তাহার চ্যাপ্টা নাক সমভূমি হইয়া যাইত ; কিন্তু সে তৎক্ষণাৎ পলাইয়া বাঁচিল। লর্ড ওয়ারিং আর তাহার দিকে না চাহিয়া ঝড়ের মত বেগে ধাবিত হইলেন।

অদূরে ডাক্তারের মোতাতে কক্ষ।—কক্ষের দ্বার বন্ধ ছিল ; লর্ড ওয়ারিং দ্রুতবেগে সেই কক্ষের দ্বারে উপস্থিত হইয়া দ্বার-গোলকটি স্পর্শ করিয়াছেন,—এমন সময় হান্ একলক্ষ্যে তাঁহার সম্মুখে পড়িয়া এক ধাক্কা তাঁহার হাত সরাইয়া দিল ; কিন্তু সে দ্বার রোধ করিয়া দাঁড়াইবার পূর্বেই লর্ড ওয়ারিং দ্বার খুলিয়া কক্ষমধ্যে প্রবেশ করিলেন। তিনি কক্ষ মধ্যে যেমন পদার্পণ করিয়াছেন, সেই মুহূর্ত্তেই নিশ্বাস-রোধকারী উৎকট উগ্র চণ্ডুম তাঁহার নামারক্কে প্রবেশ করিল !—তিনি আর্তনাদ করিয়া একলক্ষ্যে কক্ষের বাহিরে আসিয়া দাঁড়াইলেন।

দ্বার খোলা ছিল ; সুতরাং তিনি দেখিতে পাইলেন, ডাক্তার বোকাল সেই কক্ষের মধ্যস্থলে একখানি গালিচার উপর চিৎ হইয়া পড়িয়া আছে ! দেহ স্থির, যেন সে গভীর নিদ্রায় অভিভূত ; তাহার হাতের নিকটেই চণ্ডুর নলটি নিপতিত।—লর্ড ওয়ারিং পূর্বে কখন চণ্ডুর নল না দেখিলেও, ডাক্তার বোকাল মোতাতে অভ্যস্ত, একথা কাহারও কাহারও নিকট শুনিয়াছিলেন ; তিনি সে কথা বিশ্বাস করিতেন না। কিন্তু সেই রাতে ডাক্তারের অবস্থা লক্ষ্য করিয়া, এবং তাহার হাতের কাছে চণ্ডুর নলটি দেখিয়া প্রকৃত ব্যাপার মুহূর্ত্তে বুঝিতে পারিলেন।

লর্ড ওয়ারিং উত্তেজিত স্বরে বলিলেন, “অহিফেনে ইহার এই দুর্গতি ?—কি ভয়ানক !—এখন আমি করি কি ?—দায়িত্বজ্ঞানহীন এইরূপ নরপশুর হস্তে আমার প্রাণাধিকা কণ্ঠার চিকিৎসার ভার দিয়াছিলাম ; এখন যে সর্বনাশ হয় !”

লর্ড ওয়ারিংএর দৃষ্টি সহসা ডাক্তার বোকালের চীনা ভৃত্যের উপর নিপতিত হইল ; সে অদূরে কর্তব্যবিমূঢ় ভাবে দণ্ডায়মান ছিল।—লর্ড ওয়ারিং তাহাকে লক্ষ্য করিয়া বলিলেন, “তোমার মনিব ঝড়ের মত পড়িয়া আছে !

ঘুমাইতেছে না কি? উহাকে শীঘ্র জাগাও। আমার মেয়েটির আসন্ন কাল উপস্থিত; ডাক্তারকে এই মুহূর্তে লইয়া না যাইলে তাহার জীবনের আশা নাই।”—শীঘ্র জাগাও।” :

হান্ বলিল, “মনিব মহাশয়ের নেশা বেশ জমিয়া আসিয়াছে, এখন উহার ঘুম ভাঙ্গিবে না। টেলিফোনে আপনি উহাকে ডাকিলে আমি জাগাইবার জন্ত অনেক চেষ্টা করিয়াছি, হাত ধরিয়া টানাটানি করিয়াছি, কিন্তু কোন ফল হয় নাই। উহার হৃৎস নাই।”

লর্ড ওয়ারিং হতাশ ভাবে বলিলেন, “তবে আমি এখন কি করি?”— তিনি ডাক্তারের পাশে আসিয়া তাহার হাত ধরিয়া টানাটানি করিতে লাগিলেন, ডই একটি দুর্দ্বাক্যও বলিলেন।

ডাক্তার বোকাল্ চক্ষু না মেলিয়াই হাতখানি টানিয়া লইয়া পাশ ফিরিয়া শয়ন করিল, অক্ষুট স্বরে বলিল, “কেন বিরক্ত করিতেছি হতভাগা!— যা, সরিয়া যা, বোকা চীনে শুয়ো!”—ডাক্তার বোকাল্ নেশার ঘোরে মনে করিয়াছিল, তাহার ভৃত্যই তাহার হাত ধরিয়া টানাটানি করিতেছে।

কিন্তু লর্ড ওয়ারিং ডাক্তারের শব্দ্যাপ্রাপ্ত তাগ করিলেন না; তাঁহার ইচ্ছা হইতেছিল একঘুসিতে তাহার নেশা ভাঙ্গিয়া দেন। কিন্তু তাহা না করিয়া তিনি ডাক্তারের হাত ধরিয়া পুনর্বার টানাটানি করিতে লাগিলেন।

কয়েক মিনিট টানাটানির পর ডাক্তার বোকাল্ চক্ষু মেলিয়া চাহিল, নীপালোকে সে লর্ড ওয়ারিংকে দেখিয়া তাঁহাকে চিনিতে পারিল, এবং উঠিয়া বসিবার জন্ত একবার চেষ্টা করিল, কিন্তু উঠিতে পারিল না; সে শূন্য দৃষ্টিতে লর্ড ওয়ারিংএর মুখের দিকে চাহিয়া অক্ষুট স্বরে বলিল, “লর্ড ওয়ারিং যে! আপনি কি মনে করিয়া এই অসময়ে—”

ডাক্তারের কথা শেষ হইবার পূর্বেই লর্ড ওয়ারিং বলিলেন, “তোমার এ কি রকম আক্কেল, ডাক্তার! আমার মেয়ে মৃত্যুশয্যা পড়িয়া আছে, আর তুমি বাড়ী আসিয়া চণ্ডুর নেশায় চুর হইয়া দিব্য আরামে ঘুমাইতেছ? এই কি তোমার মনুষ্যত্ব, এই কি তোমার কর্তব্য জ্ঞান?—ধিক তোমাকে! যাহা

হটক, এখন আর তোমাকে তিরস্কার করিয়া কোন ফল নাই ; এই মুহূর্তে উঠিয়া আমার সঙ্গে চল ।”

ডাক্তার বোকাল পুনর্বার উঠবার চেষ্টা করিল ; কিন্তু গাত্রোথান দূরের কথা, সে সোজা হইয়া বসিতেও পারিল না, গালিচার উপর ঘুরিয়া পড়িয়া গেল, এবং লর্ড ওয়ারিংএর দিকে মিটমিট করিয়া চাহিতে লাগিল ! লর্ড ওয়ারিং আর মুহূর্তকাল সেখানে না দাঁড়াইয়া দ্রুতপদে তাহার অট্টালিকা হইতে বহির্গত হইলেন ।

লর্ড ওয়ারিং অন্ধকারপূর্ণ পথে আসিয়া ডাক্তার ইসোবেলের গৃহাভি মুখে ধাবিত হইলেন । তখন তাঁহার মানসিক অবস্থা অত্যন্ত শোচনীয় ; তিনি তাঁহার কন্যাটিকে মৃত্যু-শয্যায় রাখিয়া আসিয়াছেন, এতক্ষণ সে জীবিত আছে কি না কে বলিবে ? তিনি হাঁফাইতে হাঁফাইতে ডাক্তার ইসোবেলের গৃহদ্বারে উপস্থিত হইয়া রুদ্ধদ্বারে করাঘাত করিলেন । ডাক্তার ইসোবেল মাসার একখানি সোফায় বসিয়া পাঠ করিতেছিলেন, তৎক্ষণাৎ উঠিয়া দ্বার খুলিয়া দিলেন । তাঁহার পরিচারিকা সেই রাত্রির জন্ম ছুটী লইয়া বাড়ী গিয়াছিল, অন্য পরিচারক বা পরিচারিকা সেখানে ছিল না ।

লর্ড ওয়ারিং ব্যস্তভাবে সেই কক্ষে প্রবেশ পূর্বক শ্রীমতী ইসোবেলকে বলিলেন, “আমি লর্ড ওয়ারিং ; আমার কন্যাটির আসন্নকাল উপস্থিত, আপনাকে দয়া করিয়া এই মুহূর্তেই আমার সঙ্গে যাইতে হইবে ।”

লর্ড ওয়ারিংএর কথা শুনিয়া শ্রীমতী ইসোবেল অত্যন্ত বিস্মিতা হইলেন, কারণ ডাক্তার বোকালের সহিত লর্ড ওয়ারিংএর ঘনিষ্ঠতার কথা তাঁহার অজ্ঞাত ছিল না ; তিনি ডাক্তার বোকালকে না ডাকিয়া এই অন্ধকার রাত্রে স্বয়ং তাঁহার নিকট উপস্থিত হইয়াছেন ও ব্যাকুল ভাবে তাঁহার সাহায্য প্রার্থনা করিতেছেন, ইহার কারণ বুঝিতে না পারিয়া শ্রীমতী ইসোবেল কিংকর্তব্য বিমূঢ়ভাবে মুহূর্তকাল বসিয়া রহিলেন ; কিন্তু তৎক্ষণাৎ আত্মসংবরণ করিয়া লর্ড ওয়ারিংকে বলিলেন, “আপনি এত ব্যস্ত হইবেন না, চলুন আমার উপবেশন-কক্ষে বসিয়া কিছুকাল বিশ্রাম করুন ; রোগীর অবস্থার কথা শুনিয়া—”

লর্ড ওয়ারিং বলিলেন, “না, আর বসিব না, আর মুহূর্তকালও নষ্ট করিবার উপায় নাই। আমার প্রাণাধিকা কণ্ঠার অবস্থা অত্যন্ত শোচনীয়, তাহার জীবনের আশা অত্যন্ত অল্প।”

শ্রীমতী ইসোবেল বলিলেন, “তবে এখানেই আপনি বসুন ; আমি আমার টুপি ও গায়ের কাপড় লইয়া এক মিনিটের মধ্যে আসিতেছি।”

লর্ড ওয়ারিং অনিচ্ছাসহেও অধিকুণ্ডের সন্নিকটে একখানি চেয়ারে উপবেশন করিলেন ; ডাক্তার ইসোবেল বাহিরে যাইবার পরিচ্ছেদে সজ্জিত হইবার জন্য কক্ষান্তরে প্রস্থান করিলেন।

শ্রীমতী ইসোবেলকে দেখিয়াই তাঁহার প্রতি লর্ড ওয়ারিংএর মনে শ্রদ্ধার সঞ্চার হইয়াছিল। ডাক্তার ইসোবেলের বয়স অধিক নহে ; মুখখানি অতি সুন্দর, চক্ষুদুটি হালু প্রদীপ্ত, এবং মুখমণ্ডলে বুদ্ধিমত্তার চিহ্ন সুপরিষ্কৃত ; লর্ড ওয়ারিংএর বিশ্বাস হইল শ্রীমতী ইসোবেল এই সঙ্কটকালে বালিকার প্রাণরক্ষার বাবস্থা করিতে পারিবেন।

ডাক্তার ইসোবেল যথাযোগ্য পরিচ্ছদ পরিধান করিয়া লর্ড ওয়ারিংএর নশুখে উপস্থিত হইলেন, এবং তাঁহাকে মৃদুস্বরে বলিলেন, “আমি আপনাকে একটি মাত্র কথা জিজ্ঞাসা করিব। আমি জানি, ডাক্তার বোকালই আপনার গৃহ চিকিৎসক ; আপনি কি কোনও কারণে তাঁহাকে জবাব দিয়াছেন ?”

লর্ড ওয়ারিং মুহূর্তকাল নিস্তব্ধ থাকিয়া উত্তেজিত স্বরে বলিলেন, “হাঁ, তাহাকে জবাব দিয়াছি ; কেবল জবাব দেওয়া নহে, তাহার সহিত সকল সম্বন্ধ জীবনের মত বিচ্ছিন্ন করিয়াছি। আমার কথা শুনিয়া আপনি বিস্মিত হইতে পারেন ; কারণ আপনি জানেন না, ডাক্তার বোকালের কতদূর অধঃপতন নটিয়াছে ! এই হতভাগা চণ্ডুর নেশায় উন্নত হইয়া মনুষ্যত্ববঞ্চিত হইয়াছে। আমার প্রাণাধিকা কণ্ঠা নিউমোনিয়ায় আক্রান্ত হইয়া মৃত্যুশয্যায় পতিত আছে ; এই হতভাগা ডাক্তার নেশা করিবার জন্য সেই অবস্থায় তাহাকে ফেলিয়া বাড়ী চলিয়া আসিয়াছে ! কথা ছিল, আমি টেলিফোন করিবামাত্র সে আমার গৃহে উপস্থিত হইবে। আমি আমার কণ্ঠার অবস্থা

থারাপ দেখিয়া তাহাকে টেলিফোন করিলাম ; কিন্তু তাহার কোন সাড়াশব্দ পাইলাম না। তখন প্রাণের দায়ে এই অন্ধকার রাত্রে স্বয়ং তাহার গৃহে উপস্থিত হইলাম ; দেখিলাম, সে চণ্ডু টানিয়া নেশায় চুর হইয়া পড়িয়া আছে ! বিস্তর টানাটানি করিয়াও তাহাকে তুলিতে পারিলাম না ; অগত্যা আমাকে আপনার সাহায্য প্রার্থনায় এখানে আসিতে হইয়াছে।”

শ্রীমতী ইসোবেল লর্ড ওয়ারিংএর কথা শুনিয়া স্তম্ভিত ভাবে বসিয়া রহিলেন, লর্ড ওয়ারিংএর কথাটা হঠাৎ বিশ্বাস করিতে পারিলেন না ; শেষে মাথা নাড়িয়া বলিলেন, “না, না, একথা বিশ্বাস হয় না ; ডাক্তার বোকাল চণ্ডুখোর ? আপনি অতি অসম্ভব কথা বলিতেছেন ! আপনার ভ্রম হয় নাই ত ?”

লর্ড ওয়ারিং বলিলেন, “যাহা যাহা ঘটিয়াছে, সকলই আপনাকে বলিলাম, আমি স্বচক্ষে তাহার হস্তে চণ্ডুর নল দেখিয়া আসিয়াছি। অহিফেন-ধূমে সেই কক্ষটি এরূপ আচ্ছন্ন হইয়াছিল যে, সেখানে প্রবেশ করিয়া আমার শ্বাস-রোধের উপক্রম হইয়াছিল ! যাহা হউক, আর কোন কথা আবশ্যক নাই, আপনি শীঘ্র চলুন ; এতক্ষণ মেয়েটা আছে কি না বুঝিতে পারিতেছি না।”

শ্রীমতী ইসোবেল বলিলেন, “আমি যাত্রার জন্ত প্রস্তুত হইয়াই আসিয়াছি ; কিন্তু আপনি রোগীর যেরূপ অবস্থার কথা বলিলেন, তাহা শুনিয়া মনে হইতেছে খানিকটা অল্পজানের আবশ্যক হইবে ; আমি তাহা সংগ্রহ করিয়া লইয়া যাইতেছি, আপনি অগ্রসর হউন।”

লর্ড ওয়ারিং আর কোন কথা না বলিয়া সেই কক্ষ হইতে নিজক্রান্ত হইলেন। ডাক্তার ইসোবেলের বাড়ীর সম্মুখে একটি ক্ষুদ্র বাগান ছিল ; লর্ড ওয়ারিং সেই বাগান পার হইয়া পথে আসিতে না আসিতেই ডাক্তার ইসোবেল তাঁহার পশ্চাতে উপস্থিত হইলেন। সেখান হইতে লর্ড ওয়ারিংএর বাসগৃহের দূরত্ব অধিক নহে ; কয়েক মিনিটের মধ্যে উভয়ে লর্ড ওয়ারিংএর গৃহদ্বারে উপস্থিত হইলেন। তাঁহাদিগকে দেখিবামাত্র সর্দার খানসামা দ্বার খুলিয়া দিল। ডাক্তার ইসোবেল লর্ড ওয়ারিংএর সঙ্গে রোগীর শয্যাপ্রান্তে উপস্থিত

হইলেন। তাঁহাদিগকে দেখিয়া ধাত্রী দূরে সরিয়া গেল; তাহার মুখ অত্যন্ত গম্ভীর, এবং চক্ষুদ্বয় অশ্রুপূর্ণ।

ডাক্তার ইসোবেল বালিকার পাশে বসিয়া মুহূর্ত্ত কাল তাহার অবস্থা পরীক্ষা করিলেন, তাহার পর অত্যন্ত গম্ভীর ভাবে মাথা নাড়িলেন।

তাঁহার ভাব দেখিয়া লর্ড ওয়ারিং ব্যগ্রভাবে বলিলেন, “তবে কি মেয়েটার জীবনের আশা নাই?”

শ্রীমতী ইসোবেল বলিলেন, “না, আর মানুষের কোন হাত নাই।”

লর্ড ওয়ারিং হতাশভাবে বলিলেন, “তবে কি মারা গিয়াছে?” তিনি ডাক্তারের উত্তর শুনিবার জন্ত অপেক্ষা না করিয়াই কণ্ঠার শয্যাপ্রান্তে উপস্থিত হইয়া দেখিলেন, বালিকার দেহ তুমারশীতল, দেহে জীবনের চিহ্ন বর্ত্তমান নাই।

ঠিক সেই মুহূর্ত্তে ডাক্তার বোকাল স্বলিত পদে সেই কক্ষে প্রবেশ করিয়াই তাহার প্রতিদ্বন্দ্বী ডাক্তার শ্রীমতী ইসোবেলকে রোগীর শয্যাপ্রান্তে উপবিষ্ট দেখিয়া চমকাইয়া উঠিল, অক্ষুটস্বরে জিজ্ঞাসা করিল, “রোগী কেমন?”

ডাক্তার বোকালের কথা শুনিয়া লর্ড ওয়ারিং ক্রোধে গর্জন করিয়া উঠিলেন, বিকৃত স্বরে বলিলেন, “মারা গিয়াছে। আমার প্রাণাধিকা কণ্ঠার মৃত্যুর জন্ত তুমিই দায়ী। তুমি ঠিক সময়ে উপস্থিত হইলে হয় ত তাহার প্রাণ রক্ষা হইত। ডাক্তার বোকাল, তুমি আমার কণ্ঠার হত্যাকারী।”

ডাক্তার বোকাল বলিল, “লর্ড ওয়ারিং, আপনি সংযতভাবে কথা বলিবেন; আপনি ভদ্রতার সীমা অতিক্রম করিতেছেন।”

লর্ড ওয়ারিং অধীরভাবে বলিলেন, “তোমার মত ইতরের সহিত ভদ্রতা অনাবশ্যক; আমি সত্য কথাই বলিয়াছি। তুমি আমার কণ্ঠার হত্যাকারী নহ? আমার কণ্ঠা মৃত্যুশয্যায় পড়িয়া খাবি খাইতে লাগিল, আর তুমি বাড়ী বসিয়া নিশ্চিন্ত মনে চণ্ডু টানিতে লাগিলে! এইরূপেই কি রোগীর চিকিৎসা করে? তুমিই আমার কণ্ঠার মৃত্যুর কারণ। শিশুহত্যা! তুমি আমার নিকট ভদ্রতা প্রত্যাশা করিতেছ? এই মুহূর্ত্তে আমার সম্মুখ হইতে

দূর হও, নতুবা আমি তোমাকে পদাঘাত করিতে কুণ্ঠিত হইব না। তুমি জীবনে আর আমার সম্মুখে আসিও না, আমি তোমার মুখ দর্শন করিতে চাহি না।”

ডাক্তার বোকাল বলিল, “মহাশয়, আপনি অন্যায় কথা বলিতেছেন, আপনার কণ্ঠার মৃত্যুর জন্ত আমাকে অনর্থক দায়ী করিতেছেন।”

লর্ড ওয়ারিং সক্রোধে বলিলেন, “যাও যাও! আর মিথ্যা কথা বলিতে হইবে না। তুমি যে কি প্রকৃতির লোক, আজ তাহা জানিতে পারিয়াছি। তোমার ঞায় নরপশুকে আমি বন্ধুরূপে গ্রহণ করিয়াছিলাম, তোমাকে বিশ্বাস করিয়াছিলাম; আমার সেই অবিম্বসাকারিতার উপযুক্ত ফল পাইয়াছি। কিন্তু তুমি মনে করিও না—আমি তোমাকে সহজে ছাড়িব। তুমি তোমার কার্যের উপযুক্ত প্রতিফল পাইবে, একথা আমি আমার মৃত কণ্ঠার শয্যাপ্রান্তে দাঁড়াইয়া শপথ করিয়া বলিতেছি। তোমাকে শাস্তি দান না করিলে আমি আমার কণ্ঠার নিকট অপরাধী হইয়া থাকিব। আগামী কল্যই আমি আমার উইল পরিবর্তিত করিব, নূতন উইল করিব, এবং সকলের নিকট তোমার আচরণের কথা প্রকাশ করিব; দেখিব, তুমি কিরূপে ডাক্তারী কর। তুমি এই মুহূর্ত্তে দূর হইয়া যাও, নতুবা তোমাকে জুতা মারিয়া তাড়াইয়া দিব।”



# মোঁতাতে প্রমাদ

( গল্পারম্ভ )

## প্রথম পরিচ্ছেদ

লর্ড ওয়ারিংএর প্রাণাধিকা কণ্ঠার মৃত্যুর পর তিন বৎসর অতীত হইয়াছে।—এই তিন বৎসরে ক্ষুদ্র লল্হাম পল্লীতে অনেক কাণ্ড ঘটিয়াছে। এই আখ্যায়িকার সহিত সেই সকল ব্যাপারের বিশেষ কোনও সম্বন্ধ নাই; সুতরাং আমরা এখানে সেই সকল অবাস্তুর প্রসঙ্গের অবতারণা করিব না। এইমাত্র বলিলেই যথেষ্ট হইবে যে, লর্ড ওয়ারিং তাঁহার মৃতকণ্ঠার শয্যা প্রাপ্তে দৃশ্যমান হইয়া যে প্রতিজ্ঞা করিয়াছিলেন, সেই প্রতিজ্ঞা পালনে বিমুখ হন নাই। ডাক্তার বোকাল্ কি প্রকৃতির লোক, অহিফেনের নেশায় আচ্ছন্ন হইয়া সে কিরূপে তাঁহার সর্কনাশ করিয়াছে, তাহা তিনি সমাজের উচ্চ নীচ সকলেরই নিকট প্রকাশ করিয়াছিলেন; এবং ডাক্তার বোকাল্কে আর কেহ না ডাকে—তাঁহারও ব্যবস্থা করিয়াছিলেন।—ডাক্তার বোকাল্‌র যে কিছু পশার-প্রতিপ্রতি ছিল, তাহা অল্পদিনেই নষ্ট হইল; লোকে তাহাকে দেখিয়া ঘণাভরে মুখ ফিরাইতে লাগিল। ডাক্তার বোকাল্ জনসাধারণের অবজ্ঞা, টিটকারী, ঢর্কা কা সহ্য করিতে না পারিয়া একদিন প্রত্যাষে সকলের অজ্ঞাতসারে লল্হাম হইতে পলায়ন করিল।

লেডি ডাক্তার শ্রীমতী ইসোবেল অল্পদিনেই লর্ড ওয়ারিংএর শ্রদ্ধা ও বিশ্বাসের পাত্রী হইলেন; তিনিই অতঃপর লর্ড ওয়ারিংএর গৃহচিকিৎসকের পদ লাভ করিলেন। তাঁহার অস্বাভিক ব্যবহারে, এবং সূচিকিৎসার গ্রামে

তাঁহার অথও পশার হইল। সকলের মুখেই তাঁহার সুখ্যাতি। লর্ড ওয়ারিং তাঁহার এতই পক্ষপাতী হইয়াছিলেন যে, সকল বিষয়েই তিনি ডাক্তার ইসোবেলের পরামর্শ গ্রহণ করিতেন।

কণ্ঠার মৃত্যুতে লর্ড ওয়ারিং মনে এতই আঘাত পাইলেন যে, অল্পদিনেই তাঁহার স্বাস্থ্য ভঙ্গ হইল। তাঁহার বয়স তেমন অধিক না হইলেও অকাল বার্ধক্যে তিনি জরাজীর্ণ হইয়া পড়িলেন।

অবশেষে একদিন তাঁহার অবস্থা সত্যি আশঙ্কাজনক হইয়া উঠিল; তাঁহার অবস্থার কথা শুনিয়া ডাক্তার ইসোবেল তাড়াতাড়ি তাঁহাকে দেখিতে আসিলেন। লর্ড ওয়ারিং তখন শয্যাগত। ডাক্তার ইসোবেল তাঁহার বক্ষঃস্থল পরীক্ষা করিয়া অত্যন্ত উৎকণ্ঠিত হইলেন; তিনি বুঝিলেন, যে কোন মুহূর্ত্তে তাঁহার বক্ষের স্পন্দন রহিত হইতে পারে। ডাক্তার ইসোবেল স্থির করিলেন, আর বিলম্ব না করিয়া হৃদরোগের চিকিৎসায় সিক্কহস্ত সার চার্লস্ রিডারকে আনাহইয়া তাঁহার হস্তে লর্ড ওয়ারিংএর চিকিৎসার ভার প্রদান করা কর্তব্য।

সার চার্লস্ রিডার লণ্ডনের বিখ্যাত চিকিৎসক; হৃদরোগের বিশেষজ্ঞ বলিয়া সমগ্র ইংলণ্ডে তাঁহার অসাধারণ খ্যাতি ছিল। তিনি দৈনিক সহস্র মুদ্রা দর্শনী লইয়া লন্ডহামে লর্ড ওয়ারিংএর চিকিৎসা করিতে আসিলেন।—তিনি মোটর গাড়ীতে লণ্ডন হইতে লন্ডহামে উপস্থিত হইলেন, এবং লর্ড ওয়ারিংএর রোগ পরীক্ষা করিয়া ডাক্তার ইসোবেলের সহিত চিকিৎসা সম্বন্ধে পরামর্শ করিতে লাগিলেন।—তাঁহার পর তিনি ডাক্তার ইসোবেলকে সঙ্গে লইয়া তাঁহার বাড়ীতে পৌছাইয়া দিলেন।

সার চার্লস্ রিডার মিস্ ইসোবেল মাসারের গৃহদ্বারে দণ্ডায়মান হইয়া বলিলেন, “মিস্ মাসার, আমি যতদূর বুঝিয়াছি—তাঁহাতে বোধ হয় লর্ড ওয়ারিংএর সুচিকিৎসা হইলে ও তিনি সাবধানে থাকিলে আরও কয়েক বৎসর বাঁচিতে পারেন; কিন্তু উপস্থিত তাঁহার যে অবস্থা দেখিলান, তাহা আদৌ আশাপ্রদ নহে। সুখের বিষয় আপনি ঠিক সময়েই আমার পরামর্শ গ্রহণের

ব্যবস্থা করিয়াছেন। আশা করি কলাই পুনরায় আপনার সহিত আমার  
সাক্ষাৎ হইবে, তখন আমরা আমাদের কর্তব্য সম্বন্ধে আলোচনা করিতে  
পারিব।—আপনার চিকিৎসা-নৈপুণ্যে আমার বথেষ্ট আস্থা আছে।”

সার চার্লসের গায় বহুদর্শী সুবিখ্যাত চিকিৎসকের এই প্রশংসায় মিস  
মার্সারের চক্ষু আনন্দে উজ্জ্বল হইয়া উঠিল। তিনি কৃতজ্ঞ দৃষ্টিতে সার  
চার্লসের মুখের দিকে চাহিলেন; কিন্তু কোন কথা বলিলেন না।

সার চার্লস বলিলেন, “আমি ঔষধের যে ব্যবস্থা-পত্র লিখিয়া দিব, আপনি  
তদনুযায়ী ঔষধ প্রস্তুত করিয়া দিবেন; বিশেষতঃ, মর্ফাইনের (অপিফেন-  
নার) পরিমাণ সম্বন্ধে আপনি খুব সতর্ক থাকিবেন।”

মিস্ মার্সার বলিলেন, “এজ্ঞ আপনি কোন চিন্তা করিবেন না।—আমি  
এই ঔষধ যে পরিমাণে প্রয়োগ করিয়া আসিয়াছি, আপনি কি তাহার অনুমোদন  
করেন না?”

সার চার্লস বলিলেন, “নিশ্চয়ই করি; তবে আপনি লক্ষ্য রাখিবেন—  
কোন কারণে উহার পরিমাণ যেন বর্দ্ধিত না হয়। লর্ড ওয়ারিংএর রোগ  
ঠিক সাধারণ রোগ নহে; তাঁহার রুদ্ররোগের যে সকল লক্ষণ দেখিলাম,  
বহুশত জনের মধ্যে একজন রোগীরও ঠিক একরূপ লক্ষণ দেখিতে পাওয়া যায়  
কি না সন্দেহ। আমি ত ঠিক এইরূপ লক্ষণবিশিষ্ট রোগী এ পর্য্যন্ত একটিও  
দেখি নাই।—রোগের কটিলতা অত্যন্ত অধিক। তাঁহার রুদ্ররোগ ও মূত্রাশয়ের  
বর্তমান অবস্থায় অতি অল্প পরিমাণে মর্ফাইনের ব্যবস্থা করা যাইতে  
পারে;—কিন্তু পরিমাণ বিন্দুমাত্র অধিক হইলেই ফল বিষময় হইবে।”

মিস্ মার্সার বলিলেন, “মাত্রাধিকো প্রাণ-সংশয় সম্ভব মনে করেন  
কি?”

সার চার্লস বলিলেন, “নিশ্চয়ই।—মাত্রাধিক হইলে কয়েক ঘণ্টার মধ্যেই  
মৃত্যু অনিবার্য। আমি ত পূর্বেই বলিয়াছি রোগ সাধারণ নহে; যাহা  
ঠিক, আমি আপনার সৌভাগ্যের জন্ত আনন্দ প্রকাশ করিতেছি। আপনি  
তাঁহাই ভাগ্যবতী।”

মিস্ মাসার লজ্জারক্ৰিম মুখে বলিলেন, “আপনি একথা বলিতেছেন কেন আমার কি সৌভাগ্য দেখিলেন?”

স্যার চার্লস্ রিডার বলিলেন, “আচ্ছ লর্ড ওয়ারিংএর মুখে তিন বৎসর পূর্বের একটা ঘটনার কথা শুনিলাম; লর্ড ওয়ারিং আপনার সদ্বৃত্ত বড়ই পক্ষপাতী। তিনি তাঁহার উইলে ডাক্তার বোকালকে পঁচাত্তর হাজার টাকা দান করিয়াছিলেন, কিন্তু পরে সেই উইল রদ করিয়া ডাক্তার বোকালে পরিবর্তে সেই পরিমাণ টাকা আপনাকেই প্রদানের ব্যবস্থা করিয়াছেন।”

মিস্ ইসোবেল মাসার বলিলেন, “হাঁ, আমার প্রতি লর্ড ওয়ারিংএর বড়ই ম্বেত; তিনি তাঁহার নূতন উইলে এইরূপ ব্যবস্থা করিয়াছেন তাহা জানি। কিন্তু এই বিপুল অর্থ হস্তগত করিবার জন্য আমার বিন্দুমাত্র আগ্রহ নাই, কারণ এই আগ্রহের অর্থ লর্ড ওয়ারিংএর মৃত্যু কামনা।—তিনি যাহাতে অচিরে রোগমুক্ত হইয়া দীর্ঘজীবী হইতে পারেন,—ইহাই আমার আশ্চরিক কামনা। আমার এরূপ হিতাকাঙ্ক্ষী স্বহৃদ আর কেহই নাই; আমি তাঁহাকে পিতার ন্যায় শ্রদ্ধাভক্তি করি।—যাঃ হউক, এখন আপনার নিকট বিদায় গ্রহণ করিতেছি, আশা করি আগামী কল্য বেলা দুইটার সময় পুনর্বার আপনার সহিত সাক্ষাৎ হইবে।—প্রত্যয়েই আমি গুণে প্রস্তুত করিয়া লর্ড ওয়ারিংএর নিকট পাঠাইব।”

স্যার চার্লস্ রিডার টুপি খুলিয়া মিস্ ইসোবেল মাসারকে অভিবাদন পূর্বক তাঁহার মোটর গাড়ীতে প্রবেশ করিলেন; মোটরখানি লণ্ডনান্তিমুখে ধাবিত হইল।

ডাক্তার ইসোবেল মাসার প্রফুল্লচিত্তে গৃহে প্রবেশ করিলেন; তাঁহাকে দেখিবামাত্র দুইটি ছোট ছোট পোষা কুকুর ও একটি পারশু দেশীয় স্ববৃহৎ বিড়াল তাঁহার পদপ্রান্তে উপস্থিত হইয়া খেলা করিতে লাগিল। তিনি এই বিড়াল-কুকুরগুলিকে বড়ই ভালবাসিতেন, এবং স্বহস্তে তাহাদিগকে আহার দিতেন। কুকুর ও বিড়াল ভিন্ন তাঁহার একটি পোষা টিয়া পাখী ছিল; পাখীটির

কিনক বয়স হইয়াছিল, এবং তাহার মস্তকের সমস্ত পালক উঠিয়া গিয়াছিল।  
এই পাখীটি ঠিক মানুষের মত কথা কহিতে পারিত।

ডাক্তার ইসোবেল মার্চারের শয়ন-কক্ষে একটি দাঁড়ের উপর পাখীটি  
সম্মত ছিল। তাহার নাম ডোডো। ডোডো ইসোবেলকে দেখিবামাত্র ডানা  
নাড়িয়া পরিকার স্বরে বলিল, “ইসোবেল আসিয়াছ? খাবার কোথায়? পুষ,  
পুষ, আয়! মিউ মিউ।”

ইসোবেল বলিলেন, “ডোডো, তুই বড় পেটুক; কিছুতেই তোয় পেট  
পূর না।”—ইসোবেল ডোডোর নিকট উপস্থিত হইয়া তাহার মাথায় ও পিঠে  
হাত বুলাইতে লাগিলেন। তাহার পর চেয়ারে বিশ্রাম করিতে বসিলেন; তিনি  
অত্যন্ত পরিশ্রান্ত হইয়াছিলেন।

কিছুকাল শ্রান্তি দূর করিয়া ইসোবেল তাহার ডেয় হইতে একখানি  
পত্র বাহির করিয়া তাহা পাঠ করিতে লাগিলেন। এই পত্রখানি নিউইয়র্ক  
থেকে হইতে আসিয়াছিল। পত্র-লেখক লিখিয়াছিলেন, তিনি নিউইয়র্ক হইতে  
লিভারপুলে আসিতেছেন; লিভারপুলে উপস্থিত হইয়া সেখানকার কোন  
হোটেলে বাসা লইবেন, অল্প পত্রে সে সংবাদ জানাইবেন।

এই পত্রখানি প্রণয়-পত্র; পত্রলেখক পত্রে প্রেমপূর্ণ ভাষায় যে সকল  
কথা লিখিয়াছিলেন, তাহা পাঠ করিয়া আনন্দে ও লজ্জায় ইসোবেলের মুখ  
আরক্তিম হইল; তিনি দুই-তিনবার পত্রখানি পাঠ করিয়া অক্ষুট স্বরে  
বলিলেন, “প্রিয়তম জ্যাক্ দীর্ঘকাল পরে পুনরায় ইংলণ্ডে আসিতেছেন।  
তাহাকে দেখিয়া, তাহার সহিত আলাপ করিয়া কতই সুখী হইব! কিন্তু  
আমার আশঙ্কা, আমি তাহার নিকট অধিক সময় থাকিতে পারিব না।  
কেন আমার হাতে অনেক রোগী আছে। নিজের সুখের জন্য তাহাদের  
সহিত অবহেলা প্রকাশ করিলে চলিবে না। আপাততঃ লর্ড ওয়ারিংএর ঔষধের  
বিবরণপত্রখানি লিখিয়া রাখি, প্রত্যবে উহা আমার কম্পাউণ্ডার জেমিসনকে  
দেখ; সে ঔষধ প্রস্তুত করিয়া পাঠাইবে। আজ রাতে আহারের পর  
কিছু পড়াশুনা করা যাইবে, তাহার পর নিদ্রা; আজ বড় পরিশ্রান্ত হইয়াছি।”

অনন্তর ডাক্তার ইসোবেল তাঁহার নোটবহি বাহির করিয়া তাহার এক পৃষ্ঠায় সার চার্জসের ব্যবস্থানুযায়ী ব্যবস্থাপত্র লিখিলেন ; এবং কোনও প্রকার ভ্রমপ্রমাদ হইয়াছে কি না তাহা পরীক্ষার জন্য ব্যবস্থাপত্রখানি অভিনিবেশ সহকারে পাঠ করিলেন।

ঠিক সেই মুহূর্ত্তে ডাক্তার ইসোবেলের পরিচারিকা সেই কক্ষে উপস্থিত হইয়া তাঁহাকে বলিল, “আপনার ভাই রাল্ফ আপনার সঙ্গে দেখা করিতে আসিয়াছেন।”

ডাক্তার ইসোবেলের ভ্রাতা রাল্ফের বয়স কুড়ি বৎসরের অধিক নহে, ইসোবেলের দুই বৎসরের ছোট। এই যুবক লণ্ডনের কোনও ব্যাঙ্কে খাতাধীরা কাজ করিত। সে লণ্ডন হইতে তাহার দিদির সহিত সাক্ষাৎ করিতে আসিয়াছিল।

ভ্রাতার আগমন-সংবাদ শ্রবণ করিয়া ইসোবেল সহর্ষে বলিলেন, “রাল্ফ আসিয়াছে ! কোথায় সে ? তাহাকে শীঘ্র এখানে পাঠাইয়া দাও।”

ইসোবেলের কথা শেন হইতে না হইতেই রাল্ফ সেই কক্ষে প্রবেশ করিয়া বলিল, “দিদি, আমি দাসীর প্রত্যাগমনের অপেক্ষা না করিয়াই তাড়া-তাড়ি তোমার কাছে আসিলাম।”

ইসোবেল সম্মুখে ভ্রাতাকে ক্রোড়ের নিকট টানিয়া লইয়া তাহার পিঠে হাত বুলাইতে বুলাইতে বলিলেন, “রাল্ফ, তোমাকে দেখিয়া বড়ই সুখী হইলাম। কিন্তু তুমি এমন অসময়ে আসিলে কেন ? আজ রাত্রেই কি লণ্ডনে ফিরিয়া যাইবে ? তোমার মুখ শুকাইয়া গিয়াছে, তোমাকে অত্যন্ত চিন্তিত দেখাইতেছে ; কি হইয়াছে ভাই বল। এরাতে লণ্ডনে ফিরিয়া যাইতে তোমার বোধ হয় বড় কষ্ট হইবে।”—ইসোবেল উভয় হস্তে তাঁহার সহোদরের কণ্ঠ বেঁটন করিলেন।

রাল্ফ বিমর্ষভাবে বলিলেন, “দিদি, আর যদি লণ্ডনে ফিরিয়া যাইতে না হইত, তাহা হইলে ত বাঁচিয়া যাইতাম।”

পরিচারিকাটি পূর্বেই স্থানান্তরে প্রস্থান করিয়াছিল। ইসোবেল রাল্ফের

কথার মর্ম বুঝিতে না পারিয়া উৎকণ্ঠিত হইলেন, সাগ্রহে বলিলেন, “একপ কথা কেন বলিতেছ ভাই ! কি হইয়াছে সকল কথা খুলিয়া বল । তোমার ভাব দেখিয়া আমার ভাল বোধ হইতেছে না ; যদি তোমার শরীর অসুস্থ হইয়া থাকে, তাহা হইলে আমি একটা ঔষধের ব্যবস্থা করিয়া দিতেছি ।”

রাল্ফ বলিল, “না, ঔষধের আবশ্যক নাই, আমার শরীর ভালই আছে । রোগ আমার মনে, ঔষধে কি উপকার হইবে ? দিদি, আমি বড়ই বিপদে পড়িয়াছি ।”

রাল্ফ ইসোবেলের হাত ছাড়াইয়া অদূরবর্তী একখানি চেয়ারে ঝুপ করিয়া বসিয়া পড়িল, এবং পুনর্বার হতাশভাবে বলিল, “এবার বুঝি আমার রক্ষা নাই !”

রাল্ফের কথা শুনিয়া ইসোবেলের মুখমণ্ডল হঠাৎ পাংশুবর্ণ ধারণ করিল । ব্যাপারখানা কি, তাহা কতকটা অনুমান করিয়া তিনি অত্যন্ত শঙ্কিত হইলেন ; ভৎসনার সুরে বলিলেন, “রাল্ফ, আবার সেই কাণ্ড ?”

রাল্ফ বিরক্তিভরে বলিল, “তুমি বুঝি বক্তৃতা আরম্ভ করিবে ? না, আমার বক্তৃতা শুনিবার সময় নাই, সে ইচ্ছাও আমার নাই ; আমার মনের অবস্থা অতাপ্ত শোচনীয়, বোধ হয় আমি পাগল হইয়া গাইব ! এখন আমার মাথার ঠিক নাই ।”

ইসোবেল গৃহস্বরে বলিলেন, “টাকার জ্ঞান আসিয়াছে বুঝি ?”

রাল্ফ বলিল, “ঠিক বুঝিয়াছ দিদি, টাকার জ্ঞানই আসিয়াছে । টাকা চাই, নতুবা কালই আমাকে পুলিশে গ্রেপ্তার করিবে ।”

ইসোবেল সভয়ে বলিলেন, “পুলিস :তোমাকে গ্রেপ্তার করিবে ?—তোমার অপরাধ কি ?”

রাল্ফ বলিল, “অপরাধ অতি সামান্য, আমি ব্যাঙ্কের তহবিল ভাঙ্গিয়াছি । টাকা লইয়া জুয়া খেলিয়াছিলাম ; ভাবিয়াছিলাম, জুয়ার অনেক টাকা লাভ হইবে, তখন তহবিলের টাকা তহবিলে রাখিয়া দিব, লাভের টাকায় স্তুতি করিব ; কিন্তু লাভ হওয়া দূরের কথা, সমস্ত টাকাই হারিয়াছি !”

ইসোবেল ভ্রাতার কথা শুনিয়া চতুর্দিক অন্ধকার দেখিলেন ; জড়িতস্বরে জিজ্ঞাসা করিলেন, “ব্যাঙ্কের কত টাকা ভাঙ্গিয়াছ ?”

রাল্ফ বলিল, “তেমন অধিক টাকা নহে, মোটে পনের হাজার ! এ টাকা কাল আফিসে ফিরিয়া তহবিলে রাখিতে না পারিলে আমাকে কারাদণ্ড হইতে কেহই রক্ষা করিতে পারিবে না । এ টাকা আর কোথাও সংগ্রহ করিবার উপায় নাই ; এখন যদি তুমি আমাকে রক্ষা না কর, তাহা হইলে আমার সর্বনাশ হইবে ।”

ইসোবেল বলিলেন, “পনের হাজার টাকা ! কি সর্বনাশ, এত টাকা আমি কোথায় পাইব ?”

রাল্ফ বলিল, “তুমি এত বড় ডাক্তার, এই টাকা কয়টি সংগ্রহ করিয়া দিতে পারিবে না ?”

ইসোবেল হতাশভাবে বলিলেন, “অসম্ভব !—ব্যাঙ্কে আমার তিন হাজার টাকামাত্র গচ্ছিত আছে ।—আর বার হাজার টাকা কোথায় পাইব ?”

রাল্ফ বলিল, “আমি যে তোমার ভরসাতেই আসিয়াছিলাম । টাকা কালই যে চাই ! অভিটার আসিয়া তহবিল দেখিতে চাহিলেই সর্বনাশ ।”—রাল্ফ আর কোন কথা বলিতে পারিল না ; উভয় হস্তে মুখ ঢাকিয়া ফুলিয়া ফুলিয়া কাঁদিতে লাগিল ।—ইসোবেল তাহাকে কি বলিয়া শান্ত করিবেন, তাহা বুঝিতে পারিলেন না ।

রাল্ফ হঠাৎ মুখ তুলিয়া বাষ্পরুদ্ধ স্বরে বলিল, “টাকাগুলি না পাইলে আমাকে জেলে যাইতে হইবে, আমাদের বংশের সুনাম নষ্ট হইবে ; তাহা অপেক্ষা মৃত্যু ভাল । যদি আমি টাকা না পাই, তাহা হইলে আত্মহত্যা করিব ; ইহা ভিন্ন অন্য উপায় নাই । দিদি আমাকে বাঁচাও । তুমি চেষ্টা করিলে এ টাকা কোথাও কর্জ করিয়া আমাকে দিতে পার ।”

ইসোবেল মুহূর্তকাল কি চিন্তা করিলেন, তাহার পর উঠিয়া গিয়া রাল্ফের হাত ধরিয়া তাহাকে টানিয়া তুলিলেন ; তাহার কর্ণালিঙ্গন করিয়া বলিলেন, “রাল্ফ, ভাই ! কেন তোমার এ দুর্ঘটি হইল ? এমন অন্যায় কাজ কেন করিলে ?



তুমি কি জান না জুয়াখেলার ক্ষতি ভিন্ন লাভ নাই? জুয়া খেলিয়া কেহ এপর্যন্ত লাভবান হইতে পারে নাই; এ ফাঁদে যাহারা পা দিয়াছে তাহাদেরই সর্বনাশ হইয়াছে! বাচা হউক, তুমি এখন আশ ঘণ্টাখানেক বাহিরে ঘুরিয়া এস, নিঃসঙ্গে আমাকে একটু চিন্তা করিতে দাও।—কি রূপে তোমাকে বাচাইব, তাহা আমি ভাবিয়া স্থির করিতে পারিতেছি না।”

ইসোবেলের কথা শুনিয়া রাল্ফ কিঞ্চিৎ আশ্বস্ত হইল। সে ধীরে ধীরে সেই কক্ষের রুদ্ধ বাতায়ন খুলিয়া কয়েক মিনিট বাহিরের অন্ধকারের দিকে চাহিয়া রহিল; তাহার পর নিঃশব্দ পদসঞ্চারে সেই কক্ষ ত্যাগ করিল।—ইসোবেল অশ্রুমনস্ক ভাবে তাহার ডেস্কের নিকট উপস্থিত হইলেন; অন্ধকার রাত্রি, বাতায়নটি খোলা আছে ইহা তিনি লক্ষ্য করিলেন না। সেই বাতায়ন-পথে বাহিরের শীতল বায়ু কক্ষ মধ্যে প্রবেশ করিয়া তাহার চোখে মুখে লাগিতে লাগিল, তথাপি মুক্ত বাতায়নের দিকে তাহার দৃষ্টি পড়িল না; তখন তিনি ঘোর অশ্রুমনস্ক!

ইসোবেল অশ্রুটপ্তরে বলিলেন, “এখন করি কি? ছোড়াটাকে কি করিয়া এই বিপদ হইতে রক্ষা করি?—একটা মাত্র উপায় আছে। আমার প্রিয়তম ত্যাক ধনবান, তাহার অর্থের অভাব নাই; এই টাকা কি তাহার নিকট হইতে কর্জ করিব?—আমি কর্জ চাহিলে তিনি পত্রপাঠ টাকাগুলি আমাকে পাঠাইয়া দিবেন।”

ইসোবেল পাঁচমিনিট কাল এই কথা চিন্তা করিলেন।—প্রিয়তম প্রণয়ীকে পত্র লেখাই তিনি কর্তব্য মনে করিলেন; ইহা ভিন্ন যে অন্য উপায় কিছুই নাই। ইসোবেল ডেস্ক হইতে তাহার প্রিয়তমের পত্রখানি বাহির করিয়া, আর একবার তাহা পাঠ করিলেন; পত্রে জ্যাকের লিভারপুলস্ টিকানা লিখিত ছিল।—তাহার সেই টিকানাতেই পত্র প্রেরণ করা কর্তব্য হইবে। তিনি তাড়াতাড়ি একখানি পত্র লিখিতে আরম্ভ করিলেন।—পত্রে তিনি তাহার ভ্রাতার বিপদের কথা খুলিয়া লিখিলেন; এবং পনের

হাজার টাকা অবিলম্বে তাঁহার হস্তগত না হইলে হতভাগ্য বালককে জেলে  
যাইতে হইবে, তাহাও লিখিতে সঙ্কোচ বোধ করিলেন না।

কিন্তু পত্রখানি শেষ করিয়াই তাঁহার মনে ভাবান্তর উপস্থিত হইল।  
—হঠাৎ তাঁহার মনে হইল, “এ আমি করিতেছি কি ? আমার পত্র পাইয়া  
জ্যাক নিশ্চয়ই টাকাগুলি পাঠাইবেন ; কিন্তু আমার প্রতি তাঁহার যে শ্রদ্ধা  
আছে, তাহা থাকিবে কি ?—এরূপ পত্র লেখা আমার পক্ষে কি দাখেটে  
হীনতার পরিচয় নহে ?—আনার দাতা চোর ! চোরের ভগিনীকে তিনি হৃদয়  
সমর্পণ করিয়াছেন,—তাহাকে বিবাহ করিতে উদ্বৃত্ত হইয়াছেন ; এ কথা স্বরণ  
করিয়া কি তাঁহার হৃদয় অনুশোচনায় পূর্ণ হইবে না ?—না, আমি তাঁহাকে  
এ পত্র পাঠাইব না ; আমি প্রাণ গেলেও তাঁহার নিকট টাকা ধার চাহিব না।”  
—মনে মনে এইরূপ আলোচনা করিয়া, তিনি যে পত্রখানি লিখিয়াছিলেন,  
এবং তাঁহার প্রণয়ীর যে পত্র পাইয়াছিলেন—এই উভয় পত্রই ডেক্সের  
ভিতর পুরিয়া রাখিলেন ; তাহার পর অল্প কি উপায়ে এই টাকা সংগৃহীত  
হইতে পারে, তাহাই ভাবিতে লাগিলেন।

অনেকক্ষণ চিন্তার পর তিনি স্থির করিলেন, আর আধঘণ্টা পরে যে  
ট্রেন লন্ডন স্টেশন হইতে লণ্ডনে যাইবে, সেই ট্রেনে তিনি লণ্ডনে যাত্রা  
করিবেন। লণ্ডনে উপস্থিত হইয়া কোন একজন মহাজনের সহিত সাক্ষাৎ  
করিবেন ; তাহাকে বলিবেন, লর্ড ওয়ারিং তাঁহার উইলে তাঁহাকে পঁচাত্তর  
হাজার টাকা দান করিতে প্রতিশ্রুত হইয়াছেন ; লর্ড ওয়ারিংএর মৃত্যুর  
পর এই টাকা তাঁহার হস্তগত হইবে। তখন সুদ সমেত পনের হাজার  
টাকার দেনা শোধ করা তাঁহার পক্ষে কঠিন হইবে না।—তাঁহার কথা  
শুনিয়া মহাজন নিশ্চয়ই তাঁহাকে পনের হাজার টাকা কর্জ দিবে। তাঁহার  
কথায় নির্ভর করিতে পারে, এরূপ মহাজন লণ্ডনে না আছে এমন নহে।  
সে সম্ভবতঃ কিছু বেশী সুদের দাবী করিবে ; কিন্তু সে যে-সুদই দাবী  
করুক, তাহাতে সম্মত হইয়াই তিনি টাকা লইবেন, এবং তদ্বারা তাঁহার  
সহোদরকে এই বিপদ হইতে উদ্ধার করিবেন।

এই সঙ্কল্প স্থির করিয়া ইসোবেল চেয়ার হইতে উঠিলেন। লড ওয়ারিংএর ভ্রমণের ব্যবস্থাপত্রের উপর তাঁহার দৃষ্টি পড়িল; তিনি ব্যবস্থাপত্রখানি হুলিয়া লইয়া তাহা তাঁহার লোহার সিন্দুকে বন্ধ করিয়া রাখিতে চলিলেন।

ডাক্তার ইসোবেলের সিন্দুকের চাবি সাধারণ সিন্দুকের চাবির মত নহে; তাহার তাহার উপর কতকগুলি সংখ্যা খোদিত ছিল, কয়েকটি সংখ্যার সমাবেশে চাকা ঘুরাইয়া তালা বন্ধ করিতে হইত। সেই সকল সংখ্যা সম্বন্ধেই না আসিলে সিন্দুক খুলিবার উপায় ছিল না। কোন সংখ্যার পর কোন সংখ্যা ঘুরাইয়া সিন্দুক বন্ধ করা হইয়াছে—তাহা যে না জানিত, সে সিন্দুক খুলিতে পারিত না।

লড ওয়ারিংএর ভ্রমণের ব্যবস্থাপত্রখানি এই সিন্দুকে বন্ধ করিয়া ডাক্তার ইসোবেল লক্ষণোপযোগী পরিচ্ছদে সজ্জিত হইলেন। তিনি স্থির করিলেন, তাহার ভ্রাতাকে সঙ্গে লইয়া সেই রাত্রির ট্রেনে লণ্ডনে যাত্রা করিবেন; এবং অবশিষ্ট রাত্রিটুকু লণ্ডনের কোনও হোটেলে বাস করিয়া প্রত্যয়ে কোনও মহাজনের নিকট গিয়া টাকা কর্জ লইবার ব্যবস্থা করিবেন। তিনি ভাবিয়া দেখিলেন, যদি তিনি লণ্ডনের কাজ শেষ করিয়া বেলা দশটার ট্রেনে লন্ডনে প্রত্যাগমন করিতে পারেন, তাহা হইলেও ব্যবস্থাপত্রাণুযায়ী ভ্রমণ প্রস্তুত করাইয়া, লড ওয়ারিংকে ঠিক সময়েই তাহা প্রেরণ করা চলিবে; এবং তিনি সার চার্লস্ রিডারের সহিত লড ওয়ারিংকে দেখিতে যাইতেও পারিবেন।

পর দিন বেলা এগারটার সময় সার চার্লস্ রিডার লন্ডনে উপস্থিত হইয়া তত্রতা 'রুবিয়ার হোটেলে' প্রবেশ করিলেন।—তাঁহার টিকিট ছিল, তিনি এই হোটেলে দুই এক ঘণ্টা বিশ্রাম করিয়া নির্দিষ্ট সময়ে লড ওয়ারিংএর গৃহে গমন করিবেন; মোটরে দীর্ঘপথ অতিক্রম করিয়া তাড়াতাড়ি রোগী দেখিতে যাওয়া অপেক্ষা হোটেলে কিছুকাল বিশ্রাম করিয়া ঠাণ্ডা হইয়া রোগীর নিকট গমন করাই তিনি কর্তব্য মনে করিলেন।

সার চার্লস হোটেলে প্রবেশ করিবামাত্র হোটেলের সর্দার খানসামা তাঁহাকে বলিল, “মহাশয়, আপনি এখানে আসিয়াছেন মনে করিয়া জমিদার-বাড়ী হইতে টেলিফোনে আপনার কথা জিজ্ঞাসা করা হইতেছিল। আপনি ললুহানে আসিয়া প্রথমে এখানেই উঠিবেন, ইচ্ছা বোধ হয় পূর্বেই স্থির ছিল?”

সার চার্লস বলিলেন, “হাঁ, আমি সেইরূপই বলিয়া গিয়াছিলাম; কিন্তু তাড়াতাড়ি আমার খোঁজ পড়িল কেন? বেলা একটার পর আমার সেখানে ঘাইবার কথা। লর্ড ওয়ারিংএর অবস্থা কি ব্যাপ হইয়াছে?”

সর্দার খানসামা বলিল, “হাঁ, মহাশয়! জমিদার-বাড়ী হইতে শুক্রবার-কারিণী তিনবার আপনার খোঁজ করিয়াছে, বলিয়াছে, আপনি শীঘ্র সেখানে উপস্থিত না হইলে রোগীর প্রাণরক্ষার আশা নাই। টেলিফোনে করিবার পর সে বাগানের মালীকে আপনার সন্ধান পাঠাইয়াছিল।”

সার চার্লস রিডার এই কথা শ্রবণ করিয়া স্তম্ভিত ভাবে দাঁড়াইয়া রহিলেন; ব্যাপার কি, তিনি তাহা বুঝিতে পারিলেন না। যদিও তিনি পূর্বেদিন লর্ড ওয়ারিংএর অবস্থা সঙ্কটজনক দেখিয়া গিয়াছিলেন, তথাপি তাঁহার অবস্থা তখন একরূপ শোচনীয় ছিল না যে, চক্ষিশব্দের মধ্যেই মৃত্যু লক্ষণ প্রকাশ পাইতে পারে।

যাহা হউক, সার চার্লস হোটেল হইতে টেলিফোনে করিয়া সংবাদ লইতে বিলম্ব হইবে ভাবিয়া তাড়াতাড়ি হোটেলের বাহিরে আসিলেন; এবং গাড়ী-ব্যান্কার নামিয়া তাঁহার মোটরে চড়িয়া বায়ুবেগে লর্ড ওয়ারিংএর ভবনান্তি মুখে যাত্রা করিলেন। লর্ড ওয়ারিংএর গৃহে উপস্থিত হইতে অধিক সময় লাগিল না।

লর্ড ওয়ারিংএর গৃহদ্বারে সর্দার খানসামার সহিত তাঁহার সাক্ষাৎ হইল; সে সজ্জলনেত্রে ম্লানমুখে অশ্রুটন্তরে তাঁহাকে কি বলিল, কিন্তু সার চার্লস তাঁহার কথায় কর্ণপাত না করিয়া দ্রুতপদে রোগীর শয়ন-কক্ষে উপস্থিত হইলেন। শুক্রবারকারিণী লর্ড ওয়ারিংএর শয্যা-প্রান্তে দাঁড়াইয়াছিল;

সে তাঁতাকে দেখিবামাত্র গম্ভীর ভাবে বলিল, “সার চার্লস, আপনি অনর্থক আসিয়াছেন ; সব শেষ হইয়া গিয়াছে।”

সার চার্লস লর্ড ওয়ারিংএর মুখের দিকে চাহিয়া অক্ষুণ্ণ শব্দ করিলেন ; তিনি অত্যন্ত বিস্মিত হইয়াছিলেন। লর্ড ওয়ারিংএর আকস্মিক মৃত্যুতে তিনি বিস্মিত হন নাই, তাঁহার বিশ্বাসের অগ্র কারণ ছিল।

সার চার্লস বলিলেন, “কতক্ষণ লর্ডের মৃত্যু হইয়াছে ?”

শুক্রমাকারিণী বলিল, “আপনার আসিবার অল্পকাল পূর্বে ; এখনও বোধ হয় তিন মিনিট হয় নাই।”

সার চার্লস মৃত লর্ডের ললাটে হস্তাপণ করিলেন, দেখিলেন, সন্ধ্যা সন্ধ্যা ; বসুধারায় ললাট তখনও সিক্ত রহিয়াছে। কেবল ললাট নহে, তাঁহার সন্ধ্যা প্রচুর বস্মে ভিজিয়া গিয়াছিল।

সার চার্লস নিস্তব্ধভাবে মৃতদেহ পরীক্ষা করিয়া শুক্রমাকারিণীকে কক্ষস্থলে বলিলেন, “ওসময়ের যে পরিমাণ নির্দিষ্ট ছিল, তাহা অপেক্ষা অধিক পরিমাণে ওসম সেবন করাষ্টয়াছে ?”

শুক্রমাকারিণী অসম্ভ্রাম ভরে বলিল, “আপনি বলিতেছেন কি ? আমার এক কাণ্ডজ্ঞান নাই ! আমি রোগীর শুক্রমা করিতে করিতে বৃদ্ধ হইলাম, আমি এরকম ভুল করিব ?—তাঁতাকে ব্যবস্থাপনায়ী ওসম সেবন করাষ্টয়াছি, মাত্রাধিকা হয় নাই।”

সার চার্লস বলিলেন, “ডাক্তার মার্সার কোথায় ? তাঁতাকে কি প্রথমে আসিবার জন্ত টেলিফোন করা হয় নাই ?”

শুক্রমাকারিণী বলিল, “হাঁ, সকালেই টেলিফোন করা হইয়াছিল, তাঁহার পরও তাঁহার সংবাদ লওয়া হইয়াছে ; কিন্তু তঁাঁতারা বশতঃ কল্যা নাহেই তিনি লওনে চলিয়া গিয়াছেন ; আমাদিগকে কোনও সংবাদ দিয়া যান নাই, এখন পর্য্যন্ত তিনি ফিরিয়াও আসেন নাই। মহাশয়, লর্ড ওয়ারিংএর মৃত্যু লক্ষণ বৃদ্ধিতে পারিয়া আমি অস্থির হইয়া উঠিয়াছিলাম ; কি করিব, কিছুই স্থির করিতে পারি নাই ; পারিবারিক চিকিৎসককে পর্য্যন্ত পাওয়া গেল না ! বড়ই

চঃখের বিষয়। কিন্তু আমার দোস কি বলুন? আপনারা যে ঔষধের ব্যবস্থা  
করিয়া গিয়াছেন, তাহা আমি যথাযোগ্য সতর্কতার সহিত সেবন করাইয়াছি,  
তবে আপনি কেন বলিতেছেন যে, নির্দিষ্ট মাত্রার 'অপেক্ষা' অধিক ঔষধ  
পড়িয়াছে?"

সার চার্লস বলিলেন, "রোগে লড' ওয়ারিংএর মৃত্যু হয় নাই, অতিবিক্র  
পরিমাণে মর্ফাইন প্রয়োগেই তাঁহার মৃত্যু হইয়াছে। আমি মৃতদেহ পরীক্ষা  
করিয়াই ইহা বুঝিতে পারিয়াছি; এ সম্বন্ধে আমার সিক্রাশ্ব অলাভ।"

অতঃপর ডাক্তার সার চার্লস রিডার কৃপননে লড' ওয়ারিংএর অটোপসিক  
হইতে নিষ্কাশ্য হইলেন।

## দ্বিতীয় পরিচ্ছেদ

পূৰ্ণ-পরিচ্ছদবর্ণিত ঘটনার দিন সাংকালে মিঃ ব্লেক তাঁহার উপবেশন কক্ষে বসিয়া একখানি ডাক্তারী পুস্তক পাঠ করিতেছিলেন ; এমন সময় বহির্দ্বারে ঘণ্টাধ্বনি শুনিয়া তিনি তাঁহার অল্পচর স্থিথকে আগন্তকের পরিচয় জানিবার জন্ত আদেশ করিলেন। স্থিথ দুই মিনিট পরে তাঁহার নিকট প্রত্যাগমন করিয়া জানাইল, মিঃ গাভি নামক একজন মার্কিন ভদ্রলোক বিশেষ প্রয়োজনে তাঁহার সচিব সাংকালে আসিয়াছেন।---লোকটির বয়স ত্রিশ পঁয়ত্রিশের অধিক নহে ; দেখিয়া বিশিষ্ট ভদ্রলোক বলিয়াই মনে হয়।

মিঃ ব্লেক তাঁহাকে লইয়া আসিবার জন্ত আদেশ দান করিলে, ভদ্রলোকটি মিঃ ব্লেকের উপবেশন-কক্ষে প্রবেশ করিলেন। মিঃ ব্লেক গাত্ৰোত্তান পূৰ্ণক দুই একপদ অগ্রসর হইয়া মিঃ গাভিকে বলিলেন, “আমুন মহাশয় ! আপনার নিকট আপনার কি আবশ্যক বলিতে পারেন।”

মিঃ ব্লেক দেখিলেন, ভদ্রলোকটির মুখে উৎকর্ষার চিহ্ন সুপরিষ্কৃত। তাঁহার ভাব দেখিয়াই বোধ হইল, তিনি কোনও সঙ্কটে পড়িয়া মিঃ ব্লেকের সাহায্যপ্রার্থী হইয়াছেন।

মিঃ গাভি বলিলেন, “আপনারই নাম কি মিঃ ব্লেক ?”

মিঃ ব্লেক বলিলেন, “হাঁ মহাশয়।”

মিঃ গাভি বলিলেন, “আমার নাম জ্যাক, পি, গাভি ; নিউইয়র্কে আমার নিবাস। মিঃ ব্লেক, আমি অত্যন্ত বিপদে পড়িয়া আপনার নিকট আসিয়াছি। আমার প্রণয়িনী অত্যন্ত বিপন্ন হইয়াছেন ; আপনি যদি তাঁহাকে এই বিপন্নাল হইতে উদ্ধার না করেন, তাহা হইলে আমি বোধ হয় পাগল হইয়া যাইব।”

মিঃ ব্লেক বলিলেন, “আপনি এত ব্যস্ত হইবেন না, শাস্ত হউন ; আপনি দাঁড়াইয়া রহিলেন কেন, ঐ চেয়ারে বসুন।”

মিঃ জ্যাক গাভি চতুশভাবে চেয়ারে বসিয়া পড়িলেন। মিঃ ব্লেক দেখিলেন, তাঁহার হাত দুইখানি থর-থর করিয়া কাঁপিতেছে। মিঃ ব্লেক তাঁহার অবস্থা দেখিয়া চেয়ার হইতে উঠিয়া একধ্যাস সোডা মিশ্রিত ব্র্যাণ্ডি তাঁহার সম্মুখে ধরিলেন, বলিলেন, “এটুকু পান করুন, আপনার শরীর শুষ্ট হইবে।”

মিঃ গাভি একনিশ্বাসে তাহা পান করিলেন, অনন্তর তিনি ধ্যাসট টেবিলের উপর রাখিলে মিঃ ব্লেক বলিলেন, “আপনার কি ধূমপানের অভ্যাস আছে?”

মিঃ গাভি বলিলেন, “হাঁ আছে।”

মিঃ ব্লেক বলিলেন, “আপনি কি পছন্দ করেন, সিগারেট না চুরুট?”

মিঃ গাভি বলিলেন, “সিগারেট।”

মিঃ ব্লেক সিগারেটের বাক্সটি তাঁহার হস্তে দিয়া বলিলেন, “আপনি অগ্রে ধূমপান করুন; আপনার মন স্থির হইলে সকল কথা শুনিব।”

মিঃ গাভি বলিলেন, “আপনাকে সকল কথা না বলিয়া আমি স্থির হইতে পারিতেছি না।”

মিঃ ব্লেক বলিলেন, “আপনি ব্যস্ত হইবেন না, অগ্রে ধূমপান শেষ করুন।”

মিঃ গাভি নিঃশব্দে ধূমপান শেষ করিলে, মিঃ ব্লেক বলিলেন, “এখন বলুন আপনার কি বলবার আছে।”

মিঃ গাভি বলিলেন, “মহাশয়! আমি অত্যন্ত বিপন্ন; আমি আজ লিভারপুল হইতে এসেক্সের লন্হাম নামক গ্রামে আমার প্রণবিনীকে দেখিতে গিয়াছিলাম; তাঁহাকে কোন সংবাদ না দিয়াই হঠাৎ সেখানে উপস্থিত হই। কিন্তু সেখানে উপস্থিত হইয়া বাহা দেখিলাম, তাহাতে আমার বুদ্ধিব্রংশ হইয়াছে; আমার প্রিয়তমা নরহত্যার অপরাধে অভিযুক্ত হইয়াছেন, পুলিশ তাঁহাকে গেল্ডার করিতে উদ্বৃত্ত হইয়াছে।”

মিঃ ব্লেক বলিলেন, “এত বড় একটা কাণ্ড ঘটয়াছে, অথচ সংবাদ-পত্রে ত এ সম্বন্ধে কোন কথা বাহির হয় নাই।”



মিঃ গার্ভি বলিলেন, “না, পুলিশ এ সকল কথা সংবাদপত্রে প্রকাশ করিতে দেয় নাই; কিন্তু ইহার পরিণাম যে কি, তাহা কিছুই বুঝিতে পারিতেছি না। মহাশয়, আমার মাথার ঠিক নাই। জানি না কি পাপে নিরপরাধের এই বিড়ম্বনা; কিন্তু ইসোবেল সত্যই নির্দোষী।—আমি সপথ কারিয়া বলিতেছি তাহার কোন অপরাধ নাই।”

মিঃ ব্লেক বলিলেন, “তবে আর আপনি এত ভয় পাইতেছেন কেন? তাহার নির্দোষিতা প্রতিপন্ন করা নিশ্চয়ই অসম্ভব হইবে না। যাহা হউক, প্রকৃত ঘটনা কি, তাহা আমাকে সবিস্তারে বলিতে কুষ্ঠিত হইবেন না; আমার নিকট কোনও কথা গোপন করিবেন না।—আমি বিনাপ্রতিবাদে আপনার সমস্ত কথা শুনিবার জন্য প্রস্তুত আছি। যদি আমার কোন কথা জিজ্ঞাসা করিবার থাকে,—আপনার কথা শেষ হইলে তাহা জিজ্ঞাসা করিব।”

মিঃ গার্ভি বলিলেন, “আপনার আশ্বাস বাক্যে আমার মন অনেকটা স্থির হইয়াছে। শুনিয়াছি আপনার অসামান্য ক্ষমতা; আপনি বলুন, দয়া করিয়া নিরপরাধ বিপন্নের পক্ষ অবলম্বন করিবেন?”

মিঃ ব্লেক বলিলেন, “আমি নিরপরাধ বিপন্নের উদ্ধারের জন্য চিরদিনই চেষ্টা করিয়া আসিতেছি; ইহাই আমার জীবনের ব্রত। পরমেশ্বরের অনুগ্রহে বহুবার আমার চেষ্টা সফলও হইয়াছে; কিন্তু আপনার নিকট অঙ্গীকারপাশে আবদ্ধ হইবার পূর্বে আমি প্রকৃত ঘটনা সমস্তই শুনিতে চাই।—আমার বিশ্বাস, আমি আপনার প্রস্তাবে সম্মত হইতে পারিব।”

মিঃ গার্ভি বলিলেন, “কুদ্র ললহাম গ্রামখানি পুলিশ-কর্মচারীতে পূর্ণ হইয়াছে; কিন্তু তাহাদের মধ্যে আমি একটিও মানুষের মত মানুষ দেখিতে পাইলাম না, সকলগুলিই সমান নিরেট! যদি টংলগের সমস্ত পুলিশ এই প্রকার বুদ্ধিমান হয়, তাহা হইলে হতভাগিনী ইসোবেলের জীবনের আশা নাই; তাহার ফাঁসি হইবে একথা আমি যুক্তকণ্ঠে বলিতে পারি। আমার বিশ্বাস, তাহাকে এই মিথ্যা অভিযোগ হইতে মুক্তি দান করিবার

নদি কাহারও শক্তি থাকে—তবে আপনারই সে শক্তি আছে ; এই জন্যই আজ আমি আশু হৃদয়ে আপনার দ্বারস্থ হইয়াছি।”

মিঃ গার্ভি বলিলেন, “আমি ওয়াসিংটন নগরের মিঃ সিলাস্ অগাটির নিকটে আপনার কার্যদক্ষতার কথা শুনিয়াছি। কিছুদিন পূর্বে তিনি সপরিবারে ইউরোপ-ভ্রমণে আসিলে, কোন উল্লেখ্য অসুস্থতায় তাঁহার শিশুকন্যাকে চুরি করিয়াছিল। আপনি কন্যাটিকে উদ্ধার করিয়া তাঁহার হস্তে সমর্পণ করেন। বোধ হয় সে কথা আপনার স্বরণ আছে। মিঃ অগাটির পরামর্শেই আমি আপনার নিকটে আসিয়াছি। তিনি আমাকে বলিয়াছিলেন ইংলণ্ডে উপস্থিত হইয়া যদি কোনও বিপদে পড়ি, তাহা হইলে যেন সর্বদা আপনার সাহায্যপ্রার্থী হই। তখন জানিতাম না যে, আমাকে হঠাৎ এভাবে বিপন্ন হইতে হইবে।

“আমি অল্প বেলা এগারটার পর লণ্ডনে পদার্পণ করি ; তাহার অব্যবহিত পরেই লল্‌হাম গ্রামে যাত্রা করি। আমার প্রিয়তম ইসোবেলের সহিত সাক্ষাৎ করিবার জন্তই সেখানে গমন করিয়াছিলাম। ইসোবেল ডাক্তারী করেন। আমি লল্‌হামে উপস্থিত হইয়া ইসোবেলের বাড়ীতে পদার্পণ করিয়াই দেখিতে পাইলাম, পুলিশে বাড়ী ভরিয়া গিয়াছে। কারণ ভিজ্ঞাসা করিয়া জানিতে পারিলাম, ইসোবেল একটি রোগীর জন্ত যে ঔষধের ব্যবস্থা করিয়াছিলেন সেই ঔষধে বিষের মাত্রাধিকা হওয়ায় রোগীর মৃত্যু হইয়াছে। ইসোবেলের বিরুদ্ধে নরহত্যার প্রকাশ্য অভিযোগ না হইলেও পুলিশের সন্দেহ হইয়াছে, তিনি স্বেচ্ছায় এই কাজ করিয়াছেন। একপ সন্দেহের কারণও আছে ; ইসোবেল যে রোগীর জন্ত ঔষধের ব্যবস্থা করিয়াছিলেন, সেই রোগীটির নাম লর্ড ওয়ারিং। লর্ড ওয়ারিং তাঁহার উইলে লিখিয়াছিলেন, তাঁহার মৃত্যুর পর ইসোবেল অনেকগুলি টাকা পাইবেন। পুলিশ প্রমাণ পাইয়াছে লর্ড ওয়ারিংএব মৃত্যুর অব্যবহিত পূর্বে ইসোবেলের হঠাৎ অনেক টাকার আবশ্যক হইয়াছিল।”

মিঃ গার্ভি মুহূর্তকাল নীরব থাকিয়া বলিতে লাগিলেন, “সক্সাপক্ষ্য অধিক আশ্চর্যের বিষয় এই যে, ইসোবেল গতরাত্রে হঠাৎ লণ্ডনে চলিয়া গিয়াছেন।

সকালেই তাঁহার ললুহামে প্রত্যাগমন করা অত্যন্ত আবশ্যক ছিল, কিন্তু তিনি ফরিয়া আসেন নাই। উপরে যে প্রেসক্রিপ্‌সন্থানির কথা বলিলাম, তাহা তাঁহার সিন্দুকে বন্ধ ছিল ; সাক্ষাতিক সংখ্যাবিশিষ্ট তালদ্বারা এই সিন্দুক বন্ধ ছিল। সিন্দুক খুলিবার সে সঙ্কেত অণ্ডে জানিত না ; সুতরাং অণ্ড লোকে তাঁহার অনুপস্থিতিতে সিন্দুক খুলিয়া ব্যবস্থাপত্রখানির পরিবর্তন করিবে মন্দো তাহার সম্ভাবনা ছিল না। ব্যবস্থাপত্রখানি সিন্দুকে আবদ্ধ না থাকিলে সহজেই মনে হইত, কোন ডক্ট লোক তাঁহার বা রোগীর অনিষ্টসাধনের উদ্দেশ্যে ব্যবস্থাপত্রের পরিবর্তন করিয়াছে।”

মিঃ ব্লেক বলিলেন, “আপনাকে একটা কথা জিজ্ঞাসা করিব। ডাক্তার হেসোবেল যে ব্যবস্থাপত্র লিখিয়াছিলেন, তাহা যদি তিনি সিন্দুকে আবদ্ধ করিয়া লণ্ডনে চলিয়া গিয়া থাকেন, তাহা হইলে সেহ ব্যবস্থাপত্রানুযায়ী ঔষধ রোগীর উদ্দেশ্যে কিরূপে প্রেরিত হইল ? আপনিও বলিলেন, সাক্ষাতিক সংখ্যার সমাবেশে তাঁহার সিন্দুক খুলিবার উপায় ছিল না ; কোন্ কোন্ সংখ্যার সমাবেশে সিন্দুক বন্ধ হইয়াছিল তাহা জানা না থাকিলে অণ্ডের পক্ষে হতা বোলা অসম্ভব।”

মিঃ গাভি বলিলেন, “সেই কথাই আপনাকে বলিতে বাঞ্ছিত ছিলাম। মিস্ হেসোবেল মাসার লণ্ডন হইতে তাঁহার কম্পাউণ্ডারকে টেলিগ্রাম করেন ; সেহ টেলিগ্রামে কোন্ কোন্ সংখ্যার সমাবেশে সিন্দুক খুলিতে হয়, তাহা জানাইয়াছিলেন ; তদনুসারে কম্পাউণ্ডার সিন্দুক খুলিয়া প্রেসক্রিপ্‌সন্থানি বাহির করিয়া লয়, ও তদনুযায়ী ঔষধ প্রস্তুত করিয়া লর্ড ওয়ারিংএর বাড়ীতে প্রেরণ করে।”

মিঃ ব্লেক বলিলেন, “তাঁহার পর কি হইল বলুন।”

মিঃ গাভি বলিলেন, “টেলিগ্রামখানি আঙ সকালে চেয়ারিংক্রস্ টেলিগ্রাম অফিস হইতে বিলি হইয়াছিল। আমি প্রথমে মনে করিয়াছিলাম, কম্পাউণ্ডারই প্রকৃত অপরাধী, তাহার দোষেই এই বিলাট বটিয়াছে ; কিন্তু অনুসন্ধান জানিতে পারিলাম, সে বেচারার কোন দোষ নাই। টেলিগ্রামখানি মিস্ হেসোবেল নাসারের দাসী রসিদ দিয়া লইয়া কম্পাউণ্ডারের হস্তে প্রদান করে, কম্পাউণ্ডারটি

বন্ধ, তাঁহাকে দুইদিন পূর্বে এই কাণ্ডে নিযুক্ত করা হইয়াছে ; কারণ, যে দলটি তাঁহার কম্পাউণ্ডারের কার্যা করিত, সে সৈন্যদলে যোগদান করিয়া বৃদ্ধক্ষেত্র গমন করিয়াছেন। বৃদ্ধ কম্পাউণ্ডার জেমিসন টেলিগ্রামখানি পাইয়াই ইসোবেলের দাসীর সম্মুখে সিদ্ধকটি খুলিয়াছিল, এবং প্রেসক্রিপ্‌সনখানি পাঠ করিয়াছিল। জেমিসন বহুদশী কম্পাউণ্ডার ; সে প্রেসক্রিপ্‌সনখানি পাঠ করিয়াই ইসোবেলের পরিচারিকাকে বলিয়াছিল, এই প্রেসক্রিপ্‌সনে যে পরিমাণ বিষের ব্যবস্থা করা হইয়াছে, তাহা অধিক পরিমাণ বিষ উদরস্থ করিয়া নাচিয়া গাফা কোন মনুষ্যের পক্ষেই সম্ভব মনে হয় না ; কারণ, মাট ফোঁটা মর্ফাইন একখানি প্রেসক্রিপ্‌সনের পক্ষে অত্যন্ত সাংঘাতিক। এই কথা শুনিয়া ইসোবেলের পরিচারিকা প্রেসক্রিপ্‌সনখানি সয়ং পাঠ করে ; সে দেখিয়াছিল সত্যই মাট ফোঁটা মর্ফাইনের উল্লেখ আছে। সুতরাং আপনি বুদ্ধিতে পারিতেছেন, কম্পাউণ্ডার এই ঔষধের মাত্রাদিকের জ্ঞান দায়ী নহে। সিদ্ধক খুলিবার সময় দাসী উপস্থিত না থাকিলে এবং সে সয়ং প্রেসক্রিপ্‌সনখানি পাঠ না করিলে কম্পাউণ্ডারটিকেই সন্দেহ হইত।”

এই পর্য্যন্ত বলিয়া মিঃ গাভি ক্ষণকাল নীরব রহিলেন ; তাঁহার পর বলিলেন, “মিঃ ব্লেক, ইহাট অভিবোধের ফল বৃত্তান্ত। প্রথমে মনে হইয়াছিল, মিস ইসোবেল মাসার ভ্রমক্রমে মর্ফাইনের এইরূপ সাংঘাতিক মাত্রার ব্যবস্থা করিয়াছিলেন ; কিন্তু এরূপ সন্দেহ করিবার কারণ নাই। আমি ইসোবেলকে বেশ ভালই জানি ; তাঁহার বুদ্ধি স্থির, ঔষধের ব্যবস্থাপত্র লিখিবার সময় তিনি তাহা অত্যন্ত সতর্কতার সহিত লিখিয়া থাকেন ; এবং লিখিবার পর তাহা দুই তিনবার পাঠ না করিয়া তাড়াতাড়ি কম্পাউণ্ডারের হস্তে প্রদান করেন না। এ অবস্থায় তিনি ভ্রমক্রমে বিষের মাত্রা অসম্ভব অতিরিক্ত লিখিয়া ফেলিয়াছেন, এ কথা বিশ্বাস করিতে পারি না ; কিন্তু স্থানীয় ইন্স্পেক্টর সিল্ভেটার অনুমান করিয়াছেন, মিস ইসোবেল মাসার ইচ্ছা করিয়াই প্রেসক্রিপ্‌সনে মর্ফাইনের সাংঘাতিক মাত্রার ব্যবস্থা করিয়াছেন। তাঁহার ধারণা, লর্ড ওয়ারিং তাঁহার উইলে ইসোবেলকে যে পঁচাত্তর হাজার টাকা দিয়া গিয়াছেন,

লর্ডের মৃত্যুর অব্যবহিত পরেই সেই টাকা ইসোবেলকে দেওয়া হইবে, এইরূপ  
পত্র, থাকায় হঠাৎ টাকার আবশ্যক হওয়ায় টাকাগুলি তাড়াতাড়ি পাইবার জন্য  
ইসোবেল এই দুস্বার্থ্য করিয়াছেন ; অর্থাৎ ইসোবেল স্বেচ্ছায় নরহত্যা করিয়াছেন,  
ইহাই তাঁহার ধারণা ! ভাবিয়া দেখুন, কি ভয়ানক কথা ! একথা চিন্তা  
করিতেও শরীর শিহরিয়া উঠে ।”

মিঃ ব্লেক ধূমপান করিতে করিতে মিঃ গাভির কথাগুলি শ্রবণ করিতে  
ছিলেন ; তাঁহার কথা শেষ হইলে তিনি চুরুটটি রাখিয়া চেয়ারে সোজা  
হইয়া বসিলেন, তাহার পর মিঃ গাভির মুখের দিকে তীক্ষ্ণ দৃষ্টিতে চাহিয়া  
বলিলেন, “আপনি বলিয়াছেন, ডাক্তার ইসোবেল মার্সারের হঠাৎ অনেক  
গুলি টাকার আবশ্যক হইয়াছিল, ইহার প্রমাণ পাওয়া গিয়াছে । আপনি কি  
বলিতে পারেন, কিজন্য হঠাৎ তাঁহার টাকার আবশ্যক হইয়াছিল ?”

মিঃ গাভি বলিলেন, “তাঁহার একটি অকালকুস্মাণ্ড ভাই আছে, তাঁহার নাম  
রাল্ফ মার্সার ; সে লণ্ডনে লিডেনহল ষ্ট্রীটের সুপ্রসিদ্ধ ব্যাঙ্কার মেসার্স কোটস  
এণ্ড কোম্পানির খাতাশৌচিকার করে ।—তাঁহার জন্মই এই টাকার আবশ্যক  
হইয়াছিল ।”

মিঃ ব্লেক বলিলেন, “তাঁহার গুণধর ভাই বৃদ্ধি ব্যাঙ্কের তহবিল তছরূপ  
করিয়াছিল ?”

মিঃ গাভি বলিলেন, “হা ; সেই হতভাগা তাঁহার মনিব কোম্পানির পনের  
হাজার টাকা তহবিল ভাঙ্গিয়া গত রাতে তাঁহার ভগিনীর নিকট আসিয়া  
তাঁহাকে এই টাকা দিতে বলে ।”

মিঃ ব্লেক বলিলেন, “একথা আপনি কিরূপে জানিলেন ?”

মিঃ গাভি বলিলেন, “ইসোবেলের কক্ষে তাঁহার যে ডেক্স আছে, সেই  
ডেক্সের একটি ‘খোপে’ একখানি অর্কসমাপ্ত পত্র পাওয়া গিয়াছে ; পত্রখানি  
তিনি আমাকেই লিখিতেছিলেন, সেই পত্রে এই সকল কথার উল্লেখ আছে ।”

মিঃ ব্লেক বলিলেন, “মিস্ ইসোবেল মার্সার কি আপনার নিকট এই টাকা  
গুলি চাহিয়া সেই পত্র লিখিয়াছিলেন ?”

মিঃ গাভি বলিলেন, “হ্যাঁ, ইহাট আমার বিশ্বাস ; আমার বোধ হয় পত্রখানি লিখিতে লিখিতে হঠাৎ তাঁহার মনে হইয়াছিল, এভাবে টাকা লইলে তাঁহার আত্মসম্মান ক্ষুণ্ণ হইবে। আত্মাভিমানের আঘাত লাগায় তিনি পত্রখানি ডাকে না দিয়া ‘ডেক্সের খোপের’ ভিতর গুঁজিয়া রাখিয়াছিলেন। আমারই চুভাগা ! নতুবা তিনি আমার নিকট টাকা চাহিতে কুঠা বোধ করিবেন কেন ? মিঃ ব্লেক, তাঁহার জায় আপনার লোক পৃথিবীতে আমার আর দ্বিতীয় কেহ নাই। আমি দরিদ্র নাই, আমার অর্পণের অভাব নাই ; তাঁহার পত্রখানি পাইবামাত্র আমি পনের হাজার টাকা প্রফুল্লচিত্তে তাঁহার হস্তে অর্পণ করিতাম। হায় ! তাঁহার কেন এ ভ্রমটি হইল ?—কেন তিনি পত্রখানি ডাকে না দিয়া ডেক্সের ‘খোপে’ গুঁজিয়া রাখিলেন ? পত্রখানি ডেক্সের ভিতর না পাইলে পুলিশ তাঁহাকে সন্দেহ করিবার অবকাশ পাইত না।”

মিঃ ব্লেক বলিলেন, “তাঁহার সেই গুণধর ভাইটির কি হইল ?—পুলিস তাঁহার বিজ্ঞা টের পাইয়াছে ! পুলিশ এ ব্যাপারে হস্তক্ষেপ করিয়াছে কি ?”

মিঃ গাভি বলিলেন, “হ্যাঁ ; পুলিশ তাঁহাকে গ্রেপ্তারের চেষ্টা করিতেছে, কিন্তু সে ফেরার ! ভাই-ভগিনী উভয়ের কাহাকেও পুলিশ হাতে পাইতেছে না।”

মিঃ ব্লেক বলিলেন, “কাহাকেও কোন কথা না বলিয়া মিস্ মার্সার হঠাৎ কি জগু লগুনে গিয়াছেন, তাহা জানিতে পারা যায় নাই ?”

মিঃ গাভি বলিলেন, “না, তাহা এখনও ভেঁদে রহিয়াছে !”

মিঃ ব্লেক বলিলেন, “আপনি বলিয়াছেন, নির্দিষ্ট সংখ্যার সমাবেশ ভিন্ন সিন্দুক খুলিবার উপায় নাই ; কোন্ কোন্ সংখ্যার সমাবেশে সিন্দুক খুলিতে পারা যায়—তাহা মিস্ মার্সার ভিন্ন অন্য কাহারও জানিবার সম্ভাবনা ছিল না কি ?”

মিঃ গাভি বলিলেন, “না, অন্য কাহারও তাহা জানিবার সম্ভাবনা ছিল না ; মিস্ মার্সারের দাসদাসীও অধিক নাই, এক পরিচারিকা ও কম্পাউণ্ডার মাত্র লইয়া তাঁহার সংসার।”

মিঃ ব্লেক বলিলেন, “অণু প্রভাতে টেলিগ্রাম পাইবার পূর্বে মুহূর্ত পযাণ্ড গাঁহার জ্ঞানিত না কি—কোন্ কোন্ সংখ্যার সমাবেশে সিন্দুক খুলিতে হইবে?”

মিঃ গাভি বলিলেন, “কি রূপে জানিবে?—হাঁ, জানাও সম্ভব বটে, যদি তিনি এই দুইজনের মধ্যে কাহারও সাফাতে নির্দিষ্ট সংখ্যাগুলির সমাবেশে সিন্দুকটি বন্ধ করিতেন।—কিন্তু তিনি তাহাদের সাফাতে সিন্দুক বন্ধ করেন নাই।”

মিঃ ব্লেক বলিলেন, “ভাল কথা; কিন্তু মনে করুন, যদি হঠাৎ মিস্ মাস্‌টারের মৃত্যু হইত?—তাহা হইলে সিন্দুক না ভাঙিয়া উহার ভিতরের জিনিস বাহির করিবার কি কোন উপায় ছিল না?”

মিঃ গাভি বলিলেন, “আমি ত কোন উপায় দেখিতেছি না। সিন্দুকটি নতন; ইসোবেল সংপ্রতি উহা ক্রয় করিয়া ব্যবহার করিতেছেন।”

মিঃ ব্লেক বলিলেন, “কিন্তু যে ব্যক্তি সিন্দুকের কল নিগ্ৰহণ করিয়াছে, সে সম্ভবতঃ উহা খুলিবার কৌশল অবগত আছে।”

মিঃ গাভি বলিলেন, “তা হইতে পারে; কিন্তু এই ব্যাপারে তাহার কিছু সাধ আছে, ইহা মনে করিবার কোন কারণ দেখিতেছি না।”

মিঃ ব্লেক বলিলেন, “না, সেরূপ অনুমান করিবার কোন কারণ নাই; কিন্তু ওকালে আমাদিগকে সকল কথারই আলোচনা করিতে হইবে। যাহা শুউক, এ প্রসঙ্গ তাগ করিয়া প্রথমে মিস্ মাস্‌টারের সেই চতুচ্ছাড়া ভাইটার কথাটী করুন, সিন্দুক খুলিবার এই কৌশল তাহার অবগত হইবার কি কোনও সম্ভাবনা ছিল না?”

মিঃ গাভি বলিলেন, “ওকথা আমার মনেই আসে নাই; বস্তুতঃ, তাহাকে নন্দেহ করিবার কিছুমাত্র কারণ নাই। সে কালে-কস্থানে তাহার ভগিনীর সহিত দেখা করিতে বাইত। লন্ডাম কুদ্দ পল্লী, এই যুবক পল্লীগ্রামকে মতান্তর ঘণা করিত; বিশেষতঃ লন্ডামের প্রতি তাহার এতই অশ্রদ্ধা ছিল যে, নেতান্ত অভাবে না পড়িলে সে সেখানে পদার্পণ করিত না। ভগিনীর প্রতি তাহার যে কিছু টান, সে কেবল টাকার জন্য! টাকা পাইবার আশা না

থাকিলে সে তাহার ভগিনীর সহিত কোন সম্বন্ধ রাখিত কি না সন্দেহ। তাহার ভগিনীর সিন্দুক খুলিবার ফন্দী তাহার জানিবার কোন সম্ভাবনা দেখি না। যদি তর্কের অনুরোধেও স্বীকার করা যায়, সে তাহা জানিত, তাহা হইলেও প্রেসক্রিপ্‌সন্থানিতে মর্ফাইনের মাত্রা বাড়াইয়া দিয়া তাহার লাভ কি? লর্ড ওয়ারিংএর মৃত্যুতে তাহার কোন স্বার্থ ছিল না।”

মিঃ ব্লেক বলিলেন, “তাহার দিদি টাকাগুলি পাইলে তাহাকে তাহার কিছু ভাগ দিতেও পারেন,—এ আশা না থাকিলে সে অবশ্যই এই চক্রম্ব করিত না।”

মিঃ গার্ভি বলিলেন, “এই ছোকরার নানা দোষ থাকিতে পারে, কিন্তু নর-হত্যা করিবার মত দুশ্চরিত্র তাহার নাই; লর্ড ওয়ারিংএর অপমৃত্যুর সহিত তাহার কোন সংশ্রব আছে বলিয়া আমার ত বোধ হয় না।”

মিঃ ব্লেক বলিলেন, “তবে তাহার কথা এখন চাপা থাক। আমি জানি একরূপ লোক অনেক আছে, যাহারা যে-কোন লোহার সিন্দুক অল্প চেষ্টাতেই খুলিতে পারে; তাহাদের কোশল অব্যর্থ। যাহা হউক, আমার মনে হইতেছে পুলিস সিন্ধাস্ত করিয়াছে মিস্ ইসোবেল মাসার তাহার ভ্রাতাকে বাঁচাইবার জন্ত প্রেসক্রিপ্‌সনের ঔষধি অধিক মাত্রায় বিষের ব্যবস্থা করিয়া লর্ডকে হত্যা করিয়াছেন।”

মিঃ গার্ভি বলিলেন, “হাঁ, ব্যাপারখানা এইরূপই দাঁড়াইয়াছে বটে!”

মিঃ ব্লেক বলিলেন, “সাধারণ পুলিস কর্মচারীরা কোন মামলার তদন্তভার হাতে পাইলে, সম্মুখে যতটুকু দেখিতে পার, তাহার উপর নির্ভর করিয়াই একটা সিন্ধাস্ত করিয়া বসে; প্রকৃত ব্যাপার কি, তাহা তলাইয়া দেখিবার শক্তি তাহাদের নাই। এই জন্তই অনেক সময় অকারণে নিরপরাধ ব্যক্তিকে অভিযুক্ত হইতে হয়; অবশেষে পুলিশ মামলা সপ্রমাণের জন্ত কতক সত্য, কতক মিথ্যা, কতক বা কল্পনার আশ্রয় লইয়া আদালতে একরূপ গণ্ডগোল উপস্থিত করে যে, সুবিচারের পথ রুদ্ধ হয়; এবং সম্পূর্ণ নিরপরাধ ব্যক্তির দণ্ড হয়। নিঃস্বার্থভাবে প্রকৃত সত্য উদ্ধারের চেষ্টা না করিলে পুলিসের কোনও কর্মচারী তাহার দায়িত্ব সম্পাদনে সমর্থ হয় না; কিন্তু সেরূপ কর্তব্যনিষ্ঠ দায়িত্বজ্ঞানবিশিষ্ট নির্লোভ



কমচারীর সংখ্যা পুলিশে অল্প বলিয়াই সক্ষম পুলিশের তর্নাম তনিতৈ  
পাই। আমার মনে হয়, যে বাবস্থাপত্রের উষধে রোগীর মৃত্যু  
হইতে পারে, মিস্ মাস্কার যদি স্বেচ্ছায় সেক্রপ বাবস্থাপত্র লিখিয়া থাকেন,  
তাহা হইলে আপনার নিকট পাঠাইবার উদ্দেশ্যে লিখিত পত্রখানি এভাবে  
যের রাখা তাঁহার পক্ষে বড়ই নিরুৎকৃতির কাণ্ড হইয়াছে।”

মিঃ গাভি বলিলেন, “ইহাতেই বুঝিতে পারা যাইতেছে লর্ড ওয়ারিংএর  
ওষধের প্রেসক্রিপ্‌সন্ লিখিবার সময় বা তাহার পরে তাঁহার কোন ত্বরতি-  
সন্ধি ছিল না; ত্বরতিসন্ধি থাকিলে যাহাতে হাতে দড়ি পড়ে—এরূপ প্রমাণ  
তিনি রাখিতেন না। এখন বলুন, আপনি মিস্ মাস্কারের পক্ষ সমর্থনে সম্মত  
আছেন কি না?”

মিঃ ব্লেক বলিলেন, “লর্ড ওয়ারিংএর ততাকাল তুভেত্ত্ব রহস্য-জালে  
সমাচ্ছন্ন; কিন্তু আমার বিশ্বাস, মিস্ মাস্কার নিরপরাধ। তাঁহার নির্দোষিতা  
প্রতিপন্ন করা নিতান্ত সহজ নহে; সহজ নহে বলিয়াই আমি তাঁহার পক্ষ  
সমর্থনে সম্মত হইলাম।”

মিঃ গাভি বলিলেন, “তাঁহা লইলে ত আড়াইটার টেণে আপনার সেখানে  
গমন করা আবশ্যিক। এখন কি টেণ ধরিতে পারা যাইবে?”

মিঃ ব্লেক বলিলেন, “আর অধিক সময় নাই বটে; তবে যদি একখানি  
ভাল মোটর গাড়ী পাওয়া যায়, তাহা হইলে আমরা লিভারপুল ষ্ট্রীটে  
উপস্থিত হইয়া রাত্রি আড়াইটার টেণ ধরিতে পারিব।”

## তৃতীয় পরিচ্ছেদ

মিঃ ব্লেক, জ্যাক পি, গাভিকে সঙ্গে লইয়া যখন স্টেশনে উপস্থিত হইলেন, তখন ট্রেন ছাড়িবার বিলম্ব ছিল না। তাহারা উভয়ে সেই ট্রেনের একটি কামরায় উঠিলেন। ট্রেনে উঠিবার সময় মিঃ ব্লেক দেখিলেন, স্বটল্যাণ্ড ইয়ার্ডের একজন ইন্স্পেক্টর সেই ট্রেনের একখানি তৃতীয় শ্রেণীর কামরায় উঠিয়াছেন ; তিনি বুঝিলেন, এই ইন্স্পেক্টরটি লন্ডনহামেই যাইতেছেন।

এই পুলিশ কর্মচারীটির নাম মিঃ কলেজ। সুদক্ষ ডিটেক্টিভ বলিয়া তাহার খ্যাতি ছিল ; সুতরাং মিঃ ব্লেকের সহিত পৃষ্ঠ হইতেই তাহার আলাপ-পরিচয় ছিল, একথা বলা বাহুল্য। মিঃ ব্লেক ছই একটি তদন্ত-কার্যে তাহার দক্ষতারও পরিচয় পাইয়াছিলেন ; কিন্তু লোকটি বড় আশ্চর্যরী ; নিজের ক্ষমতার উপর তাহার প্রগাঢ় বিশ্বাস ছিল।

ডিটেক্টিভ কলেজ রাত্রিশেষে সুদ্র লন্ডনহাম স্টেশনে নামিয়া দেখিলেন, স্টেশনে একখানির অধিক ঘোড়ার গাড়ী নাই। তিনি তাড়াতাড়ি সেই গাড়ীখানি ভাড়া করিয়া স্টেশন হইতে অদূরবর্তী গ্রামে চলিলেন। অগত্যা মিঃ ব্লেক গাভিকে সঙ্গে লইয়া সেই অন্ধকার রাত্রে পদব্রজেই ডাক্তার ইসোবেল মাসারের বাসায় চলিলেন। তখন রাত্রি প্রায় শেষ হইয়াছিল ; তাহারা গ্রামে উপস্থিত হইতে না হইতেই চারিদিক পরিষ্কার হইয়া গেল।

মিঃ গাভি ডাক্তার ইসোবেল মাসারের গৃহদ্বারে উপস্থিত হইয়া কুকু দ্বারে করাঘাত করিলেন ; ইসোবেলের পরিচারিকা তৎক্ষণাৎ দ্বার খুলিয়া দিল। তাহার মুখ দেখিয়াই মিঃ ব্লেক বুঝিতে পারিলেন, উৎকণ্ঠায় রাত্রে তাহার নিদ্রা হয় নাই। সেই প্রভূতকৃত পরিচারিকা মিস মাসারের বিপদের কথা ভাবিয়া কাঁদিয়া কাঁদিয়া চোখ দুটি লাল করিয়াছিল।

পরিচারিকাটি দ্বার খুলিয়া একপাশে সরিয়া দাঁড়াইলে মিঃ গাভি ও ব্লেক গৃহমধ্যে প্রবেশ করিলেন, এবং ইসোবেলের উপবেশন-কক্ষের পার্শ্ব-

হিত কক্ষে উপস্থিত হইলেন। তাঁহারা সেই কক্ষে একটি বৃদ্ধকে দেখিতে পাইলেন। তাহার মস্তকের কেশগুলি তুষারশুভ্র; তাহার দেহটি ক্রমশঃ কৃষ্ণ। মিঃ ব্লেক তাহার পরিচয় জিজ্ঞাসা করিবার পূর্বেই মিঃ গার্ভি তাঁহার কাণে কাণে বলিলেন, “এই লোকটি ডাক্তার মার্শারের কম্পাউণ্ডার জেমিসন। জেমিসন, পুলিশের পরিচ্ছদধারী একটি ঘলোদর দীর্ঘ-দেহ ভদ্রলোকের সহিত অত্যন্ত উৎসাহের সহিত আলাপ করিতেছিল। লোকটির পরিচ্ছদ দেখিয়া মিঃ ব্লেক বুঝিলেন, ইনি পুলিশের একজন ইন্স্পেক্টর। ডিটেক্টিভ কলেজ ঘোড়ার গাড়ীতে পূর্বেই সেখানে উপস্থিত হইয়াছিলেন, এবং ইসোবেল মার্শারের লোহার সিন্দুকটি গম্ভীরভাবে পরীক্ষা করিতেছিলেন; তাঁহার অদরে আর একজন প্রোট ভদ্রলোক দণ্ডায়মান হইয়া নিঃশব্দে তাঁহাদের কথাবার্তা শুনিতেছিলেন।

মিঃ গার্ভি মিঃ ব্লেককে বলিলেন, “তাঁহারই নাম মার চার্লস্‌ রিডার।”

মিঃ ব্লেক বলিলেন, “ইনিই বুঝি মিস্‌ মার্শারের সহিত একযোগে লর্ড গ্যারিংএর চিকিৎসা করিয়াছিলেন?”

মিঃ গার্ভি বলিলেন, “হ্যাঁ; ইসোবেল লর্ড গ্যারিংএর অবস্থা মন্দ দেখিয়া পরামর্শের জন্য ইঁহাকে লণ্ডন হইতে অনাইয়াছিলেন। ইনি দৈনিক হাজার টাকা দিই লইতেন! আর ঐ দে জন্মান সমাটের মত বিশাল গৌরব-বিশিষ্ট বিরাট-দেহ পুরুষটি দেখিতেছেন, উনি ইন্স্পেক্টর সিল্ভেটার।”

ডিটেক্টিভ ইন্স্পেক্টর কলেজ সিন্দুক পরীক্ষা করিতে করিতে হঠাৎ দেখে তুলিয়া মিঃ ব্লেককে দেখিতে পাইলেন। মিঃ ব্লেককে দেখিবামাত্র তাঁহার মুখখানি অন্ধকার হইয়া উঠিল; কিন্তু তিনি মনের ভাব গোপন করিয়া একটু কাষ্ঠ হাসি হাসিয়া বলিলেন, “কে, মিঃ ব্লেক যে! আপনি এখানে? এই তদন্ত ব্যাপারে আপনার কোন স্বার্থ আছে, ইহা জানিতাম না।”

মিঃ ব্লেক বিন্দুমাত্র উৎসাহ প্রকাশ না করিয়া সচঞ্চল স্বরে বলিলেন, “মকেলে যেখানে লইয়া যায়, সেইখানেই আমরাগকে যাইতে হয়।” অনন্তর তিনি মিঃ গার্ভিকে দেখাইয়া বলিলেন, “এই ভদ্রলোকটি আমাকে এখানে

লইয়া আসিয়াছেন। ইহার ইচ্ছা, আমি আসানীর পক্ষ সমর্থন করি। তুমি বুঝি ইহাকে চেন না? ইহার নাম মিঃ জ্যাক পি, গার্ভি। মিঃ গার্ভি, ইনি স্বটল্যাণ্ড ইয়ার্ডের প্রসিদ্ধ ডিটেক্টিভ ইন্স্পেক্টর মিঃ কলেজ।”

ইন্স্পেক্টর কলেজ মিঃ গার্ভির পরিচয় শুনিয়া তাঁহাকে বলিলেন, “তাহা হইলে মিস্ মার্সার আপনাকেই ঐ পত্রখানি লিখিয়াছিলেন বুঝি?”

ইসোবেল মার্সারের যে পত্রখানি তাঁহার ডেকের ‘খোপে’ পাওয়া গিয়াছিল, তাহা তখন টেবিলের উপর রক্ষিত হইয়াছিল; সেই পত্রখানির দিকে দৃষ্টিপাত করিয়া মিঃ গার্ভি বলিলেন, “হাঁ, উহা আমাকেই লেখা হইয়াছিল; কিন্তু মিস্ মার্সার উহা আমার নিকট প্রেরণ করেন নাই। মিস্ মার্সার আমার বাগদত্তা পত্নী।”

ইন্স্পেক্টর কলেজ বলিলেন, “হাঁ, পত্র পাঠেই তাহা বুঝিয়াছি; এই পত্রখানি আপনার নিকট পাঠাইলে তাঁহার বিপদের সম্ভাবনা অল্প হইত।”

ইন্স্পেক্টর কলেজের কথা শুনিয়া মিঃ গার্ভি ক্ষমৎ উত্তেজিত ভাবে কি বলিতে যাইতেছিলেন; কিন্তু মিঃ ব্লেক ইঙ্গিতে তাঁহাকে নিষেধ করায় তিনি অপেক্ষাকৃত সংযত ভাবে বলিলেন, “জমাদার সাহেব, আপনি যদি মনে করিয়া থাকেন, মিস্ মার্সারের বিরুদ্ধে যে সকল প্রমাণ সংগৃহীত হইয়াছে, এই পত্রখানি তাহার অন্ততম; যদি মনে করিয়া থাকেন, তিনিই বৃদ্ধ লর্ডের মৃত্যুর জন্ত দায়ী, ও এই পত্রই তাহার প্রমাণ; তাহা হইলে আমি বলিতে বাধ্য যে, এই প্রমাণে আপনাদের উদ্দেশ্যসিদ্ধি হইবে কি না সন্দেহ। মিস্ মার্সার ধর্মভীরু, সদাচারসম্পন্ন, মধুরপ্রকৃতি রমণী, নরহত্যা দূরের কথা, একটি পিপীলিকাকেও তিনি নষ্ট করিতে অনিচ্ছুক।”

ইন্স্পেক্টর কলেজ একটু চটা মেজাজের লোক; মিঃ গার্ভি তাঁহাকে ‘জমাদার সাহেব’ বলিয়া সম্বোধন করায় তাঁহার ক্রোধ অসংবরণীয় হইয়া উঠিল।— তিনি রক্তাক্ত নেত্রে মিঃ গার্ভির মুখের দিকে চাহিয়া বলিলেন, “এ সকল কথা প্রমাণসাপেক্ষ। দেখ ছোকরা, আমাদের কর্তব্য সম্বন্ধে তোমার অনধিকার চর্চার আবশ্যক নাই; তুমি নিজের চরকার তেল দিলেই ভাল।”

হয়। আমরা ত তোমাকে সন্দারী করিতে ডাকি নাই! তোমাকে সতর্ক করিয়া দিতেছি, আমাদের কথার উপর কোন কথা বলিও না।”

মিঃ গাভি ইন্স্পেক্টর কলেজের শিষ্টাচারের নমুনা বিস্তৃত হইলেন, কিন্তু বিরক্তি প্রকাশ করিলেন না; মুখভঙ্গি করিয়া বলিলেন, “চলুক না মশায়! তোফা বক্তৃতা করিতেছিলেন, গামিলেন কেন? আর কি বলিবার আছে—একদম্ বলিয়া ফেলুন।”

মিঃ ব্লেক ধুকিলেন, বিরোধের সূচনা দেখা যাউতেছে; অতএব শ্রদ্ধ আর গড়াইতে দেওয়া উচিত নহে।—সুতরাং তিনি মিঃ গাভিকে ক্রান্ত হইতে ইঙ্গিত করিয়া ইন্স্পেক্টর কলেজকে বলিলেন, “ওসকল কথায় তুমি কান দিও না। মিঃ গাভি তোমার বাহ্যতরীর পরিচয় পান নাই, তাই বাজে কথা বলিতেছেন, কিন্তু আমি ত জানি তুমি কত বড় পাকা ডিটেক্টিভ!—তাহা হউক, আমি এক-আধটু তদন্ত করি—ইহাতে বোধ হয় তোমার কোন আপত্তি নাই?”

ইন্স্পেক্টর কলেজ এই প্রশংসায় কিছু গুসী হইলেন, বলিলেন, “না, তাহাতে আর আপত্তি কি?—বরং আপনার সাহায্য পাইলে আমরা যথেষ্ট উপকৃত হইব।”—ইন্স্পেক্টর কলেজ যেক্রপ প্রকৃতির লোক—তাহাতে তিনি সহজে যে এই প্রস্তাবে সন্তুষ্ট হইতেন, একরূপ বোধ হয় না। কিন্তু তিনি মিঃ ব্লেককে বিলক্ষণ চিনিতেন, এবং তাঁহার উদ্ধতন কর্মচারীগণ তাঁহাকে ক্রীকপ শ্রদ্ধা ও সম্মান করেন, তাহাও তাঁহার অজ্ঞাত ছিল না; সুতরাং মিঃ ব্লেকের প্রস্তাবে আপত্তি করিতে তাঁহার সাহস হইল না। তিনি সতঃপ্রবৃত্ত হইয়া মিঃ ব্লেককে ডাক্তার ইসোবেল মার্শারের কম্পাউণ্ডার ডেমিসন ও সার চার্লস রিডারের সত্চিত পরিচিত করিলেন।

পরিচয়াদি শেষ হইলে মিঃ ব্লেক সার চার্লস রিডারকে বলিলেন, “সার চার্লস, আমি আপনাকে দুই একটি কথা জিজ্ঞাসা করিতে চাই; আশা করি আপনি দয়া করিয়া আমার প্রশ্নের উত্তর দিবেন।”

সার চার্লস বলিলেন, “নিশ্চয়ই; আপনার কি জিজ্ঞাসা আছে বলুন।”

মিঃ ব্লেক বলিলেন, “প্রেসক্রিপ্‌সন্থানিতে ৬০ ফোঁটা মর্ফাইনের মাত্রা লিখিত আছে, একথা কি সত্য?”

সার চার্লস রিডার বলিলেন, “হঁা সত্য।”

মিঃ ব্লেক বলিলেন, “আপনি ডাক্তার মিস্‌ মার্সারের সহিত পরামর্শ করিয়া প্রেসক্রিপ্‌সনে মর্ফাইনের মাত্রা নির্দিষ্ট করিয়াছিলেন কি?”

সার চার্লস বলিলেন, “হঁা, তাহাই করা হইয়াছিল।”

মিঃ ব্লেক বলিলেন, “আপনি কয় ফোঁটা মর্ফাইনের ব্যবস্থা করিয়াছিলেন?”

সার চার্লস বলিলেন, “পাঁচ ছয় ফোঁটার অধিক নহে।”

মিঃ ব্লেক বলিলেন, “এই মাত্রা কি নিতান্ত অল্প নহে?”

সার চার্লস বলিলেন, “সাধারণ মাত্রা অপেক্ষা অল্প বটে, কিন্তু লর্ড ওয়ারিংএর রোগের অবস্থা বিবেচনায় উহা অপেক্ষা অধিক মাত্রায় মর্ফাইন-প্রয়োগ যুক্তিসঙ্গত মনে করি নাই। আমরা উভয়েই বুঝিয়াছিলাম, মর্ফাইনের মাত্রাধিকা ষটিলে রোগীর হঠাৎ মৃত্যু হইতে পারে।”

মিঃ ব্লেক বলিলেন, “তাহা হইলে মিস্‌ মার্সার যে লম্বক্ৰমে অধিক মাত্রার ব্যবস্থা করিবেন, ইহা কি আপনার সম্ভব মনে হয়?”

সার চার্লস বলিলেন, “না, সম্পূর্ণ অসম্ভব। আমি লর্ড ওয়ারিংকে দেখিতে আসিবার পূর্বেও মিস্‌ মার্সার তাঁহার জ্ঞাত এইরূপ মাত্রার মর্ফাইনের ব্যবস্থা করিয়া আসিতেছিলেন। বিশেষতঃ, আমি গতকল্য রোগী দেখিয়া লগুনে প্রত্যাগমন করিবার সময় মিস্‌ মার্সারকে পুনঃ পুনঃ বলিয়াছিলাম, মর্ফাইনের মাত্রা সম্বন্ধে তিনি যেন বিশেষ সতর্কতা অবলম্বন করেন।”

মিঃ ব্লেক বলিলেন, “ধন্যবাদ মহাশয়, আপাততঃ আপনাকে আমার আর কিছু জিজ্ঞাস্য নাই।”

অনন্তর তিনি ডাক্তার মার্সারের কম্পাউণ্ডারকে বলিলেন, “আপনি ত বৃদ্ধ হইয়াছেন, বোধ হয় বহুদিন হইতে কম্পাউণ্ডারি করিতেছেন; একখানি প্রেসক্রিপ্‌সনে ৬০ ফোঁটা মর্ফাইন ব্যবহার করা যাইতে পারে না, ইহা কি আপনি জানেন না? একরূপ অতিরিক্ত পরিমাণে মর্ফাইন দিয়া

ঔষধটি প্রস্তুত করিবার সময় আপনার কি একবারও মনে হয় নাই প্রেসক্রিপ্‌সনে ভুল আছে, এবং সেই ঔষধ সেবনে রোগীর জীবনসংশয় হইতে পারে ?”

কম্পাউণ্ডার বলিল, “প্রেসক্রিপ্‌সন্থানি পাঠ করিয়া মর্ফাইনের মাত্রা অসঙ্গত বলিয়াই আমার মনে হইয়াছিল। আমি ডাক্তার মিস্‌ মার্চারের পরিচারিকাকেও সে কথা বলিয়াছিলাম ; কিন্তু নানা কথা চিন্তা করিয়া আমি এই ব্যবস্থাপত্রানুযায়ী ঔষধ প্রস্তুত করিয়া পাঠাইয়াছিলাম। কারণ আপনি বোধ হয় অস্বীকার করিবেন না যে, অল্প মাত্রার অহিফেন সেবনে কাহারও কাহারও মত্ততা উপস্থিত হইলেও, অনেকে এত অধিক পরিমাণে অহিফেন অনাগ্রাসেই পরিপাক করিতে পারে যে, কোন সাধারণ লোক তাহা হজম করা দূরে থাক, তাহাতেই পঞ্চহ লাভ করে। সুতরাং আমি ব্যবস্থাপত্রে যে মাত্রার উল্লেখ দেখিয়াছি, তাহাই ঔষধে ব্যবহার করিয়াছি, নিজের উপর কোন দায়িত্ব রাখি নাই।”

মিঃ ব্লেক বলিলেন, “শুনলাম, আপনি দুই দিনমাত্র মিস্‌ মার্চারের কার্যে নিযুক্ত হইয়াছেন ; ইহা কি সত্য ?”

কম্পাউণ্ডার বলিল, “হাঁ, সত্য।”

মিঃ ব্লেক বলিলেন, “তাহা হইলে আপনি লর্ড ওয়ারিং‌এর রোগ সম্বন্ধে বিশেষ কোন কথা জানিতেন না বোধ হয় ?”

কম্পাউণ্ডার বলিল, “না, আমি এ সম্বন্ধে কিছুই জানিতাম না ; আমি মিস্‌ মার্চারের কম্পাউণ্ডারিতে নিযুক্ত হইবার পর তিনি লর্ড ওয়ারিং‌এর জন্য দুই একখানি প্রেসক্রিপ্‌সন্ লিখিয়াছিলেন বটে, কিন্তু সে ঔষধ তিনিই স্বহস্তে প্রস্তুত করিয়া দিতেন ; আমাকে তাহা প্রস্তুত করিতে দেন নাই।”

মিঃ ব্লেক ইন্স্পেক্টর কলেজকে বলিলেন, “প্রেসক্রিপ্‌সন্থানি আমাকে একবার দেখাইবেন কি ?”

ইন্স্পেক্টর কলেজ প্রেসক্রিপ্‌সন্থানি মিঃ ব্লেকের হস্তে প্রদান করিলে তিনি তাহা সাবধানে পরীক্ষা করিলেন ; তাহার পর অস্বীকারের সাহায্যে

পুনর্বার তাহা পরীক্ষা করিয়া কোন মতামত প্রকাশ না করিয়াই ইন্স্পেক্টরের হস্তে প্রত্যর্পণ করিলেন। অনন্তর তিনি ইসোবেলের ডেকের নিকট উপস্থিত হইয়া জ্যাক গাভিকে যে পত্রখানি লেখা হইয়াছিল, ডেকের উপর হইতে তাহা লইয়া পাঠ করিতে লাগিলেন। এই পত্রে ইসোবেল তাঁহার প্রিয়তমাকে সকল কথাই গুলিয়া লিখিয়াছিলেন; অর্থাৎ তাঁহার ভ্রাতা ব্যাঙ্কের তহবিল তহরূপ করিয়া কিরূপ বিপন্ন হইয়াছে, এবং পরদিন আফিসের সময়ে সেই পনের হাজার টাকা তহবিলে জমা দিতে না পারিলে তাহার কি দুর্গতি হইবে, তাহা তাঁহাকে লিখিতে কৃষ্ণিত হন নাই। ইসোবেল পত্রের উপ-সংহারে এই কথাটি লিখিয়াছিলেন;—“জ্যাক, আমি তোমার নিকট এই টাকা-গুলি ধার চাহিতেছি, এজন্য আমার সম্বন্ধে তোমার কিরূপ ধারণা হইবে তাহা বুঝিতে পারিতেছি না; কিন্তু আমার বিশ্বাস, যদি তোমার অসাধা না হয় তাহা হইলে তুমি নিশ্চয়ই আমাকে টাকাগুলি পাঠাইয়া এই সঙ্কট হইতে উদ্ধার করিবে; তোমার এই অনুগ্রহের উপর আমার বংশের মান সম্বন্ধে সম্পূর্ণ নির্ভর করিতেছে। যদি তুমি কোন কারণে এই টাকা পাঠাইতে না পার, এবং আমার নির্যোধ ভ্রাতার রক্ষার কোন উপায় না হয়, তাহা হইলে আমি এই টাকা সংগ্রহের জন্য কি উপায় অবলম্বন করিব, তাহা ভাবিয়া স্থির করিতে পারিতেছি না; হঠাৎ হয় ত এমন কোন চঃসাহসেয় কার্য্য করিয়া বসিব—”

পত্রখানি এইখানেই শেষ হইয়াছিল। মিঃ ব্লেক ইহা পাঠ করিয়া অত্যন্ত গভীরভাবে মাথা নাড়িয়া মিঃ গাভিকে বলিলেন, “এই পত্রখানি মিস মার্সারের বিরুদ্ধে আরোপিত অভিযোগের অতি মারাত্মক প্রমাণ! পত্রখানি লিখিয়া একরূপ অসম্পূর্ণভাবে রাখিয়া দেওয়া অত্যন্ত অন্ত্য হইয়াছে।”

এই সময়ে সেই কক্ষের দ্বার খুলিয়া মিস মার্সারের পরিচারিকা তাঁহাদের সম্মুখে উপস্থিত হইল; সে বলিল, “একজন ভদ্রলোক এইমাত্র লগুন হইতে আসিয়া বাহিরে দাঁড়াইয়া আছেন; তিনি আমার মনিবের সহিত দেখা করিতে আসিয়াছেন।”



ইন্স্পেক্টর সিলভেটার ক্রভসী করিয়া বলিলেন, “লোকটা কে ?”

পরিচারিকা বলিল, “তিনি তাহার নামের কাউথানি আমাকে দিয়াছেন, এই দেখুন।”

ইন্স্পেক্টর পরিচারিকার হস্ত হইতে কাউথানি লইয়া তাহা পাঠ করিলেন।  
—কার্ডে এই নামটি লেখা ছিল, “পাসিভাল কিথ্‌মন্ট্‌লি—২৫ এক্স নিউ বণ্ড-  
স্ট্রীট।”

ইন্স্পেক্টর বলিলেন, “লোকটার নাম ত জানিতে পারিলাম ; কিন্তু কে সে ? সে কি চায়, তাহা কিছুই বুঝিতে পারিলাম না।”

মিঃ ব্লেক বলিলেন, “আমি উহাকে চিনি। এ লোকটা লণ্ডনের একজন নামজাদা মহাজন ; সে অনেককেই টাকা কর্জ দিয়া থাকে।”

ইন্স্পেক্টর কলেজ সবিশ্বয়ে বলিলেন, “শুদখোর মহাজন !”

মিঃ ব্লেক বলিলেন, “হঁা, অতি উৎকট প্রকৃতির মহাজন ; দ্বিতীয় সাইলক বলিলেও অত্যাক্তি হয় না ! মহাজনী ভিন্ন তাহার অন্য বাবসায়ও আছে।”

ইন্স্পেক্টর কলেজ বলিলেন, “আপনার এ কথার অর্থ বুঝিতে পারিলাম না ; মহাজনী করে, আর কি করে ?”

মিঃ ব্লেক বলিলেন, “লোকটা ভারি ধড়বাজ, উহার দীপান্তর চণ্ডী উচিত। এরূপ লোক সমাজের কণ্টকরূপ। সে অনেক সংবাদপত্রেই ন্যায্য শূদে টাকা কর্জ প্রদানের বিজ্ঞাপন প্রকাশ করে ; কিন্তু যে সকল চত-  
ভাগ্য তাহার বিজ্ঞাপনে আকৃষ্ট হইয়া টাকা ধার লইতে যায়, তাহাদিগকে বিপন্ন করে ; তাহাদিগকে বলে, ‘টাকা কর্জ দিতে আপত্তি নাই, কিন্তু টাকা প্রদানের পূর্বে আমি কতকগুলি বিষয় অনুসন্ধান করিয়া দেখিব, এই অনুসন্ধানের জন্য তরাসী ফি অগ্রিম দিতে হইবে’।”

“ইন্স্পেক্টর কলেজ বলিলেন, “এরূপ ছোচোর লণ্ডনে অনেক আছে ; তাহারা এইভাবে কিছু টাকা মারিয়া লইয়া ঋণপ্রার্থীকে পত্র লিখিয়া জানায়, ‘অনুসন্ধানে জানিতে পারিলাম, তোমাকে টাকা ধার দেওয়া নিরাপদ নহে ; অতএব আমার নিকট টাকা কর্জ পাইবার আশা ত্যাগ কর।’—এইভাবে

তাহারা প্রতিমাসে ষথেষ্ট অর্থোপার্জন করে। কেবল তাহাই নহে, অনেকের নিকট হইতে রীতিমত দলিল লিখিয়া লইয়া টাকা প্রদানের সময় বলে, 'তোমার নিকট টাকা আদায় হইবে' কি না, তাহার সন্ধান না লইয়া টাকা দিতে পারি না।' তাহার পর ঋণপ্রার্থী দলিল ফিরাইয়া চাহিলে বলে, 'তুমি কি টাকা না পাইয়াই দলিল দিয়াছ?'—ইহাতে সেই ঋণপ্রার্থীকে কিরূপ বিপন্ন হইতে হয়, তাহার উল্লেখ বাহুল্য মাত্র।"

মিঃ ব্লেক বলিলেন, "একথা বার্থ; হতভাগোরা নিরুপায় হইয়া অবশেষে অনেক টাকা সেলামী দিয়া দলিল ফিরাইয়া লইতে বাধ্য হয়।—যাহা হউক, লোকটাকে দেখা যাউক।"

পরিচারিকা অনুমতি পাইয়া আগন্তুককে সঙ্গে লইয়া সেই কক্ষে রাখিয়া গেল। লোকটির বয়স হইয়াছিল; দাড়ী গোফ-বর্জিত মুখখানি দেখিলে সদাশয় ব্যক্তি বলিয়াই ধারণা হয়। তাহার পরিচ্ছদেরও আড়ম্বর ছিল। সে তাহার রেশমমণ্ডিত হাটটি হস্তে লইয়া সেই কক্ষে প্রবেশ পূর্বক পুলিশের কর্মচারী-গণকে সম্মুখে দেখিয়া ভীত হইল, তাহার মুখ শুকাইয়া গেল; এবং সে উপস্থিত ব্যক্তিগণের মুখের দিকে চাহিয়া অত্যন্ত চঞ্চল হইয়া উঠিল। পুলিশ লর্ড ওয়ারিংএর মৃত্যু-সম্বন্ধীয় সমুদয় ব্যাপার গোপনে রাখায় তাহা সংবাদপত্রে প্রকাশিত হয় নাই; সুতরাং এই মহাজনটি এখানে আসিবার পূর্ব বর্তমান বিভ্রাট সম্বন্ধে কিছুই জানিতে পারে নাই।

যাহা হউক, আগন্তুক মুহূর্তমধ্যে আত্মসংবরণ করিয়া উপস্থিত ভদ্র-মণ্ডলীকে অভিবাদন পূর্বক বলিল, "মহাশয়গণ, আমি এখানে ডাক্তার মার্চারের সহিত সাক্ষাৎ করিতে আসিয়াছিলাম; কিন্তু গুনলাম তিনি এখানে উপস্থিত নাই; একথা কি সত্য?"

মিঃ ব্লেক বলিলেন, "তিনি তোমার নিকট যে টাকা কর্ত্ত লইবার অভি-প্রায় করিয়াছিলেন, তাহা তাঁহার আবশ্যক হইবে বলিয়া বোধ হয় না।"

কিণ্‌মণ্ডলি সবিস্ময়ে বলিল, "আপনি আমাদের বাবসায়ের কথা জানেন কি?"

মিঃ ব্লেক বলিলেন, “না জানিলে আর একথা বলিতেছি কেন ? ডাক্তার মাসার আজ সকালে তোনার কাছে গিয়াছিলেন না ?”

কিথ্‌মন্টলি একথা অস্বীকার করিতে পারিল না।—মিঃ ব্লেক অক্ষকারে লোষ্ট্র নিরূপ করিয়াছিলেন, কিন্তু তাহা বার্থ হইল না।

কিথ্‌মন্টলি বলিল, “হাঁ, তিনি আমাদের সঙ্গে দেখা করিয়াছিলেন ; তিনি বলিয়াছিলেন, তাঁহার—”

মিঃ ব্লেক বলিলেন, “পনের হাজার টাকা কর্জ করা আবশ্যিক।”

কিথ্‌মন্টলি বলিল, “এ কথাও আপনি জানেন দেখিতেছি!—কিন্তু আপনি এ সকল গোপনীয় কথা কিরূপে জানিলেন ? আপনি কে মহাশয় ? আপনি মনে করিবেন না—আমি বুথা-কৌতূহলের বশীভূত হইয়া আপনাকে একথা জিজ্ঞাসা করিতেছি। বাহিরের লোকের নিকট ঘরের কথা প্রকাশ করা আমরা যুক্তিসঙ্গত মনে করি না বলিয়াই আমার জানিবার আগ্রহ হইয়াছে—আপনি ঘরের লোক কি বাহিরের লোক।”

মিঃ ব্লেক বলিলেন, “সে কথা শুনিয়া ফল কি ? তুমি কি মতলবে এখানে আসিয়াছ, তাহাই আগে বল।”

কিথ্‌মন্টলি বিরক্ত হইয়া বলিল, “কে মহাশয় আপনি, এত কৈফিয়ৎ চাহিতেছেন ?”

মিঃ ব্লেক বলিলেন, “আমার নাম রবার্ট ব্লেক ; আর এই বে ভদ্র-লোকটিকে দেখিতেছ, ইনি স্কট্‌লাণ্ড ইয়ার্ডের একজন পুলিশ কন্সটারী। যাহা হউক, তোমাকে যে কথা জিজ্ঞাসা করা হইয়াছে, চট করিয়া তাহার উত্তর দাও।”

কিথ্‌মন্টলি মিঃ ব্লেকের কথা শুনিয়া একবার বক্রদৃষ্টিতে তাঁহার মুখের দিকে চাহিল, তাহার পর আড়চক্ষে ইন্স্পেক্টর কলেচের মুখের দিকে চাহিয়া বলিল, “আপনাদের এ সকল কথা বলিয়া কি ফল, তাহা ত আমি বুঝিতে পারিতেছি না। আমাদের বিষয়কম্ব সঙ্কীর গুপ্তকথা আমি বাহিরের কোনও লোককে বলিতে আদৌ ইচ্ছুক নহি।—বিশেষতঃ আপনি গোয়েন্দা, আপনাকে কোন কথা বলা কোন ক্রমে সম্ভব নহে।”

ইন্স্পেক্টর কলেজ ক্রুদ্ধদৃষ্টিতে আগন্তকের মুখের দিক চাহিয়া বলিলেন, “তুমি যে বড় লম্বা লম্বা কথা বলিতেছ!—তোমাকে যে কথা জিজ্ঞাসা করা হইয়াছে, তাহার উত্তর দিবে কি না বল।” ক্রূপে জবাব আদায় করিতে হয় তাহা আমাদের বিলক্ষণ জানা আছে, আমরা পুলিশের লোক!”

কিথ্‌মন্টলি সভয়ে বলিল, “একথা না শুনিলে কি আপনাদের চলিবে না?”

ইন্স্পেক্টর কলেজ গম্ভীর স্বরে বলিলেন, “না; আমাদের তাহা জানা চাই। কেন জানা চাই, তাহার কারণ বলিতেও আমাদের আপত্তি নাই। আমরা এখানে একটা হত্যাকাণ্ডের তদন্ত করিতে আসিয়াছি।—এ অবস্থায় তুমি যাহা কিছু জান, সরল ভাবে আমাদের নিকট প্রকাশ কর, নতুবা—

মিঃ ব্লেক বলিলেন, “তুমি শেষ কোন্ দিন কাহাকে কি উপলক্ষ্যে কত টাকা কর্জ দিয়াছ, তাহা আমাদের জানা আবশ্যিক।”

কিথ্‌মন্টলি বলিল, “আপনার কথার মন্য বুদ্ধিতে পারিলাম না।”

মিঃ ব্লেক বলিলেন, “আমরা জানিতে চাই—মিস্ মার্সার কি উদ্দেশ্যে তোমার নিকট পনের হাজার টাকা কর্জ চাহিয়াছিলেন?”

কিথ্‌মন্টলি বলিল, “এ কথা কি আপনাদের না জানিলে চলিবে না?”

মিঃ ব্লেক বলিলেন, “হঁা, একথা জানা চাই।—তুমি সরল ভাবে সকল কথা স্বীকার কর।”

কিথ্‌মন্টলি বলিল, “শুনিয়াছিলাম মিস্ মার্সারের ভাই একটা বিপদে পড়িয়াছিলেন; তাঁহাকে বাঁচাইবার জন্তই এই টাকাগুলির আবশ্যক হইয়াছিল।—কিন্তু কিরূপ বিপদ, তাহা আমার জানা নাই।”

মিঃ ব্লেক বলিলেন, “পনের হাজার টাকা বড় অল্প টাকা নহে; মিস্ মার্সার এই দেনা কিরূপে পরিশোধ করিবেন বলিয়াছিলেন?”

কিথ্‌মন্টলি বলিল, “তিনি বলিয়াছিলেন, তাঁহার হাতে একটা রোগী আছে, এই রোগীটির মৃত্যুর পর তিনি অনেক টাকা পাইবেন; তাহা পাইলেই তিনি আমার দেনা শোধ করিবেন।—তিনি এ কথাও বলিয়া-

ছিলেন যে, রোগীর যেকোন অবস্থা, তাহাতে তাঁহার দীর্ঘকাল জীবিত থাকিবার সম্ভাবনা নাই, দুই এক বৎসর মধ্যেই তাঁহার মৃত্যু হইবে।”

ইন্স্পেক্টর কলেজ ব্যগ্রভাবে বলিলেন, “মিস্ মাসার কি তোমার নিকট সেই রোগীর নাম প্রকাশ করিয়াছিলেন?”

কিথ্‌মন্টলি বলিল, “হ্যাঁ; বলিয়াছিলেন, রোগী এই গ্রামের জমিদার লর্ড ওয়ারিং।—আমি মিস্ মাসারের কথা শুনিয়া বলিয়াছিলাম, লর্ড ওয়ারিং কতকাল বাচিয়া থাকিবেন তাহা কে বলিতে পারে? এ অবস্থায় লর্ডের মৃত্যুর পূর্বে আমি তাঁহাকে এত টাকা কড় দিতে পারিব না। আমি তাঁহাকে টাকা দিব না শুনিয়া তিনি চলিয়া আসেন; কিন্তু এমন একটা দাঁও ছাড়িয়া দেওয়া যুক্তিসঙ্গত মনে না হওয়ায় আমি অনেক চিন্তার পর মিস্ মাসারের সহিত সাক্ষাৎ করিতে আসিয়াছি।”

ইন্স্পেক্টর কলেজ বলিলেন, “আমিও এই রকমই মনে করিয়াছিলাম।”

পার্সিভাল কিথ্‌মন্টলি বলিল, “আপনারা যাহাই মনে করুন, তাহাতে বিশেষ কিছু যায়-আসে না; আমি কোন দুরভিসন্ধিতে এখানে আসি নাই। মিস্ মাসার শীঘ্র এখানে আসিবেন কি না আমি তাহাই জানিতে চাই।”

মিঃ ব্লেক বলিলেন, “তা তিনি শীঘ্র ফিরিয়া আসুন বা না আসুন, তোমার উদ্দেশ্য পূর্ণ হইবার কোন সম্ভাবনা দেখিতেছি না।”

কিথ্‌মন্টলি বলিল, “সম্ভাবনা না থাকে, আমি চলিলাম। টেণের ভাড়াটাই দণ্ড লাগিল দেখিতেছি! আমি কাজের লোক, শীঘ্রই আমার লগুনে ফিরিয়া যাওয়া আবশ্যিক।—আপনাদের ত আর কোন কথা জানিবার নাই?”

মিঃ ব্লেক বলিলেন, “না, আপাততঃ আর কোনও কথা জানিবার নাই; তবে তোমাকে বোধ হয় আরও একবার কষ্টস্বীকার করিতে হইবে।—করোনারের আদালত হইতে তুমি শীঘ্রই সফিনা পাইবে।”

কিথ্‌মন্টলি সতয়ে বলিল, “করোনারের আদালত হইতে সফিনা পাইব! আমার অপরাধ?”

মিঃ ব্লেক বলিলেন, “তোমাকে সাক্ষ্য দিতে হইবে। লর্ড ওয়ারিং যে অবস্থায় মারা গিয়াছেন, তাহা অত্যন্ত সন্দেহজনক।”

কিথ্‌মন্টলি আর কোনও কথা না বলিয়া একবার রোষকষায়িত নেত্র মিঃ ব্লেকের মুখের দিকে চাহিয়া সেই কক্ষ পরিত্যাগ করিল; সে যাইবার সময় যেরূপ জোরে দরজা বন্ধ করিল, তাহাতে তাহার মাসিক উচ্চতার বিলক্ষণ পরিচয় পাওয়া গেল।

কিথ্‌মন্টলি প্রশ্ন করিলে ইন্স্পেক্টর কলেজ মিঃ ব্লেকে বলিলেন, “এই লোকটার সত্যিত আলাপ করিয়া আপনি কি বুঝিলেন, মিঃ ব্লেক?”

মিঃ ব্লেক বলিলেন, “বিশেষ কিছু বুঝিতে পারিলাম না; তবে এটুকু বুঝিলাম যে, ডাক্তার মার্সার মিঃ গার্ভিকে যে পত্রখানি লিখিয়াছিলেন, আত্মসম্মানে আঘাত লাগিবার আশঙ্কায় তাহা তাঁহাকে না পাঠাইয়া, টাকা কর্ত্ত করিবার জন্য তিনি এই মহাজনটার কাছে গিয়াছিলেন।”

ইন্স্পেক্টর কলেজ বলিলেন, “ইহা তাঁহার বিরুদ্ধে আর একটি প্রমাণ। মিঃ গার্ভি, আপনাকে একটি কথা বলিব; ইহাতে সম্ভবতঃ আপনি বাধিত হইবেন, কিন্তু আমরা পুলিশের লোক, সত্য কথা যতই অপ্রীতিকর হউক, আমরা তাহা প্রকাশ করিতে বাধ্য। ডাক্তার মিস্ মার্সার আপনার বাগ্দত্তা পত্নী, একথা আপনার মুখেই শুনিয়াছি; সুতরাং আপনি নিরপেক্ষভাবে তাঁহার দোষের বিচার করিতে পারিবেন, এরূপ আশা করিতে পারি না; কিন্তু আপনার নিরপেক্ষ বিচারের শক্তি থাকিলে আপনাকে স্বীকার করিতেই হইবে যে, আমরা যে সকল প্রমাণ পাইতেছি তাহা সমস্তই মিস্ মার্সারের প্রতিকূল।”

মিঃ গার্ভি বিষন্নভাবে বলিলেন, “সে কথা আর কিরূপে অস্বীকার করি? সকল প্রমাণই তাঁহার প্রতিকূল; কিন্তু একথাও সত্য যে, এ কাজ তাঁহার দ্বারা হয় নাই। তাঁহার দ্বারা এরূপ দুষ্কর্ম সংঘটিত হওয়া অসম্ভব।”

সেই কক্ষে সমবেত লোকগুলি এইরূপ তর্ক-বিতর্কে এতই ব্যস্ত ছিলেন যে, দ্বারের দিকে তাঁহাদের দৃষ্টি ছিল না। গৃহস্বামিনী ডাক্তার ইসোবেল

মাসাঁর সেই সময় হঠাৎ সেই কক্ষে প্রবেশ করিয়া সার চার্লস রিডারকে সম্বোধন পূর্বক বলিলেন, “সার চার্লস, আমি এ কি কথা শুনিতেছি?”

ইসোবেলের কণ্ঠস্বর শ্রবণমাত্র সকলেই সবিস্ময়ে তাঁহার মুখের দিকে চাহিলেন; তিনি যে সে সময় সে ভাবে সেই কক্ষে প্রবেশ করিবেন, ইহা কেহই বিশ্বাস করিতে পারেন নাই। তাঁহারা দেখিলেন, মিস্ মাসাঁরের মুখমণ্ডলে ভয় অপেক্ষা বিস্ময়ের চিহ্নই অধিক মাত্রায় পরিষ্কৃত; ত্রাস্তা ও বিস্মিতা শুভ্রবেশিনী সুন্দরী যুবতীকে সহসা সেই কক্ষে প্রবেশ করিতে দেখিয়া কক্ষস্থিত প্রত্যেক ব্যক্তি অবাক হইয়া বিস্ময়বিফারিত নেত্রে তাঁহার মুখের দিকে চাহিয়া রহিলেন; তাঁহাদের তকবিতক বন্ধ হইয়া গেল। সকলেরই মনে হইল, একপ অতুলনীয় সুন্দরী মহিষসী নারী কি কখনও নরহত্যা পাপে লিপ্ত হইতে পারেন?”

সার চার্লস রিডার তাঁহার প্রশ্নের উত্তর প্রদানের পূর্বেই মিস্ মাসাঁর পুনর্বার বলিলেন, “সার চার্লস, আমি স্টেশন হইতে আসিবার সময় শুনিলাম, লর্ড ওয়ারিংএর মৃত্যু হইয়াছে!—কি চুঃখের বিষয়।”

মিস্ মাসাঁর মিঃ গাভিকে প্রথমে দেখিতে পান নাই; কারণ তখন গাভি মিঃ ব্লেকের পশ্চাতে দণ্ডায়মান ছিলেন। তিনি সার চার্লসকে দেখিয়া পুনর্বার আগ্রহভরে বলিলেন, “আপনি আমার প্রশ্নের উত্তর দিতেছেন না কেন? একথা কি সত্য?”

সার চার্লস রিডার সংক্ষেপে বলিলেন, “হঁা সত্য।”

মিঃ গাভি ঠিক সেই মুহূর্তে মিঃ ব্লেকের পশ্চাৎ হইতে সম্মুখে আসিয়া আবেগপূর্ণ স্বরে ডাকিলেন, “ইসোবেল!”

মিঃ গাভিকে দেখিবামাত্র ইসোবেল মাসাঁরের সর্কাসে বেন বিচ্যৎ-প্রবাহের সঞ্চার হইল! তিনি তাঁহাকে সেখানে দেখিতে পাইবেন, ইহা পূর্বে কল্পনাও করেন নাই। তাঁহার হৃদয় আনন্দে পূর্ণ হইল, চক্ষু হাত্ত-প্রদীপ্ত হইল; তিনি আনন্দোচ্ছ্বাসিত স্বরে বলিলেন, “জ্যাক, তুমি এখানে! দুই বৎসর পরে আজ হঠাৎ তোমাকে এখানে দেখিতে পাইব,

ইহা কি স্বপ্নেও ভাবিয়াছিলাম?—কতদিন পরে আজ তোমার সাক্ষাৎ পাইলাম।”

মিঃ গার্ভি মিস্ মার্কারের কণ্ঠালিঙ্গন করিয়া স্নেহোদ্বেলিত স্বরে বলিলেন, “হঁা প্রিয়তমে, আমি আসিয়াছি।”—কিন্তু মূর্ছার মধ্যে তাঁহার স্বরণ হইল সেই কক্ষ অনেকগুলি ভদ্রলোক উপস্থিত আছেন, ইহা হৃদয়োচ্ছ্বাস প্রকাশের উপযুক্ত সময়ও নহে; স্ততরাঃ তিনি তৎক্ষণাৎ মিস্ মার্কারকে তাঁহার আলিঙ্গনপাশ হইতে মুক্ত করিয়া কুণ্ঠিতভাবে একটু দূরে সরিয়া দাঁড়াইলেন।

ইসোবেল মিঃ গার্ভির সঙ্কোচের কারণ বুঝিতে পারিয়া কুণ্ঠিতভাবে উপস্থিত ভদ্রমণ্ডলীর মুখের দিকে চাহিলেন, তাহার পর বলিলেন, মহাশয়গণ! আপনারা এখানে কি উদ্দেশ্যে আসিয়াছেন? ইন্স্পেক্টর, আপনিই বলুন এখানে আপনার কি আবশ্যক?”

মিস্ মার্কারের এই প্রশ্নের কি উত্তর দেওয়া যাইতে পারে, তাহা হঠাৎ কেহ স্থির করিতে পারিলেন না। অবশেষে ইন্স্পেক্টর কলেজ কথা কহিলেন; তিনি গম্ভীর ভাবে বলিলেন, “ডাক্তার মার্কার, আমি এখানে একটি অত্যন্ত অপ্রীতিকর কর্তব্য সম্পাদন করিতে আসিয়াছি। আমি স্কটল্যাণ্ড ইয়ার্ডের পুলিশ কর্মচারী। দুঃখের সহিত আপনাকে জানাইতে হইতেছে যে, স্থানীয় জমিদার লর্ড ওয়ারিং—আপনার হস্তে গাঁহার চিকিৎসার ভার ছিল—হঠাৎ মৃত্যুমুখে পতিত হইয়াছেন; তাঁহার মৃত্যু অত্যন্ত সন্দেহজনক।”

ইন্স্পেক্টর কলেজের কথা শুনিয়া মিস্ মার্কার যেন আকাশ হইতে পড়িলেন! তাঁহার খাসরোধের উপক্রম হইল; তিনি বিস্ফারিতনেত্রে ইন্স্পেক্টর কলেজের মুখের দিকে চাহিয়া রুদ্ধশ্বাসে বলিলেন, “সন্দেহজনক মৃত্যু! মহাশয়, আমি আপনার এ কথার মন্ত্ৰ বুঝিতে পারিলাম না; দয়া করিয়া সকল কথা খুলিয়া বলুন।”

মিঃ ব্লেক অদূরে দাঁড়াইয়া মিস্ মার্কারের বিশ্বয়ব্যাকুল ভাব নিরীক্ষণ



করিতেছিলেন ; লোকচরিত্রে তাঁহার ব্যথষ্ট অভিজ্ঞতা ছিল, তিনি মিস্ মাসারের ভাবভঙ্গী দেখিয়া বুঝিতে পারিলেন লর্ড ওয়ারিংএর মৃত্যু সংবাদ শ্রবণে তাঁহার এই বিষয় ও উদ্বেগ-বাকুল ভাব কৃত্রিম নহে ।

মিস্ মাসার বলিলেন, “মহাশয় ! আপনি সকল কথা খুলিয়া বলুন ; আমি কিছুই বুঝিতে পারিতেছি না ।”

ইন্স্পেক্টর কলেজ বলিলেন, “সরকারে আপনি অঙ্গীকার করুন, লর্ড ওয়ারিংএর শবব্যবচ্ছেদের পর করোনারের বিচার শেষ না হইলে আপনি এই গৃহত্যাগ করিয়া স্থানান্তরে যাইবেন না ।”

মিস্ মাসার উদ্বেজিত স্বরে বলিলেন, “আমি কিজন্য একপ অঙ্গীকার করিব ?”

ইন্স্পেক্টর কলেজ বলিলেন, “আপনি একপ অঙ্গীকার না করিলে আমি আপনাকে গ্রেপ্তার করিতে বাধ্য হইব ; আপনার বিরুদ্ধে গ্রেপ্তারি-পরোয়ানা বাহির করা কিছুমাত্র কঠিন হইবে না । কারণ ঘটনাচক্রে এই সন্দেহ প্রবল হইয়াছে যে, আপনিই অতিরিক্ত মাত্রায় নক্ষিত প্রয়োগ করিয়া রোগীর মৃত্যু ঘটাইয়াছেন । আমি আপনাকে সাবধান করিতেছি—”

ইন্স্পেক্টর কলেজের কথা শেষ হইবার পূর্বেই মিস্ মাসার আঁতুড়ে আঁতুড়ে করিয়া ঘুরিয়া পড়িতে পড়িতে অদূরবর্তী একখানি চেয়ার ধরিয়া অতিকষ্টে দাঁড়াইয়া রহিলেন ; কিন্তু তাঁহার চোখ মুখ লাল হইয়া উঠিল ; তিনি বিকৃতস্বরে বলিলেন, মহাশয় ! আপনি এ কি বলিতেছেন ? আমি অতিরিক্ত মাত্রায় নক্ষিত করিয়া লর্ড ওয়ারিংকে হত্যা করিয়াছি ! আপনি কি কেপিয়াছেন ?”

ইন্স্পেক্টর কলেজ বলিলেন, “না, মিস্ আমি কেপি নাই ; আমি পুনর্বার আপনাকে সাবধান করিতেছি—”

মিস্ মাসার ঘৃণাভরে বলিলেন, “না মহাশয়, আমাকে আর সাবধান করিতে হইবে না । আমি বুঝিয়াছি আপনার মস্তিষ্ক বিকৃত হইয়াছে, নতুবা

আপনি এরূপ অসম্ভব কথা কেন বলিবেন? আমি লর্ড ওয়ারিংএর জ্ঞে যে প্রেসক্রিপ্‌সন্ লিখিয়াছিলাম, তাহাতে যথাযোগ্য পরিমাণ মর্ফিয়ার ব্যবস্থা করা হইয়াছিল; সার চার্লস রিডারের সহিত পরামর্শ করিয়াই মর্ফিয়ার মাত্রা নির্দিষ্ট করা হইয়াছিল, তিনি বোধ হয় একথা অস্বীকার করিবেন না।”

সার চার্লস ধীরভাবে বলিলেন, “প্রেসক্রিপ্‌সনে মর্ফিয়ার যে মাত্রা ব্যবস্থা করা হইয়াছে তাহা সাংঘাতিক।”

মিস্ মার্সার উত্তেজিত স্বরে বলিলেন, “অসম্ভব!” অনন্তর তিনি তাঁহার কম্পাউণ্ডারকে লক্ষ্য করিয়া বলিলেন, “জেমিসন, প্রেসক্রিপ্‌সনে আমি ছয় ফোঁটা মর্ফাইনের ব্যবস্থা করিয়াছিলাম, একথা কি তুমি অস্বীকার করিতে পার?”

বৃদ্ধ কম্পাউণ্ডার মাথা নাড়িয়া বলিল, “না ডাক্তার, আপনি প্রেসক্রিপ্‌সনে ছয় ফোঁটা মর্ফাইনের ব্যবস্থা করেন নাই; ষাট ফোঁটার ব্যবস্থা করিয়াছিলেন।”

মিস্ মার্সার জেমিসনের কথা শুনিয়া এক লম্ফে তাহার সম্মুখে আসিয়া তাহার হাত চাপিয়া ধরিলেন, এবং উভয় চক্ষু কপালে তুলিয়া তাহাকে বলিলেন, “তুমি ষাট ফোঁটা মর্ফাইন দিয়া ঔষধ প্রস্তুত করিয়া দিয়াছ? এরূপ নিকোঁধের মত কাজ করিয়াছ?”

কম্পাউণ্ডার ধীরে ধীরে হাত ছাড়াইয়া লইয়া বলিল, “হাঁ ডাক্তার! প্রেসক্রিপ্‌সনে যে ঔষধ যে পরিমাণে ব্যবস্থা করা হইয়াছিল, আমি তাহাট দিয়াছি; ষাট ফোঁটা মর্ফাইনের ব্যবস্থা ছিল, আমি তাহাই দিয়াছি।”

মিস্ মার্সার আকুল স্বরে বলিলেন, “তুমি কি বলিতে চাও আমি এইরূপ মারাত্মক ভুল করিয়াছি? না, না, আমি শপথ করিয়া বলিতেছি, আমি এরূপ ভ্রম করি নাই। আমি প্রেসক্রিপ্‌সন্থানি লিখিয়া ছই তিনবার তাহা সাবধানে পাঠ করিয়াছি; কোথায় সেই প্রেসক্রিপ্‌সন, আমাকে শীঘ্র তাহা দেখাও।”

ইন্স্পেক্টর কলেজ সন্নিহিত চিত্তে এই সকল কথা শুনিতেছিলেন;

কথাগুলি আন্তরিক কি কাপট্যপূর্ণ তাহা তিনি স্থির করিতে পারিলেন না। যাহা হউক, মিস্ মার্সারের কথা শুনিয়া তিনি সেই প্রেসক্রিপ্‌সন্ধানি বাহির করিয়া মিস্ মার্সারের সম্মুখে ধরিলেন, বিশ্বাস করিয়া তাঁহার হাতে দিলেন না। মিস্ মার্সার প্রেসক্রিপ্‌সন্ধানি পাঠ করিয়া, তাহা একবার হাতে লইয়া পরীক্ষা করিতে উত্তত হইলে, ইন্‌স্পেক্টর কলেজ তাহা টানিয়া লইলেন। ইহা দেখিয়া মিস্ মার্সার মুহূর্তকাল স্তম্ভিতভাবে বসিয়া রহিলেন, তাহার পর উত্তেজিত স্বরে বলিলেন,—“সার চার্লস, ইন্‌স্পেক্টর, ভদ্রমহোদয়গণ, আমার বাবস্তাপত্র নিশ্চয়ই কাটাকুটি হইয়াছে। হ্যাঁ, আমি শপথ করিয়া বলিতে পারি, নিশ্চয়ই প্রেসক্রিপ্‌সনের পরিবর্তন হইয়াছে। আমি প্রেসক্রিপ্‌সনে ছয় ফোঁটা মরফাইন ব্যবস্থা করিয়াছিলাম; এখন দেখিতেছি ‘৬’এর পর একটি ‘০’ বসাইয়া দেওয়া হইয়াছে! ছয় ফোঁটাকে সাত ফোঁটা করা হইয়াছে। আমি গতরাতে যখন এষ্ট প্রেসক্রিপ্‌সন্‌ সিন্দুকে বন্ধ করিয়া রাখিয়া গিয়াছিলাম, তখন ইহাতে ‘৬ ফোঁটা মরফাইন’ লেখা ছিল, একথা আমার বেশ স্মরণ আছে।

মিঃ জ্যাক গাভি ব্যাকুল ভাবে বলিলেন, “ইসোবেল, তুমি যে ‘৬ ফোঁটা মরফাইন’ লিখিয়াছিলে, এ সম্বন্ধে তোমার কোন সন্দেহ নাই ত? তোমার ভাই বিপন্ন হইয়াছে এ সংবাদ শুনিয়া তুমি ব্যাকুল হইয়া মাত্রা পরিমাণ লিখিতে ভুল কর নাই ত?”

মিস্ মার্সার বলিলেন, “জ্যাক, তুমি কিরূপে জানিলে যে আমার ভাই বিপন্ন হইয়াছে?—এ কথা তোমাকে কে বলিয়াছে বল।”

মিঃ গাভি বলিলেন, “অন্তের নিকট তাহা জানিবার পূর্বেই আমি তোমার পত্র পাঠে তাহা জানিতে পারিয়াছি। উপস্থিত সঙ্কটে কি কর্তব্য, তাহা তুমি স্থির করিতে না পারিয়া টাকার জন্ত আমাকে যে পত্রখানি লিখিয়াছিলে, তাহা ডাকে না পাঠাইয়া তোমার ডেস্কে রাখিয়া গিয়াছিলে; সেই পত্রখানি পাঠ করিয়াই আমি একথা জানিতে পারিয়াছি।—পত্রখানি পুলিশের হস্তগত হইয়াছে! হায়, তুমি পত্রখানি লিখিয়া কেন তাহা আমার নিকট

পাঠাইতে কুণ্ঠিত হইয়াছিলে ? আমার নিকট তোমার ত একরূপ সঙ্কোচের কোন আবশ্যক ছিল না।—যাচা হউক, রাল্ফ কোথায় ?”

মিস্ মার্সার বলিলেন, “আমি সে কথা তোমাকে বলিতে পারিব না।—সে এখন কোথায়, পুলিশ ইহা জানিতে পারিলেই তাহাকে গ্রেপ্তার করিবে ; না, আমি তাহাকে ধরাইয়া দিতে পারিব না। সে তাহার বাসা হইতে চলিয়া গিয়াছে ; আমার বিশ্বাস সে পলায়ন করিতে পারিবে।”

মিস্ মার্সারের কথা শুনিয়া ইন্স্পেক্টর গম্ভীরস্বরে বলিলেন, “ডাক্তার, আপনি অতি অজ্ঞায় কথা বলিতেছেন। আপনার ভাই তহবিল তছরূপ করিয়াছে ; সে ফৌজদারীর আসামী, সে যাচাতে ধরা পড়ে তাহাতে বাধা দেওয়া আপনার কর্তব্য নহে।”

মিস্ মার্সার বলিলেন, “মহাশয়, আপনি আমাকে কর্তব্য সম্বন্ধে উপদেশ দিবেন না। আপনি আমাকে কি কর্তব্যের উপদেশ দিতেছেন ? আমার ভাই জেল খাটিবে, আর তাহাকে ধরাইয়া দেওয়া আমার কর্তব্য ? একরূপ কর্তব্যানুরাগ আমার নাহি। আমি তাহাকে স্নেহ করি ; সে যাচাতে বিপন্ন হয়, সে রূপ কাজ আমি প্রাণ গেলেও করিতে পারিব না। জাহা, অন্তে আমার বিরুদ্ধে আরোপিত অভিযোগ সম্বন্ধে কি বিশ্বাস করে-না-করে, তাহা জানিবার জন্ম আমি উৎসুক নহি ; তুমি আমাকে অপরাধী বলিয়া বিশ্বাস কর না, এইটুকু জানিতে পারিলেই আমি সকল কলঙ্ক নির্কীর্তিকার চিত্তে মাথার লইতে পারিব। বল, প্রিয়তম, বল, আমি যে একরূপ জব্ব্ব কাজ করি নাই, আমার দ্বারা একরূপ দুষ্কন্ম অসম্ভব, ইহা তুমি বিশ্বাস কর।”

মিঃ গার্ভি ভগ্নস্বরে বলিলেন, “প্রিয়তমে, তুমি কি মনে কর আমি তোমার বিরুদ্ধে আরোপিত একরূপ ভীষণ অভিযোগ সত্য বলিয়া মুহূর্তের জন্য বিশ্বাস করি ? যদি পৃথিবীর সকল লোক তোমাকে অপরাধী মনে করে, তাহা হইলেও তুমি নিশ্চয় জানিও, আমি মুহূর্তের জন্য তোমাকে অবিশ্বাস করিব না ; তোমাকে অপরাধী মনে করা আমার পক্ষে অসম্ভব।—তোমাকে নিরপরাধ জানিরাই আমি তোমার দোষখালনের জন্য একজন অসাধারণ

কাজের সাহায্য গ্রহণ করিয়াছি। এস, তাঁহার সহিত তোমায় পরিচিত করি।—ইনিই মিঃ রবার্ট ব্লেক, বেকার ষ্ট্রীটের সুবিখ্যাত ডিটেক্টিভ; ইঁহার অপূর্ণ কার্যদক্ষতার কথা ইংলণ্ডের কে না জানে?”

ইসোবেল তাঁহার প্রয়তনের কথা শুনিয়া বিশ্বয়বিস্ফারিত নেত্রে ‘মিঃ ব্লেকের মুখের দিকে চাভিলেন। মিঃ ব্লেকের গোয়েন্দাগিরির অদ্ভুত বিবরণ তিনি ইতিপূর্বে অনেক পুস্তক-পত্রিকায় পাঠ করিয়াছিলেন, কিন্তু সেই প্রতিভা-সম্পন্ন ইংরাজ-শেষ্টকে দর্শনের নৌভাগা তিনি এপর্যন্ত লাভ করিতে পারেন নাই। মিঃ ব্লেক তাঁহার সাহায্যে প্রবৃত্ত হইয়াছেন শুনিয়া তাঁহার সময়ে আশার সঞ্চার হইল। তিনি মিঃ ব্লেকের মুখের দিকে চাভিয়া আবেগ ভরে বলিলেন, “মহাশয়, আমার বিরুদ্ধে একটা গুরুতর ষড়যন্ত্র হইয়াছে তাহা বেশ বুঝিতে পারিয়াছি। আমি পূর্বে বহুবার আপনার নাম শুনিয়াছি, কখন আপনাকে চক্ষে দেখি নাই। আপনি আমার সাহায্যে অগ্রসর হইয়াছেন শুনিয়া আমার আশা হইতেছে, তখন আমি এই ষড়যন্ত্র হইতে উদ্ধার লাভ করিব; আশা হইতেছে, আমার ললাট হইতে এই কলঙ্ক-কালিমা অপসারিত হইবে।—বলুন, আমি আপনার বন্ধু লাভের আশা করিতে পারি কি?”

মিঃ ব্লেক ডাক্তার মিস্ বাসারের কথায় বিন্দুনাশ উৎসাহ প্রকাশ না করিয়া অত্যন্ত সতর্ক স্বরে বলিলেন, “হাঁ, আপনি নিরপরাধ হইলে আপনাকে এই বিপদ হইতে রক্ষার জন্য প্রাণপণে চেষ্টা করিব। এই তর্ভেস্ত রহস্তভেদ না করিয়া আমি ক্ষান্ত হইব না।—এখন আমি আপনাকে একটি কথা জিজ্ঞাসা করিব, আপনি বেশ ভাবিয়া-চিন্তিয়া আমার কথার উত্তর দিবেন। মিঃ গাভি অল্পকাল পূর্বে আপনাকে জিজ্ঞাসা করিয়াছিলেন, আপনি যে সময় প্রেসক্রিপ্‌সন্ধানি লেখেন, সে সময় আপনার ভ্রাতার আকস্মিক বিপদের কথা শুনিয়া আপনি অত্যন্ত ব্যাকুল হইয়াছিলেন, এই ব্যাকুলতা বশতঃ প্রেসক্রিপ্‌সন্ধানিতে এই প্রকার গুরুতর ভ্রম করিয়া বসেন নাই ত?—আমি পুনর্বার আপনাকে এই প্রশ্নই জিজ্ঞাসা করিতেছি। আপনি বিবেচনা করিয়া আমার এ প্রশ্নের উত্তর দিবেন।”

মিস্ মার্সার বলিলেন, “না মহাশয়, আমার ঠিক স্মরণ আছে আমি প্রেসক্রিপ্‌সন্ লিখিতে একরূপ মারাত্মক ভ্রম করি নাই; আমি যখন প্রেসক্রিপ্‌সন্‌খানি লিখি, তখন আমার ভাই আমার নিকট উপস্থিত হয় নাই; উহা লেখা শেষ হইলে সে আমার নিকট আসিয়া তাহার দুর্ঘটতির কথা জানাইয়াছিল। আমি প্রেসক্রিপ্‌সন্‌খানি সিন্দুকে বন্ধ করিবার পূর্বে তাহা দুইবার পাঠ করিয়াছিলাম; ঔষধের মাত্রা যেরূপ লেখা উচিত তাহাই লেখা ছিল।— আমাকে বিপন্ন করিবার উদ্দেশ্যে কেহ পরে উহা পরিবর্তন করিয়াছে, এবিষয়ে কিছু মাত্র সন্দেহ নাই।

মিঃ ব্লেক বলিলেন, “আপনার সিন্দুক খুলিবার কৌশল আপনি ভিন্ন আর কেহ জানে কি?”

মিস্ মার্সার বলিলেন, “আবশ্যকাকারোদে আমার কম্পাউণ্ডার জেমিসনকে পরে জানাইয়াছিলাম।”

মিঃ ব্লেক বলিলেন, “আজ সকালে তাহাকে টেলিগ্রাম করিয়া ইহা জানাইয়াছিলেন?”

মিস্ মার্সার বলিলেন, “হাঁ; কম্পাউণ্ডার জেমিসনকে ইহা জানাইবার পূর্বে অন্য কোন লোক এই সিন্দুক খুলিবার কৌশল জানিত না।”

মিঃ ব্লেক বলিলেন, “আপনার ভ্রাতাও জানিত না?”

মিস্ মার্সার বলিলেন, “না, সে এই কৌশল অবগত নহে।”

মিঃ ব্লেক বলিলেন, “আপনি অন্য কোনও লোকের সম্মুখে কখন এই সিন্দুক খুলিয়াছিলেন বা বন্ধ করিয়াছিলেন?”

মিস্ মার্সার বলিলেন, “না।”

মিঃ ব্লেক বলিলেন, “আপনাকে কি কেহ কখনও সন্মোহন বিস্তার অজ্ঞান করিয়াছিল?”

মিঃ ব্লেকের এই প্রশ্নে মিস্ মার্সার বিরক্ত হইয়া বলিলেন, “আপনি এ সকল অবাস্তব কথা কিজনত জিজ্ঞাসা করিতেছেন?”

মিঃ ব্লেক দৃঢ় স্বরে বলিলেন, “আমি অকারণ এ কথা আপনাকে জিজ্ঞাসা করি নাই ; আপনি আমার প্রশ্নের উত্তর দিন।”

মিস্ মার্সার বলিলেন, “না, আমি এ পর্যন্ত কাহাকেও আমার উপর এই বিষ্কার প্রভাব পরীক্ষা করিতে দিই নাই, আমার বিশ্বাস, এই বিষ্কার অনুলীলনে উপকার অপেক্ষা অপকারই অধিক হয়। বিশেষতঃ, এই বিষ্কা সম্বন্ধে এ পর্যন্ত অধিক কিছুই জানিতে পারা যায় নাই।”

মিঃ ব্লেক বলিলেন, “আপনার ভাই গতরাতে এখানে আসিয়া আপনাকে এই সিদ্ধক খুলিতে বা বন্ধ করিতে দেখে নাই ?”

মিস্ মার্সার বলিলেন, “না মহাশয় ! আপনার একথা জিজ্ঞাসা করিবার কারণ কি ? আপনার মনে কিরূপ সন্দেহের উদয় হইয়াছে ?”

মিঃ ব্লেক বলিলেন, “আমি সন্দেহের বশবর্তী হইয়া আপনাকে এ সকল কথা জিজ্ঞাসা করিতেছি না ; আমাকে এষ্ট রহস্যভেদে প্রবৃত্ত হইতে হইলে, সম্ভব অসম্ভব সকল কথাই জানিয়া লষ্টতে হইবে। আপনি বোধ হয় মনে করিয়াছেন—আপনার ভাই আপনার প্রেসক্রিপ্‌সনের পরিবর্তন করিয়াছে, এইরূপ আমি সন্দেহ করিতেছি ; কিন্তু আপনার এ কথা মনে করিবার আবশ্যক নাই।

মিস্ মার্সার বলিলেন, “আমি দৃঢ়তার সহিত বলিতে পারি, আমার এই সিদ্ধক খুলিবার কোশল অন্য কেহই জানে না ; অন্ততঃ, অন্য প্রত্যেকে ড্রেমিসনকে টেলিগ্রাম করিয়া জানাইবার পূর্বে দ্বিতীয় কোন ব্যক্তি তাহা জানিত না।”

মিঃ ব্লেক বলিলেন, “আপনার কথাগুলি আপনার নির্দোষিতার অঙ্গুলি নহে ; কারণ আপনার কম্পাউণ্ডার ড্রেমিসন আপনার টেলিগ্রাম পাইয়া আপনার পরিচারিকার সম্মুখে সিদ্ধকটি খুলিয়াছিল, এবং প্রেসক্রিপ্‌সনখানি তৎক্ষণাৎ তাহাকে দেখাইয়াছিল ; সুতরাং যদি এই প্রেসক্রিপ্‌সনে কোনও পরিবর্তন হইয়া থাকে, আর সম্ভব যদি ইহাতে ঔষধের মাত্রা লিখিতে আপনার ভ্রম না হইয়া থাকে, তাহা হইলে একথা স্বীকার করিতেই

হইবে যে, আপনার কম্পাউণ্ডার আজ সকালে সিন্দুক খুলিবার পূর্বে অণু কোন লোক সিন্দুক খুলিয়া প্রেসক্রিপ্‌সনের পরিবর্তন করিয়াছিল।”

মিস্ মার্সার বলিলেন, “কিন্তু ইহা কতদূর সম্ভব, তাহা আমি বুঝিতে পারিতেছি না। সম্ভব হউক আর না হউক, আমার অবস্থা যে অতি সঙ্কটজনক, তাহা আমি বেশ বুঝিতে পারিতেছি; সমস্ত ঘটনাই আমার প্রতিকূল। সুতরাং আমাকেই বোধ হয় নরহত্যার অভিযোগে অভিযুক্ত হইতে হইবে। এই নিদারুণ অভিযোগ হইতে মুক্তি লাভের কোন সম্ভাবনা দেখিতেছি না।”

মিস্ মার্সারের কথা শেষ হইলে, ইন্স্পেক্টর কলেজ হিরদৃষ্টিতে তাঁহার মুখের দিকে চাহিয়া বলিলেন, “মিস্ মার্সার, আপনি অঙ্গীকার করুন আমাদের অজ্ঞাতসারে এই গৃহত্যাগ করিয়া স্থানান্তরে গমন করিবেন না?”

মিস্ মার্সার মুহূর্তকাল চিন্তা করিয়া কাতরভাবে বলিলেন, “ইন্স্পেক্টর, আমি এই অঙ্গীকারে আবদ্ধ হইলাম।”—তাহার পর তিনি মিঃ গার্ভির মুখের দিকে চাহিয়া অশ্রুপূর্ণ নেত্রে বলিলেন, “জ্যাক, তুমি আমাকে এই কক্ষ হইতে কোন নির্জন কক্ষে লইয়া চল। এখানে যাহারা উপস্থিত আছেন, তাহারা আমাকে অপরাধী মনে করিতেছেন; তাহারা সকলেই সন্দেহদৃষ্টিতে আমার মুখের দিকে চাহিতেছেন! ইহা আমার অসহ।”

মিঃ গার্ভি সহানুভূতি ভরে বলিলেন, “না প্রিয়তমে, সকলেই যে তোমাকে অপরাধী মনে করিতেছেন, একথা সত্য নহে। অণু সকলে তোমাকে অপরাধী মনে করিতে পারেন; কিন্তু মিঃ ব্লেক বুঝিয়াছেন তুমি নিরপরাধ। তুমি হতাশ হইও না, ভগবানের প্রতি নির্ভর করিয়া ধৈর্য্যাবলম্বন কর। মিঃ ব্লেক তোমাকে কলঙ্ক মুক্ত করিবার জন্ত যথাসাধ্য চেষ্টা করিবেন; এ বিষয়ে তাঁহার অপেক্ষা যোগ্য লোক ইংলণ্ডে দ্বিতীয় নাই।”

মিঃ গার্ভি মিস্ মার্সারের হস্ত ধারণ পূর্বক সেই কক্ষ হইতে নিষ্কাশিত হইলেন।



## চতুর্থ পরিচ্ছেদ

পূর্ব পরিচ্ছেদ-বর্ণিত ঘটনার পর মিঃ ব্লেক ডাক্তার ইসোবেল মাসারের সিন্দুকের সম্মুখে বসিয়া সিন্দুকটি পরীক্ষা করিতে লাগিলেন। সেই ক্ষেত্রে তখন ইন্স্পেক্টর কলেজ ভিন্ন অন্য কেহ ছিল না। ইন্স্পেক্টর কলেজ একখানি আরাম-কেদারায় বসিয়া সকৌতুকে মিঃ ব্লেকের কার্য-প্রণালী পরীক্ষণ করিতেছিলেন।

ইসোবেল মাসার তাহার পূর্বেই তাহার প্রণয়ী মিঃ গাভির সহিত দুয়িংক্রমে প্রবেশ করিয়া অত্যন্ত হতাশ ভাবে অশ্রুভাগ করিতেছিলেন ; মিঃ গাভি নানা প্রকার প্রবোধ বাক্যে তাহাকে শাস্তনা দানের চেষ্টা করিতেছিলেন। সার চার্লস রিডার ও থানীয় ইন্স্পেক্টর সিন্ভেটার পূর্বেই স্থানান্তরে প্রস্থান করিয়াছিলেন।

ইন্স্পেক্টর কলেজ মিঃ ব্লেককে বলিলেন, “মিঃ ব্লেক, আপনি ডাক্তার মাসারের নির্দোষিতা প্রতিপন্ন করিবার জন্য অনর্থক চেষ্টা করিতেছেন। আপনি যাহাই বলুন, আর যাহাই বিশ্বাস করুন, ডাক্তার মাসার ভিন্ন এ কাজ অন্য কেহই করে নাই। চার্বি দিয়া এই সিন্দুক খোলা যায় না, সিন্দুকের ডালায় যে সকল সংখ্যা চাকার উপর খোদিত আছে, তাহার কতকগুলি সমরেখায় স্থাপন না করিলে এই সিন্দুক খুলিবার সম্ভাবনা নাই ; কিন্তু সেই সংখ্যাগুলি কি, তাহা মিস্ মাসার ভিন্ন অন্য কেহ জানিত না ; স্বীকার করি কম্পাউণ্ডারটা মিস্ মাসারের টেলিগ্রামে সেই সংখ্যাগুলি অবগত হইয়া সিন্দুক খুলিয়াছিল ; কিন্তু সে প্রেসক্রিপ্‌সন্থানির কোন পরিবর্তন করে নাই, ইহা নিঃসন্দেহে প্রতিপন্ন হইয়াছে। এ অবস্থায় মিস্ মাসার ভিন্ন আর কাহাকে সন্দেহ করিবেন ?”

মিঃ ব্লেক ইন্স্পেক্টর কলেজের এই বক্তৃতার কর্ণপাত করিলেন না ; তিনি তখন অত্যন্ত মনোযোগের সহিত সিন্দুকটি খুলিবার ও বন্ধ করিবার

কৌশল পরীক্ষা করিতেছিলেন, অন্য কোন দিকে তাঁহার দৃষ্টি ছিল না। তখন তাঁহার মস্তিষ্কে নানা প্রকার ফন্দী-ফিকিরের উদ্ভব হইতেছিল। তিনি ভাবিতেছিলেন, ঘটনার দিন রাত্তিকালে ইসোবেল মাসার সিদ্দুকটি বন্ধ করিবার পর, এবং তৎপর দিন প্রভাতে কম্পাউণ্ডার জেমিসন টেলিগ্রামে সিদ্দুক খুলিবার কৌশল অবগত হইয়া তাহা খুলিবার পূর্বে অন্য কোন ব্যক্তির পক্ষে কোন কৌশলে তাহা খুলিবার সম্ভাবনা ছিল কি না, এবং সেরূপ সম্ভাবনা থাকিলে সেই কৌশলটি কি ?”

ডাক্তার ইসোবেল মাসারের নির্দোষিতা মিস্ ব্রেকের কিছুমাত্র সন্দেহ ছিল না ; তিনি তাঁহাকে সম্পূর্ণ নিরপরাধ বলিয়াই বিশ্বাস করিয়াছিলেন ; সুতরাং ইসোবেল সেই রাতে প্রেসক্রিপ্‌সন্থানি সিদ্দুকে রাখিয়া তাহা বন্ধ করিবার পর, এবং পরদিন প্রভাতে কম্পাউণ্ডার পরিচারিকার সম্মুখে সিদ্দুক খুলিবার পূর্বে অন্য কোন লোক গোপনে এই কক্ষে প্রবেশ করিয়া কোন কৌশলে সিদ্দুক খুলিয়াছিল, এবং প্রেসক্রিপ্‌সন্থানি বাহির করিয়া ঔষধের মাত্রার পরিবর্তন করিয়াছিল ; একথা তিনি সম্পূর্ণরূপে বিশ্বাস করিয়া ছিলেন। মিস্ মাসার বলিয়াছিলেন, তিনি প্রেসক্রিপ্‌সন্থানি লিখিয়া তাহাতে কোন ভুল-ভ্রান্তি আছে কি না, তাহা একাধিকবার সাবধানে পরীক্ষা করিয়াছিলেন। মিস্ মাসারের একথাও সম্পূর্ণ সত্য বলিয়া তাঁহার বিশ্বাস হইয়াছিল।

তাঁহার পর মিস্ মাসার লগুন হইতে প্রত্যাগমন পূর্বক সেই কক্ষে প্রবেশ করিয়া তাঁহার বিরুদ্ধে আরোপিত অভিযোগ শ্রবণে যেরূপ বিশ্বাস প্রকাশ করিয়াছিলেন ; সে বিশ্বাস যে সম্পূর্ণ অকৃত্রিম, ইহাও তাঁহার বিশ্বাস হইয়াছিল। মিস্ ব্রেক নিজের ক্ষমতা বুঝিতেন, আত্ম-শক্তিতে তাঁহার প্রত্যয় ছিল ; কিন্তু সে জন্য কেহ তাঁহাকে কোনও দিন দস্ত বা আত্মসত্ত্বিতা প্রকাশ করিতে দেখে নাই। মিস্ মাসারের চরিত্র সম্বন্ধে অনেক ধারণা যাহাই হউক, তাঁহার ধারণা যে সম্পূর্ণ অভ্রান্ত, তাঁহার এ বিশ্বাস তর্কবিতর্ক দ্বারা কেহ বিচলিত করিতে পারিত না। সুতরাং

ইন্স্পেক্টর কলেজ মিস্ মার্চারের বিরুদ্ধে যাহাই বসুন, সে সকল কথা অগ্রাহ্য বলিয়াই তাঁহার ধারণা হইয়াছিল।

মিঃ ব্লেক মনুষ্যচরিত্রে অভিজ্ঞ ছিলেন ; তিনি ইসোবেল মার্চারের যতটুকু পরিচয় পাইয়াছিলেন তাহাতেই বুঝিয়াছিলেন, এই যুবতীর হৃদয় নারীমূলভ নানা সঙ্গুণে পূর্ণ। মহত্ব, উদারতা, করুণা ও সমবেদনা প্রভৃতি তুল্য গুণ তাঁহাতে পূর্ণরূপে বর্তমান ; নীচতা, অর্থলিপ্সা ও হিংসা-দেষ প্রভৃতি ইতর-প্রবৃত্তি তাঁহার হৃদয়ে স্থান পায় না। একপ রমণী যে, স্বার্থসিদ্ধির আশায় কোন ব্যক্তির প্রাণনাশের উপায় অবধান করিবেন, ইহা সম্পূর্ণ অসম্ভব ; ইহা মিস্ মার্চারের প্রকৃতি-বিরুদ্ধ।—এই সকল কথা চিন্তা করিয়া মিঃ ব্লেক ইসোবেল মার্চারের নির্দোষিতা সপ্রমাণ করিবার জন্য কৃতসংকল্প হইলেন।

তিনি ভাবিতে লাগিলেন, এই সিন্দুকটি কেহ যে গোপনে খুলিয়াছিল, এ বিষয়ে সন্দেহ নাই ; সত্য বটে একরূপ সময় ছিল, যখন মনুষ্য প্রভাবে বা ঐন্দ্রজালিক শক্তি দ্বারা অসাধাসাধন হইত ; ইন্দ্রজালে লোহার সিন্দুক খুলিয়া তাহা বন্ধ করা ত সামান্য কথা, সিন্দুক পর্য্যাপ্ত উড়াইয়া দিতে পারা যাইত ; অথবা সিন্দুকের ভিতর হইতে যাবতীয় দ্রব্য সম্পূর্ণ অদৃশ্য হইত ! কিন্তু এই বৈজ্ঞানিক যুগে এত প্রকার ইন্দ্রজালের প্রভাব বিলুপ্ত হইয়াছে ! সুতরাং কে কি কৌশলে এই অদৃশ্য কার্য সম্পন্ন করিল, তাহা আবিষ্কার করিবার জন্য তিনি অধীর হইয়া উঠিলেন। এই রহস্যভেদ অসম্ভব বলিয়া তাঁহার বিশ্বাস হইল না।

সিন্দুকটি অত্যন্ত দৃঢ় ; স্থল লোহার পাতে ইহা নিৰ্ম্মিত। সিন্দুকের ডালার পিতলের মাজ, তাহা এমন সুন্দররূপে পাশিশ করা যে, তাহাতে যুগ দেখা যাইত। মিঃ ব্লেক সিন্দুকের তাতলের উপর একটি বিকৃত অঙ্গুলির দাগ দেখিতে পাইলেন ; এই দাগটি যে মিস্ মার্চারের কম্পাউণ্ডারের দক্ষিণ হস্তের তর্জুনীর চিহ্ন, তাহা বুঝিতে তাঁহার বিলম্ব হইল না। মিঃ ব্লেক পূর্বেই লক্ষ্য করিয়াছিলেন, কম্পাউণ্ডার জেমিসনের দক্ষিণ হস্তের তর্জুনীর অগ্রভাগটি মুড়া ; বোধ হয় কোন কারণে তাহা কাটিয়া ফেলা হইয়াছিল।

অনন্তর মিঃ ব্লেক সিন্দুকের ডালা পরীক্ষা করিলেন। তিনি সিদ্ধান্ত

করিলেন, কোন লোক মিস্ মাসাঁরের অজ্ঞাতসারে সিন্দুকটি খুলিবার চেষ্টা করিলে, পাঁচ প্রকার উপায়ে তাহার সেই চেষ্টা সকল হইবার সম্ভাবনা ছিল।

প্রথম উপায়, যদি ঘুমের ঘোরে মিস্ মাসাঁরের কথা কহিবার অভ্যাস থাকে, (অনেকেই এরূপ অভ্যাস আছে) তাহা হইলে তিনি কি কৌশলে সিন্দুক বন্ধ করিয়াছিলেন, নিদ্রাঘোরে তাহা প্রকাশ করিয়া থাকিবেন, সে কথা শুনিয়া তাঁহার অজ্ঞাতসারে অন্য লোকের সিন্দুক খুলিতে পারা সম্ভব।—কিন্তু মিঃ ব্লেক অল্পসন্ধানে জানিতে পারিয়াছিলেন, রাত্ৰিকালে তিনি তাঁহার শয়নকক্ষে একাকী শয়ন করেন, অন্য কেহ সেই কক্ষে থাকে না। দিবাভাগে অগ্রে তাঁহার শয়নকক্ষে প্রবেশ করিতেও পারে, কিন্তু তাঁহার দিবানিদ্রার অভ্যাস ছিল না।—সুতরাং অন্য কেহ এই কৌশলে উদ্দেশ্যসিদ্ধি করিতে পারে নাই।

দ্বিতীয় উপায়, কেহ মিস্ মাসাঁরকে সন্মোহন বিদ্যায় অভিজ্ঞত করিয়া তাঁহার মুখ হইতে সিন্দুক খুলিবার কৌশলটি বাহির করিয়া লইতে পারিত।—কিন্তু মিস্ মাসাঁর পূর্বেই বলিয়াছিলেন, কেহ তাঁহাকে (Hypnotised) করিবার সুযোগ পায় নাই; সুতরাং এ সম্বন্ধে তর্কবিতর্ক নিষ্ফল।

তৃতীয় উপায়, ইসোবেল যে সময় সিন্দুক খুলিয়াছিলেন বা বন্ধ করিতে ছিলেন, সেই সময় অন্য কোন লোক কক্ষান্তর হইতে দপণের সাহায্যে ডালার উপর সংখ্যা সমাবেশকৌশল দেখিয়া লইতে পারিত। সংখ্যাগুলি জানা থাকিলে, পরে তাহার পক্ষে সিন্দুকটি খোলা বা বন্ধ করা কঠিন হইত না। মিঃ ব্লেক দেখিয়াছিলেন, সেই অট্টালিকার বিভিন্ন কক্ষে অনেকগুলি বড় বড় আয়না ছিল; কিন্তু তিনি পরীক্ষা দ্বারা বুঝিলেন, কোনও কক্ষের আয়নার উপর সিন্দুকের প্রতিবিম্ব নিক্ষেপের সুবিধা নাই। সুতরাং প্রতিপন্ন হইল, কেহ এই কৌশলেও কার্যোদ্ধার করিতে পারে নাই।

চতুর্থ উপায়, কেহ গোপনে এই কক্ষে প্রবেশ পূর্বক ইসোবেলের পশ্চাতে দাঁড়াইয়া তাঁহার সিন্দুক খোলা বা বন্ধ করা দেখিতে পারিত, এবং সেই কৌশল অবগত হইয়া তাঁহার অলক্ষ্যে এই কক্ষ পরিত্যাগপূর্বক সমসাময়িক পুনর্বার আসিয়া সিন্দুক খুলিতে পারিত। পঞ্চম উপায়, কেহ বন্ধ:পরীক্ষা যন্ত্র (ষ্টেথোস্কোপের)

সাহায্যেও সিন্দুক খুলিতে পারিত।—বলা বাতুল্য ডাক্তারের গৃহে এই বস্তুর অভাব নাই।

কিন্তু চতুর্থ উপায়টিও সম্ভব বলিয়া মিঃ ব্লেকের বিশ্বাস হইল না। ইতো-বেল অত্যন্ত বুদ্ধিমতী, চতুরা রমণী, তাঁহার প্রবণ শক্তিও তীক্ষ্ণ; সুতরাং তিনি সিন্দুকের নিকট বসিয়া থাকিতে কেহ যে নিঃশব্দ পদসঞ্চারে সেই কক্ষ প্রবেশপূর্বক তাঁহার পশ্চাতে দাঁড়াইয়া সিন্দুক খুলিবার ও বন্দ কোশল দেখিয়া তাঁহার অজ্ঞাতসারে সরিয়া পড়িবে, ইহা বিশ্বাস করিতে তাঁহার প্রবৃত্তি হইল না। তবে ষ্টেথোস্কোপের সাহায্যে সিন্দুক খুলিবার চেষ্টা কতদূর সম্ভব, তাহা পরীক্ষা করিয়া না দেখিলে ঠিক বুঝিতে পারা যাইবে না মনে করিয়া তিনি সিন্দুকের নিকট হইতে উঠিলেন, এবং মিস্ মার্সারের ষ্টেথোস্কোপের সাহায্যে তাঁহার উপবেশন-কক্ষ প্রবেশ করিলেন। তাঁহার উদ্দেশ্য বুঝিতে না পারিয়া ইন্স্পেক্টর কলেজ সবিস্ময়ে তাঁহার দিকে চাছিলেন।

মিঃ ব্লেক মিস্ মার্সারের উপবেশন-কক্ষস্থ টেবিলের উপর ষ্টেথোস্কোপটি দেখিতে পাইলেন। তিনি তাহা লইয়া, যে কক্ষ সিন্দুক ছিল সেই কক্ষ প্রত্যাগমন করিলেন।

মিঃ ব্লেক জানিতেন, পেটোগেডের একজন পাকা চোর সাক্ষেতিক কোশলে আবদ্ধ যে কোনও (combination safe) সিন্দুক ষ্টেথোস্কোপের সাহায্যে খুলিতে পারিত, কিন্তু সংপ্রতি সিন্দুকের সাক্ষেতিক কলের যথেষ্ট উন্নতি হওয়ায়, এই সকল আধুনিক সিন্দুক ষ্টেথোস্কোপের সাহায্যে খুলিতে পারা যায় কি না তাহা তিনি স্থির করিতে পারিলেন না।

যাহা হউক, মিঃ ব্লেক সিন্দুকটির ডালার মুখ মস্তুরি চোঙ বসাইয়া, তাহার নলে কর্ণ সংযোগ করিলেন। তাহার পর সাক্ষেতিক সংখ্যা-বিশিষ্ট চাকাগুলির মধ্যে দ্বিতীয় চাকাটি ঘুরাইলেন; এই চাকাটি ১৪ সংখ্যা নির্দেশক, তাহা তিনি জানিতেন। ইন্স্পেক্টর কলেজ বিস্ময়-বিফারিত নেরে তাঁহার কার্য দেখিতে লাগিলেন; তিনি কিছুই বুঝিতে পারিলেন না।

মিঃ ব্লেক প্রায় দশ মিনিট সিন্দুকের ডালার চাকাগুলি ঘুরাইয়া,

সিন্দুক খুলিতে পারা যায় কি না, তাহাই পরীক্ষা করিতে লাগিলেন। চাকাগুলি ঘুরাইলে যে শব্দ উৎপন্ন হইত, ষ্টেথোস্কোপের সাহায্য ব্যতীত সেসকল শব্দ কর্ণগোচর হইবার সম্ভাবনা ছিল না। সিন্দুক খুলিবার সম্ভাবনা থাকিলে সান্বেতিক চিহ্নবিশিষ্ট চক্রগুলির পরিবর্তনে ষেরূপ শব্দ উৎপিত হইত; সেসকল শব্দ তাঁহার কর্ণগোচর হইল না। সুতরাং তিনি বুঝিলেন এই যন্ত্রের সাহায্যে সিন্দুক খুলিবার চেষ্টা বৃথা! ইন্স্পেক্টর কলেজ নির্বাকভাবে তাঁহার কায়া-প্রণালী নিরীক্ষণ করিয়া অবিশ্বাসভরে হাসিয়া উঠিলেন। তাঁহার ধারণা হইল, মিঃ ব্লেক অনর্থক কষ্ট স্বীকার করিতেছেন। ইসোবেল মার্সার লর্ড ওয়ারিংকে হত্যা করিবার উদ্দেশ্যেই এইরূপ সংঘাতিক ব্যবস্থাপত্র লিখিয়াছিলেন, এসম্বন্ধে তাঁহার বিন্দুমাত্র সন্দেহ ছিল না। এই হত্যাকাণ্ড যে রহস্যস্কুল, একথা তিনি আদৌ বিশ্বাস করেন নাই।

মিঃ ব্লেকের চেষ্টা নিষ্ফল হইলে, অতঃপর কি কর্তব্য তাহাই তিনি চিন্তা করিতেছেন, এমন সময় অদূরে কাহার কণ্ঠস্বর শুনিয়া তাঁহার চিন্তাস্রোত অবকল হইল; তিনি সেই শব্দ লক্ষ্য করিয়া চাহিয়া দেখিলেন, মিস্ মার্সারের শুক-পক্ষীটি দাঁড়ের উপর বসিয়া ঠিক মানুষের গায় কথা কহিতেছে! ইন্স্পেক্টর কলেজ তাহার অদূরে বসিয়াছিলেন, শুকটি তাঁহাকে লক্ষ্য করিয়া বলিতেছিল, “কে রে তুই দেড়ে মিন্‌সে! তুই এখানে কেন আসিয়াছিস? তুই কি রম্ খাইয়া থাকিস্, সেই জন্তই বুঝি তোর নাক এত লাল! হি হি হি।”

মিঃ ব্লেক টিরাপাখীটাকে সুস্পষ্টস্বরে এই কথা বলিতে শুনিয়া অত্যন্ত বিস্মিত হইলেন; তিনি বুঝিলেন, ডাক্তার মিস্ মার্সার সম্ভবতঃ কাহাকেও কোন দিন এই ভাবে সম্বোধন করিয়াছিলেন, পাখীটা সে কথা মনে রাখিয়াছিল। এরূপ শ্রুতিধর পক্ষী তিনি আর কখনও দেখেন নাই; তিনি অত্যন্ত কৌতুক বোধ করিলেন। বিশ্বয়ের কথা এই যে, ইন্স্পেক্টর কলেজ সম্বন্ধে পাখীটার কথাগুলি ঠিক মিলিয়া গিয়াছিল; কারণ তাঁহার লম্বা দাড়ী ছিল, এবং তাহার নাসিকার অগ্রভাগ অস্বাভাবিক লোহিতবর্ণ। ইন্স্পেক্টর কলেজ বলিতেন, অজীর্ণ রোগে আক্রান্ত হওয়ার তাঁহার নাসিকা এইরূপ লোহিতাভ

হইয়াছিল ; কিন্তু একথা সত্য কি না বলা যায় না । ইন্স্পেক্টর অত্যন্ত যত্না-  
হিলেন । সুতরাং পাখীর কথা শুনিয়া তিনি বিষম ক্রুদ্ধ হইলেন ; মিঃ ব্লেককে  
বলিলেন, “এই পাখীটা বোধ হয় পূর্বে কোন হোটেলের ছিল, এই ভুল কতক-  
গুলো বাধা বুলি শিথিয়া রাখিয়াছে ।”

পাখীটা ডানা ঝাড়িয়া পুনর্বার বলিতে লাগিল, “পুষ, পুষ ! মিউ, মিউ !  
হি, হি !—তুই চুল কাটিয়া আর ।”

ইন্স্পেক্টর কলেজ মিঃ ব্লেককে বলিলেন, “মিঃ ব্লেক, আপনি অনর্গক  
সিন্দুক খুলিবার চেষ্টা করিতেছিলেন ; এ ভাবে গলদঘন্য হইয়া লাভ কি ?

পাখীটা বলিয়া উঠিল, “ওরে দেড়ে, চূপকর ! লোকটার কথার ভাঁক দেখ,  
এত শীঘ্রই ঘামিয়া উঠিয়াছ ? আমি আজ খানা জোগাইতে পারিব না ।  
বড়ই হস্রাণ হইয়াছি । হি, হি, হি ।”

ইন্স্পেক্টর কলেজ বলিলেন, “পাখীটা যে বিরক্ত করিয়া মারিল ! আর  
এখানে বসিয়া থাকিয়া কল কি ? প্রকৃত অপরাধী কে, এ সম্বন্ধে—”

ইন্স্পেক্টর কলেজের কথা শেষ হইবার পূর্বেই পাখীটা উচ্চঃস্বরে শীঘ্ দিয়া  
বলিল, “একটা কনেটবলকে ডাক ; শীঘ্র আমার লুচু খানা আন ! হোসাবেল কি  
পাইয়াছ কি ? এখন সময় কত ? মিঃ ব্লেক, কিরূপ বৃদ্ধিতেছেন ! হি, হি, হি ।”

ইন্স্পেক্টর কলেজ বলিলেন, “কি আশ্চর্য্য, আমি তুই একবার মাত্র আপনার  
নাম উচ্চারণ করিয়াছি, ইহা শুনিয়াই পাখীটা আপনার নাম মুখস্থ করিয়াছে,  
অদ্ভুত শক্তি বটে ! পাখীটা যাহা শোনে তাহাই বলিতে পারে ।”

মিঃ ব্লেক তীক্ষ্ণদৃষ্টিতে পাখীটার দিকে চাহিয়া মুহূর্তকাল কি চিন্তা করিলেন ;  
তার পর তিনি সোৎসাহে বলিলেন, “ইন্স্পেক্টর কলেজ, এতক্ষণে আমি  
ব্যাপার কি বুঝিয়াছি ।”

ইন্স্পেক্টর কলেজ সবিজ্ঞয়ে তাহাকে বলিলেন, “কোন ব্যাপারের কথা  
বলিতেছেন ?”

মিঃ ব্লেক বলিলেন, “আমি বুঝিয়াছি গতরাতে অন্য কোনও লোক এই কক্ষে  
প্রবেশ করিয়া মিস্ মার্চারের সিন্দুক খুলিয়াছিল ।”

## পঞ্চম পরিচ্ছেদ

মিঃ ব্লেকের কথা শুনিয়া ইন্স্পেক্টর কলেজ মুহূর্তকাল স্তম্ভিত ভাবে তাঁহার মুখের দিকে চাতিয়া বলিলেন, “আপনার কথার অর্থ বুঝিতে পারিলাম না, আপনি কোন্ প্রমাণে নির্ভর করিয়া এ কথা বলিতেছেন?”

মিঃ ব্লেক বলিলেন, “সে কথা আমি পরে বলিব। আপাততঃ আমি ইহা আপনার নিকট প্রকাশ করিতে অনিচ্ছুক ; কারণ আমার কথা প্রমাণ-সাপেক্ষ।”—অনন্তর তিনি সেই কক্ষের বাতায়নের নিকট আসিয়া দাঁড়াইলেন ; বাতায়নের দিকে দৃষ্টিপাত করিয়া বলিলেন, “জানালা ত বন্ধ নাই, কে ইহা খুলিল ? ইন্স্পেক্টর কলেজ, সকালে কোন লোক এইদিক দিয়া বাগানে প্রবেশ করিয়াছিল কি?”

ইন্স্পেক্টর কলেজ মিঃ ব্লেকের উপর বিরক্ত হইয়াছিলেন। মিঃ ব্লেক তাঁহার মনের কথা প্রকাশ না করাতেই তাঁহার এই অসন্তোষ ; তিনি মুখ ভার করিয়া বলিলেন, “আমি তাহা জানি না ; আমি এখানে আসিবার পূর্বে স্থানীয় পুলিশের লোক ও পরিচারিকা এখানে দাঁড়াইয়া কথাবার্তা কহিতে-ছিল।”

মিঃ ব্লেক কলেজকে বলিলেন, “তবে পরিচারিকাকে ডাকুন।”

মিঃ ব্লেক একরূপ স্বরে এই আদেশ করিলেন যে, ইন্স্পেক্টর কলেজ তাহা অগ্রাহ্য করিতে পারিলেন না, বোধ হয় কেহই পারিত না ; তাঁহার ক্রায় রাস্তার লোক সচরাচর দেখা যায় না।

ইন্স্পেক্টর কলেজ ঘণ্টাধ্বনি করিবামাত্র পরিচারিকা নেরী সেই কক্ষে প্রবেশ করিল। মিঃ ব্লেক তাহাকে বলিলেন, “বাগানের দিকের জানালা খোলা দেখিতেছি ; কে খুলিয়াছে বলিতে পার ?”

পরিচারিকা বলিল, “না মহাশয়, তাহা জানি না।”



মিঃ ব্লেক বলিলেন, “গতরাত্রে ইহা খোলা ছিল কি না জান ?”

পরিচারিকা বলিল, “খোলা থাকাই সম্ভব ; মিস্ মাসার এই কক্ষের জানালাগুলি স্বয়ং বন্ধ করেন, আবার তিনিই খুলিয়া দেন ; আজ লগুন হইতে ফিরিয়া আসিয়া তিনি উহা খুলিয়া না থাকিলে রাত্রে নিশ্চয়ই খোলা ছিল ; উহার ফিড়কী বন্ধ ছিল কি না দেখি নাই।”

মিঃ ব্লেক বলিলেন, “আচ্ছা, তুমি যাইতে পার।”

পরিচারিকা সেই কক্ষ হইতে প্রস্থান করিল। হাতে অণু কোন কাজ না থাকায় ইন্স্পেক্টর কলেজ টিয়াপাখীটার নিকটে গমন করিয়া তাহার পিঠে অঙ্গুলির খোঁচা দিলেন। পাখীটার উপর তাঁহার রাগ ছিল, এই জন্তই বোধ হয় এক্রপ করিলেন ; কিন্তু কাজটি যে বিপজ্জনক তাহা তিনি পূর্বে অনুমান করিতে পারেন নাই।

ইন্স্পেক্টর কলেজ পুনরায় তাহাকে খোঁচা দিয়া বলিলেন, “ওরে বুড়ো চিড়িয়া ! তুই ভারী বচনবাগীশ ; কিন্তু যে সব কথা বলিস্ তার মানে বুঝিস্ ?” এই কথা বলিয়াই তিনি আত্ননাদ করিয়া উঠিলেন ; চীৎকার করিয়া বলিলেন, “মর, ততভাগা পাখী ! উঃ, আঙ্গুলটা আর নাই।”

মিঃ ব্লেক ইন্স্পেক্টর কলেজের আত্ননাদ শুনিয়া সেটিকে চাভিলেন, দেখিলেন তাঁহার দক্ষিণ হস্তের তর্জনীর অগ্রভাগ হইতে রক্ত ঝরিতেছে।

মিঃ ব্লেক বলিলেন, “ব্যাপার কি ?”

ইন্স্পেক্টর কলেজ বলিলেন, “বন্দায়েস পাখীটা আমার আঙ্গুল কানড়াইয়া দিয়াছে ; আঙ্গুলটা আর নাই ! এমন চুই পাখী ত কোথাও দেখি নাই। আমি উহার দফা সারিতেছি, উহার মুণ্ডটা ছিঁড়িয়া লইব।”—তিনি সক্রোধে পক্ষীটিকে আক্রমণ করিতে উদ্বৃত্ত হইলেন।

মিঃ ব্লেক তাঁহাকে ক্রোধাক্ত দেখিয়া তাঁহার হাত ধরিয়া কিছু দূরে টানিয়া লইয়া গিয়া বলিলেন, “পাখীটার উপর রাগ করিয়া উহার কোন অনিষ্ট করিবেন না, আমি এই পাখীদ্বারা অনেক সাহায্য পাইব। বিরূপ সাহায্য, তাহা আপনি পরে জানিতে পারিবেন। আপনি উহাকে খোঁচা না দিলেই ভাল

হইত ; অপরিচিত লোকের সহিত উহার ব্যবহার যে এইরূপ হইবে, একথা আপনার জানা উচিত ছিল ।”

ইন্স্পেক্টর কলেজ রুমালে রক্তাক্ত অঙ্গুলিটি মুছিতে মুছিতে বলিলেন, “এরকম দুর্দান্ত পাখী নির্বংশ হউক ।”—কিন্তু তিনি মিঃ ব্লেকের অনুরোধে আর তাহাকে আক্রমণ করিলেন না । মিঃ ব্লেক পূর্বোক্ত বাতায়নটি সাবধানে পরীক্ষা করিয়া সেই স্থানে বসিয়া পড়িলেন, এবং অনুবীক্ষণের সাহায্যে মেনের গালিচা পরীক্ষা করিতে লাগিলেন । তাহার পর অদূরবর্তী একটি ক্ষুদ্র টেবিল পর্য্যন্ত গমন করিয়া সেই টেবিলের উপর যে টেবিল-রুথখানি ছিল তাহাই পরীক্ষা করিতে লাগিলেন ।

মিঃ ব্লেক পরীক্ষা করিয়া দেখিলেন, টেবিল-রুথের এক কোণে খানিক রক্ত শুকাইয়া আছে ।—উহা যে মনুষ্যের রক্ত, এসম্বন্ধে তাহার সন্দেহ রহিল না ।

মিঃ ব্লেক সেই রক্তচিহ্ন ইন্স্পেক্টর কলেজকে দেখাইয়া বলিলেন, “এ চিহ্নটি কি বলিতে পারেন ?”

ইন্স্পেক্টর কলেজ বলিলেন, “এ যে দেখিতেছি রক্তের চিহ্ন !”

মিঃ ব্লেক বলিলেন, “হাঁ, রক্তের চিহ্ন ; ইহা মনুষ্যের রক্ত । রক্তটা শুকাইয়া গিয়াছে বটে, কিন্তু রক্ত—তা বেশ বুঝিতে পারা যাইতেছে । আমার বিশ্বাস, অন্য কোন লোক আপনার মতই বিড়ম্বিত হইয়াছিল ।”

ইন্স্পেক্টর কলেজ বলিলেন, “কি প্রকারে ?”

মিঃ ব্লেক বলিলেন, “টিয়াপাখীটার চক্ষুর আঘাতে ।—অপরিচিত লোক দেখিলে বোধ হয় ইহার কামড়াইবার অভ্যাস আছে ।”

ইন্স্পেক্টর কলেজ বলিলেন, “তাহাই ত দেখিতেছি । আগে জানিলে কে উহাকে খোঁচাইতে যাইত ?”

মিঃ ব্লেক বলিলেন, “বেদনা শীঘ্রই সারিয়া যাইবে, টিয়ার কামড়ে মানুষ মরে না ; যাহা হউক, এ রক্তচিহ্ন দেখিয়া ইহার কি কারণ নির্দেশ করিবেন ?”

ইন্স্পেক্টর কলেজ বলিলেন, “ঐ তুষ্ট পাখীটারই কীর্তি ! বোধ হয় কাহারও আঙ্গুল ঘা’ল করিয়াছিল।—সে টেবিল-রুখখানার এই কোণটিতে রক্তাক্ত আঙ্গুল ঝুছিয়াছিল।”

মিঃ ব্লেক বলিলেন, “আমারও তাহাই বিশ্বাস।—এই প্রমাণটুকু মিস্ মার্শারের সম্পূর্ণ অনুকূল।”

ইন্স্পেক্টর কলেজ বলিলেন, “কিরূপে ?”

মিঃ ব্লেক বলিলেন, “নিশ্চয়ই কোনও অপরিচিত ব্যক্তি এই কক্ষে আসিয়াছিল।”

ইন্স্পেক্টর কলেজ বলিলেন, “তা অসম্ভব কি ? হয় ত কোন রোগী বা কোন ভদ্রলোক মিস্ মার্শারের সহিত দেখা করিতে আসিয়াছিল, পাখীটা তাহাকে ঘা’ল করিয়াছে ; বড়ই গুণবান পক্ষী !”

মিঃ ব্লেক বলিলেন, “আপনার এ অনুমান সম্ভব মনে হয় না। মিস্ মার্শার এই কক্ষে কোন রোগীর সহিত বা কোনও ভদ্রলোকের সঙ্গে দেখা করেন না ; এটি তাহার অন্তরের কক্ষ, বাহিরের কক্ষে তিনি আগমুকগণের সহিত সাক্ষাৎ করেন।”

ইন্স্পেক্টর মিঃ ব্লেকের মতের সমর্থন করিলেন না, তাহা হইলে যে তাহাকে পরাজয় স্বীকার করিতে হয় ! সেইজন্য তিনি কণকাল চিন্তা করিয়া বলিলেন, “তবে বোধ হয় পাখীটা ডাক্তার মার্শারের ভাইকে কামড়াইয়াছিল।—সে গতরাত্রে এখানে আসিয়াছিল।”

মিঃ ব্লেক বলিলেন, “আপনার এই অনুমান সত্য কি না, তাহা মিস্ মার্শারকে জিজ্ঞাসা করিলেই জানিতে পারা যাইবে ; কিন্তু আমার ত উঠা সম্ভব বলিয়া মনে হয় না। আমি পরীক্ষা দ্বারা জানিতে পারিয়াছি কোন লোক কয়েক ঘণ্টা পূর্বে ঐ জানালা দিয়া এই কক্ষে প্রবেশ করিয়াছিল। গালিচার উপর শুষ্ক কর্দমচিহ্ন স্পষ্ট দেখিতে পাইয়াছি।”

মিঃ ব্লেক সেই বাতায়ন খুলিয়া তাহার ভিতর দিয়া গৃহপ্রাস্তবন্দী উঠানে প্রবেশ করিলেন।

পূর্কদিন সন্ধ্যার পর কিছুকাল প্রবল বৃষ্টি হইয়াছিল। সুতরাং বৃত্তিকা সিক্ত ও কর্দমাক্ত ছিল। বাগানের ভিতর দিয়া যে সঙ্কীর্ণ পথ ছিল, তাহার অবস্থা শোচনীয় ; একটু বৃষ্টি হইলেই সে পথে কাদা হয়। মিঃ ব্লেক সেই পথে কাদার উপর দুই জোড়া পদচিহ্ন দেখিতে পাইলেন। তিনি পরীক্ষা করিয়া বুঝিলেন, একজন লোক পূর্কোক্ত বাতায়ন দিয়া নাগিয়া সেই পথে চলিয়া গিয়াছে—আর সেদিকে ফিরিয়া আসে নাই ; কিন্তু আর একজন লোকের যাতায়াতের চিহ্ন স্পষ্ট দেখিতে পাইলেন।

যে ব্যক্তি এই পথে বাতায়নের নিকট আসিয়াছিল, এবং সেই দিক দিয়াই ফিরিয়া গিয়াছিল, তাহার পায়ে বহুদিনের ব্যবহারে ক্ষয়প্রাপ্ত জুতা ছিল। চিহ্ন দেখিয়া বোধ হইল সেই জুতার একপ অংশ যে, তাহা ব্যবহারের প্রায় অযোগ্য হইয়া উঠিয়াছিল।

মিঃ ব্লেক সেই চিহ্ন দেখিয়া আরও বুঝিতে পারিলেন, এই পদচিহ্ন তাহার—তাহার একটি পা কিছু বিকৃত ছিল ; বোধ হইল দক্ষিণ পা থানি একটু বাকা, কারণ জুতার দাগ মাটিতে বাকা হইয়া বসিয়াছিল।—তৃতীয়তঃ, জানালার নিকটে যে পদচিহ্ন ছিল তাহা অত্যন্ত চিহ্ন অপেক্ষা গভীর, যেন লোকটি বাতায়ন-পথে গৃহ-প্রবেশের পূর্ক সেই স্থানে দাড়াইয়া কিছুকাল অপেক্ষা করিয়াছিল।

মিঃ ব্লেক পকেট হইতে একটি গজকাটি বাহির করিয়া পদচিহ্নগুলি মাপিয়া দেখিলেন, ও তাহার পরিমাণ নোটবহিতে লিখিয়া লইলেন। তাহার পর উক্ত দুই প্রকার পদচিহ্নের ছাপ তুলিয়া লইলেন।

অনন্তর মিঃ ব্লেক সেই ভিন্ন পাড়কার চিহ্ন ধরিয়া চলিতে চলিতে মাঠে আসিয়া পড়িলেন ;—সেই স্থানের পদচিহ্ন কিছু অপরিষ্কৃত, কিন্তু তাহা সম্পূর্ণ অদৃশ্য হয় নাই। এই সকল পদচিহ্ন অনুসরণ করিতে করিতে তিনি মিস মাসারের অট্টালিকার পাশবর্তী দেউড়িতে উপস্থিত হইলেন ; এই দেউড়ীর পরেই মাঠ। এই দেউড়ী দিয়া মাঠে যাওয়া যায়।

এই দেউড়ীতে তালা ছিল না ; মিঃ ব্লেক তাহা টানিবারাত্র খুলিয়া গেল ; তিনি দেউড়ী খুলিয়া দেখিলেন, সম্মুখে বহুদূর বিস্তৃত তৃণক্ষেত্র ; বহু লোক

ভূগর্ভস্থ পদদলিত করিলে যে রূপ হয়, তাহার অবস্থা সেইরূপ। কিছু দূরে একটি সুন্দর ভূগর্ভস্থ মন্দির। মিস্ট্রের নিকট উপস্থিত হইয়া তৎসংলগ্ন একটি অট্টালিকা দেখিতে পাইলেন। এটি স্থানীয় বিদ্যালয়। মিস্ট্রের বুদ্ধিগণ, বিদ্যালয়ের ছাত্রেরা এই ভূগর্ভস্থ খেলা করে; এই জন্ত তাহাদের পদদলিত ভূগর্ভস্থ এই অবস্থা; সুতরাং সেখানে পদচিহ্নের অনুসরণ করিবার কোনও আশা ছিল না।

এ অবস্থায় কি করিবে তাহাই তিনি ভাবিতে লাগিলেন। অনেকক্ষণ চিন্তার পর তিনি বুদ্ধিতে পারিলেন, তাইগারের সহায়তা ভিন্ন অন্য উপায় নাই।

মিস্ট্রের বিদ্যালয়ের অন্দরে একটি ছাত্রকে দেখিতে পাইলেন; বালকটি ছুটির পর তাহার পুস্তক-পূর্ণ বোলাটি কাধে ফেলিয়া একটি জাতীয় সঙ্গীত গায়িতে গায়িতে বাটার দিকে যাইতেছিল; গানটি ভাল, কিন্তু তাহার স্বর রাসভবিনিন্দিত। বালকটিকে দেখিয়া বুদ্ধিমান বলিয়া বোধ হইল। মিস্ট্রের নিকট তাহাকে ডাকিলেন।

বালক তাহার সম্মুখে আসিয়া উপস্থিত হইল। তিনি বলিলেন, “তুমি আমার একটু উপকার করিতে পার? আমি তোমাকে একখানি টেলিগ্রাম দিব, ইহা ডাকবার দিয়া আসিতে হইবে।”—মিস্ট্রের নিকট তাহার পকেট বহি হইতে একখানি পাতা ছিঁড়িয়া একখানি টেলিগ্রাম লিখিলেন; টেলিগ্রামখানি লগুনে মিস্ট্রের নিকট প্রেরণ করাই তাহার উদ্দেশ্য ছিল। এই টেলিগ্রামে তিনি মিস্ট্রকে লিখিলেন, “তাইগারকে সঙ্গে লইয়া অবিলম্বে লন্ডাম গ্রামে উপস্থিত হইবে।”

মিস্ট্রের এই কাগজখানি ও দুইটি রৌপ্যমুদ্রা বালকটিকে দিয়া বলিলেন, “টেলিগ্রামের খরচা দিয়া যাত্রা অবশিষ্ট থাকিবে তুমি লইও।”

বালকটি কাগজখানি লইয়া বলিল, “এ কি রকম টেলিগ্রাম, মহাশয়? টেলিগ্রামের ‘করমে’ না লিখিয়া দিলে তাহারা লইবে কেন?”

মিস্ট্রের বলিলেন, “তুমি এই টাকা ও কাগজখানি টেলিগ্রামের

কেরণীকে দিলেই চলবে ; কোন আপত্তি হইবে না। তুনি আর বিলম্ব করিও না, কারণ টেলিগ্রামখানি বড় জরুরী।”

বালকটি আর কোন আপত্তি না করিয়া তৎক্ষণাতঃ প্রস্থান করিল। মিঃ ব্লেক দূর হইতে তাহার সঙ্গীত শুনিতে পাইলেন ; তখন তিনি ধীরে ধীরে মিস্ মার্সারের গৃহাভিমুখে চলিলেন।

মিঃ ব্লেক কয়েকপদ অগ্রসর হইয়া একটি কণ্টকপূর্ণ ক্ষুদ্র গুল্মের উপর কি একটি শুভ্র পদার্থ দেখিতে পাইলেন ; তাহার স্থানে স্থানে লাল দাগ। মিঃ ব্লেক গুল্মের নিকটে আসিয়া দেখিলেন, তাহা একখানি রুমাল ; অল্প চেষ্টাতেই রুমালখানি তাহার হস্তগত হইল। তিনি পরীক্ষা করিয়া বুঝিলেন রুমালখানি শোণিত-রঞ্জিত। তিনি সোৎসাহে বলিয়া উঠিলেন, “আমার অনুমান, মিস্ মার্সারের পাখীটা তাহার হাত কাটিয়া দিয়াছিল, এ তাহারই রুমাল। বোধ হয় সে এই দিক দিয়া যাইবার সময় রুমালখানিতে হাতের রক্ত মুছিয়া ছিল ; তাহার পর ইহা তাহার হাত হইতে পড়িয়া যায়। সে অক্ষকারে ঘাসের ভিতর হইতে ইহা খুঁজিয়া বাহির করিতে পারে নাই, অবশেষে রুমালখানি বাতাসে উড়িয়া এই কাঁটার ঘোপে আসিয়া পড়িয়াছে ; কিন্তু রুমালের এই কোণটিতে এ কাল দাগ কিসের ?”

রুমালখানির একধারে কৃষ্ণবর্ণ দাগ লাগিয়াছিল ; মিঃ ব্লেক রুমালের সেই অংশটি নাকের কাছে ধরিলেন, এবং মুহূর্তমধ্যে সবিস্ময়ে বলিয়া উঠিলেন, “কি আশ্চর্য্য, এ যে কাঁচা আফিংএর গন্ধ ! রুমালে আফিংএর গন্ধ কোথা হইতে আসিল ? বোধ হয় কেহ হাতে আফিংএর দলা পাকাইয়া হাতখানি এই রুমালে মুছিয়াছে, চট্চটে আফিং ইহাতে লাগিয়া গিয়াছে ; কিন্তু এদেশে আফিংখোরের সংখ্যা অধিক নহে, আশা হইতেছে, এই রুমালের সাহায্যে আমার তদন্তের সুবিধা হইবে। এরূপ অসম্ভব স্থলে রুমালখানি কুড়াইয়া পাওয়া বড়ই সৌভাগ্যের বিষয়।”

মিস্ মার্সারের অট্টালিকা-সন্নিকটে উপস্থিত হইয়া মিঃ ব্লেকের হঠাৎ মনে হইল, ইন্স্পেক্টর কলেজ টিয়াপাখীটার প্রতি যেক্রম ক্রুদ্ধ হইয়াছিলেন, তাহাতে

আশঙ্কা হইতেছে হয় ত তিনি পাখীটাকে মারিয়া ফেলিয়াছেন।—এই পাখীটার প্রাণরক্ষা নানা কারণে মিঃ ব্লেক্ অত্যন্ত আবশ্যক মনে করিয়াছিলেন ; তিনি বুঝিয়াছিলেন ইহা মিস্ মার্সারের অপরাধস্থানে যথেষ্ট সহায়তা করিবে।

যাহা হউক, মিঃ ব্লেক্ গৃহে প্রত্যাগমন করিয়া বলিলেন, তাহার এই আশঙ্কা অমূলক। তিনি দেখিলেন ইন্স্পেক্টর কলেজ মিস্ মার্সারের সিন্দুক-সম্বিহিত আরাম-কেদারায় বসিয়া চুরুট টানিতেছেন, এবং পাখীটা তাহার দাড়ে বসিয়া নানা প্রকার অসংলগ্ন 'বুলি' বলিতেছে।

ইন্স্পেক্টর কলেজ মিঃ ব্লেক্কে সেই কক্ষ প্রবেশ করিতে দেখিয়া বাগ-ভাবে জিজ্ঞাসা করিলেন, “সংবাদ কি, মিঃ ব্লেক্ ?”

মিঃ ব্লেক্ পূর্ববর্ণিত রুমালখানি আন্দোলিত করিয়া বলিলেন, “সংবাদ মন্দ নহে, এইখানি পাওয়া গিয়াছে।”

ইন্স্পেক্টর কলেজ লুভঙ্গী করিয়া বলিলেন, “ওখানি কি রুমাল ?”

মিঃ ব্লেক্ বলিলেন, “হাঁ, রুমাল। আমি এই বাড়ী হইতে বাহির হইয়া মাঠের দিকে গিয়াছিলাম ; ফিরিবার সময় দেখিলাম একটা কাটা-ঝোপে রুমালখানি বাধিয়া আছে। এই কক্ষের টেবিল-ক্ৰাথে যে রক্তচিহ্ন দেখিয়া-ছিলাম, এই রুমালেও সেইরূপ চিহ্ন দেখিয়া অনুমান হইতেছে, ডোডো যে লোকটার আঙ্গুল কাটিয়াছিল, সে তাহার আঙ্গুলের রক্ত এই রুমালে মুছিয়াছিল ; তাহার পর রুমালখানি সম্ভবতঃ তাহার অজ্ঞাতসারেই মাঠে পড়িয়া গিয়াছিল।”

ইন্স্পেক্টর কলেজ মিঃ ব্লেক্কে কথা শুনিয়া গম্ভীরভাবে কণকাল চিন্তা করিলেন, তাহার পর বিজ্ঞের ঞ্চয় মাথা নাড়িয়া বলিলেন, “আপনার এই অনুমান সম্ভব হইলেও হইতে পারে ; কিন্তু আমার বিশ্বাস, আপনি ভুল ধারণার বশবর্তী হইয়া অন্ধকারে অনর্থক ঘুরিয়া বেড়াইতেছেন। আপনি যাহা সপ্রমাণ করিতে উৎসুক, তাহা প্রতিপন্ন করিতে পারিবেন না, ইহাই আমার বিশ্বাস। যদি তর্কের অনুরোধে স্বীকার করা যায় যে, বাহিরের কোনও লোক দুর্ভাগ্য-সন্ধিতে এই কক্ষ প্রবেশ করিয়াছিল, এবং এই দুর্দাস্ত চিড়িয়ার আক্রমণে ক্ষতবিক্ষত হইয়া রুমালে রক্ত মুছিয়া আপনার তদন্তের সুবিধার জন্য ইহা

মাঠে ফেলিয়া চলিয়া গিয়াছিল ; তাহা হইলেও আপনি কিরূপে প্রতিপন্ন করিবেন যে, সে-ই সিন্দুক খুলিয়া প্রেসক্রিপ্‌সন্থানিতে মর্ফাইনের মাত্রা বাড়াইয়া দিয়াছে ? আমরা সকলেই জানি—এবং ইহা অবিসংবাদিতরূপে প্রতিপন্নও হইয়াছে যে, অন্যের পক্ষে এই সিন্দুক খুলিবার কোন সম্ভাবনা ছিল না।”

মিঃ ব্লেক বলিলেন, “এই সিন্দুক খোলা যে অন্যের পক্ষে অসম্ভব হয় নাই ইহা আমি বুঝিতে পারিয়াছি ; এবং সে কথা বোধ হয় পূর্বে আপনাকে বলিয়াছি।”

ইন্স্পেক্টর কলেজ অসহিষ্ণুভাবে বলিলেন, “হাঁ, আপনি তাহা বলিয়াছিলেন বটে, কিন্তু কে কি কোশলে সিন্দুকটি খুলিয়াছিল, সে কথা প্রকাশ করিতে সাহস করেন নাই ; সুতরাং আপনার অনুমান যে অশ্রান্ত, ইহা কি করিয়া স্বীকার করি ? আপনি যাহা সত্য বলিয়া বুঝিয়াছেন, তাহা মিথ্যা প্রতিপন্ন হওয়াও অসম্ভব নহে।”

মিঃ ব্লেক ইন্স্পেক্টর কলেজের দৃষ্টি বিরক্ত হইয়া বলিলেন, “আমি ভ্রান্ত ও আপনি অশ্রান্ত, একথা মনে করিয়া যদি সুখী হন, তাহা হইলে আপনার আত্মপ্রসাদে আমার বাধা দিবার ইচ্ছা নাই, এবং এ সম্বন্ধে আপনার সহিত তর্কবিতর্ক করিবার আগ্রহও আমার নাই ; কিন্তু আপনি নিশ্চয় জানিবেন, দার্শনিক তর্কিকের গায় নিজের মতটিকেই অশ্রান্ত বলিয়া জাহির করা আমার স্বভাব নহে। আমার সিদ্ধান্ত সত্য কি মিথ্যা, ইহা পরে জানিতে পারিবেন ; এখন আমি এ সম্বন্ধে একটি কথাও বলিব না। যাহা হউক, আপনি এখন কি করিবেন মনে করিতেছেন ?”

ইন্স্পেক্টর কলেজ মিঃ ব্লেকের শ্লেষোক্তিতে মর্ম্মাহত হইয়াছিলেন। মিঃ ব্লেক বিন্দুমাত্র উত্তেজিত না হইয়া দার্শনিক প্রতিদ্বন্দ্বীকে সুতীক্ষ্ণ বাক্যবাণে একরূপ বিদ্ধ করিতেন যে, সে বেচারী তাহার মর্ম্মবেদনা সহজে ভুলিতে পারিত না।

ইন্স্পেক্টর কলেজ মুখ লাল করিয়া বলিলেন, “কি আর করিব ? আমার যাহা কর্তব্য, তাহাই করিব। প্রথমেই ইন্স্পেক্টর সিল্ডেট্টারকে উপদেশ



দিব, তিনি যেন এই বাড়ীতে একটা কন্টেইবল মোতাইন করেন। তাঁহাকে দিবারাত্রি এই বাড়ীর উপর নজর রাখিতে বলিব। স্বীকার করি লেডি ডাক্তারটা অস্বীকার করিয়াছে, করোনাবের বিচার শেষ হইবার পূর্বে এই বাড়ী ছাড়িয়া কোথাও যাইবে না; কিন্তু তাহার অস্বীকারে বিশ্বাস কি? সে প্রাণভয়ে কিরূপ ব্যাকুল হইয়াছে, তাহা তাহার ভাবভঙ্গী দেখিয়া অন্ধেও বুঝিতে পারে, কিন্তু চক্ষুস্থান বলিয়া আপনার অহঙ্কার থাকিলেও আপনি তাহা দেখিতে পাঠিতেছেন না! তাহার সুন্দর মুখ দেখিয়া আপনি ভুলিয়া গিয়াছেন! তাই মৃতের জায় সতাকে মিথ্যা ও মিথ্যাকে সত্য প্রতিপন্ন করিবার জন্ত ব্যাকুল হইয়া চারিদিকে ছুটাছুটি করিতেছেন।”

মিঃ ব্লেক মুখভঙ্গী করিয়া বলিলেন, “আর তুমি আরাম-কেন্দারায় বাসিয়া নিশ্চিন্ত মনে চুরুট ধূঁকিতেছ! মনে মনে যুক্তি আঁটিতেছ, কিরূপে এই উন্নতমনা, পরোপকারিণী, সেবাপ্রায়ণা ভদ্রমহিলাকে কান্দাতে লটকাইবে, তাহার শুভ্র ঘণে কলঙ্ক লেপন করিবে। তুমি নিশ্চয় জানিও, তোমাকে শক্তির অপব্যবহার করিতে দিব না। তুমি ডাক্তার মার্সারের চরিত্র বুঝিতে পার নাও, সম্ভব অসম্ভব সম্বন্ধে তোমার কোনও ধারণা নাও। মিস্ মার্সার কখনও পলায়ন করিবেন না, তিনি অপমানকে মৃত্যু অপেক্ষাও অধিক ভয় করেন।”

ইন্স্পেক্টর কলেজ অত্যন্ত চটিয়া বলিলেন, “আসানীর কথায় যে বিশ্বাস করে, সে পুলিশের চাকরীর উপযুক্ত নছে; করোনাবের বিচার শেষ না হওয়া পর্যন্ত ডাক্তার মার্সারকে নজরবন্দী রাখিতে হইবে। আমি লগুনে যাঠিতেছি, করোনাবের বিচারের সময় আবার আসিব; ইতিমধ্যে আপনি ডাক্তার মার্সারকে বাঁচাইবার কন্দী আঁটিতে থাকুন।”

ইন্স্পেক্টর কলেজ সদস্ত পদবিৎক্ষেপে মানসিক উত্তা প্রকাশ করিতে করিতে নিষ্ক্রান্ত হইলেন।

ইন্স্পেক্টর কলেজ প্রদর্শিত হতাশনের জায় মুখকাঁচি লইয়া প্রস্থান করিলে মিঃ ব্লেক দীর্ঘনিশ্বাস তাগ করিয়া বলিলেন, “আঃ, বাঁচা গেল! পুলিশের এই ভূতগুলো কিছুই বেদন না, অথচ সকলেই বুদ্ধির এক একটা

“এভারেট্ট” !—এখন আমি প্রকৃত কার্যে হস্তক্ষেপণ করিতে পারিব ।—সানাকে কেহ কাল করিতে পারিবে না ।”

মিঃ ব্লেক উঠিয়া দেখিলেন ডোডো তাঁহার দিকে মুখ প্রসারিত করিয়া কাতরদৃষ্টিতে তাঁহাকে দেখিতেছে ।—তাঁহার সে চক্ৰতে তিনি যে কাতরতা দেখিলেন, তাহা মিস্ মার্গারের চক্ৰতেও দেখিয়াছিলেন ।—তিনি পক্ষিটির নিকটে গিয়া তাঁহার ডিম্ববৎ মস্তক মস্তকে হাত বুলাইতে বুলাইতে বলিলেন, “ডোডো, ডোডো, তোর ভয় নাই, আমি বাঁচাইয়া দিব ।”

ডোডো বলিল, “পুস্, পুস্, পুস্ ! মিউ, মিউ ; আর পা চলে না । হয়রাণ, বিষম হয়রাণ ! হি, হি, হি !”

মিঃ ব্লেক অনুচ্চস্বরে বলিলেন, “কেমন ডোডো ! চোদ্দ, তিন—”

ডো ডো বলিল, “চোদ্দ-তিন-তেরো-নয় ।”

ডোডো সহসা উগ্রমূর্তি ধারণ করিয়া তাঁহাকে দংশনোত্ত হইল ।—মিঃ ব্লেক সহাস্থে সেখান হইতে প্রস্থান করিলেন । তাঁহার চক্ৰতে আনন্দের বিজলী খেলিতেছিল ।

## ষষ্ঠ পরিচ্ছেদ

মিঃ ব্লেকের প্রেরিত টেলিগ্রামখানি যথা সময়ে স্থিতির হস্তগত হইলে সে অবিলম্বে টাইগারকে সঙ্গে লইয়া ক্ষুদ্র লন্ডাম গ্রামে যাত্রা করিল; এবং টোণে উঠিয়া কয়েক ঘণ্টার মধ্যে লন্ডামে উপস্থিত হইল।

প্রথম কুকুরসহ মিস্ মাস্‌আরের গৃহে উপস্থিত হইয়া দেখিতে পাইল, মিঃ ব্লেক উৎকণ্ঠিতভাবে তাহার প্রতীক্ষায় বসিয়া আছেন। মিঃ ব্লেক তাহাকে কিছুকি ডাকিয়াছিলেন, তাহা সে পূর্বে বুঝিতে পারে নাই। মিঃ ব্লেক তাহাকে সংক্ষেপে সকল কথা বলিলেন। যে ব্যক্তি মাঠে কুমাল ফেলিয়া অদৃশ্য হইয়াছিল, তাহার অনুসরণের জন্য টাইগারকে আনিতে হইয়াছে, একথা জানাইয়া মিঃ ব্লেক বলিলেন, “টাইগার লোকটির গন্ধের অনুসরণ করিয়া কোথায় যায় তাহাই সর্বাঙ্গে দেখা আবশ্যিক। আমার সম্পূর্ণ বিশ্বাস হইয়াছে, সেই লোকটিই গভীররাত্রে মিস্ মাস্‌আরের কক্ষে প্রবেশ পূর্বক সিন্দুক খুলিয়াছিল, এবং প্রেসক্রিপ্‌সন্থানিতে ঔষধের পরিমাণ বাড়াইয়া দিয়া সিন্দুক বন্ধ করিয়া চলিয়া গিয়াছিল।”

প্রথম বলিল, “কিন্তু ইহাতে তাহার স্বার্থ কি? আপনি কি মনে করেন মিস্ মাস্‌আরের সহিত তাহার শত্রুতা আছে।”

মিঃ ব্লেক বলিলেন, “তাহা কি করিয়া বলিব? তবে একথা নিশ্চয় যে, সে লর্ড ওয়ারিং‌এর শত্রু। প্রেসক্রিপ্‌সনের উপর লর্ড ওয়ারিং‌এর নাম দেখিয়াই সে এই প্রেসক্রিপ্‌সনের পরিবর্তন করিয়াছিল। লর্ড ওয়ারিং‌এর প্রকৃপ কোন শত্রু আছে কি না, তাহা মিস্ মাস্‌আরের জানা থাকিতে পারে; কিন্তু তিনি উপস্থিত বিপদে এতই বিহ্বল হইয়াছেন যে, এখন পর্য্যন্ত তাহাকে এ সম্বন্ধে কোন কথা জিজ্ঞাসা করিতে পারি নাই। তাহার মন একটু স্থির হইলে তাহাকে জিজ্ঞাসা করিব; আপাততঃ দেখা বাউক টাইগার কতদূর কি করিয়া উঠে।”

অনন্তর মিঃ ব্লেক পকেট হইতে পূর্বোক্ত শোণিতসিক্ত ও অহিফেনের গন্ধযুক্ত রুমালখানি বাহির করিয়া টাইগারের সম্মুখে নিক্ষেপ করিলেন। টাইগার দুই তিনবার রুমালখানির আত্মাণ লইয়া কয়েকবার ইতস্ততঃ দৌড়া-দৌড়ি করিল; তাহার এই অস্থিরতা দেখিয়া মিঃ ব্লেক তাহাকে শৃঙ্খলিত করিলেন, তাহার পর স্থিথকে বলিলেন, “স্থিথ, টেবিলের উপর হইতে আমার টুপিটা দাও, বোধ হয় আমাদের কিছু অধিক দূর পর্য্যন্ত টাইগারের অনুসরণ করিতে হইবে।”

অনন্তর মিঃ ব্লেক টাইগারের শৃঙ্খল ধরিয়া তাহার সঙ্গে চলিলেন; স্থিথও তাহার অনুসরণ করিল।

টাইগার আরও দুই একবার রুমালখানির আত্মাণ লইল, তাহার পর সে পূর্বোক্ত দেউড়ীর ভিতর দিয়া দ্রুতবেগে মাঠের দিকে চলিল। মিস্ মার্গারের অট্টালিকাটি ললুহাম গ্রামের প্রান্তভাগে পাহাড়ের ধারে অবস্থিত; একটি প্রকাণ্ড মাঠ পার হইয়া এই গ্রামে প্রবেশ করিতে হয়। টাইগার মাঠ অতিক্রম পূর্বক গ্রামে প্রবেশ করিল। গ্রামখানি ক্ষুদ্র হইলেও রাজপথের দুইধারে গৃহের সংখ্যা নিতান্ত অল্প ছিল না; দুইজন অপরিচিত লোকের সঙ্গে সেই বিশালকার ভীষণদর্শন কুকুরটিকে দেখিয়া গ্রামবাসিগণ বিস্ময়ে মুখব্যাদান পূর্বক বিস্ফারিত নেত্রে তাহার দিকে চাহিয়া রহিল।

টাইগার দ্রুতপদে চলিতে চলিতে অবশেষে ললুহামের রেল ষ্টেশনে প্রবেশ করিয়াই ষ্টেশন-মাষ্টারকে দেখিয়া গর্জন করিয়া উঠিল; ষ্টেশন-মাষ্টার ভয় পাইয়া তাড়াতাড়ি টিকিটঘরে প্রবেশ করিলেন; টাইগার টিকিটঘরের দ্বারের অদূরবর্তী গবাক্ষের সম্মুখে দাঁড়াইল। বাতীরা এই স্থানে দাঁড়াইয়া টিকিট ক্রয় করে।

মিঃ ব্লেক সেই গবাক্ষপথে টিকিট-ঘরের অভ্যন্তরে দৃষ্টিপাত করিলেন; তিনি দেখিলেন, একটি অল্পবয়স্কী যুবতী দেওয়ালের কাছে বসিয়া হিসাব মিলাইতেছে। মিঃ ব্লেক বুঝিলেন, এই যুবতীই বুকিং ক্লার্ক। পূর্বে একটি যুবক এই ষ্টেশনের বুকিং ক্লার্ক ছিল; কিন্তু সে টিকিট বিক্রয় ছাড়িয়া শক্রসৈন্যের বিরুদ্ধে যুদ্ধ

করা করার লোকাভাবশতঃ এই যুবতীকে বুকিং ক্লার্কের পদে নিযুক্ত করা  
ইয়াছে।

মিঃ ব্লেক ইতস্ততঃ দৃষ্টিপাত করিয়া অন্ত কোন লোককে দেখিতে পাইলেন  
না; তিনি কোনরূপ ভূমিকা না করিয়াই সেই যুবতীকে বলিলেন, “আমি  
কেজন ডিটেক্টিভ; আপনাকে ছই একটি কথা জিজ্ঞাসা করিবার আছে।”

ডিটেক্টিভ, এই কথা শুনিয়াই ভয়ে যুবতীর মুখ শুকাইয়া গেল; সে  
বলিল, এ আবার কি ফ্যাসাদ! এত লোক থাকিতে আমার নিকট ডিটেক্টিভ  
মাসে কেন?—সে সময়ে মিঃ ব্লেকের মুখের দিকে চাহিল, হঠাৎ কোন কথা  
জানিতে পারিল না। মিঃ ব্লেক তাহার আতঙ্ক দেখিয়া মিষ্ট বাক্যে তাহাকে  
শান্ত করিলেন; বলিলেন, তাঁহার প্রশ্নের ঠিক উত্তর দিলে তাহার কোনও  
ক্ষতি হইবে না।

যুবতী তাঁহার এই আশ্বাস বাক্য বিশ্বাস করিয়া বলিল, “আপনার কি  
জিজ্ঞাসা আছে বলুন।”

মিঃ ব্লেক বলিলেন, “আপনাদের এই ষ্টেশনে যাত্রীর ভিড় কেমন?”

যুবতী বলিল, “ষ্টেশনটি ক্ষুদ্র, হাটের দিন ভিন্ন এখানে তেমন জন-সমাবেশ  
হয় না।”

মিঃ ব্লেক বলিলেন, “কাল কি হাটের দিন গিয়াছে?”

যুবতী বলিল, “না।”

মিঃ ব্লেক বলিলেন, “ভাল কথা; তাহা হইলে বোধ হয় কাল এই ষ্টেশনে  
অধিক যাত্রী আসে নাই। আপনি কাল রাত্রে বা আজ প্রত্যুষে যে সকল  
যাত্রীকে টিকিট বিক্রয় করিয়াছিলেন, তাহাদের মধ্যে কোন অপরিচিত লোককে  
দেখিয়াছিলেন কি?”

যুবতী বলিল, “এই গ্রামের ডাক্তার মার্শারের একটি ভাই গত রাত্রে  
ষ্টেশন হইতে নামিয়া গ্রামে গিয়াছিলেন। আমি যখন তাঁহার নিকট হইতে  
টিকিট লই, সে সময় ষ্টেশনমাষ্টার আমার অদূরে দাঁড়াইয়া ছিলেন; তাঁহারই  
নিকট জানিতে পারি সেই যুবকটি ডাক্তার মার্শারের ভাই। আমি তাঁহাকে

নিমিত্ত না। এই যুবক ভিন্ন আর একজন অপরিচিত লোক আমার নিকট টিকিট কিনিয়াছিল।”

মিঃ ব্লেক বলিলেন, “কোন সময় তাহাকে টিকিট বিক্রয় করিয়াছিলেন?”

যুবতী বলিল, “আজ অতি প্রত্যহে; সে ৫টা ৪৮ মিনিটের ট্রেনে গিয়াছে।”

মিঃ ব্লেক বলিলেন, “সে কোথাকার টিকিট কিনিয়াছিল?”

যুবতী বলিল, “লণ্ডনের।”

মিঃ ব্লেক বলিলেন, “লোকটির সাজ-পোষাক কিরূপ ছিল?”

যুবতী বলিল, “সাজ-পোষাক দেখিয়া বোধ হইল লোকটি বড় গরীব। তাহার কোটটি পুরাতন ও অত্যন্ত জীর্ণ; এমন কি, তাহার কোটের নীচে কামিজ পর্য্যন্ত ছিল না, ওয়েস্ট-কোট ও দূরের কথা! কিন্তু তাহার সাজ-পোষাক অস্বস্ত হইলেও তাহার কাছে ষ্ঠে টাকা ছিল। সে টিকিটের মূল্য প্রদানের সময় কয়েকখানি নোট বাহির করিয়াছিল। সে একখানি পাঁচ পাউণ্ডের নোট আমাকে দিয়া টিকিটের মূল্য বাদ অবশিষ্ট টাকা চাহিল; কিন্তু আমার নিকট তখন তত টাকা না থাকায় আমি তাহাকে নোটের টাকা দিতে পারিলাম না। তখন সে একখানি এক পাউণ্ডের নোট দিয়া টিকিটের মূল্য চূকাইয়া দিল। আমি ভাবিলাম, বাহার হাতে এত টাকা আছে, তাহার পোষাক এরূপ কদর্য কেন?”

মিঃ ব্লেক বলিলেন, “আপনার কথায় বুঝিলাম তাহার নিকট নূন পক্ষে ছয় পাউণ্ড ছিল।—যাহা হউক, তাহার মুখে কি দাড়ী গোক ছিল?”

যুবতী বলিল, “হাঁ মহাশয়; তাহার মুখে লম্বা কাল দাড়ী ও একজোড়া জমকালো গোক দেখিয়াছিলাম।”

মিঃ ব্লেক বলিলেন, “তাহার মুখখানি অত্যন্ত শুক, চোখজুটি বসা, চোখের কোণে কালিপড়া, তাহার চেহারার এই সকল বিশেষত্ব আপনি লক্ষ্য করিয়াছিলেন কি? নোট বাহির করিবার সময় তাহার হাতখানি কাঁপিয়াছিল কি?”

বুবতী বলিল, “হাঁ, আমার সেইরূপই বোধ হইয়াছিল ; আপনার কথা ভূনিয়া অনুমান হইতেছে—আপনি তাহাকে চেনেন !”

মিঃ ব্লেক হাসিয়া বলিলেন, “না, তাহাকে চিনিতে হইবে ; বাহা হউক, লিভারপুল ষ্ট্রীটে যাইতে হইবে, কখন ট্রেন পাওয়া যাইবে ?”

বুবতী বলিল, “একখানি ট্রেন অল্পক্ষণ পরেই আসিবে ।”

মিঃ ব্লেক বলিলেন, “তাহা হইলে আমাকে লিভারপুল-ষ্ট্রীট ষ্টেশনের একখানি কাষ্ট ক্লাসের টিকিট দেন ।—আর একখান টিকিট আমার এই কুকুরের জন্য চাই ।”

মিঃ ব্লেক টিকিট লইয়া ষ্টেশনের প্ল্যাটফর্মে উপস্থিত হইলে স্মিথ তাঁহাকে বলিল, “কাহার জন্য টিকিট কিনিলেন ? আপনি যাইবেন, না আমি যাইব ?”

মিঃ ব্লেক বলিলেন, “টাইগারকে সঙ্গে লইয়া তোমাকেই যাইতে হইবে । আমি বুকিং-ক্লার্কের নিকট যে লোকটির সন্ধান পাইলাম—তাহার নিশ্চরই মৌতাতের অভ্যাস আছে ; তুমি লিভারপুল-ষ্ট্রীট ষ্টেশনে নামিয়া টাইগারকে তাহার সন্ধান নিযুক্ত করিবে ।”

স্মিথ বলিল, “সে মৌতাত করে—ইহা আপনি কিরূপে বুঝিলেন ?”

মিঃ ব্লেক বলিলেন, “ওহো, সে কথা যে তোমাকে বলিতেই ভুলিয়া গিয়াছি ! এই ক্রমালথানাতে আমি কাঁচা আফিংএর দাগ দেখিয়াছি । তাহার মৌতাতের অভ্যাস না থাকিলে ক্রমালে আফিংএর দাগ লাগিবে কিরূপে ? ভাল কথা, ক্রমালথানি তোমার কাছেই রাখ ; ইহার সাহায্যে টাইগার তাহার অনুসরণের সুবিধা পাইবে । টাইগার খাঁধার পড়িলে উহাকে ইহার গন্ধ শুঁকাইবে । লোকটা আফিংখোর না হইলে তাহার জুতা আমার অবস্থা এমন শোচনীয় হইত না । লোকটি লম্বা, তাহা তাহার জুতার মাপ ও পদ-চিহ্নগুলির ব্যবধান দেখিয়াই বুঝিয়াছি । বাহা হউক, আর অধিক কথা আবশ্যক নাই, ঐ দেখ ট্রেন আসিয়া পড়িয়াছে ! তুমি লোকটার সন্ধান পাইলেই এখানে আমাকে টেলিগ্রাম করিবে ; আপাততঃ আমি এখানেই থাকিব ।”

ট্রেনখানি আসিয়া প্লাটফর্মে দণ্ডায়মান হইল।—তাহা দেখিয়া স্থিথ টাইগারকে বলিল, “চল রে টাইগার! চল, লগুনে যাই। বিদায় কর্তা!”

মিঃ ব্লেক বলিলেন, “আর একটা কথা শুনিয়া রাখ। লোকটা বোধ হয় একটু নেংচাইয়া হাঁটে; কথাটা স্মরণ রাখিও। এখানে ট্রেন অধিকক্ষণ থাকিবে না, তাড়াতাড়ি উঠিয়া পড়; আশা করি নির্বিঘ্নে কার্যোদ্ধার করিতে পারিবে।”

ট্রেন ছাড়িয়া দিলে মিঃ ব্লেক পাইপ টানিতে টানিতে মিস্ মার্সারের গৃহাভিমুখে প্রত্যাগমন করিলেন; কিন্তু তাঁহার মন তখন গভীর চিন্তায় মগ্ন। তিনি আবিতে লাগিলেন, “এই লোকটা রাজিকালে গোপনে মিস্ মার্সারের কক্ষে প্রবেশ করিয়া সিন্দুকটা খুলিয়াছিল, এবং প্রেসক্রিপ্‌সনখানিতে একটা শুল্ক বসাইয়া সিন্দুকটা পুনর্বার বন্ধ করিয়া অন্তের অলক্ষ্যে প্রস্থান করিয়াছিল, এ বিষয়ে সন্দেহ নাই; কিন্তু তাহার উদ্দেশ্য কি? লর্ড ওয়ারিং এই প্রেসক্রিপ্‌সনের ঔষধ খাইলেই মারা পড়িবেন তাহা সে বুঝিয়াছিল, কিন্তু তাঁহাকে মারিবার জন্তই সে একাজ করিয়াছিল, না, মিস্ মার্সারকে বিপন্ন করিবার উদ্দেশ্যেই তাহার এই শয়তানী?”

“আরও এক কথা, লোকটা যে দরিদ্র, তৎসম্বন্ধে কোন সন্দেহ নাই। তবে কি সে চুরীর উদ্দেশ্যেই মিস্ মার্সারের সিন্দুক খুলিয়াছিল? বুকিং-ক্লার্কের নিকট জানিতে পারা গিয়াছে তাহার নিকট অস্তুতঃ ছয় পাউণ্ডের নোট ছিল। তাহার ছেঁড়া কোটের নীচে একটা কামিজ পর্য্যন্ত পরিধান করিবার সঙ্গতি নাই, সে এতগুলি টাকা কোথায় পাইল?—তবে কি সে মিস্ মার্সারের সিন্দুক হইতেই এ টাকাগুলি চুরি করিয়াছিল?”

মিঃ ব্লেক এই সকল কথা চিন্তা করিয়া স্থির করিলেন তিনি মিস্ মার্সারের গৃহে উপস্থিত হইয়া তাঁহাকে জিজ্ঞাসা করিবেন, তাঁহার সিন্দুক হইতে কিছু টাকা চুরি গিয়াছে কি না। টাকা চুরি গিয়া থাকিলে তিনি বুঝিতে পারিবেন, সে চুরীর উদ্দেশ্যেই মার্সারের সিন্দুক খুলিয়াছিল; তাহার পর লর্ড ওয়ারিং-এর ঔষধের ব্যবস্থাপত্রখানি দেখিয়া বিশেষ কোনও কারণে মর্কহইনের



মাত্রা বৃদ্ধি করিয়াছিল, বোধ হয় মনে করিয়াছিল ঔষধ প্রস্তুতের জন্য প্রেসক্রিপ্-  
সন্থানি কম্পাউণ্ডের নিকট পাঠাইবার পূর্বে ডাক্তার আর তাহা পাঠ করা  
আবশ্যক মনে করিবেন না। '৬' ছয় অঙ্কটিকে '৬০' ষটিএ পরিণত করা তাহার  
পক্ষে আদৌ কঠিন হয় নাই।

মিঃ ব্লেক ভাবিতে লাগিলেন, এই সকল কাজ শেষ হইলে সে যখন  
সিন্দুক বন্ধ করিয়া চলিয়া যাইতে উদ্বৃত্ত হইয়াছিল, সেই সময়ে সে কোনও  
কারণে টিরাপাখীটা কর্তৃক আক্রান্ত হইয়াছিল। হয় ত সে পাখীটাকে দেখিয়া  
খেলার বশবর্তী হইয়া তাহাকে খোঁচা দিয়াছিল; তখন পাখীটা কলেজের  
বে হৃদশা করিয়াছে, তাহারও সেইরকম হৃদশা করিয়াছিল। সে  
তাড়াতাড়ি মিস্ মার্সারের টেবিল-রূখে আঙ্গুলের রক্ত মুছিয়া বাতাস-পথে  
ঘরের বাহির হইয়া পড়ে; পরে দেউড়ী অতিক্রম পূর্বক মাঠ দিয়া যাইবার সময়  
রুমাল বাহির করিয়া তাহাতে রক্তাক্ত আঙ্গুলটা মুছিয়া ফেলে, সেই সময় হঠাৎ  
তাহার রুমালখানি জঙ্গলে পড়িয়া যাওয়ার, অন্ধকারে সে তাহা খুঁজিয়া  
পায় নাই।

কিন্তু মিঃ ব্লেক একটা কথা ঠিক বুঝিতে পারিলেন না, টিরাপাখীটা  
তাহাকে আক্রমণ করিয়া থাকিলে সে পাখীটাকে মারিয়া ফেলিল না কেন?—  
ক্রোধের বশবর্তী হইয়া সে অনায়াসেই তাহার ঘাড়টি ভাঙ্গিয়া ফেলিয়া চলিয়া  
যাইতে পারিত; কিন্তু তাহা সে করে নাই। বোধ হয় সে মনে করিয়াছিল,  
পাখীটার মৃতদেহ দেখিলে মিস্ মার্সার বা তাহার পরিচারিকা বুঝিতে পারিবে  
ঘরে চোর আসিয়াছিল। গৃহস্বামিনীর বা তাহার পরিচারিকার এই সন্দেহে  
তাহার উদ্দেশ্য ব্যর্থ হইতে পারে ভাবিয়াই লোকটা পাখীর প্রাণনাশে সাহসী  
হয় নাই।

এই সকল কথা চিন্তা করিতে করিতে মিঃ ব্লেক মিস্ মার্সারের গৃহঘরে  
উপস্থিত হইলেন।

## : সপ্তম পরিচ্ছেদ

মিস্ মার্গারের পরিচারিকা মিঃ ব্লেকে দ্বার খুলিয়া দিল ; মিঃ ব্লেক তাহাকে বলিলেন, “তোমার মনিবকে বল আমি আসিয়াছি ; তিনি আমার সহিত সাক্ষাৎ করিতে পারেন।”

পরিচারিকা মেরী বলিল, “মহাশয় ! একজন কন্টেবল সদর দরজার দাঁড়াইয়া আছে ; তাহাকে দেখিয়া আমার মড় ভয় হইয়াছে।”

মিঃ ব্লেক বলিলেন, “সে অল্প তোমাদের কোন চিন্তার কারণ নাই ; সে তোমাদের কোন অনিষ্ট করিতে পারিবে না।”

মিঃ ব্লেক বুঝিলেন, ইন্স্পেক্টর কলেজ হানীর পুলিশ ইন্স্পেক্টর সিল্ভেটারকে পরামর্শ দেওয়াতেই এই কন্টেবলটির আবির্ভাব। ইন্স্পেক্টর কলেজের উৎসাহ দেখিয়া তিনি বিরক্ত হইলেন। পরিচারিকা মেরী তাঁহার কথাই আশ্রয় হইয়া মিস্ মার্গারকে সংবাদ দিতে চলিল।

অল্পকণ পরে মিস্ মার্গার মিঃ গার্ভির সহিত উপবেশন-কক্ষে প্রবেশ করিলেন ; মিঃ ব্লেক দেখিলেন, কাঁদিয়া কাঁদিয়া ইসোবেল মার্গারের চক্ষু ফুলিয়া উঠিয়াছে ; কিন্তু তখন তিনি অপেক্ষাকৃত শান্ত হইয়াছিলেন।

মিঃ গার্ভি বলিলেন, “মিঃ ব্লেক, সংবাদ কি ? আপনার মুখ দেখিয়া বোধ হইতেছে আপনি কোন সুসংবাদ দিতে পারিবেন।”

মিঃ ব্লেক বলিলেন, মিঃ গার্ভি, আপনার অনুমান নিতান্ত মিথ্যা নহে ; আমি তদন্তফলে এপর্যন্ত বাহা জানিতে পারিয়াছি তাহা আশাশ্রয়, সন্দেহ নাই।”

এতকণ পরে মিস্ মার্গার কথা কহিলেন, কম্পিতস্বরে বলিলেন, “মিঃ ব্লেক, আমার বিরুদ্ধে মিথ্যা অভিযোগ উত্থাপিত হইয়াছে ; তাহা হইতে আমি মুক্তিলাভ করিতে পারিব বলিয়া কি আপনার বিশ্বাস হইয়াছে ?”

মিঃ ব্লেক বলিলেন, “মিস্ মার্গার, আমার ধারণা এই গুরুতর অভিযোগ

হইতে আপনাকে মুক্তিমান করা, আপনার কলঙ্ক দূর করা, আমার পক্ষে অসম্ভব হইবে না ; তবে কাজটি সহজ নহে, ইহা স্বীকার করিতে হইবে। বাহা হউক, আপনি সেজন্য নিরাশ হইবেন না ; আপনি তা জানেন, রোম নগরী একদিনে নির্মিত হয় নাই। আমাকে এখনও অনেক পরিশ্রম করিতে হইবে ; বহু রহস্য-ভেদের আবশ্যক হইবে। আমাকে কোন্ পথে চলিতে হইবে, তাহা আপনার জানিবার আবশ্যক নাই। চিকিৎসক রোগীর চিকিৎসায় কোন্ প্রণালী অবলম্বন করিবেন, তাহা রোগীকে জ্ঞাপন করা অনাবশ্যক ; এ কথা আপনার শ্রায় সূচিকিৎসককে বলাই বাহুল্য। বাহা হউক, আমি এখন আপনাকে ছই একটি কথা জিজ্ঞাসা করিব ; গতরাতে আপনি যখন লণ্ডনে গমন করেন, সে সময় আপনি আপনার সিন্দুকে কিছু টাকা রাখিয়া গিয়াছিলেন কি ?”

মিস্ মার্সার বলিলেন, “হাঁ মহাশয়, আমি হাতখরচের জন্য কিছু টাকা রাখিয়া অবশিষ্ট টাকা ব্যাঙ্কে পাঠাই, কালও সিন্দুকে কিছু টাকা ছিল।”

মিঃ ব্লেক বলিলেন, “কত টাকা ছিল ?”

মিস্ মার্সার বলিলেন, “সিন্দুকের একটি খোপে একখানি পাঁচ পাউণ্ডের নোট এবং ঐ পরিমাণ খুচরা নোট রাখিয়াছিলাম।—মহাশয় ! এসকল কথা আর আমার ভাল লাগিতেছে না ; আমার অবস্থা কিরূপ শোচনীয়, আপনি তাহা বুঝিতে পারিতেছেন। আমার মান সম্বন্ধ সমস্তই নষ্ট হইবার উপক্রম হইয়াছে, জীবনরক্ষা হইবে কি না তাহাও সন্দেহ ; যে কলঙ্কসাগরে ডুবিতে বসিয়াছি, তাহা হইতে উদ্ধার লাভের আশা সুদূরপর্যায়ত। পুলিশ দ্বয়ের কথা, সার চার্লস রিডার, এমন কি, আমার কম্পাউণ্ডার পর্যন্ত সন্দেহ করিতেছে, বৃদ্ধ জমিদারকে হত্যা করিবার জন্য এই কুকর্ম আমিই করিয়াছি ! হাঁ, সকলেই আমাকে সন্দেহ করিতেছে ; কেবল মাত্র প্রিয়তম জ্যাকের ধারণা আমি নিরপরাধ। তাঁহার আশ্বাস বাক্যে বিশ্বাস স্থাপন করিয়াই আমি এখন পর্যন্ত প্রকৃতিস্থ আছি ; তাঁহার বিশ্বাস হারাইলে আমি বোধ হয় পাগল হইতাম !”

মিঃ ব্লেক বলিলেন, “ডাক্তার মার্সার, এসময় আপনি এরূপ বিহ্বল হইলে চলিবে না। আপনি যে নিরপরাধ, ইহা প্রতিপন্ন করিতে হইলে আপনার আশ-

নির্ভরের সম্পূর্ণ আবশ্যক ; এখন আপনাকে মাথা ঠাণ্ডা রাখিয়া অবিচলিতচিত্তে কাজ করিতে হইবে, তাহাতেই আপনার মঙ্গল ; আপনি বুদ্ধিমতী, পণ্ডিতা, আপনাকে অধিক উপদেশ দেওয়া অনাবশ্যক। আপনি আপনার সিন্দুকটি খুলুন, সিন্দুকের ভিতর গতকল্য যে টাকা রাখিয়াছিলেন, তাহা আছে কি না দেখুন।”

মিস্ মার্সার বলিলেন, “কেন, এ সবক্কে আপনার কি কোন সন্দেহ আছে ?”

মিঃ ব্লেক বলিলেন, “সন্দেহ না থাকিলে কি আপনাকে টাকাগুলি দেখিতে বলিতেছি? শীঘ্র সিন্দুক খুলুন।”

ডাক্তার ইসোবেল মার্সার তৎক্ষণাৎ সিন্দুকটি খুলিলেন, এবং তাহার একটি খোপের ভিতর হাত পুরিয়া দিলেন; সঙ্গে সঙ্গে তাহার মুখ হইতে বিশ্বাস-সূচক অক্ষুটধ্বনি উখিত হইল।

মিঃ ব্লেক বলিলেন, “কি হইল ?”

মিস্ মার্সার হাত টানিয়া লইয়া বলিলেন, “আর হইবে কি, আপনার অসুস্থমানই সত্য, সিন্দুকে কিছুই নাই!”

মিঃ ব্লেক বলিলেন, “আমিও তাহাই মনে করিয়াছিলাম। যাহা হউক, আপনাকে আর একটি কথা জিজ্ঞাসা করিব, এ অঞ্চলে কোনও আফিংখোর আছে কি না আপনি জানেন কি? ইংরাজের মধ্যে আফিংখোরের সংখ্যা অধিক নহে; সুতরাং দুই একজন এরূপ লোক থাকিলে, তাহাদের এই বদ-অভ্যাসের কথা গোপন থাকে না; এইজন্যই আপনাকে কথাটা জিজ্ঞাসা করিলাম। হয় ত আপনি দুই একটি আফিংখোর রোগীর চিকিৎসা করিয়াও থাকিতে পারেন।”

মিস্ মার্সার ক্ষণকাল চিন্তা করিয়া বলিলেন, “না, এরূপ কোন লোককে জানি বলিয়া আমার স্মরণ হয় না; আপনি একথা কেন জিজ্ঞাসা করিতেছেন?”

মিঃ ব্লেক বলিলেন, “কারণ যে ব্যক্তি গতরাতে আপনার এই কক্ষে গোপনে প্রবেশ করিয়া আপনার টাকাগুলি চুরি করিয়াছে ও প্রেসক্রিপ্শনখানিতে বর্কইনের মত্যা অধিক করিয়া লিখিয়া রাখিয়া গিয়াছে, সে আফিংখোর; তবে সে

কাঁচা খায় কি পাকা খায়, তাহা স্থির করিতে পারি নাই, তবে সে খায় বটে। আমি কোন্ প্রমাণে এই সিদ্ধান্তে উপনীত হইয়াছি, তাহা আপনার আপাততঃ জানিবার আবশ্যক নাই। যাহা হউক, আপনি পুনর্বার চিন্তা করিয়া দেখুন, এরূপ কোন লোককে জানেন কি না।”

মিস্ মার্শার নতমস্তকে দুই তিন মিনিটকাল চিন্তা করিয়া বলিলেন, “কিছুদিন পূর্বে আমি এই গ্রামের একটি ডাক্তারের অফিসে সেবনের অভ্যাসের কথা শুনিয়াছিলাম; এই কদর্য অভ্যাসের জন্য তাঁহার মানসস্থল নষ্ট হইয়া ছিল। এমন কি, তাঁহার যে পসার প্রতিপত্তি ছিল, তাহাও এভাবে নষ্ট হইয়াছিল যে, অবশেষে তাঁহাকে ব্যবসায় পরিত্যাগ পূর্বক এখান হইতে পলায়ন করিতে হইয়াছিল।”

মিঃ ব্লেক সোৎসাহে বলিলেন “এই গ্রামের একজন ডাক্তার! তাঁহার এই রকম বদ অভ্যাস ছিল? এই ডাক্তারটির সহিত আপনার কি পরিচয় ছিল?”

মিস্ মার্শার বলিলেন, “তিনি এই গ্রামেই ডাক্তারী করিতেন। আমি এখানে ডাক্তারী আরম্ভ করিবার পূর্বে তাঁহার একচেটে পসার ছিল; আমি ডাক্তার হইয়া আসিবার পর তাঁহার সহিত আমার আলাপ হইয়াছিল।”

মিঃ ব্লেক বলিলেন, “লর্ড ওয়ারিংএর সহিত তাঁহার আলাপ পরিচয় ছিল কি?”

মিস্ মার্শার বলিলেন, “বিলক্ষণ ছিল; তিনিই লর্ড ওয়ারিংএর পারিবারিক চিকিৎসক ছিলেন।”

মিঃ ব্লেক বলিলেন, “আপনি কি বলিতে পারেন লর্ড ওয়ারিংএর মৃত্যুতে এই ডাক্তারটির কোন স্বার্থ ছিল কি না?”

মিস্ মার্শার বলিলেন, “এরূপ এক সময় ছিল যখন লর্ড ওয়ারিংএর মৃত্যু হইলে এই ডাক্তারটি যথেষ্ট লাভবান হইতে পারিতেন; কিন্তু তাঁহার বুদ্ধির সর্বোচ্চ উচ্চারণ লাভের আশা বিলুপ্ত হয়। লর্ড ওয়ারিংএর মৃত্যুতে এখন আর তাঁহার কোন লাভ নাই।”

মিঃ ব্লেক বলিলেন, “আপনার কথার মর্ম বুঝিতে পারিলাম না, আপনি সকল কথা পরিষ্কার করিয়া বলুন।”

মিস্ মার্সার বলিলেন, “লর্ড ওয়ারিংএর সহিত এই ডাক্তারটির বড়ই প্রণয় ছিল ; লর্ড ওয়ারিং তাঁহার এতই পরপাতী হইয়াছিলেন যে, উইলে তাঁহাকে পঁচাত্তর হাজার টাকা দান করিয়া যান ; কিন্তু একটা চিকিৎসা-ব্যাপারে এই ডাক্তারটি লর্ড ওয়ারিংএর সহিত একরূপ দুর্ব্যবহার করেন যে, লর্ড ওয়ারিং ডাক্তারকে বঞ্চিত করিয়া সেই টাকা আমার নামে উইল করিয়া যান। ডাক্তার লর্ড ওয়ারিংএর সহিত সদ্ব্যবহার করিলে, বৃদ্ধ জমিদারের মৃত্যুর পর টাকাগুলি লাভ করিতে পারিতেন। আমার উহা পাইবার কোন সম্ভাবনা ছিল না ; ঘটনাক্রমে উইলের এই পরিবর্তন ঘটিয়াছিল।”

মিস্ মার্সারের কথা শুনিয়া মিঃ ব্লেক অত্যন্ত উৎসাহিত হইয়া উঠিলেন, এবং একখানি চেয়ার টানিয়া মিস্ মার্সারকে তাহাতে বসিতে অনুরোধ করিয়া বলিলেন, “মিস্ মার্সার, আমার বিশ্বাস প্রকৃত অপরাধীর সন্ধান হইতে বিলম্ব হইবে না। এই আফিংখোর ডাক্তারটির সম্বন্ধে আপনি বাহা বাহা জানেন সমস্তই আমাকে বলুন।”

মিঃ ব্লেক এতক্ষণ দাঁড়াইয়া কথা বলিতেছিলেন, এতক্ষণ পরে তিনিও একখানি চেয়ারে উপবেশন করিলেন ; মিস্ মার্সার তাঁহার সম্মুখে আর একখানি চেয়ারে বসিলেন। অদূরে একখানি টেবিল ছিল, মিঃ গার্ভি সেই টেবিলের উপর বসিলেন ; সকল কথা শুনিবার জন্য তাঁহারও অত্যন্ত আগ্রহ হইয়াছিল ; তিনি বিশ্বস্তরে মিস্ মার্সারের মুখের দিকে চাহিয়া রহিলেন।

মিস্ মার্সার বলিতে লাগিলেন, “কয়েক বৎসর পূর্বে মেডিকেল কলেজের শেষ পরীক্ষার উত্তীর্ণ হইয়া আমি এই গ্রামে ডাক্তারী করিতে আসি। আমি এইখানেই স্থায়ী ভাবে ডাক্তারী করিব, এইরূপ সঙ্কল্প করিয়াছিলাম। সেই সময় ডাক্তার রেভিনাল্ড বোকাল এখানে ডাক্তারী করিতেন ; গ্রামে তখন তাঁহার অখণ্ড পসার।

“ইচ্ছাপূর্বক অন্য লোকের ক্ষতি করা চিরদিনই আমার স্বভাববিরুদ্ধ ;

এখানে ব্যবসার আরম্ভ করিবার সময় একথা একবারও আমার মনে হয় নাই যে, আমার ন্যায় একজন অল্পবয়স্ক নূতন ডাক্তার—বিশেষতঃ লেডি ডাক্তার, এখানে ব্যবসার আরম্ভ করিলে ডাক্তার বোকালের কোন ক্ষতি হইবে। লন্হাম গ্রাম-খানি ক্ষুদ্র বটে, কিন্তু এখানে অনেক সমৃদ্ধ লোকের বাস; সুতরাং আমাদের উভয়েরই এখানে ব্যবসা চলিবে বলিয়া আমার ধারণা ছিল।

“বাহা হউক, আমার ডিস্‌পেন্সারী খুলিবার দুই চারিদিন পরেই আমি জানিতে পারিলাম, আমি ডাক্তার বোকালের চক্ষুশূল হইয়াছি! তিনি যেখানে-সেখানে আমার নিন্দা করিয়া বেড়াইতেন; আমি ফাঁকি দিয়া পাশ করিয়াছি, চিকিৎসার কিছুই বুঝি না, এইরূপ কত কথাই বলিতেন; এমন কি, আমার চরিত্রে দোষারোপ করিয়া, আমি যে ভদ্র পরিবারের চিকিৎসা করিবার যোগ্য নহি,—একথা বলিতেও কুণ্ঠিত হইতেন না! সে সকল কথাই আমি শুনিতে পাইতাম, কিন্তু তাঁহার কোন কথার প্রতিবাদ করিতাম না; যখন আমি দেখিতাম, দরিদ্র রোগীদিগকে তিনি অত্যন্ত ঘৃণা করিতেন, তখন দিয়া তাহাদের চিকিৎসা করিতেন না; এমন কি, কঠিন রোগাক্রান্ত গল্পীবাসীরা পুনঃ পুনঃ ডাকিয়াও তাঁহার দর্শন পাইত না; সুতরাং তাহারা যগত্যা আমাকেই ডাকিতে আরম্ভ করিল। আমি সবলে তাহাদের চিকিৎসা করিতাম, দরিদ্রগণকে নির্যাতন করিয়া টাকা আদায় করিতাম না; ঔষধের মূল্যও যথাসম্ভব অল্প লইতাম। এই সকল কারণে কিছুদিনের মধ্যেই গ্রামে আমার বেশ পশার-প্রতিপত্তি হইল; কিন্তু আমার প্রতি ডাক্তার বোকালের ক্রোধ ও হিংসা বর্দ্ধিত হইল।

“এই ভাবে কিছু দিন চলিয়া গেল। তখন পর্য্যন্ত লর্ড ওয়ারিংএর সহিত আমার ঘনিষ্ঠভাবে আলাপ পরিচয় হয় নাই; তিনি গ্রামের জমিদার, আমি ডাক্তার,—এই সূত্রে সামান্ত আলাপ পরিচয় হইয়াছিল মাত্র। লর্ড ওয়ারিংএর একটি শিশু কন্যা ছিল; মাতৃহীনা বালিকাটিকে তিনি প্রাণের দুর্ধক দেখ করিতেন। বিশেষ সাবধানতা সত্বেও শীতকালের একদিন এই বালিকাটির হঠাৎ সর্দি লাগে, অবশেষে সে নিউমোনিয়ার আক্রান্ত হয়।

“ডাক্তার বোকাল তখন লর্ড ওয়ারিংএর পারিবারিক চিকিৎসক, আমি কোনদিন তাঁহার গৃহে চিকিৎসা করিতে বাই নাই; তাঁহার কল্পা যে নিউমোনিয়ার আক্রান্ত হইয়াছে, তাহাও জানিতাম না। ‘বাহা হউক, রোগীর অবস্থা একদিন রাত্তিকালে অত্যন্ত সঙ্কটজনক হইল। সেই সময় ষথাযোগ্য ঔষধ পড়িলে হয় ত অবস্থা কিরিতে পারিত, কিন্তু ডাক্তার বোকাল তখন রোগীর নিকট উপস্থিত ছিলেন না। লর্ড ওয়ারিং অত্যন্ত ব্যাকুলভাবে তাঁহাকে টেলিফোঁ করিলেন; কিন্তু ডাক্তারের কোন সাড়া পাইলেন না। তখন—শীতের সেই গভীর রাত্রে লর্ড ওয়ারিং প্রাণাধিকা হুহিতার প্রাণরক্ষার জন্য স্বয়ং পদব্রজে ডাক্তার বোকালের গৃহে উপস্থিত হইলেন; কিন্তু বিস্তর ডাকাডাকি করিয়াও ডাক্তারের সাড়া পাইলেন না! তিনি অগত্যা বলপূর্বক ডাক্তারের শয়ন-কক্ষে প্রবেশ করিয়া দেখিলেন, ডাক্তার শযায় শয়ন করিয়া আছেন, কিন্তু তাঁহার অবস্থা শোচনীয়;—চণ্ডুর নেশায় তিনি তখন অচেতন! লর্ড ওয়ারিং বিস্তর চেষ্টা করিয়াও তাঁহাকে জাগাইতে পারিলেন না; ডাক্তারের নেশা ভাঙ্গিল না। তখন লর্ড ওয়ারিং নিদারুণ হুশিয়ার কিপুপ্রায় হইয়া ঝড়বৃষ্টি মাথার করিয়া দৌড়াইতে দৌড়াইতে আমার গৃহে আসিলেন, এবং অশ্রুপূর্ণনেত্রে তাঁহার বিপদের কথা আমার গোচর করিলেন। আমি তৎক্ষণাৎ তাঁহার সহিত তাঁহার অট্টালিকায় যাত্রা করিলাম; কিন্তু আমার সকল শ্রম বৃথা হইল। সেখানে উপস্থিত হইয়া দেখিলাম, আমার পৌছিবার কয়েক মিনিট পূর্বেই বালিকাটির মৃত্যু হইয়াছে।

‘বাহা হউক, ডাক্তার বোকালের নেশা ছুটিলে তিনি উঠিয়া কোনরকমে লর্ড ওয়ারিংএর গৃহে উপস্থিত হইলেন। বালিকাটি তখন মৃত্যুশযায় পড়িয়াছিল; লর্ড ওয়ারিং তখন কল্পাশোকে উন্মত্তপ্রায়। তিনি ডাক্তার বোকালকে দেখিরাই ক্রোধে অগ্নি উঠিলেন; তাঁহাকে তৎক্ষণাৎ তিনি তাঁহার গৃহ হইতে বিতাড়িত করিলেন। লর্ড ওয়ারিং তাঁহার কল্পার মৃত্যু শব্দ্যার পাশে দাঁড়াইয়া প্রতিজ্ঞা করিলেন, তিনি তাঁহার উইলের পরিবর্তন করিবেন; এবং ডাক্তারকে গ্রাম হইতে না তাড়াইয়া ক্ষান্ত হইবেন না।”



মিঃ ব্লেক বলিলেন, “লর্ড ওয়ারিং কি তাঁহার এই প্রতিজ্ঞা পালন করিয়াছিলেন ?”

মিস্ মার্শার বলিলেন, “নিশ্চয়ই। লর্ড ওয়ারিং ডাক্তার বোকালের মৌতাতের কথা সকলের নিকট প্রকাশ করিয়াছিলেন ; এবং ডাক্তার বোকাল অহিফেন-ধূমপানে কাণ্ডজ্ঞানবর্জিত হইয়া তাঁহার কি সর্বনাশ করিয়াছেন, তাহাও সকলকে জানাইয়াছিলেন। ডাক্তারের গুণের কথা শুনিয়া গ্রামের সমস্ত লোক তাঁহার উপর খড়াহস্ত হইয়া উঠিল, তাঁহার পসার-প্রতিপত্তি সমস্তই নষ্ট হইল ; লোকে তাঁহার ছায়াস্পর্শ করিতেও ঘৃণা বোধ করিতে লাগিল ! অবশেষে তিনি একদিন গোপনে গ্রামত্যাগ করিয়া পলায়ন করিলেন ; সেই অবধি তিনি আর এ গ্রামে আসেন নাই।”

মিঃ ব্লেক বলিলেন, “কেবল কাল রাত্রে আসিয়াছিল।”

মিস্ মার্শার সবিম্বরে মুখ তুলিয়া বলিলেন, “তবে কি আপনি বলিতে চান—”

মিঃ ব্লেক বাধা দিয়া বলিলেন, “সে এখানে আসিয়াছিল, এবং গোপনে আপনার এই কক্ষে প্রবেশ করিয়াছিল ; এ বিষয়ে আর আমার কিছুমাত্র সন্দেহ নাই। সে বোধ হয় প্রতিহিংসাবৃত্তি চরিতার্থ করিতেই আসিয়াছিল। সম্ভবতঃ সে আপনার উপর অত্যাচার করিত, কিংবা উৎপীড়ন করিয়া কিছু টাকা আদায়ের উদ্দেশ্যেই আসিয়াছিল।—আর এক কথা, গত রাত্রে আপনি কি এই কক্ষের জানালা খুলিয়া রাখিয়াছিলেন ?”

মিস্ মার্শার বলিলেন, “তাই ত ! জানালার কিড়কি বন্ধ করিবার কথা যে আমার মনেই ছিল না। এখন মনে পড়িতেছে, ঐ জানালার ভিতর দিয়াই আমার ভাই গত রাত্রে বাহির হইয়া গিয়াছিল ; তাহার পর আর জানালা বন্ধ করা হয় নাই।”

মিঃ ব্লেক বলিলেন, “হঁ, জানালা খোলা ছিল, বোকাল ঘরের বাহিরে পড়াইয়া ইহা লক্ষ্য করিয়া থাকিবে ; জানালা খোলা আছে দেখিয়া সে অতি সহজেই এই কক্ষে প্রবেশের সুবিধা পাইয়াছিল।”

মিস্ মার্সার বলিলেন, “স্বীকার করিলাম সে খোলা জানালা দিয়া এই কক্ষে প্রবেশ করিয়াছিল ; কিন্তু কি কৌশলে আমার সিন্দুক খুলিয়াছিল ? আমি কি উপায়ে আমার সিন্দুক খুলি ও বন্ধ করি তাহা আপনাকে বলিরাছি, কিন্তু তাহা যে না জানে তাহার পক্ষে এই সিন্দুক খোলা অসম্ভব ।— তবে সে কিরূপে আমার সিন্দুক খুলিল ?”

মিঃ ব্লেক বলিলেন,—“সে কথা আপনাদের টিরাপাথী ডোডোকে জিজ্ঞাসা করুন । ভাল কথা, আপনি যখন একাকী থাকেন, তখন কি আপনার আপন মনে কথা বলিবার অভ্যাস আছে ?”

মিস্ মার্সার বলিলেন, “হাঁ, আমার এক রকম বদ্ অভ্যাস আছে বটে, আমার মনে যে সকল চিন্তার উদয় হয়, তাহা মুখে প্রকাশ করিয়া ফেলি । বিশেষতঃ কোন্ কোন্ সংখ্যা পর পর রাখিয়া সিন্দুক বন্ধ করিতে হয়, তাহা স্মরণ রাখিবার জন্ত মধো মধো তাহা আমার আবৃত্তি করিবার অভ্যাস ছিল ।—এই অভ্যাসটি এরূপ প্রবল হইয়াছিল যে, অনেক সময়ে আমি আমার অজ্ঞাতসারেই তাহা উচ্চারণ করিতাম । হয় ত কোন একটা কাজ করিতেছি, সেইদিকেই আমার মন আছে ; তখনও ঐ সংখ্যাগুলি ফস্ করিয়া আমার মুখ হইতে বাহির হইয়া গিয়াছে !—কিন্তু এ অবস্থাতেও এই সিন্দুক খুলিয়া আমার সর্বনাশ করা অন্যের পক্ষে কিরূপে সম্ভব, তাহা বুঝিতে পারিতেছি না ।”

মিঃ ব্লেক বলিলেন, “আগামী কলা করোনারের আদালতে এই হত্যাকাণ্ড সম্বন্ধে তদন্তের সময় আপনি তাহা বুঝিতে পারিবেন । বাহা হউক, আমি আপনাকে এখন যে উপদেশ দিব—তাহা স্মরণ রাখিবেন । আপনি কোন কারণে উৎকণ্ঠিত বা ব্যাকুল হইবেন না ; তাহাতে আপনার ক্ষতি ভিন্ন লাভ নাই । যদি আমি ভুল বুঝিয়া না থাকি,—আর আমার দৃঢ় বিশ্বাস, আমার সিদ্ধান্তে কোন ভুল নাই,—তাহা হইলে এ কথা নিশ্চয় যে, বোকাল গত রাত্রে এখানে আসিয়া কোন উপায়ে আপনার সিন্দুক খুলিবার কৌশল জানিতে পারিয়া, আপনার সর্বনাশ করিয়া সরিয়া পড়িয়াছে ।

“সেই দুর্ভাগ্যবান সিন্দুক খুলিয়াই ডাক্তার ওয়ারিংএর ঔষধের প্রেসক্রিপ্-  
সন্থানি দেখিতে পার ; প্রেসক্রিপ্‌সনের উপরে লর্ড ওয়ারিংএর নাম  
দেখিয়াই সে কোতূহলী হইয়া উহা পাঠ করে।—আপনার কথা শুনিয়া সে  
বুঝিয়াছিল, লর্ড ওয়ারিংএর প্রতি সে অত্যন্ত ক্রুদ্ধ হইয়াছিল ; সম্ভবতঃ প্রতি-  
হিংসার সুযোগ খুঁজিতেছিল। প্রেসক্রিপ্‌সন্থানি পাঠ করিয়া সে বুঝিতে  
পারিল, লর্ড ওয়ারিংএর ও আপনার সর্বনাশ করিবার চমৎকার সুযোগ  
উপস্থিত ! এ সুযোগ কি সে ত্যাগ করিতে পারে ?—সে আপনার টাকা-  
গুলি আত্মসাৎ করিল ; তাহার পর প্রেসক্রিপ্‌সনের যে স্থানে মর্ফাইনের  
উল্লেখ ছিল তাহার পাশেই উহার মাত্রার পরিমাণ দেখিয়া, ‘৬’ সংখ্যাটির  
পাশে একটি ‘০’ বসাইয়া তাহার ভ্রুভিসন্ধি পূর্ণ করিল। সে বুঝিয়া-  
ছিল, যে প্রেসক্রিপ্‌সন্থানি আপনি এত সাবধানে সিন্দুকে বন্ধ করিয়া রাখিয়া-  
ছেন, ঔষধ প্রস্তুতের পূর্বে তাহা পুনর্বার পাঠ করা আপনি আবশ্যিক  
মনে করিবেন না।

“বোকাল বহদর্শী চিকিৎসক, বিশেষতঃ সে লর্ড ওয়ারিংএর ধাত  
বুঝিত ; সে বুঝিয়াছিল ৬০ কোঁটা মর্ফাইন উদরস্থ হইলে বৃদ্ধ জমিদারকে  
ইহলীলা শেষ করিতেই হইবে।—তাঁহার মৃত্যুর পর নিশ্চয়ই একটা  
গণ্ডগোল হইবে ; প্রেসক্রিপ্‌সন্থানিও ধরা পড়িবে।—তখন এই স্বেচ্ছাকৃত  
নরহত্যার অপরাধ আপনার ঘাড়েই পড়িবে, আপনি নরহত্যাপরাধে অভি-  
যুক্ত হইবেন ; সমস্ত প্রমাণই আপনার বিরুদ্ধে।”

মিঃ ব্লেকের কথা শুনিয়া মিঃ গার্ভি উত্তেজিত ভাবে বলিলেন, “উঃ, কি  
নরপিশাচ ! এই দুর্ভাগ্যবানের অসাধ্য কাজ কিছুই নাই। তাহার পশার মাটি  
হইয়াছে—তাহাকে যে আর কেহ ডাকে না, ইহা ভালই হইয়াছে।”

অনন্তর মিঃ গার্ভি তাঁহার পকেট হইতে চেক-বহিখানি বাহির করিয়া  
তাঁহার একটি পাতার ‘কাউন্টেন্‌ পেন’ দিয়া কি লিখিলেন ; তাহার পর সেই  
পাতাটি ছিঁড়িয়া লইয়া মিঃ ব্লেককে বলিলেন, “মহাশয়, আপনি আমাদের  
অন্য যথেষ্ট কষ্ট স্বীকার করিয়াছেন, এখনও করিতেছেন ; দয়া করিয়া যদি

আমাদের আর একটু উপকার করেন, তাহা হইলে আমি বড়ই অমুগ্ধীত হইব।”

মিঃ ব্লেক বলিলেন, “কি করিতে হইবে বলুন। আমার দ্বারা আপদের কোন উপকার হইলে নিশ্চয়ই তাহাতে কুণ্ঠিত হইব না।”

মিঃ গার্ভি বলিলেন, “আপনি লণ্ডনের একজন সম্ভ্রান্ত ব্যক্তি, লণ্ডন সহরের অনেক বড় লোকের সঙ্গেই আপনার পরিচয় আছে। আপনি লণ্ডনের সুপ্রসিদ্ধ ব্যাকার মেসার্স কোট্‌স্‌ এণ্ড কোম্পানীকে জানেন না কি?”

মিঃ ব্লেক বলিলেন, “তা আর জাৰি না?—এই ফারমের কর্তা মিঃ সামুয়েল কোট্‌স্‌ আমার বিশেষ বন্ধু।”

মিঃ গার্ভি বলিলেন, “তাই না কি!—তাহা হইলে দয়া করিয়া একটি কাজ করুন; আপনার চেষ্ঠায় মিস্‌ মার্সার যদি নিরপরাধ প্রতিপন্ন হন ও মুক্তিলাভ করেন, তাহা হইলে তাহার ভবিষ্যৎ জীবন সুখময় করিবার জন্যই আপনাকে অমুরোধ করিতেছি, আপনি এই পনের হাজার টাকার চেকখানি লইয়া গিয়া মিঃ কোট্‌স্‌কে—”

মিস্‌ মার্সার এই কথা শুনিয়াই তাড়াতাড়ি উঠিলেন, এবং মিঃ গার্ভির দক্ষিণ হস্তখানি ধরিয়া ব্রীড়ারক্ৰিম মুখে আবেগ ভরে বলিলেন, “না, জ্যাক, তুমি কোন মতেই এ কাজ করিতে পারিবে না; আমি তোমাকে এ ভাবে কৃতগ্ৰস্ত হইতে দিব না।—আমি আমার ভাইকে ভালবাসি; সে যাহাতে জেলে না যায়—তাহার উপায় করা আমার অবশ্য কর্তব্য, ইহাও স্বীকার করি;—এবং জানি তাহার দুর্নামে আমাদের বংশ কলঙ্কিত হইবে, কিন্তু তাহাকে বাঁচাইবার জন্য তোমাকে টাকা খরচ করিতে দিব না।”

মিঃ গার্ভি মিস্‌ মার্সারকে ধরিয়া জোর করিয়া চেয়ারে বসাইয়া মেহোষেলিত স্বরে বলিলেন, “ইসোবেল, তোমার ভাইকে বাঁচাইবার জন্য আমাকে এই বৎসামান্য অর্থব্যয় করিতে দেখিয়া তুমি কেন এত কুষ্ঠা বোধ করিতেছ? প্রিয়তমে, তোমার সুখের জন্য আমি কোন কার্যে পরাধীন? এ জন্য

সামান্য পনের হাজার টাকা ব্যয় ত অতি তুচ্ছ কথা!—আবশ্যক হইলে এ উল্লু আমি আমার যথাসম্ভব ব্যয় করিতেও পশ্চাৎপদ নহি। সত্য, এখনও তোমার সহিত আমার বিবাহ হয় নাই; কিন্তু বিবাহের পর আমার সর্বস্ব ত তোমারই হইবে।—এ বিপদ কি তোমার একার?—তোমার বিপদ কি আমারও বিপদ নহে? তোমার ভাই জেলে পড়িলে আমারও কি মাথা হেট হইবে না?—তুমি বুদ্ধিমতী হইয়াও এ কথা বুঝিতে পারিতেছ না!—না, আর আমাকে বাধা দিও না।—মিঃ ব্লেক, আপনি এই টাকা লইয়া আপনার বন্ধু মিঃ সামুয়েল কোটসের সহিত যথাসম্ভব শীঘ্র সাক্ষাৎ করিবেন; যাহাতে রাল্ফ মার্শার এ বিপদ হইতে উদ্ধার লাভ করিতে পারে—তাঁহার সহিত পরামর্শ করিয়া আপনাকে তাহার একটা উপায় করিতেই হইবে। বোধ হয় তিনি আপনার অনুরোধ অগ্রাহ্য করিতে পারিবেন না; টাকাগুলি পাইলেই সম্ভবতঃ আর তিনি সে বেচারাকে লইয়া টানাটানি করিবেন না।”

মিঃ ব্লেক মিঃ গার্ভির মহত্বের পরিচয়ে মুগ্ধ হইলেন; তিনি তাঁহার নিকট হইতে চেকখানি লইয়া বলিলেন, “আপনার কোন চিন্তা নাই, আমি যেমন করিয়া পারি সামুয়েলকে রাজী করিব; কিন্তু আর বিলম্ব করিলে চলিবে না, আমি এই মুহূর্তেই লওনে চলিলাম। আপনারা নিশ্চিন্ত হউন।”

মিঃ ব্লেক তৎক্ষণাৎ সেই কক্ষ হইতে নিষ্ক্রান্ত হইলেন। মিস মার্শার তাঁহার প্রিয়তমের কণ্ঠালিঙ্গন পূর্বক তাঁহার স্বন্ধে মস্তক স্থাপন করিয়া নিরবে অশ্রুবর্ষণ করিতে লাগিলেন; তাঁহার হৃদয়ভার পূর্বাগেকা অনেক লঘু হইল।

## অষ্টম পরিচ্ছেদ

শ্মিঃ ব্লেকের নিকট বিদায় লইয়া শ্মিথ রেলযোগে লিভারপুলট্রীট ষ্টেশনে উপস্থিত হইয়া টাইগারকে পূর্কোক্ত কমান্ডের অধিকারীর সন্মানে নিযুক্ত করিল। টাইগার কমান্ডখানির আশ্রয় লইয়া পুনর্বার চলিতে আরম্ভ করিল। সে ষ্টেশনের প্ল্যাটফর্মে ছই চারিবার ঘুরিয়া, যে পথে প্ল্যাটফর্ম হইতে বাহির হইল, শ্মিথও সেই পথে তাহার অনুসরণ করিল।

লণ্ডনের লাইন্স হাউস্ নামক পল্লীটি কলিকাতার বেটিং-ষ্ট্রীটের মত লণ্ডন-প্রবাসী চীনাম্যানদের আড্ডা ; টাইগার নানা পথ ঘুরিয়া সেই পল্লীর অভিমুখে চলিল ; কিন্তু সে তেমন দ্রুত অগ্রসর হইতে পারিল না, কারণ সেই সকল পথ দিয়া বহুলোকের গমনাগমনে গন্ধ বিক্ষিপ্ত হইয়াছিল ; বাহা হউক, কমান্ডখানি শ্মিথের সঙ্গে থাকায় তাহার আশ্রয় লইয়া 'ব্লড্ হাউস্' টাইগার গন্তব্যপথে অগ্রসর হইতে সমর্থ হইল।

লাইন্স হাউস্ নামক পল্লীতে উপস্থিত হইয়া টাইগার একটি সঙ্কীর্ণ গলির সম্মুখে আসিয়া থামিল ; এই গলির অভ্যন্তরে নিম্ন শ্রেণীর বহুলোকের বাস। টাইগার গলির মোড়ে ছই একবার ঘুরিয়া গলির ভিতর প্রবেশ করিল। শ্মিথ তাহার অনুসরণ করিয়া দেখিতে পাইল, পথের ছই দিকে অবস্থিত ক্ষুদ্র ক্ষুদ্র গৃহের দ্বারদেশে কতকগুলি নিষ্কর্মী লোক দলবদ্ধভাবে দাঁড়াইয়া চুরুট টানিতেছে, ও তুচ্ছ কথা লইয়া হো হো করিয়া করিয়া হাসিতেছে ! কোথাও বা পতিতা রমণীর দল শিকারানুসন্ধানে দ্বারের নিকট বসিয়া আছে, এবং গল্প করিতে করিতে অবশেষে তুমুল কলহে প্রবৃত্ত হইয়াছে। নিকটে একটি নর্দমা ছিল ; কতকগুলি ছোট ছোট ছেলে-মেয়ে খালিপারে ও অর্কোলস্ দেহে সেই নর্দমার নাথিয়া পরস্পরের গাড়ে কর্দম নিক্ষেপ করিতেছে।—পল্লীর এইরূপ অবস্থা দেখিয়া শ্মিথের মন বড়ই-  
দমিয়া গেল।

টাইগার সেই গলি পার হইয়া একটি প্রশস্ত গলিতে প্রবেশ করিল; এই গলির মোড়ে একজন কন্ঠেবল দাঁড়াইয়া পাহারা দিতেছিল। লণ্ডনের বহু সংখ্যক দস্যু তস্কর প্রবঞ্চক জালিয়াৎ ও ফৌজদারীর ফেরারি আসামী এই গলির ভিতর বাস করে। এই স্থানের অধিবাসিগণের প্রকৃতি এরূপ ভয়ানক যে, পুলিশ-কন্ঠেবলেরা দলবদ্ধ না হইয়া সেখানে প্রবেশ করিতে সাহস করে না! পাছে অপরিচিত ভদ্রলোকেরা ভ্রমক্রমে এই গলিতে প্রবেশ করিয়া বিপন্ন হন, এই জন্ত তাঁহাদিগকে সাবধান করিবার উদ্দেশ্যে কন্ঠেবলটি সেইস্থানে দাঁড়াইয়াছিল।

শ্বিথের পরিচ্ছদ ভদ্রজনোচিত ছিল; তাহাকে কুকুর সহ সেই গলিতে প্রবেশোদ্ভূত দেখিয়া কন্ঠেবলটি তাহার সম্মুখে আসিয়া দাঁড়াইল, এবং সসম্মুখে বলিল, “মহাশয়! এই গলিতে প্রবেশ করা ভদ্রলোকের পক্ষে নিরাপদ নহে; আপনি এ সময় এ গলিতে প্রবেশ করিলে নিশ্চয় বিপন্ন হইবেন। আপনি কোথা হইতে আসিতেছেন?”—এই কথা বলিয়াই কন্ঠেবলটি তাহার হস্তস্থিত আঁধারে লণ্ঠনটা শ্বিথের মুখের উপর ধরিল; সঙ্গে সঙ্গে সবিস্ময়ে বলিয়া উঠিল, “কি আশ্চর্য্য, এ যে দেখিতেছি মিঃ ব্লেকের সাক্ষরদ মিঃ শ্বিথ! আপনি কোন্ সাহসে জানিয়া-সুনিয়া এ সময় এ গলিতে প্রবেশ করিতেছেন?”

শ্বিথও এই কন্ঠেবলটিকে চিনিত; পরিচিত কন্ঠেবলকে এই কুস্থানে দেখিয়া তাহার একটু সাহস হইল। সে নিরন্তরে কন্ঠেবলটিকে বলিল, “তুমি ত জান, আমার মনিবের আদেশে আমাকে সকল স্থানেই বাইতে হয়; স্থান অস্থানের বিচার করা চলে না। আমার বোধ হয়, গলির লোকসুলা আমার সহিত ছুর্কাবহার করিবে না; হয় ত আমাকে দেখিয়াও দেখিবে না।”

কন্ঠেবল বলিল, “আপনাকে লক্ষ্য করিতে না পারে, কিন্তু আপনার সঙ্গে যে কুকুরটি আছে এরূপ কুকুর তাহারা সৰ্বদা দেখিতে পায় না; সুতরাং কুকুরটি দেখিলেই তাহারা হস্ত আরম্ভ করিবে। কেহ কেহ হয় ত উহার পশ্চাতে খোঁচা দিবে, তাহা হইলেই বিদ্রাট বাধিয়া বাইবে।”

শ্বিথ বলিল, “এ কথা মিথ্যা নহে ; কিন্তু আমার বতই অনুবিধা হউক, কুকুরটিকে সঙ্গে লইয়া যাইতেই হইবে। কুকুরটা একটা বদলোকের সন্ধানে যাইতেছে ; লোকটা কোথায় আছে তাহা দেখিবারি জন্য আমাকেও যাইতে হইবে।”

কন্ঠেবলটি অনিচ্ছাসহকারে বলিল, “আমি আপনাকে সাবধান করিয়া দিলাম ; তথাপি আপনি যদি আমার উপদেশ অগ্রাহ্য করিয়া বিপদে পড়েন, তাহা হইলে আমার কোন জোষ নাই। যাহা হউক, আপনি আমার এই বাণীটা রাখুন, যদি হঠাৎ কেহ আপনাকে আক্রমণ করে, কি অন্য কোনও কারণে পুলিশের সাহায্য গ্রহণের আবশ্যক হয় ; তাহা হইলে আপনি খুব জোরে এই বাণীতে ফুঁ দিবেন।—সেই শব্দ শুনিতে পাইলেই আমরা দলবলে আপনার সাহায্যার্থ উপস্থিত হইব।”

শ্বিথ বলিল, “তোমার এই উপকার আমার স্মরণ থাকিবে ; কিন্তু তোমার উদ্বেগ অনাবশ্যক। আমি যথাসম্ভব সাবধানেই যাইব।”

শ্বিথকে গলির মোড়ে দাঁড়াইয়া কন্ঠেবলের সহিত আলাপ করিতে দেখিয়া টাইগার অত্যন্ত অধীরতা প্রকাশ করিতে লাগিল। গলিটি অন্ধকারপূর্ণ।

শ্বিথ কন্ঠেবলের সহিত কথাবার্তা শেষ করিয়া দুই একপদ অগ্রসর হইবামাত্র টাইগার সেই অন্ধকারাচ্ছন্ন গলির ভিতর সবেগে ধাবিত হইল ; অগত্যা শ্বিথকেও দ্রুতবেগে তাহার অনুসরণ করিতে হইল।

যাহা হউক, টাইগার অধিকদূর গমন করিল না ; গলির মোড় হইতে দশ বার গজ দূরে একটি হোটেল ছিল, এই হোটেলটি বত ইতর লোকের আড্ডা। টাইগার সেই হোটেলের দ্বারদেশে উপস্থিত হইয়া থামিল ; তাহার পর সেই স্থানে কয়েকবার নত মুখে ঘুরিয়া বেড়াইল।

শ্বিথ বুঝিল, টাইগার গন্ধ হারাষ্টরাছে ! সে তৎক্ষণাৎ তাহার পকেট হইতে পুরোনো কুমালখানি বাহির করিয়া আর একবার তাহা টাইগারের নাকের কাছে আন্দোলিত করিল, সঙ্গে সঙ্গে বলিল, “চল বেটা ! এখানে ঘুরিয়া কি কল ?”



টাইগার শিখের কথা বুঝিল কি না বলিতে পারি না, কিন্তু সে আরও কয়েক পদ অগ্রসর হইয়া সেই হোটেলের আর একটি দরজায় হিরতাবে দণ্ডায়মান হইল, এবং শিখের মুখের দিকে সাগ্রহে চাহিতে লাগিল।

শিখ অশ্রুটস্বরে বলিল, “তবে কি লোকটা এই হোটেলেরই আছে? বোধ হয় সে ট্রেন হইতে নামিয়া সোজা এইখানেই আসিয়াছে; কিন্তু তোকে লইয়া এখন এই বদমাইসের আড্ডায় প্রবেশ করা হইবে না; তাহাতে কাজ নষ্ট হইতে পারে। চল তোকে দূরে রাখিয়া আসি।”

শিখ টাইগারের শিকল ধরিয়া সেই গলির মোড়ে ফিরিয়া আসিল। কন্টেবলটি তখনও সেইস্থানে দাঁড়াইয়া ছিল; শিখ তাহাকে বলিল, “আমি যে লোকটির সন্ধানে বাহির হইয়াছি, সে কোথায় আছে তাহা জানিতে পারিয়াছি; সুতরাং কুকুরটাকে আর সঙ্গে রাখিবার আবশ্যক নাই। তুমি আমার একটু উপকার করিবে?”

কন্টেবল বলিল, “কি করিতে হইবে বলুন, আমি সাধ্যানুসারে আপনার সাহায্য করিব।”

শিখ বলিল, “তুমি কয়েক মিনিট এই কুকুরটাকে ধরিয়া রাখ, আমি যথা সম্ভব শীঘ্র ফিরিয়া আসিব; তবে যদি সেই লোকটা শীঘ্র হোটেল হইতে বাহির না হয়, তাহা হইলে আমার বিলম্ব হইতেও পারে। তুমি পাহারা বদল না হওয়া পর্য্যন্ত এখানে আছ ত?”

কন্টেবল বলিল, “সে জন্ত আপনার কোন চিন্তা নাই, কুকুরটাকে আমার জিবার রাখিয়া আপনি নিশ্চিত মনে বাইতে পারেন; বাহা হউক, আপনি বাহার সন্ধানে বাহির হইয়াছেন, সে লোকটার অপরাধ কি?”

শিখ বলিল, “নরহত্যা বা ঐপ্রকার কোন গুরুতর অপরাধ, আমি ঠিক জানি না; তবে তোমাকে যদি এ সম্বন্ধে কোন রিপোর্ট করিতে হয়, তাহা হইলে তুমি তোমাদের দারোগাকে বলিবে—মিঃ ব্লেক এ সম্বন্ধে সকল কথা পরে তাঁহাকে জানাইবেন।”

কন্টেবলটি শিখের হাত হইতে কুকুরের শিকল লইয়া বলিল, “আপনি

খুশী আসামী ধরিতে বাইতেছেন? সাবধান হইয়া বাইবেন। একে এই ভয়ানক পন্নী, তাহার উপর খুশী আসামী; শেষে আপনাকে খুন হইতে না হর!”

শ্রীধ কন্ঠেবলটিকে ধন্তবাদ দিয়া পুনর্বার সেই হোটেলের সম্মুখে উপস্থিত হইল। সে যে ব্যক্তির অনুসরণ করিয়াছিল, তাহাকে চিনিত না; কিন্তু লোকটির আকার প্রকার কিরূপ তাহা সে লন্হাম ষ্টেশনের বুকিং-ক্লার্কের নিকট শুনিয়া লইয়াছিল। সে শুনিয়াছিল, লোকটার লম্বা কাল দাড়ী আছে, এবং তাহার কোটের নীচে কামিজ নাই। যিঃ ব্লেকও তাহাকে বলিয়াছিলেন, লোকটির একখানি পা বিকৃত। সুতরাং তাহার বিশ্বাস ছিল, দেখিলেই সে তাহাকে চিনিতে পারিবে। তাহার জুতাভোড়াটা অত্যন্ত পুরাতন ও জীর্ণ এবং তাহার গোড়ালী ক্রমপ্রাপ্ত, এ কথাও তাহার স্মরণ ছিল।

শ্রীধ হোটেলের দ্বারে দাঁড়াইয়া কি ছলে ভিতরে প্রবেশ করিবে তাহাই ভাবিতেছে, এমন সময় একটা লোক হোটেলের একজন চাকরের সহিত কলহ করিতে করিতে হোটেলের বাহিরে আসিল; কিন্তু তখন তাহার পা এরূপ কাঁপিতেছিল যে, সে পরে পদার্পণ করিবামাত্র পদাশ্রয় হইয়া ভূতলশায়ী হইল। তাহার অবস্থা দেখিয়া হোটেলের ভৃত্যটি সক্রোধে বলিল, “তোকে আর কখনও এখানে প্রবেশ করিতে দিব না।”

ভূপতিত লোকটি অতি কষ্টে উঠিয়া অফুটন্বরে বলিল, “যত ছোট লোকের আভা, আমি আর এখানে আসিতেছি না। চাকরে আমার অপমান করে! এমন হোটেলে বজ্রাঘাত হউক।”

তাহার পর সে বিড়-বিড় করিয়া বকিতে বকিতে ও টলিতে টলিতে গলির অভ্রদিকে চলিল।—হোটেলের ভৃত্যটি যখন দ্বার খুলিয়া তাহাকে হোটেল হইতে বাহির করিয়া দেয়, সেই সময় ককস্থিত দীপালোকে শ্রীধ তাহার আকারপ্রকার দেখিয়া লইয়াছিল। সে দেখিল, তাহার মুখে লম্বা কাল দাড়ী; মুখ শুক; চকু দুটি বস, তাহার চারিদিকে কালি পড়া; তাহার

কোটের বোতাম খোলা ; কোটের নীচে কামিজ নাই !—স্বিথ বুঝিল, এই লোকই বটে !

স্বিথ নিঃশব্দ পদসঞ্চারে লোকটির অনুসরণ করিল । স্বিথ সেই অন্ধকারেও, বুঝিতে পারিল, লোকটি একটু খোঁড়াইয়া চলিতেছে ; কিন্তু সে প্রকৃতই ঈষৎ খণ্ড, কি নেশার ঝোঁকে তাহার গমনভঙ্গি এইরূপ হইয়াছে, তাহা সে বুঝিতে পারিল না ।

লোকটি সেই গলি পার হইয়া একটি আলোকিত পথে উপস্থিত হইল ; স্বিথ চতুর্দিকে চাহিয়াই এই পথটি চিনিতে পারিল ; পথটির নাম, 'ইষ্ট ইণ্ডিয়া ডক্ রোড' ।

চলিতে চলিতে শীতল বাতাসে লোকটার নেশা অনেকটা ছুটিয়া গেল । সে তখন অপেক্ষাকৃত সচ্ছন্দভাবে চলিতে লাগিল । কিছু দূরে কয়েক-খানি নোংরা ছোট দোকান ছিল, দোকানগুলিতে মিটমিট করিয়া আলো জ্বলিতেছিল ; স্বিথ সেই ধূম্রাচ্ছন্ন মুহূ আলোকে দেখিল, লোকটি একটা দোকানের সম্মুখে আসিয়া থামিল । তাহার পর ইতস্ততঃ দৃষ্টিপাত করিয়া সেই দোকানে প্রবেশ করিল ।

স্বিথ দোকানের অদূরে তিন চারি মিনিট দাঁড়াইয়া রহিল, কিন্তু লোকটা আর দোকান হইতে বাহির হইল না । তখন স্বিথ সেই দোকানের সম্মুখে আসিয়া দেখিল, দোকানের গবাক্ষপথে কুড় কুড় কাচের আলমারির ভিতর চুরট, সিগারেট, তাম্বাকুট চূর্ণ প্রভৃতি সজ্জিত আছে ।—দোকানের উর্দ্ধদেশে কাঠকলকে একটি নাম লেখা আছে ।—সেই নামটি পাঠ করিয়া স্বিথ বুঝিল, দোকান স্বামীর নাম 'উ-ফং-সিট' নাম শুনিয়া পাঠক পাঠিকাও বোধ হয় বুঝিয়াছেন—ইহা চীনাভ্যাসের দোকান ।

স্বিথ দোকানখানির সম্মুখে ছই তিনবার পাদচারণ করিল । শেষবার সে দেখিল, একটি চীনাভ্যাস দোকানের দরজার দণ্ডায়মান রহিয়াছে ।—তাহার বিশ্বস্তর সূঁচি দেখিয়া স্বিথের চলৎশক্তি রহিত হইল ! সে সবিস্ময়ে তাহার সূঁচের দিকে চাহিয়া রহিল । এই চীনাভ্যাসটির পরিধানে পীতাম্ব

চিলা পারজামা, অঙ্গে অদ্ভুত আকারের খাটো কোর্ট; মস্তকে সুদীর্ঘ বেনী!

শ্বিথ চীনাম্যাটিকে দেখিতে পাইলেও, সে একটা দোকানের আড়ালে থাকায় চীনাম্যান তাহাকে দেখিতে পার নাহি। শ্বিথ লোকটাকে দেখিয়াই চিনিতে পারিল। মিঃ ব্লেকের সহিত একবার তদন্তে আসিয়া ইহার সহিত শ্বিথের পরিচয় হইয়াছিল। কিন্তু মিঃ ব্লেক বিশেষ চেষ্টা করিয়াও তাহাকে বিচারালয়ে দণ্ডিত করিতে পারেন নাই।—শ্বিথ সবিস্ময়ে বলিয়া উঠিল, “এ যে দেখিতেছি আ-লু!”—কি সর্বনাশ! আমাকে দেখিলেই ত চিনিতে পারিত। এ ভাবে উহার সম্মুখে যাওয়া হইবে না। ছদ্মবেশ ধারণের আবশ্যক।”

কিন্তু চীনাম্যানটা কয়েক মিনিট দ্বার হইতে নড়িল না; অগত্যা শ্বিথকে সেইখানে লুকাইয়া দাঁড়াইয়া থাকিতে হইল। অবশেষে লোকটি দোকানে প্রবেশ করিলে শ্বিথ তাড়াতাড়ি তাহার গম্ভব পথে অগ্রসর হইল।—বাইবার সময় সে পুনর্বার দোকানের মুক্ত বাতায়ন-পথে ভিতরের দিকে চাহিল; সে বাহার অনুসরণ করিয়াছিল—তাহার কোনও সন্ধান পাইল না। শ্বিথ মনে করিল, সে অন্য পথে দোকান হইতে বাহির হইয়া যায় নাই ত?

একটু দূরে আসিয়া শ্বিথ, অতঃপর কি কর্তব্য, তাহাই চিন্তা করিতে লাগিল; সে অবিলম্বেই কর্তব্য স্থির করিয়া লইল।

শ্বিথ বুঝিয়াছিল, চীনাম্যানের এই আড্ডার যখন আ-লু উপস্থিত রহিয়াছে তখন এখানে চণ্ড সেবনের ব্যবস্থা আছেই, ‘কাং-টাং’ নামক জুরাখেলাও চলিতেছে। আ-লু কিছুদিন পূর্বে স্থানান্তরে আর একটি চণ্ডর আড্ডা খুলিয়া লোকের সর্বনাশ করিত, মিঃ ব্লেক তাহার সেই আড্ডা ভাঙ্গিয়া দিয়াছিলেন; শ্বিথ এ বিষয়ে তাহার সাহায্যও করিয়াছিল।

শ্বিথ বাহার অনুসন্ধানে এই রাত্রিকালে এরূপ কদম্ব স্থানে একাকী আসিয়াছিল—সেই লোকটি আকিংখোর একথা সে মিঃ ব্লেকের নিকটেই শুনিয়াছিল; সুতরাং বুঝিয়াছিল, আ-লুর আড্ডা হইতে সে যে শীঘ্র বাহির হইবে—তাহার সম্ভাবনা অল্প।

তবে তাহার আশঙ্কারও একটি কারণ ছিল। প্রায় সকল দেশেই গুলি বা চণ্ডুর আড্ডাসমূহের এক একটি গুপ্ত দ্বার থাকে; আড্ডার লোকেরা কোন কারণে গোপনে পলায়ন করিতে হইলে সেই পথে পলায়ন করে। বহুকষ্ট ভোগের পর শ্বিথ বাহার :সন্ধান পাইয়াছে, সে যদি তাহার চকুতে ধূলি নিক্ষেপ করিয়া গুপ্তদ্বার দিয়া পলায়ন করে, তাহা হইলে তাহার আক্ষেপের সীমা থাকিবে না; কিন্তু ছদ্মবেশ ভিন্ন তাহার এই আড্ডার প্রবেশ করিবার আশা ছিল না। আ-লু তাহাকে বিলক্ষণ চিনিত; সে শ্বিথকে তাহার আড্ডার প্রবেশ করিতে দেখিলে জীবিতাবস্থায় তাহাকে সেখান হইতে বাহির হইতে দিবে না। সুতরাং অগত্যা জিমি নামক একটি বালককে তাহার সাহায্যার্থ পাঠাইবার জন্ত মিসেস্ বার্ভেলকে টেলিফোন করাই সে সঙ্গত মনে করিল। এই বালকটি পিতৃ-মাতৃহীন; সংবাদপত্র বিক্রয় দ্বারা সে জীবিকা নির্বাহ করিত। সে বুদ্ধিমান ও কর্মঠ বলিয়া মিঃ ব্লেক গোয়েন্দাগিরিতে কখনও কখনও তাহার সহায়তা গ্রহণ করিতেন। —সে বড়ই বিশ্বাসী ছিল।

শ্বিথ তাড়াতাড়ি ইষ্টইণ্ডিয়া ডক্ রোডে প্রত্যাগমন করিল। এই রাস্তায় একজন সংবাদপত্র বিক্রেতার দোকানে সাধারণের ব্যবহারের জন্ত একটি টেলিফোনের কল ছিল; শ্বিথ সেই কলের সাহায্যে মিঃ ব্লেকের পরিচারিকা মিসেস্ বার্ভেলের নিকট টেলিফোন করিয়া তাহাকে জানাইল, সে যেন অবিলম্বে জিমিকে তাহার নিকট প্রেরণ করে।

মিসেস্ বার্ভেল জানিত, জিমি মিঃ ব্লেকের বাসগৃহের অদূরে বাস করে; সে তাহাকে ডাকিয়া তৎক্ষণাৎ শ্বিথের নিকট পাঠাইল। শ্বিথ জিমিকে আ-লুর দোকানের নিকট পাহারার রাখিয়া তাড়াতাড়ি পূর্বোক্ত কন্ট্রোলরের নিকট উপস্থিত হইল; এবং তাহার পরিশ্রমের পুরস্কার স্বরূপ তাহার হস্তে একটি রোপামুদ্রা প্রদান পূর্বক টাইগারকে সঙ্গে লইয়া একখানি মোটর গাড়ীতে বেকার স্ট্রীটে প্রত্যাগমন করিল।

## নবম পরিচ্ছেদ

স্মিথ মিঃ ব্লেকের অট্টালিকায় প্রবেশ পূর্বক ছদ্মবেশ ধারণে প্রবৃত্ত হইল। এবং কয়েক মিনিটের মধ্যেই চীনাঙ্গান সাজিল। সে একরূপ দক্ষতার সহিত সাজ-সজ্জা করিল যে, তাহাকে দেখিলে সে যে চীনাঙ্গান নহে, ইহা কেহই বলিতে পারিত না। মিঃ ব্লেকের সাজঘরে ছদ্মবেশ ধারণের সকল প্রকার উপকরণই ছিল, সুতরাং স্ত্রীর্ঘ বেণীরও অভাব হইল না। সে বাছিয়া বাছিয়া একটি বেণী লইয়া স্ত্রীঃের সাহায্যে তাহা মস্তকে আঁটির দিল, এবং এক প্রকার প্যাষ্টারের সাহায্যে তাহার চক্ষু ছটীকে চীনাঙ্গানের চক্ষুর গায় বাদামী আকারের করিয়া তুলিল; তাহার পর সে একখানি আয়নার সম্মুখে দাঁড়াইয়া, তাহার এই নূতন ছদ্মবেশে কোন ত্রুটি আছে কি না, তাহাই পরীক্ষা করিয়া দেখিল। সে বুঝিতে পারিল, ছদ্মবেশটি নিখুঁত হইয়াছে। তখন সে সহর্ষে বলিল, “ইহাতেই কাজ চলিবে, আমি এখন সুস্থরমত চীনাঙ্গান হইয়াছি। এই বেশে আমি আ-লুর দোকানে প্রবেশ করিলে কাহারও সাধ্য নাই যে, আমাকে স্মিথ বলিয়া সন্দেহ করে আর এখানে বিলম্ব করা হইবে না। জিমি আমার প্রতীক্ষায় আ-লুর আড্ডার সম্মুখে দাঁড়াইয়া আছে; কিন্তু আমি সেখানে বাইবার পূর্বে প্রভুর নিকট একখানি টেলিগ্রাম পাঠাইলে ভাল হয়। আমি তাঁহাকে সেখানে বাইবার জন্য অনুরোধ করিব। তিনি এখন পর্যন্ত বাড়ী ফিরিলেন না, সুতরাং বোধ হইতেছে এখনও তিনি ললুহামেই আছেন।”

অনন্তর স্মিথ অন্ত একটুকু প্রবেশ করিয়া একখানি টেলিগ্রামের ফরমে তাহার বক্তব্য বিষয় সংক্ষেপে লিখিয়া ইসোবেল মার্চারের গৃহে তাহা প্রেরণের ব্যবস্থা করিল। এই টেলিগ্রামে সে লিখিল, “আপনি অবিলম্বে ইষ্টইন্ডিয়া ডক রোডের সন্নিক্ত ডাসেট্রীটে উ—কং-সি

তাম্বাকের দোকানে উপস্থিত হইবেন; আমাদের শিকার সেই স্থানেই আছে। আপনার অমুগত চীনাম্যান সেখানে চলিল;—স্বিথ।”

এই টেলিগ্রামখানি লিখিয়া স্বিথ অক্ষুণ্ণে বলিল, “টেলিগ্রামখানি পাইলেই তিনি আ-নুর দোকানে উপস্থিত হইবেন।—মিসেস্ বার্ভেল ইহা টেলিগ্রাম আফিসে দিয়া আসুক।”

অনন্তর স্বিথ মিসেস্ বার্ভেলের হস্তে টেলিগ্রামখানি প্রদান করিল; মিসেস্ বার্ভেল তাহার ছদ্মবেশ দেখিয়া হাসির চোটে দম বন্ধ হইয়া মরিবার মত হইল! সে হাসিতে হাসিতে বলিল, “এ আবার কি টং? কত রঙ্গই জান তুমি! তোমার মাথায় দেড় হাত লম্বা টিকিটি কিরূপে গজাইল? সাবধান, যেন কেহ উহা উপড়াইয়া না লয়।”

স্বিথ ধমক দিয়া মিসেস্ বার্ভেলের হাসি বন্ধ করিল; তাহার পর সে তাড়াতাড়ি গৃহ হইতে নিজ্জান্ত হইয়া পূর্বোক্ত তাড়াটে মোটর গাড়ীখানির নিকটে আসিল। সে শকটচালককে তাহার জন্ত অপেক্ষা করিতে বলিয়া গিয়াছিল; এবং তাহাকে একথাও জানাইয়াছিল যে, তাহার আকার-প্রকারে কোনও পরিবর্তন দেখিলে সে যেন বিস্মিত না হয়। কিন্তু শকটচালক স্বপ্নেও ভাবে নাই যে, স্বিথ চীনাম্যানের মূর্তি ধারণ করিয়া তাহাকে দেখা দিবে; সুতরাং একজন চীনাম্যানকে তাহার গাড়ীর নিকট আসিয়া দাঁড়াইতে দেখিয়া সে অত্যন্ত বিস্মিত হইল, এবং বিস্ফারিত নেত্রে তাহার মুখের দিকে চাহিয়া রহিল।

স্বিথ অত্যন্ত বাস্তবাবে গাড়ীর দরজা খুলিয়া শকটচালককে বলিল, “ইটাইণ্ডিয়া ডক্ রোডে চল।”

শকটচালক বলিল, “না মহাশয়, আমি আপনার তাড়া লইয়া বাইতে পারিব না; আমার গাড়ী অন্য লোকে তাড়া করিয়াছে।”

স্বিথ মূহ হাসিয়া বলিল, “সে কথা ত জানি বাপু! কিন্তু তোমার গাড়ী অন্য লোকে তাড়া করে নাই, আমিই তাড়া করিয়াছি।”

স্বিথের কথা শুনিয়া শকটচালক অধিকতর বিস্ময়ের সহিত মুখ

ব্যঙ্গান করিল, এবং উভয় চক্ষু কপালে তুলিয়া বলিল, “আপনি বলেন কি মহাশয়! আমি যে ভদ্রলোকটিকে এখানে আনিয়া নামাইয়া দিয়াছি, সে কি আপনি?”

শ্রীধ বলিল, “হাঁ আমিই; আমি কি তোমাকে বলি নাই যে, আমার বেশভূষার পরিবর্তন দেখিলে তুমি বিস্মিত হইও না। তথাপি তুমি বিস্ময়ে খাবি খাইতেছ কেন? যাহা হউক, তোমার কোন চিন্তা নাই, এখন তাড়াতাড়ি চল।”

শ্রীধের কথা শুনিয়া শকটচালক দ্রুতবেগে গাড়ী হাঁকাইয়া দিল; কিন্তু তাহার শকটের আরোহী উন্মাদ বা দম্ভ্য-তন্দ্র তাহা সে স্থির করিতে পারিল না। সে ইষ্টইশ্বরী ডাক রোডে উপস্থিত হইয়া গাড়ী থামাইলে, শ্রীধ গাড়ী হইতে নামিয়া তাহাকে যথাযোগ্য পুরস্কার দান করিল। তাহার পর চীনাযানদের স্বভাব-সুলভ গমন-ভঙ্গীতে আ-লুর দোকানের অভিমুখে চলিল। সে সেখানে উপস্থিত হইয়া দেখিতে পাইল, জিমি একটি দোকান খেসিয়া দাঁড়াইয়া আছে।

শ্রীধ তাহার নিকটে আসিয়া মৃদুস্বরে ডাকিল, “জিমি!”

জিমি বিস্ময়বিস্ফারিত নেত্রে ছদ্মবেশী শ্রীধের মুখের দিকে চাহিয়া বলিল, “আপনি মিঃ শ্রীধ? আপনার গলার আওয়াজ শুনিয়া সেইরূপই বোধ হয় বটে; কিন্তু আপনার চেহারা দেখিয়া কাহার সাধ্য বলে—”

শ্রীধ হাসিয়া বলিল, “আমি শ্রীধ। জিমি, তুমি ত এতকণ পাহারার ছিলে, সে লোকটা আড্ডা হইতে বাহির হইয়া যার নাই ত?”

জিমি বলিল, “না, সে আড্ডাতেই আছে।”

শ্রীধ বলিল, “উত্তম; তোমার কাজ শেষ হইয়াছে, এখন তুমি যাইতে পার।”

জিমি তাহার টুপি স্পর্শ করিয়া শ্রীধকে অভিবাদন পূর্বক অন্ধকারে অদৃশ্য হইল। শ্রীধও যত্ন পতিতে আ-লুর দোকানের সম্মুখে আসিয়া একবার ইতস্ততঃ দৃষ্টি নিষ্কেন্দ্র করিল; তাহার পর দোকানের



বারান্দার উঠিয়া ঘণ্টাধ্বনি করিল। ঘণ্টাধ্বনির সঙ্গে সঙ্গে আ-লু দ্বার খুলিয়া মাথা বাহির করিয়া দিল।—সে তীক্ষ্ণ দৃষ্টিতে শ্বিথের আপাদ মস্তক নিরীক্ষণ করিল।

শ্বিথ আ-লুর অন্তর্ভেদী দৃষ্টিপাতে কিছুমাত্র সঙ্কচিত হইল না। সে জীবনে অনেকবার অনেক কাজে চীনাযানদের সংশ্রবে আসিয়াছিল, সুতরাং তাহাদের ধরণ-ধারণ তাহার অজ্ঞাত ছিল না, এমন কি, সে চীনাদের ভাষায় দুই-চারিটি কথাও বলিতে পারিত।

আ-লু মুহূর্তকাল তীক্ষ্ণদৃষ্টিতে শ্বিথের মুখের দিকে চাহিয়া অক্ষুণ্ণরূপে বলিল, “কি প্রয়োজনে আগমন?”

শ্বিথ বলিল, “প্রয়োজন—খেলা।”—শ্বিথ বুঝিয়াছিল, ইহা নিশ্চয়ই কুরার আড্ডা।

আ-লু শ্বিথের কথা শুনিয়া একটু হাসিয়া দ্বারস্থ পরদাখানি তুলিয়া ধরিল; তখন শ্বিথ অসঙ্কোচে দোকানে প্রবেশ করিল।

শ্বিথ দোকানে প্রবেশ করিয়াই এমন ভাব দেখাইল, যেন সে এখানে পূর্বে আরও দুই চারিবার আসিয়াছে।—সে তাড়াতাড়ি তাহার জুতা জোড়াটা খুলিয়া ফেলিয়া প্রস্তুতক দৃষ্টিতে আ-লুর মুখের দিকে চাহিল।

হুলোদর আ-লু তখন শ্বিথকে সঙ্গে লইয়া দোকান-ঘরের পার্শ্ববর্তী আর একটি কক্ষে প্রবেশ করিল। এই কক্ষটি অপেক্ষাকৃত ক্ষুদ্র, অত্যন্ত নোংরা; কক্ষ মধ্যে গৃহসজ্জার উপযোগী কোন দ্রব্যসামগ্রী ছিল না। অহিফেন-ধূমে কক্ষটি পরিপূর্ণ। দুর্গন্ধে শ্বিথের বমনোদ্বেক হইল। সে কোনরূপে আত্মসংবরণ করিয়া, সম্মুখে দৃষ্টিপাত করিয়া দেখিতে পাইল, একখানি গালিচার উপর দশ বারজন চীনাযান চক্রাকারে বসিয়া ফাং-টাং খেলিতেছে!—তাহারা এই ক্রীড়ার এরূপ তন্ময় হইয়াছিল যে, তাহাদের দলের দুইজন ভিন্ন আর কেহ তাহার দিকে মুখ তুলিয়া চাহিল না।

একজন অন্ধ বৃদ্ধ চীনাযান এক কোণে একটি বালের উপর বসিয়া বেহালা বাজাইতেছিল; আর একটি বৃদ্ধ একটি দীর্ঘ টেবিলের ধারে দাঁড়াইয়া টেবিলের

উপর মস্তপূর্ণ গ্যাসগুলি সাজাইয়া রাখিতেছিল; এবং যে সকল খেলোয়াড় খেলিতে খেলিতে উঠিয়া গিয়া মস্তপান করিতেছিল, তাহাদিগের নিকট উহার মূল্য আদায় করিয়া তাহা একখানি খাতার ভ্রমা করিতেছিল।

শ্বিথ কাহাঁকেও কোন কথা না বলিয়া খেলোয়াড়গণের মধ্যে বসিয়া পড়িল। আ-লু একটু দূরে দাঁড়াইয়া খেলা দেখিতে লাগিল। সেই কক্ষটির প্রাচীরে নানা বর্ণের পর্দা ঝুলিতেছিল। আ-লু অল্পক্ষণ পরে একখানি পর্দা সরাইতেই একটি দ্বার দেখা গেল; এই দ্বার দিয়া অল্প একটি কক্ষ প্রবেশ করা যায়। পর্দাটি অপসারিত করিবামাত্র চণ্ডুর ধূমের উগ্র গন্ধ শ্বিথের নাসারন্ধ্রে প্রবেশ করিল। পূর্বেও সে এই গন্ধ পাইয়াছিল বটে; কিন্তু গন্ধটি এবার তাহার বড়ই হৃৎসহ বোধ হইল। সে বুঝিল, পার্শ্বস্থ কক্ষটিতে চণ্ডু-ধূমপান চলিতেছে।

আ-লু সেই মুক্তদ্বার কক্ষটির দিকে মস্তক প্রসারিত করিয়া তীক্ষ্ণ দৃষ্টিতে কি দেখিল; তাহার পর সে পর্দা টানিয়া দিয়া খেলোয়াড়গণের নিকটে গিয়া দাঁড়াইল এবং ছই এক মিনিট খেলা দেখিল।

ক্রমে দেড় ঘণ্টা চলিয়া গেল, শ্বিথ জুয়ার কিছু টাকা হারিল; ইহাতে তাহার আক্ষেপ ছিল না; কিন্তু এই দেড় ঘণ্টার মধ্যেও সে কোনও কাজ করিবার সুযোগ পাইল না, ইহাই তাহার ক্ষোভের প্রকৃত কারণ। সে বাহার অচুসরণে আসিয়াছিল, সে উক্ত আড্ডা-ঘরে আছে কি না, এবং কি অবস্থায় আছে, তাহা জানিতে না পারিয়া শ্বিথ অত্যন্ত উৎকণ্ঠিত হইয়া উঠিল; তাহার এই অধীরতা গোপন করা ক্রমেই কঠিন হইল। কিন্তু শ্বিথ অচুমান করিল, লোকটি যদি তখন পর্য্যন্ত আড্ডা-ঘরে থাকে ও ছই চারিবার চণ্ডু ধূমপান করিয়া থাকে, তাহা হইলে তাহাকে শাস্ত গ্রহণ করিতে হইয়াছে। পূর্নামে চণ্ডু-ধূমপান করিবার পর পদব্রজে আড্ডা ত্যাগ করা সম্ভব নহে, ইহা শ্বিথের অজ্ঞাত ছিল না।

চণ্ডুর উগ্র ধূম ক্রমাগত নাসারন্ধ্রে প্রবেশ করার শ্বিথের মাথা ঘুলিতে লাগিল, নেশা না করিয়াই তাহার নেশা হইল! ইতিমধ্যে একজন খেলোয়াড়

খেলিতে খেলিতে কয়েকবার হাঁই তুলিল, তাহার পর সে খেলা বন্ধ রাখিয়া হঠাৎ উঠিয়া পড়িল ; এবং ক্লাহটকেও কোন কথা না বলিয়া নিঃশব্দ পদসঞ্চারে পূর্বোক্ত আড্ডা-ঘরে প্রবেশ করিল। আ-লু তখনও সেখানে দাঁড়াইয়া ছিল, সে এই খেলোয়াড়টির দিকে ফিরিয়াও চাহিল না। ইহা দেখিয়া স্মিথের মনে সাহসের সঞ্চার হইল ; সে হঠাৎ উঠিয়া পূর্বোক্ত যুবকের অনুসরণ করিল। সে একবার বক্রদৃষ্টিতে আ-লুর মুখের দিকে চাহিল ; কিন্তু আ-লু তাহাকে লক্ষ্য করিয়াছে কি না তাহা সে বুঝিতে পারিল না। তবে সে এটুকু বুঝিল যে, তখন পর্য্যন্ত তাহার প্রতি আ-লুর সন্দেহ হয় নাই।

স্মিথ আড্ডা-ঘরে প্রবেশপূর্বক পর্দাখানি টানিয়া দিল। সেই মুহূর্ত্তেই আ-লু ক্র-কুঞ্চিত করিয়া সন্দেহ দৃষ্টিতে সেই কক্ষের দিকে চাহিল।—স্মিথ আ লুর রোষকষায়িত দৃষ্টি দেখিলে নিশ্চয়ই আতঙ্ক-বিহ্বল হইত !

স্মিথ আড্ডা-ঘরে প্রবেশ করিয়া চণ্ডুর ধূমে প্রথমটা কিছুই দেখিতে পাইল না। এই কক্ষে যে আলোক ছিল, তাহাও তেমন উজ্জ্বল নহে। বাহা হউক, সে একবার তীক্ষ্ণ দৃষ্টিতে সেই কক্ষটির চারিদিক দেখিয়া লইল। সে দেখিল, প্রাচীর ঘেঁসিয়া একটি প্রকাণ্ড শয্যা প্রসারিত রহিয়াছে ; তাহার উপর সারি সারি মনুষ্য-মূর্ত্তি ; তাহারা চিৎ হইয়া শুইয়া চণ্ডু টানিতেছে ! কেহ কেহ অতিরিক্ত নেশার আচ্ছন্ন হইয়া চক্ষু মুদিয়া পড়িয়া আছে ; ‘করর-কেঁাৎ’ করিয়া তাহাদের নাক ডাকিতেছে। কেহ কেহ বা মিট-মিট করিয়া চাহিতেছে, এবং ধূমরাশি গলাধঃকরণ করিতেছে।

সেই কক্ষের মধ্যস্থলে একখানি টেবিল ছিল, সেই টেবিলের ধারে একজন ভীমদর্শন চীনাঙ্গান বসিয়া চণ্ডু সাজিতেছে ; এবং যে সকল নেশাখোর ‘ছিটা’র জন্ত ইঙ্গিত করিতেছে—তাহাদিগকে তাহার যোগান দিতেছে। প্রাচীর-গায়ে একটি গাঁজালে একটা কেরোসিনের ল্যাম্প আবদ্ধ ছিল ; তাহার মৃদু আলোক-রশ্মি তাহার সুগোল মুখমণ্ডলে প্রতিকলিত হইতেছিল।—স্মিথকে সেই কক্ষে প্রবেশ করিয়া শয্যার উপবেশন করিতে দেখিয়া সেই চীনাঙ্গানটা একটি নল লইয়া গিয়া তাহার হস্তে প্রদান করিল, এবং অম্পটম্বরে তাহাকে কি বলিল।

শ্মিথ তাহার কথা বুঝিতে না পারিলেও তাহার ধারণা হইল, লোকটা চণ্ডুর নাম চাহিতেছে। সুতরাং সে পকেটে হাত পুরিয়া দিয়া একটি রোপ্য-মুদ্রা বাহির করিল, এবং তাহা উক্ত চীনাম্যানের হস্তে প্রদানের সময় এরূপ ভঙ্গি করিল যে, চীনাম্যানটা বুঝিল, অতিরিক্তপরিমাণে মস্তপান করিয়া তাহার অত্যন্ত নেশা হইয়াছে, সে আর অধিক পরিমাণে চণ্ডু-ধূম পান করিবে না।

যাহা হউক, রোপ্যমুদ্রাটি পাইয়া লোকটা খুসী হইল। সে টেবিলের ধারে উপবেশন করিলে, শ্মিথ চণ্ডুর নলটি মুখে ঝুঁজিয়া অন্তদিকে মুখ ফিরাইল। চীনাম্যানটা বুঝিল, সে ধূমপান করিতেছে; কিন্তু বিন্দুপরিমাণ ধূমও শ্মিথের উদরস্থ হইল না।

শ্মিথ তীক্ষ্ণদৃষ্টিতে চাহিয়া দেখিল, যে সকল নেশাখোর সারি সারি শয্যায় পড়িয়া আছে, তাহাদের সংখ্যা অর্দ্ধ ডজনের অধিক নহে; ইহাদের মধ্যে যাহারা চণ্ডু টানিতেছিল ও মিট-মিট করিয়া চাহিতেছিল, তাহারাও কয়েক মিনিটের মধ্যে চক্ষু মুদিত করিল; নেশা পাকিয়া আসায় তাহাদের নিদ্রাকর্ষণ হইল। কিন্তু তাহাদের একজন হঠাৎ চম্কাইয়া উঠিয়া গৌ-গৌ শব্দ করিতে লাগিল; বোধ হয় সে কোন উৎকট স্বপ্ন দেখিয়াছিল, কিন্তু অল্প-ক্ষণ পরেই সে পুনর্বার গভীর নিদ্রায় অভিভূত হইল।

শ্মিথ সেই কক্ষস্থিত ছয়জন লোকেরই মুখ দেখিয়া বুঝিতে পারিল, তাহারা চীনাম্যান। সে বাহার সন্ধানে এই আড্ডায় প্রবেশ করিয়াছে, এই দলে তাহাকে দেখিতে না পাইয়া অত্যন্ত নিরাশ হইল; কিন্তু সে দেখিল, সেই কক্ষের ঢালা বিছানার পার্শ্বে একটি পর্দা প্রসারিত রহিয়াছে। শ্মিথের অনুমান হইল, লোকটি সাধারণ নেশাখোরদের সঙ্গে এক শয্যায় শয়ন না করিয়া সম্ভবতঃ পর্দার আড়ালে স্বতন্ত্র শয্যায় শয়ন করিয়া আছে।

তাহার এই অনুমান সত্য কি না, ইহা পরীক্ষার জন্য শ্মিথ অত্যন্ত ব্যাকুল হইয়া উঠিল; কিন্তু যে চীনাম্যানটা টেবিলের ধারে বসিয়াছিল, সে পুনঃ পুনঃ তাহার দিকে দৃষ্টিপাত করার শ্মিথ সেই পর্দার অন্তরালে গমন করিতে সাহসী

হইল না। চতুর নলটি মুখে গুঁজিয়া, সে দেওয়ালের দিকে মুখ ফিরাইয়া বসিয়া রহিল।

কয়েক মিনিট পরে পূর্বোক্ত চীনাযানটা উঠিয়া কোনও কার্যোপলক্ষে কক্ষান্তরে গমন করিল। তাহা দেখিয়া স্মিথ তৎক্ষণাৎ গাত্রোথান পূর্বক নিঃশব্দ পদসঞ্চারে পূর্বোক্ত পর্দার আড়ালে উপস্থিত হইল। সে সেখানে বাহা দেখিতে পাইল, তাহাতে তাহার বিস্ময়ের সীমা রহিল না! সে দেখিল, বাহার অমুসরণে কষ্ট স্বীকার করিয়া সে এই বিপজ্জনক স্থানে উপস্থিত হইয়াছে, প্রাণভয়ে বিহ্বল না হইয়া মৃত্যুর গুহার প্রবেশ করিয়াছে, সেই ব্যক্তি একটি মলিন শয্যায় শয়ন করিয়া চক্ষু মুদ্রিয়া পড়িয়া আছে। সে চিৎ হইয়া শয়ন করিয়াছিল; স্মৃতরাং স্মিথ তাহার দাড়ীগোপ-সমাচ্ছন্ন মুখখানি স্পষ্ট দেখিতে পাইল। তাহার মুখখানি অত্যন্ত মলিন, মুখমণ্ডল শোণিত-সংস্পর্শশূন্য; তাহা মৃতের মুখের স্তায় বিবর্ণ! তখন তাহার বিস্ময়ত্র সংজ্ঞা ছিল না; উৎকট নেশার সম্পূর্ণ অভিভূত।

স্মিথ তাহার সন্ধান লইয়া পর্দার অন্তরাল হইতে ধীরে ধীরে স্বীয় শয্যার অভিমুখে প্রত্যাগমন করিল; পূর্বে সে যেখানে বসিয়া ছিল, তাহার উর্দ্ধ-দেশে ডাক্তির উপর একখানি তক্তা ছিল। সে মাথা তুলিয়া শয্যার নিকট উপস্থিত হইবামাত্র সেই ডাক্তিতে হঠাৎ তাহার মাথা বাধিয়া গেল, এবং তাহার মাথার ধে পরচূলা ছিল তাহা ধসিয়া পড়িল! দুর্ভাগ্যক্রমে ঠিক সেই মুহূর্তে আ-লু কক্ষান্তর হইতে সেই কক্ষে প্রবেশ করিল; ডাক্তিতে স্মিথের মাথা বাধিয়া শব্দ হওয়ার আ-লু বিস্ফারিত নেত্রে স্মিথের দিকে চাহিল; এবং স্মিথের পরচূলা ধসিয়া পড়িয়াছে, ইহা দেখিতে পাইল। আ-লু স্মিথের মুখের দিকে কট-মট করিয়া চাহিতে লাগিল; স্মিথও সতয়ে তাহার মুখের দিকে চাহিল। এইভাবে পরস্পরের দৃষ্টি-বিনিময় হইল বটে, কিন্তু কিয়ৎকাল কেহই কোন কথা কহিল না।

## দশম পরিচ্ছেদ

ধরী পড়িয়া শ্বিথের মনে অত্যন্ত ভয়ের সঞ্চার হইয়াছিল ; অতঃপর কি কর্তব্য, তাহা সে হঠাৎ স্থির করিতে পারিল না। সে বুঝিল, সে যে ছদ্মবেশী ইংরাজ, তাহা আ-লু বুঝিতে পারিয়াছে ; সুতরাং সেই নির্দম ধর্মজ্ঞানরহিত নরপিশাচের কবল হইতে তাহার মুক্তিলাভের আশা নাই ! সে মুহূর্ত্ত মধ্যেই তাহাকে আক্রমণ করিবে ; তখন প্রাণরক্ষা ফলাহ হইবে।

এই সকল কথা চিন্তা করিয়া শ্বিথ পকেট হইতে টোটা-ভরা পিস্তলটি কিপ্রহস্তে বাহির করিয়া লইল। আ-লুও, তাহার বিশ্বাসাবেগ প্রশমিত চইলে, পুলিশের কোন গুপ্তচর তাহাকে ধরিতে আসিয়াছে মনে করিয়া, তাহার টিলা স্বেজারের পকেট হইতে একখানি তীক্ষ্ণধার ছুরিকা বাহির করিয়া রুদ্রমূর্ত্তিতে শ্বিথের অভিমুখে অগ্রসর হইল।

আ-লু শ্বিথের সম্মুখে আসিয়াই ধমকিয়া দাঁড়াইল ; সে রক্তাক্ত নেত্রে শ্বিথের মুখের দিকে চাহিয়া বিষয়ে অশ্রুট হকার করিল ; এতক্ষণে সে শ্বিথকে চিনিতে পারিয়াছিল।

আ-লু দস্তে দস্ত সংঘর্ষণ করিয়া সক্রোধে গর্জন পূর্বক শ্বিথকে বলিল ; “ওরে সরতানের বাচ্চা ! আমি তোকে চিনিতে পারিয়াছি ! তুই গোয়েন্দা স্বেজারের সাক্ষরদ শ্বিথ ! তুই চীনাঙ্গান সাজিয়া মনে করিয়াছিলি আমার চোখে ধূলা দিবি। কেন এখানে মরিতে আসিয়াছিস্ ? আজ আ-লুর হাতে তোকে পটল তুলিতে হইবে ; আজ আর তোর নিস্তার নাই।”

শ্বিথ সতরে আ-লুর হস্তস্থিত তীক্ষ্ণধার ছুরিকার দিকে দৃষ্টি নিক্ষেপ করিল ; কিন্তু আতঙ্কে বিহ্বল হইয়া কোন লাভ নাই বুঝিয়া, সে তাহার পিস্তলটি আ-লুর মস্তকে লক্ষ্য করিয়া সরোবে বলিল, “ওরে চীনে ভূত ! তুই যদি আর এক পা-ও সরিয়া আসিস্, তাহা হইলে আমি তোকে কুকুরের মত গুলি করিয়া মারিব ; বাঁচিবার ইচ্ছা থাকিলে আমার সম্মুখ হইতে সরিয়া পড়।”

শ্বিথের কথা শুনিয়া আ-লুর গোল গোল চক্ষু ছুটি ক্রোধে আলিয়া উঠিল; সেই দৃষ্টি জ্বলন্ত অজগরের দৃষ্টির স্থায় জ্বর! সে রুদ্ধ নিশ্বাসে শ্বিথকে বলিল, “ওরে ইতর গোয়েন্দা! তুই একবার তোর মনিবের সঙ্গে আসিয়া আমাকে, গ্রেপ্তার করিবার চেষ্টা করিয়াছিলি; কিন্তু পারিয়াছিলি কি? সেই সময় আমি প্রতিজ্ঞা করিয়াছিলাম তোর মনিবকে ও তোকে যমের বাড়ী পাঠাইয়া নিশ্চিত হইব। এতদিনে আমার সেই সুযোগ উপস্থিত! তুই আসিয়াছিস্, তোর মনিব কোথায়? আগে তোর মাথা লই, তার পর তোর মনিবের গর্দানা লইব।”

এই কথা বলিয়াই আ-লু ব্যাঘ্রের স্থায় শ্বিথের উপর লাফাইয়া পড়িল; তাহার বিশাল দেহের গুরুভারে নিষ্পেষিত হইবার আশঙ্কায় শ্বিথ চক্ষুর নিমিষে এক পাশে সরিয়া দাঁড়াইয়া পিস্তলের ধোড়া টিপিল; কিন্তু চীনাওয়ানটা তাহার অত্যন্ত নিকটে আসিয়া পড়ায় পিস্তলের গুলি লক্ষ্যভ্রষ্ট হইয়া আ-লুর মাথার উপর দিয়া চলিয়া গেল। সেই মুহূর্ত্তে আ-লু তাহার বিশাল হস্তদ্বয় প্রসারিত করিয়া শ্বিথকে সবলে জড়াইয়া ধরিল; এবং তাহাকে কক্ষ লইয়া তাহার পঞ্জরে ছুরিকাখানি বিদ্ধ করিবার চেষ্টা করিল।

শ্বিথ তাহার কবল হইতে মুক্তিলাভের চেষ্টা না করিয়া পুনর্বার গুলি করিল; কিন্তু পিস্তলের গুলি এবারও তাহার দেহে বিদ্ধ হইল না, তবে পিস্তলের মুখ-নিঃসৃত অনলশিখার তাহার দেহে আঁচ লাগিল; সুতরাং সে আহত হইয়াছে মনে করিয়া শ্বিথকে সাপ্টাইয়া ধরিয়া শব্যার উপর পড়িল; শ্বিথও সঙ্গে সঙ্গে ভূতলশায়ী হইল।

আ-লু শ্বিথকে হত্যা করিবার জন্য পুনর্বার ছুরিকা উত্তত করিয়াছে, এমন সময় শ্বিথ যে ব্যক্তির সন্ধানে এই চণ্ডুর আড্ডার আসিয়াছিল—সে তাড়াতাড়ি পর্দার আড়াল হইতে বাহির হইয়া একলক্ষ আ-লুকে আক্রমণ করিল, এবং তাহার পশ্চাৎ হইতে ছুই হস্তে তাহাকে জাপ্টাইয়া ধরিল; সুতরাং আ-লু আর শ্বিথকে ছুরিকাঘাত করিবার অবসর পাইল না। সে অত্যন্ত ভীত ও বিস্মিত হইয়া তাহার আততায়ীকে দেখিবার জন্য মুখ ফিরাইল।—ইত্যবসরে শ্বিথ তাহার কবল হইতে মুক্তি লাভ করিয়া উঠিয়া দাঁড়াইল।

শ্বিথ এইরূপে আ-লুর ছুরিকাঘাত হইতে রক্ষা পাইল বটে, কিন্তু সে আশ্চর্যকার সুযোগ পাইল না। যে চীনাযানটা অন্য কক্ষ টেবিলের উপর মস্তুর-গ্যাস সাজাইতেছিল, ও যে লোকটা এই আড্ডাঘরে বসিয়া পূর্বে ছিটা প্রস্তুত করিতেছিল, তাহারা উভয়েই শ্বিথের পিস্তলের আওয়াজ শুনিয়া অস্ত কক্ষ হইতে দ্রুতবেগে সেই কক্ষে প্রবেশ করিল। এই শেষোক্ত চীনাযানটা। ব্যাপার কি, মুহূর্তেই বুঝিতে পারিয়া শ্বিথের সম্মুখে আসিয়া তাহার জাহুর উপর একরূপ বেগে পদাঘাত করিল যে, শ্বিথ ঝাঁক সামলাইতে না পারিয়া চিং হইয়া মাটিতে পড়িয়া গেল! আ-লুও তাহার আততায়ীর সহিত ধস্তাধস্তি করিতে করিতে শ্বিথের ধরালুষ্ঠিত দেহের উপর জগদল পাষণের স্থায় চাপিয়া পড়িল! আ-লুর দেহের গুরুভারে শ্বিথের নিশ্বাসরোধের উপক্রম হইল।

পিস্তলটা পূর্বেই শ্বিথের হাত হইতে ধসিয়া পড়িয়াছিল, আলুর দেহভারে পিষ্ট হইয়া শ্বিথ দেখিল, প্রাণ যায়! সে ব্যাকুলভাবে উভয় হস্ত প্রসারিত করিতেই ভূপতিত পিস্তলটিতে তাহার দক্ষিণ হস্তস্পর্শ হইল। সে তাহা তুলিয়া লইয়া তাহার কুঁদা ধরা আ-লুর চেপ্টা নাকের উপর সবলে আঘাত করিল। সেই নিদারুণ আঘাতে আ-লুর নাক ফাটিয়া শোণিতের স্রোত বহিল। আ-লু নিদারুণ যন্ত্রণার আর্তনাদ করিয়া সবেগে দণ্ডায়মান হইল; তাহার পর ছোরা-খানি কুড়াইয়া লইয়া উভয় জাহুর উপর উপবেশন পূর্বক বামহস্তে তাহার কণ্ঠরোধ করিয়া ছোরাখানি তাহার বক্ষস্থলে আমূল প্রোধিত করিবার উদ্দেশ্যে দক্ষিণ হস্ত উচ্চত করিল।—শ্বিথ বুঝিল, তাহার জীবন সংশয়!

আ-লুর বামহস্তের নিদারুণ নিষ্পেষণে শ্বিথের প্রাণ তখন কণ্ঠাগত, তাহার শ্বাসরোধের উপক্রম হইল, তাহার মাথার ভিতর কিম্ব কিম্ব করিতে লাগিল; তাহার চক্ষুর উপর মৃত্যুর অন্ধকার ঘনাইয়া আসিল। সে বুঝিল, আর তাহার রক্ষা নাই। জীবনের শেষ মুহূর্তে বিঃ ব্রেকের কথা তাহার মনে পড়িল। সে কি জানিত, এই নিশীথকালে চতুর আড্ডার একটা চীনা গুণ্ডার হস্তে এ ভাবে তাহার ইহজীবনের অবসান হইবে?—সে চক্ষু মুদ্রিয়া অনাথের নাথ, বিপদের আশ্রয়, জগৎগিতার করুণা



প্রার্থনা করিল। মনে মনে বলিল, “প্রভু, শতবার শত বিপদে বাহার জীবন রক্ষা করিয়াছ, আজ এই বিপদে তাহাকে রক্ষা কর।”

মুহূর্ত্ত পরে শ্বিথের বোধ হইল, তাহার উদ্দেশ্য হইতে কে যেন আ-লুকে দূরে নিক্ষেপ করিল; মুহূর্ত্তে তাহার কণ্ঠ হইতে আ-লুর হস্ত অপসারিত হইল। শ্বিথ চক্ষু মেলিয়া দেখিতে পাইল, সে বাহার অমুসরণে এখানে আসিয়াছিল সেই লোকটিই আ-লুকে অদূরে টানিয়া লইয়া গিয়া দৃঢ়মুষ্টিতে তাহার দক্ষিণ হস্ত চাপিয়া ধরিয়াছে।

আ-লু তাহার আততায়ীকে কঠোর স্বরে জিজ্ঞাসা করিল, “এ তোমার কিরূপ ব্যবহার? তুমি আমাকে লইয়া টানাটানি করিতেছ কেন? শীঘ্র আমার হাত ছাড়িয়া দাও।”

দাড়িওয়ালী চণ্ডাখোর বলিল, “দেখ আ-লু, আমরা তোমাকে এখানে ধুন-খারাপি করিতে দিব না। এখানে কোন হাজারি বাধিলে তুমি একা বিপদে পড়িবে না, আমাদের পর্য্যন্ত প্রাণ লইয়া টানাটানি আরম্ভ হইবে। মরিতে ইচ্ছা হইয়া থাকে তুমি মরিতে পার, কিন্তু তোমার জন্ত আমরা কোলদারীর আসামী হইব কেন? তুমি কি কেপিয়াছ?”

ইতিমধ্যে আ-লুর একটি অনুচর শ্বিথকে পুনর্বার আক্রমণ করিবার জন্ত দৌড়াইয়া আসিল; তাহার অভিপ্রায় বুঝিয়া শ্বিথ বুগ্ করিয়া বসিয়া পড়িল। চীনাওয়ানটা তাহার উপর আসিয়া পড়িবামাত্র শ্বিথ তাহার পদদ্বয় ছ’হাতে জড়াইয়া ধরিয়া সম্মুখে আকর্ষণ করিতেই সে মেঝের উপর চিৎ হইয়া পড়িয়া গেল। কিন্তু শ্বিথ সেই কক্ষ হইতে পলায়নের চেষ্টায় উঠিতে না উঠিতে আ-লু তাহার আক্রমণকারীকে এক ধাক্কার ভূতলশারী করিয়া শ্বিথকে উভয় হস্তে দৃঢ়রূপে জড়াইয়া ধরিল; সঙ্গে সঙ্গে আ-লুর সহকারীও গাত্ৰোত্থান করিয়া তাহাকে আক্রমণ করিল।—শ্বিথ বুঝিল, এবার আর তাহার নিষ্কৃতি নাই।

আ-লু শ্বিথকে হত্যা করিবার জন্ত পুনর্বার তাহার ছোরা তুলিয়াছে, এমন সময় দ্বারপ্রান্ত হইতে কে গম্ভীর স্বরে বলিল, “ছোরা ফেলিয়া দাও, নতুবা এখনই গুলি করিব।”

শ্বিথের মৃতদেহে যেন নবজীবনের সঞ্চার হইল ; সে মাথা ফিরাইয়া দেখিল, মিঃ ব্লেক অদূরে সশস্ত্র দণ্ডারমান !—তাঁহার সঙ্গে স্কটল্যান্ড ইয়ার্ডের ডিটেক্টিভ ইন্স্পেক্টর মাটিন, ও ইউনিফর্মধারী ডইজন পুলিশ কন্স্টেবল ।—তিনজনেই প্রকাণ্ড জোয়ান !

ইন্স্পেক্টর মাটিন সুদক্ষ পুলিশ কর্মচারী ; সাহস ও বুদ্ধিমত্তার জন্য তিনি কর্তৃপক্ষের প্রিয়পাত্র । বিপদের আশঙ্কায় তিনি কোনদিন কর্তব্যপালনে কুণ্ঠিত হইতেন না ; তিনি কন্স্টেবলদ্বয়কে বলিলেন, “এই মুহূর্তে এই বদ্মাসদের গ্রেপ্তার কর ।”—সঙ্গে সঙ্গে তিনি আ-লুকে আক্রমণ করিবার জন্য অগ্রসর হইলেন ।

আ-লু অত্যন্ত স্থলকার হইলেও চকুর নিমিষে কয়েক হাত দূরে সরিয়া দাঁড়াইল, এবং তাহার ছোরাখানি ইন্স্পেক্টর মাটিনের মস্তক লক্ষ্য করিয়া নিক্ষেপ করিল । ইন্স্পেক্টর মাটিন বিচ্যুতবেগে মস্তক সরাইয়া লওয়াতে ছোরা লক্ষ্য-ভ্রষ্ট হইল ।

লক্ষ্য ভ্রষ্ট হওয়ার আ-লু ক্রুদ্ধ যণ্ডের ঞ্চার গর্জন করিয়া পুনর্বার ইন্স্পেক্টর মাটিনকে আক্রমণ করিতে উত্তত হইল । এদিকে মিঃ ব্লেক কন্স্টেবলদ্বয়কে লইয়া আ-লুর সহকারী চীনাম্যানদ্বয়কে আক্রমণ পূর্বক ভূতলশায়ী করিলেন ; এবং চকুর নিমিষে তাহাদের হাতে হাতকড়া আঁটিয়া দিলেন ।

আ-লু ক্রোধে অন্ধপ্রায় হইয়া ছুরিকা-হস্তে ইন্স্পেক্টর মাটিনের উপর নিপতিত হইবামাত্র মাটিন তাহার দক্ষিণ হস্তখানি দৃঢ়মুষ্টিতে ধরিয়া ফেলিলেন ; কিন্তু পরমুহূর্তেই ইন্স্পেক্টর মাটিন যন্ত্রণাসূচক আর্ন্তনাদ করিয়া উঠিলেন ! আ-লু তাঁহার কবল হইতে মুক্তিলাভের আশায় তাঁহার মণিবন্ধে একপ জোরে দংশন করিয়াছিল বে, তাহার তীক্ষ্ণধার দস্তে মাংস কাটিয়া গেল । ইন্স্পেক্টর মাটিন দংশন-যন্ত্রণার অধীর হইয়া আ-লুকে ছাড়িয়া দিতে বাধ্য হইলেন ।—তাঁহাকে বিপর দেখিয়া শ্বিথ তাঁহার সাহায্যার্থ অগ্রসর হইল ।

শ্বিথকে সম্মুখে দেখিয়া আ-লুর সকল ক্রোধ তাহার উপর গিয়া পড়িল ; তাহার হস্তস্থিত তীক্ষ্ণ ছুরিকা শ্বিথের বক্ষস্থল লক্ষ্য করিয়া উত্তত করিল ।

শ্রমের জীবনসংশয় দেখিয়া, শ্রম যাহার অনুসরণে এই আড্ডার আসিয়াছিল সেই লোকটি, শ্রমের প্রাণরক্ষার জন্য চকুর নিমিষে তাহাকে এক পাশে ঠেলিয়া দিয়া স্বয়ং আ-লুর সম্মুখে আসিল ; এবং তাহার হাত হইতে ছোরাখানি কাড়িয়া লইতে উদ্বৃত্ত হইল। কিন্তু সে কৃতকার্য হইবার পূর্বেই আ-লুর ছোরা শ্রমের পরিবর্তে সেই লোকটির হৃদয়ে আমূল বিদ্ধ হইল !

এই ভীষণ ব্যাপার দর্শন করিয়া মিঃ ব্লেক ও ইন্স্পেক্টর মাটিন উভয়েই মুহূর্তকাল ততবুদ্ধির জ্বায় দণ্ডায়মান রহিলেন ; কিন্তু পরমুহূর্তেই তাহাদের কর্তব্য-জ্ঞান ফিরিয়া আসিল। ইন্স্পেক্টর মাটিন আ-লুকে পশ্চাৎ হইতে জাপ্টাইয়া ধরিলেন, এবং মিঃ ব্লেক তাহার হাত হইতে ছোরাখানি কাড়িয়া লইয়া তাহার পিষ্টলের কুঁদা দ্বারা তাহার ললাটে প্রচণ্ডবেগে আঘাত করিলেন। সেই আঘাতে আ-লুর মাথা ঘুরিয়া গেল, সে চতুর্দিক অন্ধকার দেখিল ; এবং আর্ন্তনাদ করিয়া সেইস্থানে বসিয়া পড়িল। সেই অবসরে মিঃ ব্লেক ও মাটিন তাহার উভয় হস্ত একত্র করিয়া হাতকড়া পরাইয়া দিলেন। আ-লু নিফল আক্রোশে অধীর হইয়া লৌহবলয় হইতে মুক্তিলাভের জন্য টানাটানি করিতে লাগিল ; কিন্তু হাতকড়া খুলিল না।

ইন্স্পেক্টর মাটিন বলিলেন, “লোহার হাতকড়া ভাঙ্গিবার আশা ব্যথা ! এইবার তোমার পায়ে বেড়ী পরাইব, তাহা হইলেই তোমার লক্ষ-বক্ষ বন্ধ হইবে।—মিঃ ব্লেক এই জানোয়ারটাকে লইয়া এখন কি করিবেন ?”

ইন্স্পেক্টর মাটিনের কথা মিঃ ব্লেকের কর্ণে প্রবেশ করিল না ; তিনি তখন উভয় জাহু নত করিয়া বিদীর্ণবক্ষ ভূতলশায়ী লোকটির ক্ষত পরীক্ষা করিতে-ছিলেন। তিনি ক্ষুব্ধভাবে বলিলেন, “ছুরী ইহার মর্দনস্থানে বিদ্ধ হইয়াছে ; এ আঘাত বোধ হয় সাংঘাতিক।”

শ্রম তাহার নিকটে আসিয়া বলিল, “কর্তা, আমি এই লোকটিরই অনুসরণ করিয়াছিলাম ; হতভাগ্য আমার প্রাণ রক্ষা করিতে গিয়া প্রাণ হারাইতে বসিয়াছে।”

মিঃ ব্লেক সবিম্বরে বলিলেন, “কি সর্বনাশ ! এই কি ডাক্তার বোকালি ?”

মিঃ ব্লেক স্মিথের উত্তরের প্রতীক্ষা না করিয়াই পকেট হইতে তাঁহার বৈজ্ঞাতিক দীপ বাহির করিলেন ; এবং তাহা জালিয়া আহত ব্যক্তির জুতা পরীক্ষা করিতে লাগিলেন । জুতাজোড়াটি জীর্ণ, ও বহুস্থানে তালিবিশিষ্ট ; তিনি আরও দেখিতে পাইলেন, তাহার একখানি পা বিকৃত !

মিঃ ব্লেক মাথা তুলিয়া গভীর স্বরে বলিলেন, “হাঁ, এই ব্যক্তিই গভীর রাত্রে মিস্ মার্সারের শয়নকক্ষে প্রবেশ করিয়াছিল, এই ছুর্কতাই মিস্ মার্সারের বিপদের মূল কারণ ; ইহার পাপের উপযুক্ত প্রায়শ্চিত্ত হইয়াছে ।”

ইন্স্পেক্টর মার্টিন বলিলেন, “আপনি কি এই লোকটিকেই গ্রেপ্তার করিতে আসিয়াছিলেন ?”

মিঃ ব্লেক বলিলেন, “হাঁ, ইহাকেই ধরিতে আসিয়াছিলাম । ছুরিকাখানি ইহার বক্ষঃস্থলে যেভাবে বিদ্ধ হইয়াছে, তাহা দেখিয়া অনুমান হইতেছে, এই আঘাতেই ইহার প্রাণবিয়োগ হইবে । কিন্তু মৃত্যুর পূর্বে ইহার চেতনা হওয়া একান্ত আবশ্যিক । পরমেশ্বর কি তাহা করিবেন না ? আমি বহু পূর্বেই বুঝিয়াছিলাম, এই ব্যক্তিই মিস্ মার্সারের শয়ন-কক্ষে প্রবেশ পূর্বক তাঁহার সিন্দুক খুলিয়া প্রেসক্রিপ্‌সনের পরিবর্তন করিয়াছিল ; কিন্তু আমি আদালতে একথা কিরূপে সপ্রমাণ করিব ? যদি মৃত্যুর পূর্বে অতি অল্প সময়ের জন্তও ইহার চেতনাসঞ্চার হয়, তাহা হইলে আমি ইহার মৃত্যুকালীন একাহার গ্রহণ করিতে পারি । হতভাগা মৃত্যুকালে অপরাধ স্বীকার করিলে মিস্ মার্সার নরহত্যার অভিযোগ হইতে মুক্তিলাভ করিতে পারেন ; নতুবা তিনি যে নিরপরাধ, জজ্ ও জুরীগণের মনে এ বিশ্বাস উৎপাদন করা অত্যন্ত কঠিন হইবে ।”

ইন্স্পেক্টর মার্টিন মিঃ ব্লেকের কথা শুনিয়া অত্যন্ত চিন্তিত হইলেন, স্মিথকে বলিলেন, “স্মিথ ! এই ঘরের জানালাগুলি খুলিয়া দাও, এই কক্ষের দ্বিভ বায়ুমণ্ডল ইহার অসুস্থ নহে ; যে ছুই এক ঘণ্টা ইহার বাঁচিবার আশা ছিল, ততক্ষণও বোধ হয় বাঁচিবে না । এই কক্ষের ধূমে আমাদেরই দম্বল হইবার উপক্রম হইয়াছে !”

শিথ তাড়াতাড়ি রুদ্ধ বাচ্যনগুলি উন্মুক্ত করিল। তখন একজন কন্টেবল সেই কক্ষস্থিত অন্ত্য চতুর্ধোরদিগকে লক্ষ্য করিয়া ইন্স্পেক্টর মার্টিনকে জিজ্ঞাসা করিল, “এই জানোয়ারগুলির সম্বন্ধে কি ব্যবস্থা করিয়াছেন?”

বলা বাহুল্য, সেই কক্ষে যে সকল চতুর্ধোর নেশার অজ্ঞানপ্রায় হইয়া করাসে নিপতিত ছিল, বর্তমান বিভ্রাটে তাহাদের কাহারও কাহারও নেশা ছুটিয়া গিয়াছিল; কিন্তু কেহ কেহ তখন পর্য্যন্ত চক্ষু বুজিয়া পড়িয়াছিল। পাছে ক্যাসাদে পড়িতে হয় বা কোন ফৌজদারী মামলার সাক্ষ্য দিতে হয়, এই ভয়ে তাহারা চক্ষু খুলিতে সাহস করে নাই; কিন্তু তাহারা ভয়ে ধর ধর করিয়া কাঁপিতেছিল। কেহ কেহ বা দেওয়াল ঘেসিয়া কুকুরের শ্রাব কুণ্ডলী পাকাইয়া পড়িয়াছিল।

ইন্স্পেক্টর মার্টিন বলিলেন, “উহাদিগকে বেত মারিয়া এখান হইতে হাঁকাইয়া দাও। পাশের কুঠুরীতে যাহারা জুয়া খেলিতেছিল, তাহারা গোলমাল দেখিয়া সরিয়া পড়িয়াছে কি না বুঝিতে পারিতেছি না; যদি তাহারা পলাইয়া না থাকে, তাহা হইলে তাহাদিগকেও দূর করিয়া দাও। তাহারা বে-আইনী কার্য্য করিলেও বর্তমান বিভ্রাটের মধ্যে তাহাদিগকে ধরিয়া আপাততঃ টানাটানি করিবার আবশ্যক নাই; তবে যে দুইজন চীনাম্যান আমাদিগকে বাধা দিতে আসিয়াছিল, তাহাদিগকে ছাড়িও না।”

মিঃ ব্লেক বলিলেন, “যাহারা অন্ত কক্ষে জুয়া খেলিতেছিল, তাহাদের অন্ত কোন চিন্তা নাই; তাহারা এরূপ নিরকোঁধ নহে যে, ধরা দিবার অন্ত দল বাধিয়া বসিয়া থাকিবে।”

যাহা হউক, কন্টেবলদ্বয় কক্ষান্তরে উপস্থিত হইয়া দেখিল খেলোয়াড়ের দল নিঃশব্দে সরিয়া পড়িয়াছে; সুতরাং তাহারা ফিরিয়া আসিয়া বলিল, “সকলেই চম্পট দিয়াছে।”

মিঃ ব্লেক বলিলেন, “ভালই করিয়াছে”; এখন এই তিনজনের অন্ত কি ব্যবস্থা করা যাইবে?”

ইন্স্পেক্টর মার্টিন বলিলেন, “আ-লু ও তাহার সহকারীদ্বয়কে খানায় লইয়া গিয়া গারোদে পুরিয়া রাখিব ; শীঘ্র একখানা গাড়ী আন ।”

ইন্স্পেক্টর মার্টিনের আদেশে একজন কন্স্টেবল গাড়ী আনিতে চলিল ; মিঃ ব্লেক স্মিথকে বলিলেন, “স্মিথ, তুমি যত শীঘ্র পার একজন ডাক্তারকে ডাকিয়া আন, মুহূর্ত মাত্র বিলম্ব করিও না ।”

স্মিথ মিঃ ব্লেকের আদেশে গমনোদ্ভূত হইয়া তাহার শিরঃভ্রষ্ট পরচুলা আঁটিতে আঁটিতে বলিল, “যাইতেছি ; কিন্তু একটা কথা শুনিবার জন্য আমার বড় আগ্রহ হইয়াছে । আপনারা এখানে উপস্থিত হইতে আর এক মিনিট বিলম্ব করিলে আমার প্রাণ যাইত ; আপনারা ঠিক সময়ে আসিয়া আমার জীবন রক্ষা করিয়াছেন ।—কিরূপে আসিলেন তাহা শুনিতে চাই ।”

মিঃ ব্লেক বলিলেন, “খোঁড়ার পা যেমন খানায় পড়ে, তুমিও সেইরূপ বিপদে পড় ; ইচ্ছা করিয়া তুমি বিপন্ন হও । তুমি টেলিগ্রামে উ-ফং-সিটএর কথা লিখিয়াছিলে ; সে ও আ-লু যে একই লোক, তাহা আমি জানিতাম । সুতরাং তুমি কিরূপ ভয়ানক স্থানে আসিয়া পড়িয়াছ, তাহা তোমার টেলিগ্রাম পাঠেই বুঝিয়াছিলাম ; এইজন্য আমি তোমার টেলিগ্রাম পাঠমাত্র খানায় গিয়া ইন্স্পেক্টর মার্টিন ও দুইজন কন্স্টেবলের সাহায্য প্রার্থনা করি । ইহাদিগকে সঙ্গে লইয়া এই আড্ডায় প্রবেশ করিবামাত্র দেখিলাম, তোমার জীবনসংশয় উপস্থিত ! তোমার পিস্তলের আওয়াজ শুনিয়াই ব্যাপার কিরূপ গুরুতর, তাহা বুঝিতে পারিয়াছিলাম ।”

স্মিথ বলিল, “আপনাদের আসিতে আর একটু বিলম্ব হইলে আমাকে জীবিত দেখিতে পাইতেন না, আমার মৃতদেহ দেখিতে হইত ।”

মিঃ ব্লেক বলিলেন, “তুমি ত সাবধান হইবে না, একদিন হয় ত তোমার মৃতদেহই দেখিতে হইবে । যাহা হউক, আর বিলম্ব করিও না ; অবিলম্বে একজন ডাক্তারকে সঙ্গে লইয়া আসিবে ।”

স্মিথ তৎক্ষণাৎ প্রস্থান করিল, এবং প্রায় ১৫ মিনিটের মধ্যে একজন ডাক্তারকে সঙ্গে লইয়া ফিরিয়া আসিল ।

ডাক্তার কোন কথা না বলিয়া ডাক্তার বোকালের কৃত পরীক্ষা করিলেন, এবং কৃত ধৌত করিয়া সাবধানে ব্যাণ্ডেজ্ বাধিয়া দিলেন ।

মিঃ ব্লেক ডাক্তারকে বলিলেন, “কিরূপ বুঝিতেছেন ?”

ডাক্তার মাথা নাড়িয়া গম্ভীর স্বরে বলিলেন, “বুঝিব আর কি, মৃত্যু নিশ্চিত ; তবে মৃত্যুর পূর্বে চেতনা হইবে কি না বুঝিতে পারিতেছি না।—চেতনা হইলেও হইতে পারে, তবে আমার আর কিছুই করিবার নাই।”

## একাদশ পরিচ্ছেদ

ইন্স্পেক্টর মার্টিন ও স্মিথ উভয়েই পরিশ্রান্ত হইয়াছিলেন। ডাক্তার বোকালকে তখন স্থানান্তরিত করিবার উপায় ছিল না, সুতরাং মিঃ ব্লেক তাহাকে সেই চণ্ডর আড্ডায় ফেলিয়া রাখিয়া গৃহে ফিরিতে পারিলেন না। ইন্স্পেক্টর মার্টিন ও স্মিথ তাঁহাদিগকে ছাড়িয়া যাইবেন, ইহা সম্ভব নহে; অগত্যা তাঁহারা সেই কক্ষের মলিন ফরাসে ক্লান্ত দেহ প্রসারিত করিলেন।

ইন্স্পেক্টর মার্টিন যে কন্ঠেবলকে গাড়ী আনিতে পাঠাইয়াছিলেন, সে গাড়ী লইয়া ফিরিয়া আসিলে, ইন্স্পেক্টর আড্ডাধারী আ-লু ও তাহার অনুচরদ্বয়কে পুলিশ কন্ঠেবলদ্বয়ের জিন্দায় থানায় পাঠাইয়া নিশ্চিত হইয়াছিলেন। মিঃ ব্লেক পরিশ্রমে ক্লান্ত হইতেন না, তন্মাত্র আসিয়াও তাঁহাকে কাতর করিতে পারিত না; তিনি হতচেতন ডাক্তার বোকালের শয্যা-প্রান্তে বসিয়া চুরুট টানিতে লাগিলেন। তাঁহার দৃষ্টি ডাক্তার বোকালের মুখের উপর গুস্ত; তিনি তাহার চেতনা-সঞ্চারের প্রতীক্ষায় বসিয়া রহিলেন।—ঘণ্টার পর ঘণ্টা এই ভাবে কাটিতে লাগিল।

ইন্স্পেক্টর মার্টিন তাঁহার সহিত সমস্তরাত্রি কষ্টভোগ করেন, মিঃ ব্লেকের এরূপ ইচ্ছা ছিল না; কিন্তু ডাক্তার বোকালের যদি চেতনা-সঞ্চার হয়, তাহা হইলে তাহার মৃত্যুকালীন স্বীকারোক্তিতে স্বাক্ষরের জগু একজন সাক্ষীর আবশ্যক হইতে পারে বুঝিয়াই তিনি ইন্স্পেক্টর মার্টিনকে সেখানে রাত্রিবাসের জন্য অনুরোধ করিতে বাধ্য হইয়াছিলেন। আর একজন সাক্ষীর আবশ্যক বলিয়া তিনি স্মিথকেও সেখানে রাখিয়াছিলেন; বিশেষতঃ, স্মিথ তাঁহাকে ছাড়িয়া স্থানান্তরে যাইবে না ইহাও তিনি জানিতেন।

সমস্ত রাত্রি এই ভাবে অতীত হইল। নিশাশেষে পূর্বাকাশে উষার আলোক-ছটা লক্ষিত হইল, তখনও মিঃ ব্লেক সেইভাবে আহত ডাক্তার বোকালের



শয্যা-প্রান্তে বসিয়া রহিলেন। মুহূর্তের জন্তুও তাঁহার নিদ্রাকর্ষণ হইল না। রাশি রাশি চুরুট ভস্মে পরিণত হইল ! প্রত্যুষেও ডাক্তার বোকালের চেতনা-সঞ্চারের কোন চিহ্ন দেখা গেল না।

ক্রমে সূর্যোদয়ের সময় হইল ; মিঃ ব্লেক ঘড়ি খুলিয়া দেখিলেন সাতটা বাজিয়াছে। মিঃ ব্লেক ডাক্তার বোকালের ধমণীর গতি পরীক্ষা করিলেন ; নাড়ী অত্যন্ত ক্ষীণ, নিশ্বাস অত্যন্ত মৃদু।

মিঃ ব্লেক তাঁহার পাইপ পকেটে রাখিয়া ডাক্তার বোকালের মুখের দিকে চাহিয়া রহিলেন। তিনি লক্ষ্য করিয়া দেখিলেন, ডাক্তারের মুদিত নেত্র ঈষৎ স্পন্দিত হইতেছে। প্রায় দুই মিনিট পরে ডাক্তার চক্ষু মেলিয়া শূন্য দৃষ্টিতে মিঃ ব্লেকের মুখের দিকে চাহিল। মিঃ ব্লেক তৎক্ষণাৎ উঠিয়া ইন্স্পেক্টর মার্টিন ও স্মিথের শয্যা-প্রান্তে উপস্থিত হইলেন। তাঁহারা তখন গাঢ় নিদ্রায় অভিভূত ছিলেন ; মিঃ ব্লেক তাঁহাদিগকে ধাক্কা দিলেন।

ইন্স্পেক্টর মার্টিন ঘুমের ঘোরে বলিয়া উঠিলেন, “আঃ মেরী, কর কি ? এখনও উঠিবার সময় হয় নাই ; যাও, বিরক্ত করিও না।”

ইন্স্পেক্টর মার্টিন মনে করিয়াছিলেন, তিনি তাঁহার শয়নকক্ষে নিদ্রিত আছেন, এবং তাঁহার স্ত্রী তাঁহাকে জাগাইবার চেষ্টা করিতেছেন !

মিঃ ব্লেক ইহা বুঝিতে পারিয়া হাসিয়া বলিলেন, “ইন্স্পেক্টর মার্টিন, আপনাকে এখনই উঠিতে হইবে।”

মিঃ মার্টিন উভয় হস্তে চক্ষু রগড়াইয়া অক্ষুট স্বরে বলিলেন, “রাত্রি প্রভাত হইয়াছে। মিঃ ব্লেক, ব্যাপার কি ?”

মিঃ ব্লেক বলিলেন, “ডাক্তারের চেতনা হইয়াছে, আর সময় নষ্ট করা হইবে না। স্মিথ, তুমিও শয্যা ত্যাগ কর।”

স্মিথ তৎক্ষণাৎ উঠিয়া ডাক্তার বোকালের শয্যা-প্রান্তে উপস্থিত হইল। মিঃ ব্লেক ইন্স্পেক্টর মার্টিনকে সঙ্গে লইয়া সেখানে আসিয়া দেখিলেন, ডাক্তার বোকালের ললাটে ঘর্মের ধারা বহিতেছে ! ইহা যে কাল ঘাম, তাহা তাঁহার বুঝিতে বিলম্ব হইল না। মিঃ ব্লেক তৎক্ষণাৎ পকেট হইতে ত্র্যাণ্ডির বোতল

বাহির করিয়া মরণহত ডাক্তারের মুখের ভিতর ঝিকিৎ ব্র্যাণ্ডি ঢালিয়া দিলেন ; তাহার কতকটা ডাক্তারের গলাধঃকরণ হইল । ডাক্তার বোকাল পুনর্বার মিঃ ব্লেকের মুখের দিকে চাহিল ।

মিঃ ব্লেক বলিলেন, “আপনার নাম কি ডাক্তার বোকাল ?”

ডাক্তার বোকাল অতি কষ্টে অস্ফুট স্বরে বলিল, “আমার নাম ? হাঁ, আমার ঐ নামই ছিল বটে ; কিন্তু এখন আমি মৃত্যুর দ্বারে দাঁড়াইয়া আছি, এখন আমার নামে আপনার কি প্রয়োজন ?”

মিঃ ব্লেক বলিলেন, “আপনার মৃত্যুর আরু অধিক বিলম্ব নাই, ইহা কি আপনি বুঝিয়াছেন ?”

ডাক্তার পূর্ববৎ অস্ফুট স্বরে বলিল, “ইহা বালকেও বুঝিতে পারে, আর আমি বুঝি নাই ? বিলক্ষণ বুঝিয়াছি ।—আমার নিকট আপনার কি আবশ্যক ?”

মিঃ ব্লেক ডাক্তারের ললাট হইতে স্থূল ঘর্ম্ব বিন্দু অপসারিত করিয়া ধীরে ধীরে তাহার মস্তকে হাত বুলাইতে বুলাইতে বলিলেন, “আপনি পৃথিবীর সহিত সকল সম্বন্ধ বিছিন্ন করিয়া পরলোকে পরমেশ্বরের নিকট জবাবদিহি করিতে চলিলেন । কিন্তু আপনি যে অন্ডায় কার্য্য করিয়াছেন, এখনও তাহার প্রতি-বিধানের সময় আছে । আপনি তাহাতে কুণ্ঠিত হইবেন না ।”

ডাক্তার বোকাল ভগ্নস্বরে বলিল, “আমি ! আমি কি অন্ডায় কার্য্য করিয়াছি ? অন্ডায় কার্য্য আমি কিছুই করি নাই ।”

মিঃ ব্লেক ঈষৎ উত্তেজিত স্বরে বলিলেন, “ডাক্তার বোকাল, এই অশ্রুিম মুহূর্ত্তে আপনি সেকথা অস্বীকার করিবেন না ; আপনি যে মহাবিচারকের বিচারালয়ে যাইতেছেন, তাহার নিকট কোন কথা গোপন করিবার উপায় নাই । সেই বিচারালয়ে সাক্ষীর জবানবন্দী লইবার আবশ্যক হয় না । মনের অগোচর পাপ নাই ; আপনার পাপ কি, তাহা কত গুরুতর, একথা আপনার অজ্ঞাত নহে । যদি তাহা আপনার স্মরণ না হয়, তাহা হইলে আমি আপনাকে স্মরণ করাইয়া দিতেছি । আপনি আপনার প্রতিদ্বন্দ্বী ডাক্তার মিস্ ইসোবেল মার্সারের শয়ন-কক্ষে গোপনে প্রবেশ পূর্বক তাহার চিকিৎসাধীন রোগী লর্ড ওয়ারিংএর একখানি ব্যবস্থাপত্র পরিবর্তিত করিয়াছিলেন ।”

মিঃ ব্লেকের কথা শুনিয়া মরণাহত ডাক্তারের চক্ষু হঠাৎ উজ্জ্বল হইয়া উঠিল, পূর্বকথা স্মরণ করিয়া নিদারুণ প্রতিহিংসায় তাহার হৃদয় উত্তেজিত হইল ; সে বলিল, “একথা আমি কেন স্বীকার করিব ?”

মিঃ ব্লেক বলিলেন, “আপনার এই গর্হিত কার্যের জন্ত মিস্ মার্শারকে অত্যন্ত বিপন্ন হইতে হইয়াছে। সেই প্রেসক্রিপ্‌সন্-অনুযায়ী ঔষধ সেবন করিয়া লর্ড ওয়ারিং‌এর মৃত্যু হইয়াছে। ডাক্তার মার্শারের হঠাৎ কিছু টাকার প্রয়োজন হয়। লর্ড ওয়ারিং‌এর উইল সূত্রে তাঁহার কিছু টাকা পাইবার আশা ছিল বলিয়াই লর্ড ওয়ারিং‌এর আকস্মিক মৃত্যুতে পুলিশের সন্দেহ হইয়াছে, সেই টাকা পাইবার আশাতেই মিস্ মার্শার ঔষধে অধিক মাত্রায় মর্ফিয়া প্রয়োগ করিয়া লর্ড ওয়ারিং‌কে হত্যা করিয়াছেন।”

মিঃ ব্লেকের কথা শ্রবণ করিয়া ডাক্তার বোকাল এতই উৎসাহিত ও উত্তেজিত হইল যে, সে মৃত্যু-যজ্ঞা বিস্মৃত হইয়া শয্যায় উঠিয়া বসিবার চেষ্টা করিল। তাহার উভয় চক্ষুতে প্রতিহিংসানল প্রজ্বলিত হইল। সে সোৎসাহে বলিল, “আপনার কথা শুনিয়া আমি কিরূপ সুখী হইলাম, বলিতে পারি না। আমার প্রতিহিংসা-বৃত্তি চরিতার্থ হইয়াছে ; এখন আমি সুখে মরিতে পারিব। আপনাকে বলিতে আপত্তি নাই, একটিলে দুই পাখী মারিবার জন্ত, আমার উভয় শত্রুকে ধ্বংস করিবার নিমিত্ত—আমি এই কৌশল অবলম্বন করিয়াছিলাম। আমার আশা পূর্ণ হইয়াছে কি আনন্দ !”

আকস্মিক উত্তেজনায় এক নিশ্বাসে এতগুলি কথা বলিয়া ডাক্তার বোকাল হাঁফাইতে লাগিল ; তাহার শ্বাসরোধের উপক্রম হইল ; তাহার বিস্মৃতি-সমাচ্ছন্ন নেত্রে নরকের অন্ধকার ঘনাইয়া আসিল।

মিঃ ব্লেক তাহার সঙ্কল্পের দৃঢ়তা দেখিয়া চিন্তিত হইলেন, এবং তাহার অবস্থা দেখিয়া ভীত হইলেন। তিনি তাহাকে কোমল স্বরে বলিলেন, “মহাশয়, আপনি মানুষ, না পিশাচ ? পৃথিবীর সহিত আপনার সকল সম্বন্ধ আর কয়েক মিনিট পরেই বিলুপ্ত হইবে ; এ অবস্থায় আপনার প্রতিহিংসার সার্থকতা কি ? মিস্ মার্শার পবিত্রহৃদয়া পরোপকারিণী ধার্মিকা রমণী ; তাঁহার সম্মুখে উজ্জ্বল

কর্ণকৈত্র প্রসারিত । কত সুখের আশায় তাঁহার হৃদয় পূর্ণ ! তাঁহার প্রণয়ী বান গুণবান যুবক, তিনি অতুল ঐশ্বর্যের অধিকারী । বিশেষতঃ, মিস্ মার্সার কোন দিন আপনার কোনও অনিষ্ট করেন 'নাই' । এ অবস্থায় আপনি চিংসার বশবর্তী হইয়া তাঁহাকে কলঙ্ক-সাগরে ডুবাইবেন, তাঁহার জীবন বার্থ করিবেন ; তাঁহাকে প্রাণদণ্ডে দণ্ডিত করাইবেন ? আপনি ত মৃত্যুদ্বারে দণ্ডায়মান, আর দুই পাঁচ মিনিটের অধিক আপনার পরমায়ু নাই । জীবনের এই অন্তিম মুহূর্তে আপনি দুইটি নিরপরাধ জীবের সর্বনাশ করিয়া কি লাভবান হইবেন ? পরমেশ্বরের নিকট কি জবাবদিহি করিবেন ? আপনার যদি তাঁহার নিকট মার্জনা লাভের ইচ্ছা থাকে, তাহা হইলে আপনি আপনার এই অন্তিম মুহূর্তে ডাক্তার মার্সারকে বাঁচাইবার ব্যবস্থা করুন ।—পরমেশ্বরের দোহাই, ইহা আপনাকে করিতেই হইবে ।”

ডাক্তার বোকাল মিস্ ব্লেকের মুখের দিকে কয়েক মুহূর্ত গভীর ভাবে দৃষ্টিপাত করিয়া ধীরে ধীরে বলিল, “আপনি যাহা বলিলেন তাহাই হউক ; মৃত্যুকালে আমি আর কাহারও দ্বারা অভিশাপগ্রস্ত হইবার ইচ্ছা করি না । আমার পৃথিবীর সম্বন্ধ শেষ হইয়াছে ।”

মিস্ ব্লেক তৎক্ষণাৎ ইন্স্পেক্টর মার্টিনকে কাগজ কলম আনিবার জন্ত ইঙ্গিত করিলেন । কাগজ কলম নিকটেই ছিল, তাহা ডাক্তার বোকালের শয্যা-প্রান্তে আনীত হইলে মিস্ ব্লেক মার্টিনকে বলিলেন, “ডাক্তার বোকালের এজাচার লিখিয়া লউন ।”

ডাক্তার বোকাল অত্যন্ত ক্ষীণস্বরে বলিল, “শীঘ্র লিখিয়া লও, আমার আর অধিক সময় নাই ; আমার কণ্ঠরোধ হইবার পূর্বে সকল অপরাধ স্বীকার করিয়া যাইব ।”

ডাক্তার বোকাল মৃত্যুকালে যে এজাহার দিল, তাহা তৎক্ষণাৎ লিখিয়া লওয়া হইল ; স্মিথ ও ইন্স্পেক্টর মার্টিন সাক্ষীরূপে তাহাতে নাম সাক্ষর করিলেন । ডাক্তার বোকালও চক্ষু মুদিত করিল ।

## দ্বাদশ পরিচ্ছেদ

স্পরদিন করোনার লর্ড ওয়ারিংএর আকস্মিক মৃত্যুর কারণ নির্ণয়ের জন্য কুদ্দ লল্হাম গ্রামে উপস্থিত হইয়া, লর্ড ওয়ারিংএর হল-ঘরে সাময়িক আদালত বসাইয়া বিচার কার্য আরম্ভ করিলেন। কিন্তু দুর্ভাগ্যক্রমে পূর্বরাতে প্রবল ঝটিকা উপস্থিত হওয়ার লগুন ও তৎসম্বিহিত বহুস্থানের অনেক ঘর বাড়ী এবং প্রকাণ্ড প্রকাণ্ড বৃক্ষাদি ধরাশায়ী হইয়াছিল। এই ভীষণ ঝটিকায় রেল-পথ পর্য্যন্ত অনেক স্থানে দুর্গম হইয়াছিল; এবং টেলিগ্রাফের স্তম্ভসমূহ উৎপাটিত হওয়ার ও তার ছিন্ন হওয়ার লগুন হইতে লল্হামে সংবাদ আদান-প্রদানের উপায় রহিত হইয়াছিল। সুতরাং করোনারের বিচার আরম্ভ হইলেও ডাক্তার ইমসোবেল মার্সার বা তাঁহার প্রণয়ী মিঃ জ্যাক পি গার্ভি মিঃ ব্রেকের নিকট হইতে কোনও সংবাদ পাইলেন না। তাঁহাদের দৃষ্টিস্তর সীমা রহিল না। যদি মিস্ মার্সারকে মিথ্যা অভিযোগ হইতে মুক্তিদান করিবেন—তাঁহার সাক্ষাৎ নাই, তাহার কোন সংবাদ পর্য্যন্ত নাই। সুতরাং সে সময় তাঁহাদের মনের গাব কিরূপ শোচনীয় হইয়াছিল, তাহা ভাষায় প্রকাশ করা অসম্ভব! —তাঁহাদের সকল আশা বিলুপ্ত হইল।

নির্দিষ্ট সময়ে লর্ড ওয়ারিংএর সুপ্রশস্ত হলে বিচার আরম্ভ হইল। জুরীরা, সাক্ষীরা, পুলিশ কর্মচারীগণ দলবদ্ধ হইয়া সেখানে উপস্থিত হইলেন; বহুসংখ্যক শ্রমিকও এই রহস্যপূর্ণ মামলার বিচার দেখিতে আসিল।—বিচারালয়ে আর লোক ধরে না!

বিচারারম্ভের পূর্বে দুইজন ডাক্তার লর্ড ওয়ারিংএর শব-বাবস্কেদ রিয়াছিলেন; তাঁহারা সার চার্লস্ রিডারের সহিত বিচারকের সম্মুখে আসন হরণ করিলেন। মিঃ গার্ভি বিষন্ন বদনে তাঁহাদের পাশে উপবেশন করিলেন।

যে দুইজন ডাক্তার শব-ব্যবচ্ছেদ করিয়াছিলেন প্রথমেই তাঁহাদের জবানবন্দী গৃহীত হইল ; তাঁহাদের জবানবন্দীতে কোন নূতন কথা ছিল না।— অতিরিক্ত অহিফেন প্রয়োগই যে লর্ড ওয়ারিংএর মৃত্যুর প্রকৃত কারণ, এই ডাক্তারদ্বয়ের জবানবন্দীতে তাহা প্রতিপন্ন হইল।

ডাক্তারদ্বয়ের জবানবন্দীর পর ডাক্তার মার্সারের বৃদ্ধ কম্পাউণ্ডার জেমিসন সাক্ষ্য দিতে উঠিল। সে যে জবানবন্দী দিল তাহার মর্ম এইরূপ ;— সে ঘটনার দিন প্রভাতে ডাক্তার মার্সারের টেলিগ্রাম পাইয়া পরিচারিকার সাক্ষাতে সিন্দুক খুলিয়াছিল, এবং প্রেসক্রিপ্শনে মার্কিয়ার পরিমাণ অত্যন্ত অধিক দেখিয়া বিস্ময় প্রকাশ করিয়াছিল ; সে পরিচারিকাকেও সে কথা জানাইয়াছিল ; কিন্তু ডাক্তারের প্রেসক্রিপ্শন অনুযায়ী ঔষধ প্রস্তুত করিয়া দিতে সে বাধ্য বলিয়া ঔষধ প্রস্তুত করিয়া দিয়াছিল।

জেমিসনের জবানবন্দী শেষ হইলে করোনার তাহাকে বলিলেন, “তোমাকে আর কোন কথা জিজ্ঞাসা করিবার নাই, তুমি ঘাইতে পার।”

অতঃপর মিস্ মার্সারের পরিচারিকা মেরীর জবানবন্দী গৃহীত হইল ; সে কম্পাউণ্ডারের উক্তির সমর্থন করিল।

মিঃ জ্যাক গার্ভি সাক্ষীগণের জবানবন্দী শ্রবণ করিয়া হতাশ হইয়া পড়িলেন ; তিনি বুঝিলেন, ঘটনাচক্র যেরূপ প্রতিকূল, তাহাতে মিস্ মার্সারের অব্যাহতি লাভের আশা নাই।—প্রত্যেক সাক্ষীর জবানবন্দী তাঁহার অপরাধ সপ্রমাণ করিতে লাগিল।

ডাক্তার সার চার্লস রিডারের জবানবন্দীতেও কোন আশার কথা ছিল না ; অন্ত ডাক্তারদ্বয়ের গ্যায় তিনি স্পষ্টভাবে নির্দেশ করিলেন, অতিরিক্ত মার্কিয়া প্রয়োগে লর্ড ওয়ারিংএর মৃত্যু হইয়াছে। তিনি তাঁহার জবানবন্দীতে শবব্যবচ্ছেদ ও পরীক্ষা সম্বন্ধে চিকিৎসাশাস্ত্র-ঘটিত যে সকল যুক্তির অবতারণা করিলেন, তাহা সাধারণ পাঠকের প্রীতিকর হইবে না বলিয়া আমরা এখানে তাহার উল্লেখে বিরত হইলাম।

এই সকল সাক্ষীর জবানবন্দী শেষ হইলে করোনার বলিলেন, “এইবার আমি কুসীদজীবী পার্শিভাল কিথ্ মণ্টেলির জবানবন্দী লইব।”

এই কথা শ্রবণ করিয়া একজন পুলিশ কন্ষ্টেবল দ্বারপ্রান্ত হইতে পার্শিভালকে আহ্বান করিল।

পার্শিভাল জমকালো পরিচ্ছদে সজ্জিত হইয়া কক্ষান্তর হইতে করোনারের সম্মুখে উপস্থিত হইল; এবং তাঁহাকে সম্মানে অভিবাদন পূর্বক টেবিলের এক কোণে দণ্ডায়মান হইল। সে যথারীতি হলপ লইলে করোনার তাহাকে জিজ্ঞাসা করিলেন, “তুমি সুদি কারবার কর?”

পার্শিভাল বলিল, “হাঁ ছজুর!”

করোনার বলিলেন, “গত ৫ই প্রভাতে ইসোবেল মার্চার তোমার নিকট গিয়াছিল কি? সত্য কথা বলিবে।”

পার্শিভাল বলিল, “হাঁ, ছজুর! তিনি আমার নিকট পনের হাজার টাকা ধার করিতে গিয়াছিলেন।”

করোনার বলিলেন, “এত টাকা সে কি জন্ত ধার করিতে গিয়াছিল?”

পার্শিভাল বলিল, “তাঁহার ভাই কি একটা বিপদে পড়িয়াছিল; তাহাকে বাঁচাইবার জন্ত তাঁহার এই টাকার আবশ্যক হইয়াছিল। তিনি আমাকে বলিয়াছিলেন, টাকাটা তাঁহাকে অবিলম্বেই দিতে হইবে।”

করোনার বলিলেন, “তুমি কি তাহাকে টাকা ধার দিয়াছিলে?”

পার্শিভাল বলিল, “না ছজুর! তিনি যে দলিলের বলে এই টাকা কর্ত্ত লইতে উত্তম হইয়াছিলেন, সেই দলিলে নির্ভর করিয়া এতটাকা কর্ত্ত দেওয়া আমি সঙ্গত মনে করি নাই।”

করোনার বলিলেন, “কিরূপ দলিল?”

পার্শিভাল বলিল, “তিনি আমাকে দলিল দেন নাই; তবে আমাকে বলিয়াছিলেন, তাঁহার হাতে একটা রোগী আছে, এই রোগীর মৃত্যুর পর তিনি তাঁহার উইল-সূত্রে পঁচাত্তর হাজার টাকা পাইবেন; সেই টাকা পাইলেই আমার দেনা শোধ করিবেন।”

এই মামলায় যে সকল জুরী নিযুক্ত হইয়াছিল, তাহাদের মধ্যে মগারিজ্ নামক একটি জুরী কাণে কম শুনিত; সে পার্সিভালের কথা শুনিতে না পাইয়া বলিয়া উঠিল, “তুমি কি বলিলে শুনিতে পাইলাম না, পুনর্বার বল।”

জুরীর কথা শুনিয়া করোনার ক্রুদ্ধ নেত্রে তাহার মুখের দিকে চাহিলেন, এবং ক্রভঙ্গী করিয়া বলিলেন, “মিঃ মগারিজ্, তুমি কি কোনও কথা শুনিতে পাও না? এই পঞ্চমবার তুমি আদালতের কার্য্যে বাধা দান করিলে।”

সাইমন মগারিজ্ ক্ষুদ্র লল্হাম গ্রামে মুদ্রিখানার দোকান করিত; এই মামলায় তাহাকে জুরী নিযুক্ত করা হইয়াছিল। লোকটা বদ্ধ কাল! করোনারের তাড়া খাইয়া সে কাতরভাবে বলিল, “হাঁ! হজুর আমি কানে কিছু কম শুনি।”

করোনার বলিলেন, “তুমি কোন কথা শুনিতে পাও না, ইহা আমাকে পূর্বে জানাও নাই কেন? তাহা হইলে আমি তোমার মত অকর্ম্মণ্য জুরী গ্রহণ করিতাম না; এখানে জুরীর অভাব হইত না।”

যাহা হউক, পার্সিভাল পূর্বে যাহা বলিয়াছিল, এবার উচ্চৈঃস্বরে তাহার পুনরুক্তি করিল। করোনারের তাড়া খাইয়া মগারিজ্ এবার আর শুনিতে পার নাই বলিল না।—পার্সিভাল বলিতে লাগিল, “আমি মিস্ মার্সারকে জানাইলাম, তিনি ভবিষ্যতে কাহার নিকট কি পাইবেন না পাইবেন, তাহার উপর নির্ভর করিয়া আমি তাঁহাকে এত টাকা কর্জ দিতে পারি না; তবে যদি লর্ড ওয়ারিংএর মৃত্যু হইত, ও আমি তাঁহার উইল বা উইলের নকল দেখিয়া বুঝিতে পারিতাম বাস্তবিকই মিস্ মার্সারের অর্থলাভের আশা আছে, তাহা হইলে হয় ত তাঁহাকে টাকা কর্জ দিতে আমার আপত্তি হইত না।”

পার্সিভালের জবানবন্দীর পর ডিটেক্টিভ ইন্স্পেক্টর কলেজের ডাক পড়িল। তিনি জবানবন্দী দিলেন, তিনি মিস্ মার্সারের ডেস্কের খোপে একখানি অসম্পূর্ণ পত্র পাইয়াছিলেন, সেই পত্রখানি মিঃ জ্যাক, পি, গার্ডিকে লক্ষ্য করিয়া লেখা; কিন্তু তাহা ডাকে প্রেরণ করা হয় নাই। ইন্স্পেক্টর কলেজ সেই পত্রখানি আদালতে দাখিল করিলেন।



করোনার ইন্স্পেক্টর কলেজকে বলিলেন, “পত্রের শেষাংশে লেখা রহিয়াছে, তোমার নিকট ‘এই টাকা না পাইলে আমাকে বোধ হয় কোন দুঃসাহসের কার্যে প্রবৃত্ত হইতে হইবে’—মিস্ মার্সারের এই উক্তির অর্থ আপনি কিরূপ বুঝিয়াছেন ?”

ইন্স্পেক্টর কলেজ গম্ভীর ভাবে বলিলেন, “লর্ড ওয়ারিংএর মৃত্যুর পর একথার অর্থ বুঝিতে বোধ হয় কাহারও অসুবিধা হইবে না। মিস্ মার্সার টাকা না পাইয়া কিরূপ দুঃসাহসের কার্যে প্রবৃত্ত হইয়াছিলেন, তাহা স্পষ্ট করিয়া বলিবার আবশ্যক নাই।”

ইন্স্পেক্টর কলেজ সম্বন্ধে মিঃ গার্ভির ধারণা প্রথম হইতেই ভুল ছিল না ; মিঃ গার্ভি তাঁহার কথা শুনিয়া ক্রোধে অধীর হইয়া উঠিলেন, তাঁহার মুখমণ্ডল আরক্তিম হইল। আদালতের বাহিরে একথা বলিলে মিঃ গার্ভি বোধ হয় ইন্স্পেক্টর কলেজকে ঘৃসি মারিতেন ; কিন্তু বিচারকের সমক্ষে তাহা সম্ভব নহে ভাবিয়া তিনি অতি কষ্টে ধৈর্য্য ধারণ করিলেন। এই সঙ্কটময় মুহূর্ত্তে মিঃ ব্লেকের কথা তাঁহার মনে পড়িল ; মিঃ ব্লেক তাঁহাকে ও মিস্ মার্সারকে আশা দিয়াছিলেন, তিনি রহস্যভেদ করিবেন ; নিরপরাধ মিস্ মার্সার এই গুরুতর অভিযোগ হইতে মুক্তিলাভ করিবেন।—কিন্তু তাহার পর আর তাঁহার সাক্ষাৎ নাই ! এ সময় তিনি উপস্থিত হইতে না পারিলে তাঁহার আসা-না-আসা সমান ; এ সম্বন্ধে অভাগিনী যুবতীকে কে রক্ষা করিবে ?”

মিঃ গার্ভি এই সকল কথা চিন্তা করিতেছেন, এমন সময় করোনার মাথা তুলিয়া ডাকিলেন, “ডাক্তার ইসোবেল মার্সার !”

করোনারের কথা শুনিয়াই মিঃ গার্ভির চিন্তার স্রোত অবরুদ্ধ হইল, তিনি তৎক্ষণাৎ দ্বারপ্রান্তে দৃষ্টিপাত করিলেন ; দেখিলেন, মলিনবদনা বিবাদের প্রতিমাস্বরূপিনী ইসোবেল অবনত বদনে সেই কক্ষে প্রবেশ করিতেছেন ! তিনি বাহ্যিক অধীরতা প্রকাশ না করিলেও তাঁহার হৃদয়ে চঞ্চিষ্ঠার তুফান বহিতেছিল, ইহা সকলেই বুঝিতে পারিল। দর্শকগণ সকলেই সবিম্বরে তাঁহার মুখের দিকে চাহিয়া রহিল ; কিন্তু তিনি কোনদিকে দৃষ্টিপাত না

ক্রিয়া টেবিলের অন্ত প্রান্তে দণ্ডায়মান হইলেন, এবং বাইবেলখানি ওষ্ঠে স্পর্শ করিয়া হমপ লইলেন।

করোনার তাঁহাকে যে সকল প্রশ্ন জিজ্ঞাসা করিলেন ও জেরা করিলেন, মিস্ মার্শার নিয়ন্ত্রণে সংযত ভাবে তাহার উত্তর দিলেন; একটি কথাও অতিরিক্ত করিয়া বলিলেন না। তাঁহার জবানবন্দী শেষ হইলে করোনার তাঁহাকে বলিলেন, “লর্ড ওয়ারিংএর জন্ত আপনি যে প্রেসক্রিপ্‌সন্ লিখিয়াছিলেন, তাহাতে ছয় ফোঁটা মর্ফাইনের ব্যবস্থা করিয়াছিলেন বলিলেন; সেই ছয় ফোঁটা কিরূপে ষাট ফোঁটার দাঁড়াইল, তাহা আপনি বলিতে পারেন? আপনি স্বয়ং স্বীকার করিয়াছেন, এই প্রেসক্রিপ্‌সন্খানি আপনার সিন্দুকে বন্ধ করিয়া রাখিয়াছিলেন, এবং সিন্দুকটি এরূপ কৌশলে আবদ্ধ করা হইয়াছিল যে, সে কৌশল আপনি ভিন্ন অন্য কেহ জানিত না।”

ইসোবেল বলিলেন, “ছয় ফোঁটা মর্ফাইন কিরূপে ষাট ফোঁটা হইল, তাহা আমি বলিতে পারি নাই; কিন্তু আমি শপথ করিয়া বলিতেছি, আমি ছয় ফোঁটা মর্ফাইনেরই ব্যবস্থা করিয়াছিলাম; উহা আমার কম্পাউণ্ডারের হস্তগত হইবার পূর্বেই এই পরিবর্তন হইয়াছিল, এ বিষয়ে সন্দেহ নাই। আমার কম্পাউণ্ডার প্রভাতে সিন্দুক খুলিবার পূর্বেই অন্য কোন লোক আমার সিন্দুক খুলিয়াছিল, তাহার অন্য প্রমাণও পাইয়াছি; কারণ আমি সিন্দুকে যে কয়েকখানি নোট রাখিয়াছিলাম তাহাও পাওয়া যায় নাই।”

করোনার ইসোবেলের কথা বিশ্বাস করিলেন না, অবিশ্বাসভরে বলিলেন, “আপনি কি বলিতে চান আপনার নোটগুলি চুরি গিয়াছে?”

ইসোবেল বলিলেন, “হাঁ!”

করোনার বলিলেন, “ইহা আপনি সপ্রমাণ করিতে পারেন?”

ইসোবেল বলিলেন, “না, ইহা আমি সপ্রমাণ করিতে পারিব না; কারণ আমি নোটের নম্বর রাখি নাই।”

বগারিজ নামক ছুরীটি এই সময় বলিয়া উঠিল, “ডাক্তার কি বলিলেন আমি বলিতে পারি নাই।”

করোনার মুখ বিকৃত করিয়া বলিলেন, “তুমি গোল্লায় যাও !”

যাহা হউক, করোনারের আদেশে ইসোবেল পূর্বকথার পুনরাবৃত্তি করিলেন ; তাহার পর তিনি ইসোবেলকে বলিলেন, “আপনাকে আর কোন কথা জিজ্ঞাসা করিবার নাই ; তবে আমি দুইটি কথা জানিতে চাই, লর্ড ওয়ারিংএর মৃত্যুর পর তাঁহার উইলম্বুত্রে আপনার পঁচাত্তর হাজার টাকা পাইবার আশা আছে, এ কথা কি সত্য ?”

ইসোবেল কুণ্ঠিত ভাবে বলিলেন, “হাঁ, সত্য ।”—“তাঁহার এই কথা শুনিয়া জুরীরা পরস্পর দৃষ্টি বিনিময় করিল ।”

করোনার বলিলেন, “আপনার ভাইকে বাচাইবার জন্ত আপনার পনের হাজার টাকার আবশ্যক হইয়াছিল, এ কথা কি সত্য ?”

ইসোবেল বলিলেন, “হাঁ, সত্য ।”

করোনার বলিলেন, “ডাক্তার মার্সার, আপনি এখন বসিতে পারেন ।”

অনন্তর করোনার জুরীগণকে সম্বোধন পূর্বক বলিলেন, “মহাশয়গণ, আপনারা ডাক্তার মার চার্লস রিডার ও তাঁহার সহযোগী ডাক্তারদ্বয়ের জবানবন্দী শ্রবণ করিলেন ; তাহা হইতে আপনারা নিঃসন্দেহে বুঝিয়াছেন, অপরিমিত মর্ফাইন প্রয়োগই লর্ড ওয়ারিংএর মৃত্যুর প্রকৃত কারণ । ডিটেট্টিক্ট ইন্স্পেক্টর কলেজ ও কুসীদজীবী পার্শিতাল কিথ্‌মণ্টলি যে জবানবন্দী দিয়াছেন, তাহাতে সুস্পষ্ট প্রতিপন্ন হইয়াছে যে, বর্তমান দুর্ঘটনার অব্যবহিত পূর্বে ডাক্তার ইসোবেল মার্সারের হঠাৎ অনেকগুলি টাকার অত্যন্ত আবশ্যক হইয়াছিল । ডাক্তার মার্সারও সে কথা স্বীকার করিয়াছেন ; এখন কি, ডাক্তার মার্সার মিঃ জ্যাক পি গার্ডিকে যে পত্রখানি লিখিতেছিলেন, সেই পত্রেও তিনি স্বীকার করিয়াছেন, এই টাকাগুলি না পাইলে তাঁহাকে সম্ভবতঃ কোন হুঃসাহসিক কার্যে প্রবৃত্ত হইতে হইবে !

“আপনারা ডাক্তার ইসোবেল মার্সারের পরিচারিকা মেরী, ও কম্পাউণ্ডার জর্জ জেমিসনের জবানবন্দীতে জানিতে পাইয়াছেন, ডাক্তার মার্সারের সিন্দুক

হইতে যখন প্রেসক্রিপ্‌সন্থানি বাহির করা হয়, তখন তাহাতে ৬০ ফোঁটা মর্ফাইনের উল্লেখ ছিল।

“মিস্ মার্সার বলিয়াছেন, তাঁহার সিন্দুক—যে সিন্দুক চাবির সাহায্যে খুলিবার উপায় নাই, এবং তিনি ভিন্ন অণ্ড কোন লোক যাহা খুলিবার কৌশল অবগত ছিল না—সেই সিন্দুক দুর্ঘটনার পূর্বাধিন রাতে অণ্ড কোন লোক কৌশলক্রমে খুলিয়া প্রেসক্রিপ্‌সনে ৬ ফোঁটার পরিবর্তে ৬০ ফোঁটা মর্ফাইন লিখিয়া রাখিয়াছিল! কেবল তাহাই নহে, সিন্দুকে তাঁহার যে সকল নোট ছিল, তাহাও চুরী গিয়াছে; কিন্তু চুরীর কথা যে সত্য, তাহা তিনি সপ্রমাণ করিতে পারেন নাই, এবং অণ্ড কোন লোক দ্বারা প্রেসক্রিপ্‌সনের পরিবর্তন যে সম্ভব—তাহাও তিনি প্রতিপন্ন করেন নাই।

“বিভিন্ন সাক্ষীর জবানবন্দীতে আপনারা যে সকল প্রমাণ পাইয়াছেন, তাহার উপর নির্ভর করিয়া আপনাদিগকে এই সিদ্ধান্ত করিতে হইবে যে, অণ্ড কোনও লোক দ্বারা সিন্দুক খুলিয়া প্রেসক্রিপ্‌সনের এইরূপ পরিবর্তন সম্ভব কি না; ডাক্তার মিস্ মার্সার অসাধনতাংশতঃ ভ্রমক্রমে প্রেসক্রিপ্‌সনে ‘মর্ফিয়ার’ এইপ্রকার সাংঘাতিক মাত্রার ব্যবস্থা করিয়াছিলেন কি না; অথবা তিনি স্বার্থ-সিদ্ধির উদ্দেশ্যে পরিমিত মাত্রার দশগুণ মর্ফাইন ব্যবস্থা করিয়া স্বৈচ্ছায় রোগীর মৃত্যু ঘটাইয়াছেন কি না।—আপনারা এই সকল বিষয় আলোচনা করিয়া কিরূপ সিদ্ধান্ত স্থির করেন, তাহা আমার গোচর করুন।”

করোনারের বক্তব্য শেষ হইলে জুরীরা দুই তিন মিনিট নিম্নস্বরে কি পরামর্শ করিলেন। তাহার পর জুরীগণের ‘ফোর ম্যান’ দণ্ডায়মান হইয়া সুস্পষ্ট স্বরে বলিলেন, “আমরা সকল জুরী একমত হইয়া এই সিদ্ধান্তে উপনীত হইয়াছি যে, “ডাক্তার ইসোবেল মার্সার স্বৈচ্ছায় নরহত্যা করিয়াছেন।”

জুরীগণের সিদ্ধান্ত শুনিয়া করোনার ডিটেক্টিভ ইন্স্পেক্টর কলেজের মুখের দিকে দৃষ্টিপাত করিলেন; ইন্স্পেক্টর কলেজ তাঁহার অভিপ্রায় বুঝিয়া তৎক্ষণাৎ দণ্ডায়মান হইয়া পকেট হইতে একখানি কাগজ বাহির করিলেন।—কাগজখানি দেখিবামাত্র সকল বুঝিতে পারিলেন, তাহা গ্রেপ্তারী ওয়ারেন্ট!

মিস্ মার্সারও সেই কাগজখানি দেখিলেন ; তিনি লজ্জায় ভয়ে মস্তক অবনত করিলেন , তিনি জগৎ অন্ধকার দেখিলেন, তাঁহার মাথা ঘুরিয়া উঠিল। তিনি পড়িয়া যান দেখিয়া মিঃ গাভি তাড়াতাড়ি উঠিয়া তাঁহাকে ধরিয়া ফেলিলেন ; কিন্তু তিনি মিস্ মার্সারকে সাহুনা দানের পূর্বেই ডিটেক্টিভ ইন্স্পেক্টর কলেজ তাঁহার সম্মুখে উপস্থিত হইয়া মিস্ মার্সারকে সম্বোধন পূর্বক গম্ভীর স্বরে বলিলেন, “ডাক্তার ইসোবেল মার্সার ! আপনি আপনার চিকিৎসাধীন রোগী লর্ড ওয়ারিংকে ইচ্ছা পূর্বক হত্যা করিয়াছেন—এই অভিযোগে আমি আপনাকে গ্রেপ্তার করিলাম।”

## ত্রয়োদশ পরিচ্ছেদ

ড্রিটেকটিভ ইন্সপেক্টর কলেজ তাঁহার কথা শেষ করিয়া মিস্ মার্চারের সম্মুখে  
গ্রেপ্তারী পরোয়ানাখানি প্রসারিত করিয়াছেন, এমন সময় সেই কক্ষের দ্বার-  
প্রান্ত হইতে কে জলদগম্বীর স্বরে বলিলেন, “খামুন মহাশয়! এত বাস্ত  
হইবেন না।”

সকলে সবিস্ময়ে দ্বারের দিকে চাহিলেন; বক্তা স্বয়ং মিঃ রবার্ট ব্লেক!  
—মিঃ ব্লেক, তাঁহার সহকারী স্মিথ, এবং ইন্সপেক্টর মার্টিন ধীর পদবিক্ষেপে  
করোনারের সম্মুখে উপস্থিত হইলেন।

মিঃ ব্লেকে দেখিবামাত্র মিঃ গার্ডি উৎসাহ লক্ষ্যে উঠিলেন; তিনি  
ক্রতপদে অগ্রসর হইয়া মিঃ ব্লেকের হস্ত ধারণ পূর্বক আবেগ-কম্পিত-  
স্বরে বলিলেন, “মিঃ ব্লেক! এতক্ষণে আপনি আসিলেন? জয় জগদীশ,  
তুমিই ধন্য!—মিঃ ব্লেক, বলুন, আপনি মিস্ মার্চারকে এই ভীষণ অভি-  
যোগ হইতে উদ্ধার করিতে পারিবেন?”

মিঃ ব্লেক বলিলেন, “নিশ্চয়ই।”

করোনার পাছে লগুনের ট্রেন না পান, এই ভয়ে তাড়াতাড়ি করিতে-  
ছিলেন। তিনি তাঁহার কাগজপত্রগুলি গুছাইয়া ব্যাগে পূরিতেছিলেন—  
এমন সময় মিঃ ব্লেকের আকস্মিক আবির্ভাব!—ব্যাপার কি তাহা বুঝিতে  
না পারিয়া, তিনি ক্রকুঞ্চিত করিয়া বলিলেন, “ব্যাপার কি! এত গোল-  
মাল কেন?”

মিঃ ব্লেকের দক্ষিণ হস্ত ব্যাণ্ডেজ-বান্ধা; অগ্র হস্তে ঘেরাটোপ-ঢাকা  
কি একটা গোলাকার জিনিস ঝুলিতেছিল। তিনি করোনারকে লক্ষ্য করিয়া  
অচঞ্চল স্বরে বলিলেন, “মহাশয়, আমি এই মামলার সাক্ষ্য দিতে আসিয়াছি।”

করোনার বলিলেন, “কিন্তু আমার আদালতে এ মামলা শেষ হইয়াছে।  
এখন আর কোনও সাক্ষীর জবানবন্দী লইবার উপায় নাই।”

মিঃ ব্লেক বিন্দুমাত্র চাকলা প্রকাশ না করিয়া বলিলেন, “তাহা হইলে মামলার কি রায় প্রকাশ হইয়াছে, তাহা জানিতে পারি কি ?”

করোনার ব্যাগ বন্ধ করিতে করিতে বিরক্তিতরে বলিলেন, “ডাক্তার ইসোবেল মাসারিকে স্বৈচ্ছাকৃত নরহত্যার অভিযোগে অভিযুক্ত করা হইয়াছে।”

মিঃ ব্লেক বলিলেন, “তাহা হইলে আমি আপনাকে দৃঢ়তার সহিত জানাইতে বাধ্য হইতেছি যে, যদি আপনি আমাদের জবানবন্দী না লইয়া আসামীকে চালান দেন, তাহা হইলে সুবিচারের ব্যাঘাত ঘটবে। মিস্ মাসারি সম্পূর্ণ নিরপরাধ, এবং যে প্রেসক্রিপ্‌সনে নির্ভর করিয়া তাঁহাকে স্বৈচ্ছাকৃত নরহত্যার অভিযোগে অভিযুক্ত করা হইয়াছে, সেই প্রেসক্রিপ্‌সন্ মিস্ মাসারি ও লর্ড ওয়ারিং‌এর কোনও শত্রুকর্তৃক জাল হইয়াছে,—তাহার অকাটা প্রমাণ আমি আপনাকে দেখাইতে আসিয়াছি।”

মিঃ ব্লেকের এই সুস্পষ্ট কথা শুনিয়া করোনার কিছু ধাঁধার পড়িলেন ; এ অবস্থায় তিনি কি করিবেন হঠাৎ স্থির করিয়া উঠিতে পারিলেন না ; সুতরাং দাড়ী চুল্‌কাইতে চুল্‌কাইতে বলিলেন, “অকাটা প্রমাণ লইয়া আসিয়াছেন ? তা, আপনি সময় থাকিতে এই অকাটা প্রমাণ আনিতেই ত পারিতেন ; এখন আমি কি করিব ?”

— মিঃ ব্লেক বলিলেন, “কোনও কোনও প্রমাণ সংগ্রহে বিলম্ব হইয়া গিয়াছে ; আজ সকালে যখন তাহা সংগৃহীত হইল, তখন আর ট্রেণ পাইবার উপায় ছিল না।—এ বিলম্ব আমার স্বৈচ্ছাকৃত নহে।”

করোনার বলিলেন, “ট্রেণ যখন পাইলেন না, তখন টেলিগ্রাম করিলেন না কেন ?”

মিঃ ব্লেক বলিলেন, “টেলিগ্রাম করিবারও উপায় ছিল না ; গত রাত্রে ভীষণ ঝড়ে টেলিগ্রাফের তার ছিঁড়িয়া খুঁটা উপড়াইয়া লণ্ডন হইয়া গিয়াছে ! টেলিগ্রাফ বন্ধ।”

করোনার মহাশয়ের দাড়ী আবার চুল্‌কাইয়া উঠিল !

করোনার ক্ষণকাল চিন্তা করিয়া মিঃ ব্লেককে বলিলেন, “আপনি কি মতাই মিস্ মাসারির নির্দোষিতার অকাটা প্রমাণ লইয়া আসিয়াছেন ?”

মিঃ ব্লেক বলিলেন, “সে কথা আপনাকে পূর্বেই বলিয়াছি।”

করোনার বলিলেন, “হাঁ, বলিয়াছেন বটে; সকল সাক্ষীই স্ব-স্ব প্রমাণকে অকাটা মনে করে; বিশেষতঃ, পেশাদার সাক্ষীদের প্রমাণ আরও অকাটা! বাহা হউক, আপনি লোকটি কে, এখন পর্য্যন্ত জানিতে পারি নাই।”

মিঃ ব্লেক করোনারের কথায় বিক্রপের গন্ধ পাইয়া বিরক্ত হইলেন, কিন্তু সে ভাব গোপন করিয়া বলিলেন, “আমি আর বাহাই হই, পেশাদার সাক্ষী নহি, এ কথা বোধ হয় আমার নাম শুনিলে আপনার বিশ্বাস হইতেও পারে; আমার নাম রবার্ট ব্লেক।”

মিঃ ব্লেকের নাম শুনিয়া করোনার হঠাৎ সোজা হইয়া বসিলেন। তিনি এতক্ষণ অবজ্ঞার সহিত কথা বলিতেছিলেন, সে ভাবটা চট্ করিয়া চলিয়া গেল। মিঃ ব্লেকের খ্যাতি-প্রতিপত্তি তাঁহার অজ্ঞাত ছিল না। বাহারা করোনার সাহেবের মুক্কি, তাঁহারা মিঃ ব্লেকের বন্ধুবান্ধব, তাহাও তিনি জানিতেন।—তিনি সাগ্রহে জিজ্ঞাসা করিলেন, “লণ্ডনের সুবিখ্যাত ডিটেক্টিভ মিঃ ব্লেক?”

মিঃ ব্লেক হাসিয়া বলিলেন, “বিখ্যাত কি অখ্যাত বলিতে পারি না, কিন্তু ডিটেক্টিভ ব্লেক লণ্ডনে একজনই আছে; আমিই সেই লোক।”

করোনার উৎকট সমস্যার পড়িয়া অধীরভাবে কাগজপত্রগুলি নাড়া-চাড়া করিতে লাগিলেন। করোনারের রায় প্রকাশের পর তিনি আবার নূতন করিয়া বিচার আরম্ভ করিতে পারেন কি না; একরূপ করিলে বে-আইনি করা হইবে কি না, এবং কাজটা বে-আইনি হইলে তাঁহাকে কর্তৃপক্ষের নিকট কর্ণমর্দন লাভ করিতে হইবে কি না, এই সকল কথা চিন্তা করিয়া তিনি বড়ই উৎকণ্ঠিত হইয়া উঠিলেন; দাড়ী চুল্কাইয়া তিনি এই কঠিন সমস্যার মীমাংসা করিতে পারিলেন না; শেষে মাথা চুল্কাইয়া বলিলেন, “মিঃ ব্লেক, আপনি আমাকে বড়ই বিপদে ফেলিলেন! ঐপন্থিত ক্ষেত্রে আমার কি কর্তব্য, তাহা বুঝিয়া উঠিতে পারিতেছি না; তবে বোধ হয় একটা কাজ করা বাইতে পারে,—আপনার বাহা কিছু



বলিবার আছে বলুন—আমি তাহা লিখিয়া নথিভুক্ত করিয়া রাখিতেছি ; আপনি যদি সপ্রমাণ করিতে পারেন যে, মিস্ মার্সারের লিখিত প্রেসক্রিপ্‌সন অণু কোনও লোক জাল করিয়াছে, তাহা হইলে আমি ডিটেক্‌টিভ ইন্স্পেক্টর কলেজকে অনুরোধ করিব—তিনি যেন আপাততঃ ওয়ারেন্ট-বলে আসামীকে গ্রেপ্তার না করেন।”

মিঃ ব্লেক করোনাবারের প্রস্তাবে সন্মতি জ্ঞাপনপূর্বক সেই কক্ষের মধ্যস্থলে অগ্রসর হইলেন, এবং তাহার হস্তস্থিত বেরাটোপ-ঢাকা গোলাকার পদার্থটি টেবিলের উপর রাখিয়া জ্বানবন্দী দিতে প্রস্তুত হইলেন ; তাহার পর যথারীতি হলফ লইয়া বলিলেন, “মিস্ মার্সার প্রথম হইতেই বলিয়া আসিয়াছেন প্রেসক্রিপ্‌সনখানি অণু লোকে জাল করিয়াছে, এ কথা সম্পূর্ণ সত্য।—কিন্তু এ কথা সপ্রমাণ করিবার পূর্বে আমি বিষয়টি পরিষ্কৃত করিবার জন্ত সঙ্ক্ষেপে পূর্ব কথার আলোচনা করিব।—

“কয়েক বৎসর পূর্বে এই লল্‌হাম গ্রামে একজন ডাক্তার ডাক্তারী করিত ; তাহার নাম রেজিনাল্ড বোকাল’। মিস্ মার্সার লর্ড ওয়ারিংএর উইলম্বুত্রে যে টাকা পাঠবেন, সেই টাকা প্রথমে ডাক্তার বোকালেরই পাইবার কথা ছিল ; অর্থাৎ উইলে মিস্ মার্সারের নাম ডাক্তার রেজিনাল্ড বোকালের নামের পরিবর্তে সন্নিবিষ্ট ছিল। উইলের একটি ধারা-ছিল, লর্ড ওয়ারিংএর মৃত্যুর পর তাহার পরিত্যক্ত সম্পত্তি হইতে ডাক্তার বোকালকে পঁচাত্তর হাজার টাকা প্রদান করা হইবে। কিন্তু কিছু দিন পরে লর্ড ওয়ারিংএর একমাত্র কন্যা ডোরোথি নিউমোনিয়া রোগে আক্রান্ত হইলে ডাক্তার বোকাল সেই বালিকার চিকিৎসায় অত্যন্ত অবহেলা করে ! ডাক্তার বোকাল ভয়ঙ্কর চণ্ডখোর ; সে সংশয়াপন্ন রোগীর চিকিৎসা ছাড়িয়া বাড়ীতে আসিয়া নেশা করিতে থাকে। কন্যার শোচনীয় অবস্থা দেখিয়া লর্ড ওয়ারিং ডাক্তারকে টেলিফোনে সংবাদ দিলেন, এবং তাহার কোন সাড়াশব্দ না পাইয়া সেই দুর্যোগের রাতে স্বয়ং ডাক্তারের বাড়ী গিয়া দেখিলেন, ডাক্তার চণ্ডুর নেশায় উত্থানশক্তি রহিত ! তিনি অগত্যা ডাক্তার

মাসাঁরের গৃহে উপস্থিত হইয়া তাঁহাকে লইয়া বাড়ী চলিলেন ; বাড়ী গিয়া দেখিলেন, তাঁহার প্রাণাধিকা কণ্ঠা অচিকিৎসার প্রাণত্যাগ করিয়াছে। লর্ড ওয়ারিং এই ব্যাপারে ক্রুদ্ধ হইয়া তাঁহার উইল পরিবর্তিত করিলেন ; এবং উইলে বোকালকে যে টাকা দিতে প্রতিশ্রুত ছিলেন, তাহা তাঁহার মৃত্যুর পর ডাক্তার মাসাঁর পাইবেন, এইরূপ ব্যবস্থা করিলেন।—ডাক্তার বোকাল চণ্ডুখোর—তাঁহার হস্তে লোকের চিকিৎসার ভার দেওয়া নিরাপদ নহে, —লর্ড ওয়ারিং গ্রামে এই কথা প্রচার করিলে ডাক্তার বোকালের পসার-প্রতিপত্তি নষ্ট হইল ; অবশেষে সে নিরুপায় হইয়া মনের দুঃখে লল্হাম ত্যাগ করিল। লর্ড ওয়ারিংএর মৃত্যুর পূর্ক্সাত্রে কিন্তু একবার সে সেখানে গমন করিয়াছিল।

“মিস্ মাসাঁর যে সময় তাঁহার সিন্দুক প্রেসক্রিপ্‌সন্খানি বন্ধ করেন, সে সময় তাহাতে মফাঁইনের মাত্রা ছয় ফোঁটার অধিক লেখা ছিল না। সেইরাত্রেই ডাক্তার বোকাল ছুরভিসন্ধিতে ডাক্তার মাসাঁরের বাড়ীর আসে-পাশে ঘুরিতে থাকে ; তখন তাঁহার অবস্থা অতি শোচনীয়, অর্থাভাবে সে অত্যন্ত বিপন্ন ; ডাক্তার মাসাঁরের গৃহে প্রবেশ করিয়া সে কিছু টাকা চুরী করিবে, ইহাই তাঁহার অভিপ্রায় ছিল। ইতিমধ্যে মিস্ মাসাঁর তাঁহার কক্ষের বাতায়ন খোলা রাখিয়াই স্থানান্তরে গমন করেন ; সেই সুযোগে ডাক্তার বোকাল সেই বাতায়নপথে সেই কক্ষে প্রবেশ করে, এবং তাঁহার সিন্দুকটি খুলিয়া ফেলে।”

করোনার বিষয়ে স্তম্ভিতপ্রায় হইয়া এই অদ্ভুত কাহিনী শ্রবণ করিতেছিলেন ; তিনি হঠাৎ জিজ্ঞাসা করিলেন, “ডাক্তার বোকাল কি কৌশলে সিন্দুক খুলিল ?—সে নিশ্চয়ই সিন্দুক ভাঙে নাই।”

মিঃ ব্লেক বলিলেন, “না, ডাক্তার বোকালকে সিন্দুক ভাঙিতে হয় নাই ; হঠাৎ সে সিন্দুক খুলিবার কৌশল জানিতে পারিয়াছিল !—ব্যাপারটা সম্পূর্ণ আকস্মিক !”

করোনার বলিলেন, “সে ইহা কিরূপে জানিল ?”

মিঃ ব্লেক বলিলেন, “বেসকল সংখ্যার সমাবেশে চাকা ঘুরাইয়া সিন্দুক খুলিতে হয়, সেই সকল সংখ্যা হঠাৎ ডোডো তাহার সম্মুখে আবৃত্তি করিয়াছিল।”

করোনার সবিস্ময়ে বলিলেন, “ডোডো কে ?”

মিঃ ব্লেক বলিলেন, “ডোডো মিস্ মার্সারের পোষা টিয়াপাখী। সে বাহা শোনে, তাহাই অবিকল আবৃত্তি করিতে পারে! এরূপ অদ্ভুত ক্ষমতা কদাচিৎ দেখিতে পাওয়া যায়।”

করোনার বলিলেন, “আপনার কথা সত্য হইতে পারে, কিন্তু বিশ্বাসের অযোগ্য বলিয়াই মনে হয়।”

মিঃ ব্লেক বলিলেন, “আপনি একথা বলিবেন তাহা জানিতাম; কিন্তু আমি আপনার চক্ষুর্কার্ণের বিবাদভঙ্গনের জন্য প্রস্তুত হইয়াই আসিয়াছি; আপনি পরীক্ষা করুন।”

অনন্তর মিঃ ব্লেক টেবিলের উপর সংরক্ষিত গোলাকার আধারটির আবরণ উন্মোচন করিবামাত্র, সকলে সবিস্ময়ে দেখিলেন, একটি অতি বৃহৎ গোলাকার পিঞ্জরের মধ্যে একটি শুকপক্ষী বসিয়া আছে! আবরণ খুলিবামাত্র পাখীটা শিষ্ দিয়া বলিল, “এখানে তোমরা কে ?”

সেই টেবিলের অদূরে পূর্বোক্ত মগারিজ নামক জুরীটি বসিয়াছিল; ডোডো তাহার দিকে দৃষ্টিনিক্ষেপ করিয়া বলিল “কে তুই, সরিয়া যা! তোমার মাথায় এত লম্বা লম্বা চুল কেন? চুল কাটিস্।”

ডোডোর কথা শুনিয়া উপস্থিত ব্যক্তিগণের বিস্ময়ের সীমা রহিল না; মনেকেই অক্ষুট স্বরে তাহার সমালোচনা করিতে লাগিল, কিন্তু মিঃ ব্লেক পুনর্বার কথা বলিতেই অক্ষুট কোলাহল নিবৃত্ত হইল।

মিঃ ব্লেক বলিলেন, “মিস্ মার্সারের সিন্দুক যে ঘরে ছিল, ডোডো সর্বদাই সেই ঘরে থাকিত; এবং মিস্ মার্সারের সকল কথা মনে দিয়া গুণিত। মিস্ মার্সার সিন্দুক খুলিবার সময়, যে সংখ্যাগুলি দ্বারা সিন্দুক খুলিতে হইত, তাহা ডোডোর শ্রুতিগম্য স্বরে আবৃত্তি করিয়া সিন্দুক খুলিতেন;

স্বতরাং সেই সংখ্যাগুলি ডোডোর মুখস্থ হইয়া গিয়াছিল। ডাক্তার বোর্কা'ল রাত্রিকালে গোপনে সেই কক্ষে প্রবেশপূর্বক সিন্দুক খুলিবার চেষ্টা করিলে ডোডো অভ্যাসক্রমে সেই সংখ্যাগুলির আবৃত্তি করে; কারণ সে জানিত, সিন্দুক খুলিতে হইলেই মিস্ মার্সার সেই সংখ্যাগুলি উচ্চারণ করিয়া থাকেন।”

জুরী মগারিজ্ বলিয়া উঠিল, “আপনি কি বলিলেন, তাহা শুনিতে পাই নাই; আমি কাণে কিছু কম শুনি।”

মিঃ ব্লেক যাহা বলিয়াছিলেন তাহার পুনরাবৃত্তি করিলেন। করোনার নিস্তক ভাবে মিঃ ব্লেকের কথা শুনিতেছিলেন; এতক্ষণ পরে তিনি বলিলেন, “বড়ই আশ্চর্য্য কথা! কিন্তু পাখীটা সেই সংখ্যাগুলি বোর্কা'লের সম্মুখে আবৃত্তি করিয়াছিল কি না তাহা কিরূপে বুঝিব?”

মিঃ ব্লেক বলিলেন, “আপনার বিশ্বাস উৎপাদনের জন্তই ডোডোকে বহুকষ্টে এখানে লইয়া আসিয়াছি; উচাকে ধরিয়া খাঁচার পুরিবার সময় আমার হাত এমন ভাবে কামড়াইয়া দিয়াছিল যে, আমাকে হাতে ব্যাণ্ডেজ্ বাধিতে হইয়াছে। যাহা হউক, আমি উহার মুখ দিয়া সেই সংখ্যাগুলি বাহির করিবার চেষ্টা করিয়া দেখি, কিন্তু এত লোকের মধ্যে কৃতকার্য্য হইব কি না বুঝিতে পারিতেছি না।”

অনন্তর মিঃ ব্লেক ডোডোর খাঁচার নিকট মুখ লইয়া গিয়া নিম্নস্বরে বলিলেন, “ডোডো, ডোডো! সিন্দুক খুলিব;—১৪—৩—১৩—২।”

ডোডো মিঃ ব্লেকের কথার কর্ণপাত করিল না; সে তাহার ইচ্ছামত নানা কথা বলিতে লাগিল, কিন্তু কাজের কথা তাহার মুখ হইতে বাহির হইল না।—কয়েক মিনিট পরে সে অন্যান্য কথার সঙ্গে বলিয়া উঠিল, “১৪—৩—১৩ ২;—পুষ, পুষ, পুষ; মিউ, মিউ!”

করোনার বলিলেন, “অদ্ভুত বটে!”

জুরী মগারিজ্ বলিল, “পাখীটা কি বলিল, আমি শুনিতে পাই নাই। সিন্দুক খুলিবার সম্বন্ধে উহার জানা থাকিলে পুনর্বার বলিতে বলুন।”

মিঃ ব্লেক বলিলেন, “চীৎকার করিয়া না বলিলে আপনি ত শুনিতে পাইবেন না। পাখীটা যে চীৎকার করিয়া বলিবে, একরূপ বোধ হয় না; যাহা হউক, আপনি যদি কথাগুলি শুনিতে চাহেন, তাহা হইলে আপনি খাঁচার পাশে কাণ লইয়া বান; আমি আর একবার চেষ্টা করিয়া দেখি।”

মিঃ ব্লেকের কথা শুনিয়া মগারিজ্জ্ বলিল, “এ পরামর্শ মন্দ নহে।”—অনন্তর সে চেয়ার হইতে উঠিয়া তাহার বাম কর্ণটি খাঁচার অভ্যন্তর নিকটে লইয়া গেল, ডোডো পিঞ্জরের মধ্যে দুই একবার ডানা ঝাড়িয়া নৃত্য করিল, তাহার পর খাঁচার যেদিকে জুরী মহাশয় দাড়াইয়াছিল, সেইদিকে সরিয়া গিয়া, খাঁচার ভিতর হইতে তাহার স্তীর্ণ চঞ্চু বাহির করিয়া মগারিজ্জ্জের কর্ণ আক্রমণ করিল; তাহার পর তাহার কর্ণ ধরিয়া টানিতে লাগিল।

মগারিজ্জ্ এইভাবে আক্রান্ত হইয়া যন্ত্রণায় আর্তনাদ করিয়া উঠিল, তাহার পর সবেগে সেস্থান হইতে পলায়ন করিল; তাহার কর্ণের কিয়দংশ চিঁড়িয়া গেল, এবং রক্তশ্রোতে তাহার পোষাক ভিজিয়া গেল।

মগারিজ্জ্ আর্তনাদ করিয়া বলিল, “পাখীটা ভয়ানক গুঁই! আমার কর্ণের আধখানা কাটিয়া লইয়াছে। হার হার! আমার কাটা কাণ কিরূপে জোড়া লাগিবে? আমি পাখীটাকে হাতে পাইলে উহার মৃত্যুপাত করি।”

মিঃ ব্লেক মগারিজ্জ্জের দুর্দশায় বিন্দুমাত্র সহানুভূতি প্রকাশ না করিয়া তাহাকে বলিলেন, “আর একবার খাঁচার কাছে অন্য কাণটি লইয়া গিয়া চেষ্টা করিয়া দেখুন; এবার বোধ হয় আপনার আশা পূর্ণ হইবে।”

মগারিজ্জ্ গর্জন করিয়া বলিল, “আবার উহার খাঁচার কাছে কাণ লইয়া যাইব? একটি কাণ গিয়াছে, অন্য কাণটি ক্ষতবিক্ষত করিবার আগ্রহ নাই; আমি খাঁচার নিকট আর যাইতেছি না।”

জুরীর কথা শুনিয়া সকলে হো হো করিয়া হাসিয়া উঠিল, গভীরপ্রকৃতি করোনারও হাস্য সংবরণ করিতে পারিলেন না; তাহা দেখিয়া মগারিজ্জ্ রাগ করিয়া বলিল, “আপনারা ত মজা দেখিতেছেন! আমি কাণের যন্ত্রণায় অস্থির হইয়াছি।”

ব ..... গলেন; “তুমি চুখ করিও না, এখন হইতে তুমি ছোট কথা শুদ্ধিত পাইবে।”

জুরির কণ বিমর্দন কাহিনী শেষ হইলে মিঃ ব্লেক করোনার ও জুরিগণকে সম্বোধন করিয়া বলিলেন, “ডাক্তার বোকাল’ সিন্দুক খুলিবার চেষ্টা করিতে করিতে পাখীটার কথা শুনিয়াই বুঝিতে পারিল সে, যে সংখ্যাগুলি আবৃত্তি করিয়াছে তাহার সাহায্যে হয় ত সিন্দুক খুলিতে পারা যাইবে।—যে সকল চাকার উপর উক্ত সংখ্যাগুলি মুদ্রিত ছিল, সেই চাকাগুলি ঘুরাইয়া সংখ্যাগুলি সমস্তে রাখিয়া সিন্দুকের চাতল আকর্ষণ করিবামাত্র সিন্দুক খুলিয়া গেল, সিন্দুকের ভিতর প্রায় দেড়শত টাকার নোট ছিল, বোকাল’ সেই নোটগুলি বাহির করিয়া পকেটে ফেলিল, তাহার পরই লর্ড ওয়ারিংএর ঔষধের প্রেসক্রিপ্‌সন্থানি তাহার দৃষ্টিপথে পতিত হইল। প্রেসক্রিপ্‌সেনের উর্দ্ধভাগে লর্ড ওয়ারিংএর নাম দেখিয়া সে কোতূহলাক্রান্ত হইয়া তাহা পাঠ করিল। সে দেখিল, প্রেসক্রিপ্‌সেনে অন্ত্যন্ত ঔষধের মধ্যে ছয় ফোঁটা মর্ফাইনের উল্লেখ আছে ইহা দেখিয়াই তাহার মনে নিদারুণ প্রতিহিংসাবৃত্তি প্রবল হইয়া উঠিল। সে ডাক্তার মানুষ কি পরিমাণ মর্ফিয়া এয়োগে লর্ড ওয়ারিংএর মৃত্যু হইতে পারে, তাহা তাহার অজ্ঞাত ছিল না; সে মনে করিল যদি ৬ ফোঁটার পশ্চাতে একটি শুল্ক বসাইয়া দেওয়া যায় তাহা হইলে এক ডিলে দুই পাখী মরিবে তাহার মহাশত্রু লর্ড ওয়ারিং সেই ঔষধ পানে প্রাণত্যাগ করিবে এবং তাঁহার মৃত্যুর পর এই প্রেসক্রিপ্‌সেন লইয়া নিশ্চয়ই আন্দোলন উপস্থিত হইবে, সকলেই বুঝিতে পারিবে, ডাক্তার ইসোবেল মার্সার লর্ড ওয়ারিংএর উইলের নির্দিষ্ট টাকাগুলি শীঘ্র পাইবার জন্য ইচ্ছাপূর্বক তাঁহাকে হত্যা করিয়াছে, সুতরাং তাহার প্রবল প্রতিদ্বন্দ্বী ডাক্তার মার্সারকেও নরহত্যা অভিযোগে প্রাণদণ্ডে দণ্ডিত হইতে হইবে। একথা সত্য যে লর্ড ওয়ারিং মিস্ মার্সারকে তাঁহার নুতন উইলে পঁচাত্তর হাজার টাকা দান করিয়াছিলেন। ডাক্তার বোকাল’ ইহা পূর্বে জানিত না; কিন্তু ঘটনার দিন যখন মিস্ মার্সার তাঁহার গৃহঘারে দণ্ডারমান হইয়া সার চার্লস রিচার্ডের সহিত এই দানের কথা লইয়া







